



16.094.

Uf. 9654.



sidr0010689

Biblioteka Jagiellońska

uf 9654

HISTORIA
BELLI
COSACCO-POLONICI

AVTHORE
SAMVELE GRONDSKI DE GRONDI

CONSCRIPTA ANNO MDCLXXVI.

EX MANUSCRIPTIS MONIMENTIS
HISTORIÆ HVNGARICÆ

IN LUCEM PROTVLIT

CAROLVS KOPPI, IN REGIA SCIENTIARVM VNIVERSITATE

HISTOR. VNIVERS. PROF. PESTINI,

MDCCCLXXXIX.



Joseph Batiz
esepanij
1794. 24.
Aug.

LITTERIS FRANCISCI AVGVSTINI PATIKO.

EXCELLENTISSIMO AC ILLUSTRISSIMO
S. R. I. COMITI SAMUELI TELEKI
HUNGARIÆ, ET TRANSILVANIÆ PROCANCELLARIO,
CAROLUS KOPPI SAL. ET FELICITATEM.

Cum ego eorum quatuor annorum memoriam re-
peto, quibus in Transsilvania, regione a na-
tura ad omnia mortalium commoda facta, a fati-
s autem in celeberrimum quarumvis Historiarum thea-
trum destinata domicilium fixissem, non ego hæc
arbitria Superiorum interpretatus fui, sed lucu-
lento quodpiam præmium studiis dehinc meis pro-
merendum. Versabar in Claudiopolitano veteri
Musarum domicilio institutor Historiæ Universalis,
non voluptate solum maxima, qua maiorem in Pa-
tria mea vix senseram, sed & fructu in meipsum
redundante uberrimo. Quæ enim ipsius regionis no-
bilitatem incolarum est indoles exteris, remotos
etiam, comitate, veraque humanitate devinciendi,
nemo est, si Transsilvaniam intelligit, etsi obfirma-
to animo Cosmopolita esse præferat, qui non ejus
regioni civis esse præoptet. Multi præclari Viri
ante oculos mihi adhuc versantur; Tuam autem
imaginem inprimis mihi videor videre; illam in Cu-
ria gravitatem, in congressu affabilitatem, tem-
poris quod reip. supererat, ne quid defueris litte-
ris, æconomiam, supellectilis Tuæ librariæ longe
selectissimæ communem pæne usum, tum illos certæ
virtutis indices, ad plausus publicos, seu Fortunæ
illecebras æquanimis, aut non fallentia studia,
quibus Principem, civesque simul demereri consue-
visti,

Ex
Biblioth. Regia
Berolinensi.

1094903

visti, similiaque mihi & adhuc obversantur, & communi cum aliis, qui quo loco collocatus sis, intelligunt, sermone oblectant. Est aliud etiam, quod de Transilvanis cum dignitate commemoratur: tanta eos in vetustatis Patriæ analecta, manuque exarata monumenta, aut notandas quasvis historias, factaque diligentia ferri, quantam alibi vix reperias. Multi ibi simul tempora sua signare, posteritatisque transmittere studuerunt; id præstiterunt Principes, Proceres, aut Patresfamilias. Ipse Grondzki, exterus licet, cum in Transilvania exul ageret, in contubernio Wolffgangi, & Joannis Bethleniorum, tum Joannis Kemény, Ducis ejus exercitus, apud quem ipse Legatus versabatur, postea Principis, eam scribere historiam induxit animus, cujus pars non parva fuit. Hunc ego ex aliis manuscriptis in lucem produco, Tuoque, Vir Illustris, talium cimeliarchæ, nomini inscribo. Non dubito boni, id muneris, a Te consultum iri: quod hunc tam illud commendet, quia vices quaspias notabiliores Transilvaniæ descripserit, quam, quod hoc Bellum Cosacco-Polonicum ceteris Polonis, Russisque Scriptoribus plenius, luculentiusque consignarit. Illud Te, Vir Illustris, unum impensius deprecor, ut hoc obstricti animi mei quale quale testimonium esse existimes. Vale. Scribebam Kal. Jun. MDCCCLXXXIX. Pestini.

Præfatio Editoris.

Cum non ultima funestarum Polonici regni epocharum fuerit illa, qua Joannes Casimirus a morte Fratris sui Vladislai IV. rex pluribus uno tempore hostibus circumfusus e Polonia in Silesiam confugerat, ipsumque regnum, brevilicet tempore, nihilominus inter Carolum X. Suecum, & Georgium II. Rákóczium Transilvaniæ Principem divisum jam esset, de hac plenior, & omnes vices complexa, digna lectione Historia est. Bellum hoc Cosacco-Polonicum a parvæ Russiæ populis Cosaccis originem cœpit; quos cum alii complures Scriptores, tum vel imprimis L. B. Scherer spissis satis duobus voluminibus Parisiis 1788. gallico idiomate editis lucubrare admissus fuit, parum curiosus ordinis, factorumque delectus, sæpeque res magnas paucis, parvas ad fastidium usque persecutus, dignum operæ judicium, & sententiam tulit ab eruditis Göttinganis. (a) Laudabiliorem paulo operam præstitit Cl. Carolus Hammerdorferus Jenensis Professor eo compendio, quod de Ukrainis, & Saporogibus Cosaccis ex ipsis Schereri annalibus concinnavit; (b) sed tamen excerpta solum in ordinem reducta complectitur; majores autem Polonorum cum Cosaccis revolutiones, ut modum cœpti operis, retineret, non-

(a) Göttingische Anzeigen von gelehrten Sachen. = 169. Stück den 23. Octob. 1788.

(b) Geschichte der Ukrainischen, und Saporogischen Kosacken, nebst einigen Nachrichten von der Verfassung und den Sitten derselben = von Carl Hammerdorfer öffentl. Lehrer auf der Universität zu Jena. = Leipzig 1789. in 8.

Præfatio Editoris.

nonnisi ad summam attigit. Antiquior utroque est Joannes Dionysius Lobzynski ord. S. Pauli primi Eremitæ, qui *Epitomen de rebus ab anno 1648. usque 1649. contra Zaporovianos Kozakos in Polonia, & Lithvania gestis* fecit, & Comiti Ladislao Cháki Judici curiæ Regiæ in Hungaria inscripsit, anno 1653. Viennæ Austriæ in forma quarti typis editam; imo & proxime sequentium factorum analecta quæpiam addidit: sed vel ipsi hi anni docent ad Suecico Rákótzianas turbas eum non pertigisse, ut quas ne alii quidem Scriptores Polonici Historiæ suæ bene nexas habeant. Hinc pretium arcessitur Grondszkio harum turbarum non spectatori solum, sed & actori. Nobilis hic Polonus, unus ex iis, quos perniciofa, ipsi Poloniæ, consuetudo, Dissidentes vocat, reformatæ religionis, peracto studiorum cursu in aula versabatur; mox militiæ muniis annis aliquot gestis, hæredium amplum fatis, patre fatis erepto adiit, & uxorem duxit. Versabatur inter suos ea prudentia, illa indolis, ingenique præstantia, ut ejus consilia publice expeterentur. Anno 1655. Stanislai Luborvitzki ad Cosaccos regis nomine dimissi socium egit Legationis. Mox ipse pro Rege Sveciæ Carolo Legationem suscepit ad Chmielnicium Cosaccorum Hetmanum (ita illi summum Magistratum vocare solent) omnium qui adhuc id muneris gesserant, celeberrimum. Inde, ne quibus suorum molestiis objiceretur, flexit iter per Transsilvaniam, & apud Rákótzium, gratus hospes, adhæsit. Multum pon-

de.

Præfatio Editoris.

deris ad Fœdus cum Sueco ineundum adjecit, etli, quod Rákótzi Polonos hostiliter invaserit, nunquam probaverit. Expeditioni Rakótzianæ, quam tertio Libro complexus est, interfuit. Tandem, cum Danorum Rex Fridericus III. eo loco positus, ex quo progressus Suecorum, cum aliis obsequitur, impedire potest, ad Polonos accedens, Suecum ad propria tuenda revocavit. Jam & Russorum Autocrator Alexius spe successionis in Polonia illectus minabatur. Imperator quoque Romanus auxilia Casimiro miserat; sed inprimis Tataris ingentibus copiis sese Poloniæ infundentes partes Casimiriuebantur. Tum vero assurgere Poloni, Suecicos, Rákótzianosque assecras ferro, & flammis persequi, atque bonis publicatis complurimos, in his Grondszkium, & Vengerszkium Viros sui temporis cultissimos solum vertere coegerunt. Venere hi in Transsilvaniam, diesque vitæ reliquos in maximorum Virorum qua contubernio, qua amicitia transegerunt. Gratulabantur horum consortione complures, & ipsi docti Transsilvani. Atque hinc crevit quorundam, sed infundata, opinatio, quasi Grondszki fuerit, qui Historiam Volffgangi Bethlen, aut adjuverit, aut in ordinem redegerit, vel stylo exornaverit; demus aliqua horum præstitisse Grondszkium; non ideo Bethlen merita carebit laude. Sed vero stylus Bethlenii a Grondszkiano toto cælo diversus est, ut legentibus utrumque patet. Quin imo certum habeo Grondszkium ingenio, & diligentia Bethlenii

Præfatio Editoris.

lenii delectatum, quo majorem historię hungaricę sibi notitiam compararet, eclogas ex eo, seu excerpta fecisse. Exstat certe manuscriptum Viennę in Folio nunc per Bibliopegum Veiss venui expositum ex Bibliotheca Consilarii Aulici Hitner, cujus hic est titulus: *Elenchus præcipuorum inter Hungariam, & Transilvaniam, ac occasione illarum in vicinis regnis gestorum ex Historia spectabilis, ac magnifici Dni. Dni. Volffgani de Bethlen excerptus opera, & labore Samuelis de Grendi Grendzey.* Erronee descriptum auctoris nomen apographum esse ostendit. Duplex in eo elenchus est: prior brevior Principum Transilvanię; alter gestorum vastus sane, & amplus, qui a Mohátienfi Clade incipit, & in abrupta narratione turbarum Rákótziano-Polonicarum desinit, credo, quia singulare de hoc opus, quod nos edimus, aut jam conscripserat, aut certe scripturus erat. Plura de Grondszo in ipso hoc libro reperias. Editioni nostrę, cum plana sit Historia, sufficere paucę, præter marginales, notulę; indicem popularium meorum gratia, qui Patrię præcipue vetusta monumenta unde unde studiose conquirunt, addidi. Atque hæc præstitisse suffecerit.

CELISSIMO ATQVE ILLUSTRISSIMO

P R I N C I P I,

AC DOMINO DOMINO

MICHAELI APAFI,

DEI GRATIA TRANSILVANIÆ PRINCIPI, PAR-
TIVM REGNI HVNGARIÆ DOMINO, ET SICV.
LORVM COMITI, &c.

DOMINO SVO CLEMENTISSIMO.



*Celsissime, atque Illustrissime Princeps,
ac Domine, Domine Clementissime!*

Dabit veniam T. C. pro insita animi Magni-
tudine, & quæ hujus soboles est, Cle-
mentia, quod vilis iste ingenii mei foetus in terra
T. C. natus, ad T. C. terræ hujus Dominum
properet, & nuspiam, nisi in gremio T. C. re-
quiescere gestiat. Nec ideo metuit ille ambitionis
aut temeritatis damnari. Nam quanquam Vos,
o Magni Principes, fortunæ Vestræ fastigium, in
quo estis positi, procul a nostra mediocritate sub-
moverit, Vobis tamen pulchrum, & gloriosum est,
quando ex alto illo acumine rerum, per summam
animi moderationem, quodam modo descenditis,
& Vos etiam ad tenuium hominum vota demitti-

DEDICATIO.

tis, Clementiæque Vestræ fores quibusvis, eas debita cum summissione pulsanibus, reſeratis. Qua in re Divinitatis æmula est virtus Vestræ. Quid enim Deo sublimius? quid augustum magis, & a vilitate mortalium remotum? & tamen nemo tam abjectus est in terris, & in profundo infimæ sortis cœno se se volutans, cui non ad Majestatem ejus pateat aditus, quemque ille, si puro adestur corde, non in suæ gratiæ ulnas dignetur recipere. Hæc est summa in Deo summo (ut sic loquar) humanitas: quæ virtus uti facit Deum ad homines proxime accedere, ita vicissim homines, qui hominibus imperant, plus quam homines, ac Deo simillimos efficit. Aliæ virtutes, ac divinitus in Vos congesta munera, sacrum quendam horrorem ac venerationem erga Vos animis hominum infundunt; & amorem. Ille absterret & arcet magis, hæc allicit, & adamantino quodam vinculo cunctos Vobis devincit. Hanc ego divinam virtutem jam pridem in Te, Celsissime Domine, cum admiratione adoro; cujus specimen tam luculentum extare voluit T. C. præ aliis in me, quem ad exemplum Titi Vespasiani laudatissimi

Cæ.

DEDICATIO.

Cæsaris, nunquam a conspectu suo tristem discere passa est, ut, si se in laudes T. C. laxatis habenis effunderet Oratio mea, nullam incurreret ignobilis adulationis suspicionem, sed infra merita T. C. substituisse, merito diceretur. Quocirca, infantici meæ conscius, mare istud laudum T. C. non ingrediar: hoc duntaxat cum Romano scriptore profiteor, & dum vita suppetit profitebor: me cum nec dicendo gratus esse queam, in maximis T. C. beneficiis, hæc unica affici injuria, quod mihi & vivendum & moriendum sit ingrato. Nunc quoque partum hunc ad pedes T. C. deponendo, non tam gratiam pro acceptis beneficiis exhibeo, quam novum posco beneficium, ut eum læto hilarique vultu excipere Tua dignetur Clementia. Equidem non ita mihi suffenus sum, neque ita fatum hunc simiæ instar depereo, ut eum oculis T. C. dignum existimem; cum non modo careat exquisitis verborum calamistris, & eruditi ac sublimis styli lenocinio, sed ne Latini quidem sermonis puritate se ubique commendet. Mihi enim non in umbris Scholarum, sed in Castræsi pulvere educato, neutiquam elegantias pu-

DEDICATIO.

ra Latinitatis confectari vacavit. Non prorsus tamen injucundam fore spero lectionem hujus Historiæ, quæ variam & in multis novam rerum gestarum faciem oculis T. C. subjiciet, Videbit enim hic T. C. proferri tum belli Cosacci veras causas occasionesque, tum gentis Cosaccorum plerisque exterorum ignoratam originem. Videbit, qui factum, ut se bello huic Moscorum primo, mox & Suecorum arma immiscuerint; ac tandem quo pacto in eandem belli aleam Princeps Rakocius pertractus sit. Quæ cuncta non nescio jam dudum indicio famæ per Orbem terrarum ubique sparsa; etiam vulgo nota compertaque esse; sed nulli auctori minus tuto, quam famæ creditur, quæ plerumque est

Plus ficti, pravique tendæ, quam nuntia veri

& non solum veris amat admiscere falsa, sed etiam summa tantum solet rerum stringere fastigia, ad interiorum veri nucleum non pertingere. At cum mihi rerum istarum, quarum pars aliqua fui, exactior præ cæteris contigerit notitia, certiora, ac pleniora ex me avidus sciendi Lector, quam

DEDICATIO.

quam ex disseminatis rumoribus discet. Si proina de harum rerum liquida ac verissima narratio voluptate aliqua T. C. perfuderit, liceat ei, obsecro, sub umbra alarum T. C. adversus omnes theonini dentis morsus secure delitescere. Audivisse me aliquando memini, quod avicula quædam, ut accipitris se insequentis ungues evitaret, subito in Principis cujusdam manus, sinumque illapsa, atque ab eo servata fuerit. Perinde & hæc opella mea a maligna obtrectatorum rabie sibi metuens se in sinum T. C. conjicit, nusquam securior, quam sub T. C. patrocinio futura. Sic T. C. quoque tegat clypeo Divinæ Providentiæ suæ Ter Maximus & Ter Optimus mundi Moderator, & pacatum T. C. regimen, hucusque per tria amplius lustra prospero cursu continuatum, in eodem felicitatis flore per annos innumeros conservet, ut quas aliis Regibus ac Principibus concussus per bella Orbis, multusque hominum sanguis promiscue fusus imponit laureas, iisdem alma quies & servata inter vicinos armorum strepitus Reipublicæ tranquillitas, caput T. C. devinciat; utque aliquando coelestis & marcescere

DEDICATIO.

*nescia immortalis gloriæ corona circum tempora
T. C. serpat in æternum. Hac ex intimo pectore
profundit vota*

T. C.

*maximus e minimis cultor,
& obsequentissimus servus*

Samuel de Grondi Grondzki.

LE-



Lectori benevolo Salutem!

Quisquis es, Lector, si tibi volupe est, rerum aliquot retro annis in vicina Polonia bello gestarum, veram genuinamque haurire notitiam, hocce Opusculum lege. Sed æquitatem Tuam requiro. Et, si adeo præpostere curiosus es, ut neglectis rebus, styli puritatem aut elegantiam veneris; vel adeo morosus, ut omnia ad Prisciani regulas exigas, & religioni tibi sit quicquam in Oratione, quod a puritate Ciceroniana abludat, recipere; res tuas tibi habe, & meum scriptum potius ne attingito, quam vel me subito mordicus arripas, vel rigida censura illud deprecies. Quicumque autem solius genuinæ rerum istarum notitiæ avidus es, meus es Lector; Tuæ lectioni scriptum hoc permitto, Tibi ejus rationem reddo: Compertum habeo, plurimos reperiri in vicinis Regno Poloniæ nationibus excellentes atque prudentes Viros, qui mirari non desinunt, qui fieri potuerit, ut populus Cosaccorum in remotioribus orbis partibus, aut ignotus, aut contemptus, & pro plebis amurca habitus, contra inclytum, vastum, armis potens, bellis & victoriis clarum Regnum Poloniæ non solum arma sumere ausus fuerit, sed, quod majus est, jugum Dominorum suorum excusserit, & partem libertatem, jam prope triginta annis tutatus fuerit? Itaque non dubitavi ista, utpote mihi optime cognita, quibusque ipse interfui, litteris mandare. Attexui insuper brevem aliorum bellorum relationem, quibus Poloniam Cosaccica involvit rebellio. Habes itaque hic, Lector, in prima Operis parte expositam originem & antiquum Cosaccorum statum, causas belli suscepti, armorum socios, denique belli progressus atque incrementa. Secunda Parte traditur, quomodo Cosacci de-



situti a Tataris, Moschos atque Svecos in suas traxerint partes. Tercia denique Parte exponitur, quomodo Cosacci (diffusi Societati tum Moschorum, qui a Polonis in suas trahebantur partes, & jam nutare atque in auxiliis sibi ferendis tergiversari coeperant, tum Suecorum, a quibus cum amplius in suppetias non vocarentur, se spretum & desertum iri conjiciebant) Principem Transilvaniæ Georgium Rakocium sibi associaverint. Styli navos agnosco, & hac ratione tibi excuso: Primum scito, me postquam in Adulescentia, Litterarum studia simul cum nucibus reliqui, nunquam ea resalutasse. Nam me primum juris Patrii studium excepit, mox Aula, dehinc Militia, post Conjugium, & rei familiaris cura, denique motus & bella ista in Patria, & in iis llias curarum & aduersorum, & exinde in peregrino solo difficillima vitæ ratio, litteris & libris prohibuerunt; adeo, ut nec animam nec vires, nec tempus quidquam emaculatus moliri siverint. Deinde, persuasum habeas, maluisse me tum multorum desideriis, cum usui, in prodenda & publici juris facienda hac narratione velificari; quam fugiendo acriores censuras vel in perpetuum, vel diutius ista premere. Ad hæc, addiderunt mihi animum, nonnullorum, qui Eruditi videri voluerunt, tum Historica, tum alterius commatis scripta, non minus a puritate & elegantia Latini Sermionis aliena, quæ satis æquis acceptantur & leguntur animis. Postremo: de vocibus barbaris, aut peregrinis, uti sunt: *Partia*, *Passus*, *Salva guardia*, *Commenda*, *Quartirium* &c. scito, me eas data opera usurpasse, & dedisse usui & intellectui eorum, qui nostro sæculo bellica & militaria, qua opere, qua sermone, tractant negotia, & huic assueti sunt nomenclaturæ. His perpensis Lector benevole, studium de te bene merendi meum æqui bonique consules Vale,



HISTORIÆ
BELLI COSACCO-POLONICI
PARS PRIMA.

Historiam Belli *Cosacco-Polonici* scripturus, operæ pretium facturum me reor, si leviter saltem originem Cosaccorum, peregrinis præcipue minus cognitam, declaravero. Sciendum itaque est, illos esse reliquias Russorum, ab antiquis Græcis (quorum Religionem nunc quoque mordicus retinent) oriundorum, qui antiquitus inhabitando tractum illum incipiendo a Fluvio *Dun* (qui Latinis est *Tanais*) promanante ex Moschovia, quasi ab oriente, exonerante autem sese in Nigrum mare, penes Civitatem Turcicam dictam *Ozory* procedendo in longitudinem, versus minorem Poloniam. In latitudinem vero ab eadem Mos-

scovia inferius, usque ad Provinciam Tataricam dictam *Perekop* (quasi dicatur fossa transversim facta, nomen autem sortita est hoc, ideo, quia incipiendo ab Alveo fluvii Borysthenis, deducitur recto tramite, magna fossa usque ad Tanaim &c. trans fossam autem agger altissimus, & murus toto tractu fortissimus, unam habens portam loco intermedio: hinc dicuntur Tatari *Perekopienses*) superius autem incipiendo a Lithvania usque ad Fluvium *Dniestrum*, qui Latinis est *Tyras*, qui originem ducens supra Civitatem Sambor, exonerat se se similiter in Nigrum mare, sed ex altera parte, videlicet infra Albam Græcam, alias Nester *Fejervár* vel *Bialogrod*, & dislimitat Valachiam & Podoliam, efficiebant magnum Ducatum Russiæ; ita ut non immerito inter Titulos Regum, tertium obtineat locum, constans sex Palatinatibus, videlicet Podoliensi, Bratslaviensi, Kijoviensi, Czernichoviensi, Wolhiniensi, & denique Russiæ, ejus Metropolis est *Leopolis*. Attingebat autem Russica sive Græca Religio usque Lublinum; ejus rei documentum est, quod non solum in recensitis Palatinatibus ad præsens etiam sint Tempia, & Episcopi ritus Græci; sed insuper & Lublini habuerunt jam hoc nostro ævo Templum eo loco, ubi est Forum dictum *Slomiany Rynek*; verum aliquot supra XXX. annis ademptum est a Russis, & applicatum ad usus Ecclesiæ Romano-Catholi-

cæ,

cæ, nihil proficientibus solennibus hominum Græcæ Religionis protestationibus, inter quos eo tempore eminens Nobilis quidam *Basilius Litynski* dum & ipse constitutus fuisset inter Assessores Tabulæ Judiciorum Generalium Regni Tribunalitiorum, Lublini tunc celebratorum (vulgo Deputati vocantur) cum nulla ratione conatibus Catholicorum resistere potuisset, tandem in publico confesso dictorum Judiciorum, in hæc verba peroravit: „Equidem video tan-
 „ toperè invaluisse conatus Dominorum Ca-
 „ tholicorum in occupando hocce Templo;
 „ quod unicum in hac Civitate Antecessores
 „ nostri Religionis Græcæ erexerunt, atque in
 „ pacifica ejusdem possessione per longissima
 „ temporum intervalla extiterunt, adeo ut me
 „ jam sexagesimum annum agente nulla de ipso
 „ controversia instituta fuerit; ut, siquidem sin-
 „ gulis annis ex universa Russiâ, omnibus, quo-
 „ rum actiones ex variis Palatinatibus per
 „ viam appellationis in hocce ultimæ instantiæ
 „ subsellio decidendæ sint, comparere hic ne-
 „ cesse sit, habeant & illi modum sacra Deo
 „ debita secundum conscientiam suam celebran-
 „ di. Video inquam conatus adversæ partis
 „ in tantum invaluisse, ut nulla habita ratione
 „ Privilegiorum antiquorum, prout per præ-
 „ decessores serenissimos Reges, ita & per mo-
 „ dernum feliciter regnantem (regnavit autem
 „ *Vladislaus IV.*) juramento solenni confirmæ-

13-

„torum, Templum hoc vi summa nobis eri-
 „piatur; cui malo cum mederi aliter nequeam,
 „solennem instituo protestationem, Religioni
 „Græcæ magnam vim & injuriam esse illatam,
 „quam mihi quidem nec animus, nec modus
 „est ulciscendi. Præfagit tamen animus mul-
 „tos ex hoc confessu supervicturos ad ea tem-
 „pora, quibus Deus, qui est omnis injustitiæ
 „& perjurii vindex acerrimus, excitabit gen-
 „tem, pro hoc uno centena Tempia occupa-
 „turam.“ Pro qua protestatione confestim est
 de Ordine suo exturbatus, & nisi ipsi subvenis-
 sent cæteri Dissidentes a Religione Catholica,
 & aliqui sanguine juncti; capite detruncatus
 fuisset. Sed hoc intra parenthesis dictum esto.
 Jam redeo ad Propositum. In Ducatu illo Rus-
 siæ antiquitus extiterunt magni Principes, a
 quorum nominibus prout aliæ Civitates, quæ
 nunc quoque a Russis inhabitantur, ita hæ
 quoque, quæ nunc possidentur defacto a Ro-
 mano-Catholicis, sortitæ erant nomina sua,
 eo quod ab illis extructæ fuissent; utpote, a
 Duce Leone, *Leopolis*; a Præmislo *Præmissia*; a
 Jaroslo *Jarosslavia*; a Wlodimiro *Wlodimiria*, & in
 quibus etiam nunc Tempia Ruthenorum exstant.
 Qui quidem Ducatus Russiæ sensim in potesta-
 tem Polonorum devenit, partim devictis qui-
 busdam Principibus Provinciarum illarum hæ-
 redibus, partim per connubia Regno incorpo-
 ratis, partim denique per defectionem Princi-
 pum

pum a Religione Græca, plebe tamen eandem
 mordicus hucusque retinente. Qui autem ex
 hac Russorum gente, ad arma tractanda magis
 idonei reperiabantur, neque Dominorum Ter-
 restrium jugum jobbagyonale subire voluerunt,
 illi ad remotiora loca, tunc temporis adhuc in-
 habitata, se se recipiebant, & libertatem Ju-
 ris sui asserendo, novas subinde ducebant colo-
 nias, atque ad discrimen cæterorum Russorum
 Dominis terrestribus subjectorum, nuncupati
 sunt *Cossacci*. Pol. *Cozacy*, quod Latine deno-
 tat milites levioris armaturæ. Et re vera re-
 periebantur inter illos strenuissimi milites, ad
 bella subeunda aptissimi: inedia, vigiliarum,
 injuriæ cœli seu tempestatum perferendarum
 patientissimi, simul & laboriosissimi in confi-
 ciendis fossis, vallis, & agendis cuiculis peri-
 tissimi, peditatu tamen magis quam equitatu
 pollentes, inprimis autem in defensione Forta-
 litorum, nec minus in oppugnatione penes
 aggeres militares & carraginen, (in quibus con-
 ficiendis sunt celerrimi & exercitatissimi) lau-
 dabiles, sclopetis optimis instructi, præterea
 conficiendi pulveris pyrii ferme singuli gnari.
 Illi a parte Tatarorum & Turcarum fuerunt
 antemurale Russorum, ac per consequens po-
 tius Poloniæ, (prout hoc ex Historiis constat)
 sed sæpe levissima de causa maximas excitabant
 turbas, & plurima damna incolis vicinorum lo-
 corum, præsertim Nobilibus, inferebant; ni-
 hil,

hilominus tamen armis Polonorum semper reprimebantur. Quoties autem superabantur, toties cum suis territoriis subjugabantur, expeditionibus nihilominus ad remotiora ac tutiora loca se se subtrahentibus & novas colonias rursus ducentibus. Delere namque illos totaliter, nunquam est visum consultum Reipublicæ, sed potius conservare easdem ad excipiendum primum impetum Tatarorum placuit.

*Cosacci
Dunenses.*

Prædictorum autem *Cosaccorum* antiquissimi, simul & celeberrimi, belloque exercitissimi, ac plane jurati & nunquam reconciliabiles Ethnicorum hostes in remotissimis partibus degentes, vocantur *Dunenses*. Sic dicti a fluvio, qui Ruthenice dicitur *Dun*, Latine autem *Tanais*. Hi nullum habent Fortalitium, sed incertis sedibus morantur, in campis patentissimis. Bona autem & familiam conservant in quibusdam insulis parvis, quæ reperiuntur, tum inter Tanaim, tum & inter alias paludes, quæ multæ dantur inter Tanaim & Borysthenem, quarum famosissima est *Maotis*. Jumenta alunt plurima varii generis, & exinde, prout etiam ex piscatione (piscēs sale conditos & arefactos magnis plaustris in Poloniam transmittendo) nec minus ex mellificio ac venatione præcipue vulpecularum, quarum maxima copia, & quidem pulcherrimarum ibi reperitur, & denique per irruptionem navibus ad id maxime idoneis, in partes Turcarum, plurimas opes sibi com-

comparant. Hi etenim tam navali quam Terrestri prælio plurimum valent, & sæpe numero demeando navibus usque ad *Tauricam Chersonesum*, id est, ubi terminatur *Pontus Euxinus*, & denique continenti progrediendo in remotiores Turcarum partes, plurima illis damna inferunt; prout anno circiter 1640. creperant nobilissimam Turcarum civitatem dictam *Ozoru*, illamque diu validissimo præsidio tenuerunt, nec poterant illos Turcæ exturbare, nisi usi fuissent oppugnatione longioris temporis; quam tandem Cosacci ad instantiam summi ritus Græci Pontificis, quem illi Patriarcham Hierosolymitarum apellant, acceptis magnis muneribus, quasi ab illo ipso Patriarcha sibi oblatis, qui sub Turcis sedem habens, & securitati Græcorum prospiciens, dandum hoc publico censuit, restituerant. Sed quia interjectis postea aliquot annis idem Patriarcha, nescitur qua de causa a Turcis fuit interfectus, inimicitia Cosaccorum contra Turcas tanto infestior recrudit, ideoque associarunt sibi Tataros *Calmucienses*, *Astracanienses*, & *Casanenses*, quibus cum conjuncti semper de Tataris Crimenibus & Turcis Silistrienibus victoriam & spolia ampla reportant. Alii autem Cosacci, qui jam relictis paludibus inter Tanaim *Zaporovia* & Borysthenem sitis, propius respectu Russiæ, *vienjes*, trans Borysthenem tamen in partibus ejusdem inferioribus, manent, vocantur *Zaporovienses*,

ideo sic dicti, quod habitent circa insulam nuncupatam *Zaporoze*, quod si interpreteris, designat locum trans limina situm: quia non multo superius ultra dictam insulam, aliquot in locis ab una ripa Borysthenis usque ad alteram, transversim sunt petrae grandes, quasi de indutria aliquis ad retinendam aquam immitteret trabes ingentes, quae omnino representant limina; quod tum Polonice, tum Russice significat *Progi*, seu *Porohy*. In eadem insula est etiam civitas Cossacorum fortissima, ejusdem nominis, scilicet *Zaporoze*. Illius itaque loci inhabitatores vocantur *Zaporoscii*, quasi translimina degentes, qui in arte militari per omnia sunt pares *Dunensibus*.

Superatis istis liminibus, iterum magno intervallo, (Borysthenes enim a Tanai inferius, eo videlicet loco, ubi hic quidem per paludem Moeotidem exonerat se in Mare Nigrum, sive Pontum Euxinum, illius autem alveus abluit *Perekop*, distant ab invicem itinere equestri duodecim dierum; sed quanto superius ascenditur, tanto magis sunt diffiti) sunt campi deserti, tandem variae Civitates & pagi populosissimi, versus *Canjoro* & *Kyoviam* usque ad *Czernichoviam*. Qui itaque circa haec loca, juxta eandem fluvii ripam degunt, vocantur *Zadnieprscy*; eo quod respectu *Ukrajnae* habitent, trans Borysthenem, prioribus non inferioriores.

Cossaci
Zadnie-
prscii.

Post

Postmodum, qui inhabitant tractum illum cis Borysthenem, versus Palatinatum *Bratslaviensem* & *Podoliensem*, incipiendo inferius a Civitate *Rasskoro*, sita ad ripam fluvii Dniestri, Latine autem *Tyræ*, intra alium fluvium, dictum Russice *Boh*, Latine autem *Hibpanis*, & rursus circa *Ladyryn*, *Hubnic*, *Nimiroro*, *Winnica*, *Chroastoro*, *Pawotz*, *Masjorostaro*, *Machoroka*, *Trilely*, *Humany*, *Kalnik*, *Manasterzyszcze*, *Czehryn*, *Sanibotoro*, *Wassilkoro* &c. usque ad Albam Russiam, (cujus pars attingit Borysthenem, pars autem extendit se se ferme ad Moscoviam) & ad *Polesse*, quod ab Alba Russia procedendo, attingit *Wolhyniam*, & altera parte usque ipsam Lithvaniam vocantur *Ukrainscii*: sic dicti ideo, quod de *Ukrain*gant in iis Provinciis, quae sunt sitae, quasi *scii*, ad marginem Regni Poloniae, respectu aliorum regnorum, utpote Valachiae, quam disliminat *Tyras*, & camporum desertorum versus ditiones Tataricas. Margo enim Polonice *Kray*: inde *Ukrajna*, quasi Provincia ad fines Regni posita, antiquitus quidem inhabitata, sed postmodum multis Civitatibus ac pagis aucta. Inter hos Cossacos; jam plures, quam trans Borysthenem reperiuntur equites, qui, Tataris Ditiones suas invadentibus mascule resistebant, & si forsan illis minus vigilantibus per loca sive campos desertos in partes Podoliae & Russiae irruptionem fecissent, redeuntes solebant egre-

B 2

gle

gie retundere, & prædam eripere. Quia vero isti omnes recensiti Cosacci, seu aliquis liber populus, aut miles voluntarius, non semper jussa Regis exequi voluerunt, propterea tempore *Stephani Bathorei* Regis Poloniæ, ex consilio ejusdem, (qui postquam cognovisset, quam multa adhuc in partibus Ukrajnæ reperiuntur inhabitata loca, & quam populosa sit gens illa Russorum, in territoriis Magnatum degentium, suavit, ut ad formam militiæ Hungaricæ versus confinia Turcica habitantis, qui *Huydones* dicuntur, Domini terrestres subditorum suorum filiis, qui complures apud eundem Patrem reperiiebantur, darent facultatem uni illorum, exeundi ex possessione sua, ad servitia Regni subeunda; quod si etiam in bonis Domini sui manserit, dummodo arma tractet, & quoties jussum fuerit a supremo Generali Exercituum Regni immunitas ei ab omnibus serviciis Domini sui, præsertim ab agrestibus laboribus concedatur) novum *Cosaccorum* genus est ad inventum, nimirum *Rejestrarum* *Kozacy*, hoc est, in computum seu regestrum recepti, & Regimini Generalis Exercituum Regni subiecti. Computus autem illorum non debebat excedere numerum sex millium; ad quos conscribendos de novo, & post collustrandos, designabatur Notarius Campestris dictus, a dicto Generali. Quod equidem consilium dicti Regis, initio videbatur

Kozacy
Rejestrarum
vi.

sa-

saluberrimum Reipublicæ; ac brevi post compertum est summe nocivum. Etenim opulentissimorum Colonorum filii, quin imo ipsi etiam antiqui Patres familias, postquam sibi majores comparassent opes, nec rogata a Domino suo licentia, convasatis rebus suis conferebant se inter Cosaccos, unde jam reduci, renitentibus *Cosaccis Rejestratis*, vel ab illis ad remotiores Cosaccos profugientibus licentiosis, nulla ratione poterant. Cui malo volens mederi Res publica, sanxit Legem, ut Notarius Campi, qui fuit ex præcipuis Nobilibus, & quidem juratus Regno, singulis annis instituatur collustrationem Cosaccorum, ut, si compertum fuerit illos excedere numerum sex millium, relictis in Registro, ac servicio Regni antiquioribus, jam antea computu contentis, cæteri ad servitia Dominorum terrestrium, etiam vi redigantur. Sed habuerunt illi in promptu ad id evitandum, varia remedia: alii enim donariis corrumpebant Notarium, alii dum imminere collustratio Cosaccorum, conferebant se interea ad alia loca; complures autem profugos insciis Dominis suis, colonos Dominorum terrestrium protegebant ipsi quoque Cosacci, alios appellando famulos suos, alios armentorum pastores, alios apum custodes, sine quibus militiam se exercere nequaquam posse ajebant.

Inconvenientia varia ex occasione Rejestratorum Cosaccorum.

Cum autem animadvertissent aliqui in illis partibus degentes Magnates, quod vilissimis

B 2

Co.

Incommoda occasio-
ne ke-
gillato-
rum Co-
saccorum

Cosaccis tam frivola suffragarentur excusatio-
nes in non extradendis profugis colonis alio-
rum, designato aliquo loco deserto, ad duo
aut amplius milliaria se se extendente, novam
Coloniam municipalem (quas *Sloboda* voca-
bant) dicebant; & quia illis proprii, qui eam
inhabitarent defuerunt homines, curarunt pro-
clamari in variis locis; ut ad se confluere-
undique, & cujuscunque conditionis homines,
promittendo iisdem per annos XV. aut XX.
omnimodam immunitatem: post exactos autem
immunitatis annos, se nunquam eos ad aggre-
ssiles operas adacturos, sed contentos fore levi
aliquo censu, & decima ex bobus, ovibus, api-
bus; præterea assecurabant se eosdem nunquam
extradituros, etiamsi illos Domini terrestres re-
petere vellent. Quibus rebus efficiebatur, ut
ex remotissimis etiam Regni partibus, si ali-
quis vel crimen aliquod patrasset, vel compa-
ratis sui divitiis, pertæsus servitorum, anti-
quo more Domino suo præstandorum, illuc se
conmulerit, tunc nactus est certissimum asy-
lum. Et sic in interioribus Regni partibus, rura,
pagi, oppida desolabantur, loca autem anti-
quitus desolata incredibili glebæ fertilitate ad
se invitantia, complebantur, cum maximo an-
tiquorum possessorum damno. Qua de re licet
in Comitibus Regni solennes instituebantur quæ-
relæ, & novæ super eo, ut brevi processu re-
stituatur profugi, condebantur Constitutiones,

ta.

tamen illi Magnates adhibitis variis remediis,
nihil hæc curabant. Nam & difficile erat cog-
noscere, quonam se receperit profugus, & si
etiam aliquis id cognovisset, repetere illos res
erat plena periculi, propter insolentiam inha-
bitatorum, & ideo aliquis nec accedere *Slobodas*
repetendi gratia est ausus.

Præterea, ex rusticorum Filiis ad servitia
sua Magnates aulica & opulentiores Nobiles de-
ligeant juvenes, efficiebantque ex illis sub bo-
nis Officialibus Dragonerios, Pedites, alterius-
que ordinis famulos, ita ut egentiorum Nobi-
lium Filii famulari cupientes, in despectum
apud Magnates venerint, nec locum apud illos
obtinere potuerint. Et his rebus effectum est,
ut numerus Cosaccorum in dies magis ac magis
cresceret. Illi namque servitores degustata se-
mel libertatis dulcedine, levissima de causa
Dominos suos derelinquebant, & ad antiquio-
res & remotiores Cosaccos se se conferebant,
in locum autem horum alii succedebant. Hæc
de origine, statu, multiplicatione & habitacu-
lis Cosaccorum dicta sufficiant.

Accedo jam ad exponendas occasiones &
causas, atque media belli per Cosaccos contra
Polonos suscepti, persuasum habens, quod
quamquam reperiantur quam plurimi, qui in
magnam rapiuntur admirationem, dum audiunt
gentem barbaram & ignobilem, & (ut putant)
meros rusticos, Regno nobilissimo, eo in tem-

Causæ &
occafiones
belli Co-
sacci

pore florentissimo, militibus veteranis exercitissimis, simul & armis instructissimis, nec minus Ducibus exercituum peritissimis ac fortissimis celeberrimo, tam multa intulisse damna, tam multos egregios Heroes, aperto Marte de medio viventium sustulisse, tum multa millia hominum in captivitatem Ethnicorum deduxisse, libertati se se asseruisse, aliquot Palatinatus (omnibus inde Nobilibus partim ejectis, partim trucitatis) occupasse, eosdemque pro se hucusque retinere non amplius miraturum, quisquis horum omnium cognoverit causas atque incrementa, quæ multa per multos annos conglomerabantur in unum, & tandem effecerunt acervum magnum, qui in hunc usque diem consumi non potest. Quorum malorum quis finis futurus, tantum id in abstruso solius Cæli ac Terræ Rectoris repositum est condidio. Causæ autem illæ fuerunt: partim solos Cosaccos, partim universam plebem, partim Religionem Græcam; partim denique Ductorem ipsorum Cosaccorum, quem illi *Hetmanum* appellant, ad arma concitantes, quibus omnibus accessit aliquod extraordinarium, inexpectatum, & a scopo, ad quem collimabatur, valde alienum; quod tamen super omnia maxima incrementa attulit rebellionem Cosaccorum, de quibus seorsive dicturus incipio a Cosaccis.

Quan-

Quandoquidem manifestum hoc erat inverso Reg. Poloniæ, Cosaccos quiescere nunquam posse, sed ex innata insolentia, quam generabat opum affluentia, augebat major in dies multitudo, nec minus rei militaris, de die in diem melior experientia, multas & frequentes excitare turbas, & vel in partes Turcicas contra pacta solitos esse irrumpere, vel contra Reg. Poloniæ minima de causa insurgere, prout talia aliquoties fecerant superioribus annis, præcipue sub Duce *Nalewayko* ad *Mediwede Lozy*, numerosissimo in loco munitissimo congregato Exercitu, qui undique cinctus erat paludibus impenetrabilibus; eam vero partem, qua accessus patebat, triplici aggere, interjectis fossis, aggeribus autem superpositis frequentibus tormentis, & adjunctis plurimis sclopetariis. Sed eo in tempore, officio Supremi Generalis Exercitus Regni perfunctus *Zamoyski*, intra tres horas dispendio unius cohortis haltatorum, finem huic malo & seditioni imposuit, & rebelles ad deditionem coegit. Quod quia insolito more factum (utut facta digressione a proposito) referre me non piget, existimantem, quod nec legere quenquam poenitebit. Postquam dictus *Zamoyski*, opinione citius, tum majori quam sperassent Cosacci Exercitu in *Ukrajnâ* appulisset, Cosacci non integrum sibi fore rati aperto Marte in patenti decertare campo, receperunt se ad illud propugnaculum

lum omnibus necessariis instructissimum, spe ea freti, Exercitum Polonicum ob inopiam commeatus diu in illo loco commorari non posse, de expugnatione vero desperando debere obsidionem illam solvere, interim sibi aliter prospecturos. Tum *Zamoyski* voleas more solito, perlustrare situm loci, ut informaretur, qua arte sibi in oppugnatione illorum utendum esset, constituto ob oculos Cosaccorum exercitu, illoque in egregium ordinem redacto, attamen loco ita disito, ne tormentis peti possit, cum paucis sibi adjunctis, processit versus fortalitium hostium incognite, simulando se aliquem gregarium militam, quem dum eminus conspicati fuissent Cosacci data securitatis fide, accesserunt ad se, ut possint ad invicem colloqui: deposito omni timore *Zamoyski*, accessit ita prope, ut penitus omnem apparatus, probeque cognovisset, institutisque ultro citroque colloquiis, recessit, cognito vero eo illos omnem salutem suam ponere in aggeribus frequentibus tormentis communicis, communicato cum Officialibus Consilio, quid faciendum sit, atque compluribus in eam sententiam euntibus, ut lenta obsidione illos fatiger, & ad obsequium redigat; ille vero prævicens, quod si ibi longam moram trahere velit, præter alia discrimina cunctationem subsequens, magna pars Exercitus ex ipsis morbis, qui diuturna castra comitari solent, dissiparetur; quapropter potius

tius abjecta cunctatione fortiter agendum esse censuit, atque uno & altero secum sentiente, hæc verba eifatus: *Nunquam periculum sine periculo vincitur*; accessit unum gravioris armaturæ Equitum Magistrum dictum *Jordan*, cu u. animi fortitudinem & leoninam audaciam in aliis occasionibus habuit perspectam, iussitque, ut cum cohorte sua CC. haltis constante accepto signo irruat in illos aggeres. His dictis & exercitu tanquam ad pugnam preparato, atque heroica oratione animato, jubet percuti tympana, tubis classicis canere, & lente universum Exercitum producere. Quibus rebus Cosacci visis, ex omnibus locis concurrunt cum sclopetis, tormentorum Magistri astant, quisque suo tormento intentus, expectando ut aliquanto propius accedant Poloni. Dum jam ita prope accessissent, ut possint peti tormentis, jubet *Zamoyski* *Jordanum* ut irruat, qui dicto citius profiliit (interim aliquantulum cohibuit Exercitum *Zamoyski*) & in momento Cosaccis arbitrantibus universum Exercitum assultum facturum, eamque obrem, omnibus explodere festinantibus, cum omnibus commilitonibus suis ira deletus est præfatus *Jordan*, ut ne sella quidem integra, tanto minus homo aut equus vivus repertus fuerit, sed omnia fragmenta per aerem disiecta fuere. Quo casu nihil turbatus *Zamoyski*, confestim submittit quingentos Dragonerios, qui citato cur;

curfu advolantes ad munitiones Cosaccorum, atque de equis desilientes, frequenti glande sclopetaria emissa, illos qui iterum tormenta implere voluerunt, disjecerunt. Dragonerios 500 suos equuti sunt hastati (ex quibus paucissimi desiderati: nam tam subito implere sclopos nequiverunt Cosacci.) trans fossas cœperunt deturbare hostes. Tandem cum universo robore militiæ advolat *Zamoyski*: quibus rebus subito evenientibus nimium consternati Cosacci, mox cœperunt pacem petere: quæ tali conditione concessa, ut principales seditionum protinus in manus *Zamoyscii* traderentur, quod etiam præstiterunt; quibus receptis, cœteros armis exutos egredi iussit de Fortalitio, & decapitatis aliquot præcipuis, ipsum Ducem *Nalewayko* deduxit ad Regem, qui postea solis vigiliis, quod ipsi non fuisset concessum dormire, encatus est, reliquis pax concessa, recepto ab illis fidelitatis ac obedientiæ juramento. Quod non diu intactum ab illis servatum fuit: sæpius enim arripiebant contra Reg. arma; sed solertia Ducum & militum fortitudine semper reprimebantur: prout novissime factum rebellionem concitante *Sulina* circa Annum 1640. qui temeritatis suæ poenas palo insutus solvit, & nonnulli capite plexi; universitati autem parsum, cum ob recordationem meritorum ipsorum, quod egregiam contra Imperatorem Turcarum *Osmanum*, fidelitatis & dexteritatis mi-

li

litariis præstiterint operam, tum conservando eodem ad alias similes pro Patria subeundas expeditiones.

Sed ut redeam unde sum digressus; videns Respublica Cosaccos esse turbulentissimum genus hominum, quo facilius illos in officio continere posset, ejusmodi pervicaciæ eorum freno imponere placuit.

Renovato iterum in solenni forma præstito non Officialium solum, sed singulorum Cosaccorum, atque omnium Poparum sive Sacrificalium eorundem juramento fidelitatis, constitutum est, ut nullos de medio sui haberent Officiales, præter solos Centuriones & Notarium Campestrum; quod officium a Regno commissum est (*Chmielnicio*, qui videbatur cœteris magis addictus Reipublicæ, (de cujus origine inferius referam) in locum autem Legionariorum, Castrorum Metatoris, Excubiarum Magistri, delecti sunt a Regno Commissarii, Nobiles Poloni, quorum officium erat in omnes actiones & intentiones Cosaccorum invigilare, ne vel contra Regem aliquid molirentur; vel contra Turcas aliquid attentarent, quo Pacta cum illis inita violari possent; omnes autem sub unum Regimen Supremi Generalis Exercitus Regni redacti erant. Ut autem tanto facilius arceri possent Cosacci ab excursionibus in Nigrum Mare contra Turcas, loco opportunissimo crexit Regnum Arcem *Kodak* munitissi-

*Ima Causa
Rebellionis
Cosaccorum*

*ada Causa
sa rebel-
lionis*

■■■■■

31a. mam ad ripam Borysthenis sitam; ibique validum habuit præsidium, cujus officii erat intervertere excursionses Cofaccorum. Quæ res, valde male habuit Cofaccos, utpote illos, qui subterfugiendo labores æconomicos, non tam ex agris, quam ex præda, a Tataris continenti, a Turcis vero per aquam beneficio velocissimarum navium, per Tanaim & Borysthemem demissarum, acta & comparata, vivere erant assueti: nihilominus tamen jugum illud ferebant, quia mutare id nulla ratione poterant. Sed successu temporis adhuc magis animos illorum hoc exacerbat, quod Domini Commissarii concessa sibi super eisdem abutebantur facultate; in illud etiam, quod Cofaccis licuit, se se ingerendo.

Nimirum, quando egressi in desertos campos venatum, ubi præter multitudinem aliorum animalium, utpote Urorum, Cervorum, Equorum Sylvestrium, &c. in maxima copia reperiebantur Vulpeculæ pulcherrimæ; tum in redeuntes invigilabant, & partem dari sibi, uti Officialibus rogarunt; partem sub prætextu aliqujus delicti per illos commissi, ab iisdem extorquebant: partem precio quidem, sed multo inferiore, quam fas erat, comparabant.

41a. Quando item regrediebantur ex piscatione (unde quisquis impiger est, plurimum emolumentum sibi comparare potest) præcipuam partem piscium sibi vendicabant. Nonnunquam

ve-

vero quasi per inadvertentiam permittebant dicti Commissarii Cofaccis, sive navibus, sive terra, ultra præscriptos terminos excursionses in ditiones hostium facere, postea in redeuntes serio ac severe animadvertabant, utque multasse se eos foederatis demonstrarent, ferme^{51a} omnem prædam ab illis recipiebant, relicta aliqua vilissima & perexigua præ manibus illorum particula, ne totaliter animum desponderent.

Centuriatum etiam non promerenti, sed^{61a} plus pro eo offerenti conferre solebant, & iterum brevi, dummodo inveniretur, qui pro eo det aliquod munus, de eodem deturbabant: Denique liberam cerevisiæ & cremati coctionem^{71a} & venditionem Cofaccis interdicebant, sed pro semetipsis proventum ex eo usurpabant, Cofaccis id vix ad domesticum usum concedendo.

Si aliquando inter compotandum contin-^{81a} gebat illos rixas aut contentiones excitavisse, tanto magis si ventum fuisset eo, ut pugnis concertarent, privatam & amicabilem reconciliationem non concedebant, sed pecuniaria pœna irremissibili illos multabant. Hucusque causæ solos Cofaccos ad sumenda arma impellentes.

Plebs vero Russorum in hunc modum ag-^{91a} gravabatur: Filios illorum Domini Terrestris vi adigebant ad servitia sua diversimoda, & nihilominus a parentibus more solito operas ac cen-

roma

census exigebant. Apud quos autem complures reperiiebantur Filii, tum relicto Patri uno, cum quo officia Domino præstari debita perageret (proventum hunc Judæis intimantibus & exigentibus) a reliquis omnibus uxoris singulis septimanis exigebant unum numisma, dictum *Dudek*, constans 6. Nummis Hung. Præterea, si natus est infans, præsertim masculus, (quasi vero ut Dominus Terrestris ex multiplicatione filiorum colonorum suorum exhalaretur, atque ad præcavendum, ne postquam adoleverit, in cætum ac numerum Cosaccorum, infcio ac invito Domino confertur) non prius baptizari concedebatur, donec simile numisma exolveret. Si etiam Filia in matrimonium elocanda esset, non prius copula jungi licuit, donec similiter in rationem Domini Terrestris illum *Dudkum* persolvisset. Quod quidem primo intuitu leve videbatur, sed postea astutia Judæorum in grave exercebat onus. Quando namque vel a Filio baptizando, vel a Filia elocanda constitutum adferebat censum, Judæus prætendendo varias difficultates, non recipiebat statim, sed de industria instituta tergiversatione, necessitatem imponebat plus sibi solvendi. Alia etiam onera plebis in dies magis ac magis augebantur, quorum pars maxima fuit, quod Judæis per modum Arendæ concedebantur, qui non solum pro-

perventus cum magno illorum præjudicio, sed etiam Judicia super illos usurpabant.

Quod vero Religionem Græcam attinet, non mediocriter hoc omnes afficiebat, quod, si contigisset, (quod valde frequens fuit) Dominum Terrestrum quocunque respectu amplecti Religionem Romanam, plebs quoque ad eandem compellebatur, & si alicubi constantiores reperiuntur, Tempa illis vi adimebantur, & ad usus Romanæ Ecclesiæ convertebantur. Ex quibusdā locis corpora Antecessorum suorum, jam pridem in pulverem redacta, urnis tamen stanneis contenta, ex sepulchris educabantur, & aliorum deferiebantur. Alibi vero variis artibus Sacrificulos in id inducebant, ut unionē facta Religionis Græcæ cum Romana, sensim ad eam pertraherent plebem, & quos pacatis, & blandis mediis in id inducere non potuerunt, vi efficere conati sunt, partim tales refractarios captivando, partim ab officio removendo, alios autem in locum illorum, habitu quidem simili, sed multum dissona doctrina inducendo, atque omnem Jurisdictionem *instinctu Reverendorum Patrum Societatis Jesu*, in illos usurpando; quæ res mirum in modum exagitabat animos omnium, & cum maximo gemitu expectabant excutiendi jugi istius occasionem, quam postmodum oblaram non neglexerunt; sed ambabus, ut ajunt, manibus illam arripuerunt.

13tia

14ta

15ta

*Initium
illius ex-
traordi-
narii
mali, ex
quo Co-
saccis
magnum
incremen-
tum ac-
cessit.*

Incidit plane in eadem tempora, quod gloriosæ remiscientiae *Vladislaus IV.* Poloniæ Rex, rebus in Moscovia (aliquot ante annis) felicissime bello gestis, in magnas spes, futuro- rum etiam successuum erectus, communicatis consiliis cum ceteris vicinis Principibus Chri- stianis, ab illisque adanimatus, & Dux Pii belli designatus, induxit in animum bellum in- ferre Turcis, Pactorum cum Polonis ante ali- quot annos initorum fiducia fretis, nihil tale meruentibus; eoque sine inconsulta, atque inscia Republica, (paucis exceptis, intentioni suæ privatim suffragantibus, atque addictissimis) Anno 1646 in' exteris Nationibus conscripsit Exercitum, circiter XXX. millibus constantem, Qui postquam ad fines Regni, utpote ad *Pomeraniam*, & majorem *Poloniam* appropinquare cœpisset, Comitia Reg. Generalia indixit, ad illaque per litteras ad singulos Palatinatus exa- ratas mitti proponit intetnuncios terrestres sin- gulari prudentia præditos, qui de rebus magni momenti in futuris Comitii tractandis, habeant plenariam facultatem concludendi. Interim per Regnum percrebuit fama aliquem Exerci- tum validum adventare: quæ res quanto mi- nus sperata, tanto magis suspecta, tanto magis etiam perculit animos omnium. Mittuntur itaque Legati ad Comitia, quibus datur in commissis, ut ante omnia inquirant diligentissi- me, qualis, & quamobrem accedat Exercitus ille,

ille. Etenim, siquidem Deus ex omnibus par- tibus pacem Patriæ concesserit, nequaquam necesse visum est, ut tam validus in viscera Regni inducatur Exercitus; cum sufficiens sit ad subitaneos casus domesticus miles, & au- gendi illum facilis sit in tam populofo Regno modus; simu'que rogent submississime, quate- nus illum Sua Majestas Regia exauctorari cu- ret; quod si facere detrectaverit, manifestum fore talem militem ad oppressionem Reipublicæ venire. Quapropter demandarunt iisdem Lega- tis, ita rebus invigilarent, ne se cum illo Exercitu Rex conjungere possit. Interim de- creta est universalis Regni insurrectio, quæ de- bebat esse paratissima, quam primum a suis ablegatis ceteri vocati fuissent. Concurritur itaque ad Comitia, multo majori, solito mo- re, frequentia. Postquam eo ventum est, Rex proponit intentiones suas: quod, nimirum, quan- doquidem Deus florentissimum sibi comparaverit Regnum, se misericordia, ac compassione commo- veri, super tot animabus sub Ethnicis cemen- tibus; nec minus Loca sancta conculcari a Gen- tibus; eamque ob rem consilio, & auxilio exte- rorum Principum, has sibi comparasse copias mi- litares, cum quibus se contra Turcas ire cum spe victoriæ velle, dummodo etiam Poloni non desint communi bono Christianitatis.

Disceptatio de bello Turcis inferendo

Qua propositione exaudita collaudabant quidem Zelum Regum omnes, interim tamen, siquidem stent pacta cum Turcis solenni juramento firmata, quæ Pagani inviolata servant, tanto minus se illa violaturos, ne invanum assumpti Divini Nominis vindictam sibi, loco victoriæ accelerent. Ad hæc respondebatur, nomine Regis, jam Sanctissimum Patrem (Pam intellige) hocce Juramentum relaxasse, & genti Polonica benedixisse.

Rejiciebatur iterum ad hæc nomine Reipublicæ, nondum sibi memoria excidisse cladem, quam acceperat Vladislaus Rex Hungariæ violato per dispensationem Papæ cum Amurathe Turcarum Imperatore inito foedere; cum enim, teste Historia, Imperator Turcarum vidisset suos in prælio non sine magna clade fugari, ad ulciscendam Christianorum perfidiam, vindicandumque Jus male rescissæ pacis, depromsit e sinu codicem, quo formula initi cum Hungaris foederis continebatur, sublatisque in cælum oculis, Christum in hunc modum compellavit: *Hæc sunt Jesu Christe fœdera, quæ Christiani tui necum pepigerunt, per nomen tuum S. jurarunt, nunc autem perfide Deum suum abnegarunt: Nunc Christe, si Deus es, prout illi ajunt, & nos hallucinamur, tuas, measque injurias ulciscitor.* Vix hæc protulit, ecce repente mutata belli alea, Turcæ animos resumerunt, prælium redintegrarunt, & conjectis

In fugam Hungaris, trucidatoque Rege Vladislao, memorabilem victoriam reportarunt. *Alexandrus Bonfinius lib. 26. de rebus Hung. decad. 3.* Quapropter, ut breviter referam, respondebant Internuncii: *Ethnicis Pacta conservantibus, se ea nulla ratione violaturos, neque se pacis adeo pertasos, ut ultro bellum offensivum querant, a quo prudentissimi Antecessores sui abstinendum semper censuerunt. Unique si a Turcis impegerentur, se arma de se ipsa libenter sumpturos, alias vero minime id fasturos.* Instabant præterea quam maxime, ut quæ nunc hinc sua Majestas sine scitu Reipublicæ militum hunc conscripserit, ita nunc ad instantiam totius Regni, eundem dimittat, cum declaratione, se nequaquam ex hoc loco discessuros, donec reliqui fratres sui, a quibus sunt ablegati, veniant armati, & conjunctis viribus abeant contra istos non vocatos hospites. Disputabatur super hoc negotio sæt diu, Sed quia Rex nihil proficere potuit, omnibus, quorum officii erat, bellum tractare, & in quorum copiis, ac dexteritate salus Patriæ posita esse videbatur, reclamantibus, utpote Stanislae Konecpolscio celeberrimo ea ætate Generali Exercituum Regni, & aliis belli artibus, claris Senatoribus id impugnantibus, videlicet Stanislae Lubomirscio Palatino Cracoviensi, Jacobo Sobiescio Palatino Russiæ, & tota ferme Majori Polonia, atque Lithvania: Bellum autem potissimum urgentibus iis,

qui facundia linguæ præcellebant, & verbis phaleratis bellum se gesturos parabant, quorum antesignanus fuit *Georgius Ossolinski*, Cancellarius Regni. Cernens itaque Rex se imperio se propositum suum in finem nequaquam deducere posse, cepit inclinare ad Consilia posterioris partis Regni: promittebatque se dimissurum militem illum, dummodo ad tuendam dignitatem Suae Majestatis, ad cuius nomen ex variis nationibus convolaverant, de aliquo Stipendio ipsi persolvendo, provideatur, ut in omnem casum, si quando Respublica externo milite indigeat, in conscribendo illo non frustretur; quod pro certo esset futurum, si nunc sine ulla contentatione a finibus Regni relegeretur. Qua in re declarando Respublica suam erga Regem facilitatem, aliquot mensium stipendium illis persolvit, & sic eos, eo, unde venerunt, dimisit.

Rex intentiones suas continere jactavit

A. Dni. 1647.

Unde conceptum in animo suo maximum dolorem dissimulat quidem Rex; interim intentiones suas promovere aliis mediis tacite non desistit; atque arrepta occasione mortis duorum Senatorum videlicet *Konieczpolskii*, & *Sobieleskii*, brevi post illa comitia (non sine suspitione veneni) e vivis suolatorum, expedit in Ukrajnam, *Ossoliscium* Cancellarium Regni, cum quodam sibi addictissimo *Stanislao Luborwicki*, Dapifero Cietchanoviensi, sub prætextu quasi revendendorum Fortalitiorum finitimorum, re-

au-

autem vera ad concitandos Cofaccos, quatenus illi Ditiones Turcarum incursionibus suis impetant, & eos ad similia contra Regnum facienda, concitent, ut hac ratione, non directe offensive, sed ex levibus quasi velitationibus, ac præludiis bellum attrahat, & defendendi sese necessitate. n. Polonis imponat; asscurans Cofaccos, se ideo nullam poenam, & animadversionem a Supremis Officialibus extimescere debere (credebatur enim *Nicolaum Potocium*, qui in Generalem *Konieczpolscio* successerat, in partes Regis transiturum) atque in hunc usum vexillum, & clava militaris, a Rege collata sunt *Chmielnicio*, qui eadem occasione designatus est Supremus Dux, sive *Hetmanus* Cofaccorum.

Respondens *Chmielnicki*, rem esse magni momenti, Cofaccos sub arcta disciplina militari, hactenus cohibitos, ad talia subito subeunda minime paratos: itaque & deliberatione, & præparatione tum animorum Cofaccorum, tum armorum opus esse, atque ad id non exiguum spatium temporis requiri. Interim gratiis actis Suae Majestati pro tanta gratia, & confidentia erga se, promisit se in quantum fieri possit, non defuturum mandatis, ac intentionibus Suae Majestatis.

(Hæc molimina ipse *Stanislaus Luborwicki* exposuit mihi, quando una cum illo fui in castris Cofaccorum ad Leopolim Anno 1655. & rursus *Joannes Wyhorowski* Cancellarius Cofac-

C 4

co.

eorum plane eodem tempore retulit mihi, dum fuisset nomine Regis Sueciæ legatione perfunctus ad *Chmielnicium* Anno 1656.

Descrip-
tio *Chmi-
elnicii*

Jam hic de ipso *Chmielnicio* dicendum aliquid occurrit. Fuit ille Patre nobili Polono natus, qui patrato aliquo crimine, & propter illud poena infamiæ secundum Jura Regni sententiarus, atque proscriptus, contulerat sese inter Cosaccos; & quia fuit vir militaris, ab iis grato animo susceptus, uxoremque ab iis obtinuit, ex qua postea hunc unicum suscepit filium, cui ad designationem ejus rei, sibi esse gratissimum, se talem nactum fuisse conditionem, atque præter opinionem suam ad confirmandam cum Cosaccis amicitiam, obtinuisse uxorem, & ex illa donatum sibi esse filium, indidit ei nomen *Bohlan*, quod ex Ruthenica lingua denotat, *Datus a Deo*. Illo demortuo, hic jam inter Cosaccos crevit, & est educatus, nec unquam antiqui Patrimonii recordatus, cum Matre sua mansit, atque postquam annos legitime ætatis attigisset, ad res militares animum applicuit, exigua litteratura tinctus; sed quocunque se contulit, rem egregie gessit, & fortunatus fuit: crescente ætate ad majora ex consensu Cosaccorum facile promotus fuisset, sed obstantibus Commissariis a Regno ordinatis, nullum officium consequi potuit. Interim tamen *Konieczpolski*, ille Generalis Exercituum Regni, siquidem sibi ejusdem *Chmielnicii* dex-

te-

teritas in rebus gerendis, atque promptitudo multum semper placuit, constituerat illum Notarium Exercitus Cosaccorum; quo officio tunc temporis altius inter ipsos non stabatur; atque ut illum sibi, & Regno magis addictum ad officia præstanda redderet, contulit ipsi gratiose amplam circumferentiam campi deserti cis *Borysthenem*, ut ibi ad usus suos proprios novam coloniam duceret. Ibi itaque inter paucos annos fundavit egregiam Civitatem *Samborow* dictam, uno milliari a *Czehryn*, antiqua Civitate *Ukrajnensi*, distitam, (interim tamen reserunt aliqui dixisse eundem *Konieczpolscium*, dum morti esset proximus, se multum poenitere, quod sibi sit moriendum, relicto in vivis *Chmielnicio*, qui hætenus a pravis machinationibus cohibebatur partim beneficiis a se collatis (quia alias etiam in parata pecunia larga manu ipsi conferebat) partim authoritate sua: quod si Cosacci aliquando motus aliquos excitaverint, & ad ipsum summa rerum devenerit, vereri se, ne multum malorum patiatur ab illo Respublica, nunquam enim tanti ingenii, & animi vir pro sit inter Cosaccos, atque hic est.) Demortuo *Konieczpolscio*, *Chmielnicio*, prout superius exposui, intimabatur bellum contra Turcas. Interim dum hæc cœpta sunt, non multo post obitum Supremi Generalis interjecto tempore, Filius ejus unicus ad magnas spes natus *Alexander Konieczpolski*, siquidem hætenus

ni-

nihil Heroicum ad comparandam nomini suo gloriam gesserat, eo quod quam primum ex exoticis rediisset oris, instante Patre, matrimonium contraxerat, ducta in Uxorem Virgine *Zamosciana*, volens declarare fortissimo Patre se quoque non imbellem esse procreatum, associatis sibi quorundam Amicorum claris militibus circiter IV. millia armatorum efficientibus, irruit in ditiones Tatarorum, ibique edita magna in Tataris strage, aliquot millia captivorum eliberavit, & multa armenta equorum, & ovium abegit. Quæ res initio placuit quidem, & laudabatur a multis, sed brevis edocuit dies, quam male id universo Regno cesserit: cui quidem expeditioni aliquo casu non interfuit *Chmielnitzki*. Quapropter postquam rebus in hunc modum gestis domum regressus fuisset *Alexander Koniecpolski*, quidam ex præcipuis Aulæ suæ familiaribus *Czabliniski* dictus, qui & alias Domino suo erat multum commendatus, & in dicta expeditione aliquod specimen virtutis suæ edidit, arrepto eo prætextu, quod *Chmielnitzki* existens beneficiarius Domini Patris sui, secum tamen ire ad illam expeditio-

Czaplinski a Koniecpolski Sambotorum petit,

nem neglexerit, coepit Dominum *Koniecpolski* sollicitare precibus suis, quatenus possessionem *Sambotorum*, quam *Chmielnitzki* propria industria super collato a Patre suo fundo construxerat, & in pacifico illius usu per aliquot annos extiterat, sibi conferat, promittendo

Do-

Dominum suum multo plus utilitatis ex servitiis suis, quam unius ingrati Cosacci percepturum. Excusabat se quidem dictus *Koniecpolski*, ajens, sibi hoc maximo dedecori cessurum, si collationes Patris sui abrogare velit: interim *Czaplinski* petitionem suam magis urgente, ac dicente, *Chmielnicium* id non bono jure a Domino Parente suo obtinuisse, & si aliquas impensas fecit pro instauratione illius oppidi, jam exinde decuplum fructum, ac emolumentum percepisse. Dum tamen nec hac ratione poterat impetrare, rogavit, hanc solummodo præstet sibi Dominus gratiam, ut permittat sibi illæsa gratia sua *Chmielnicium* invadere, & si poterit, bonis exuere: quod si ille bonis hoc modo privatus ad Dominum confugerit, & patrocinium ipsius imploraverit, respondeat Dominus: id non ex consensu suo factum; quod si pro injuria sibi illata reputat, agat cum illo via Juris, se vero de *Czaplinski* cum sit Nobilis, non posse justitiam administrare, nec tamen illi ullo modo patrocinaturum: ipse viderit, quid egerit. Tandem ad importunas instantias annuit Dominus.

Congregat itaque sibi *Czabliniski* tacite ad *Czaplinski* exequendum propositum suum, socios, *Chmielnicio* id non observante; & quamvis aliquam famam audivit, confluere aliquas copias militares, nunquam id quod *Czaplinski* in animoolvebat, in mentem ipsius veniebat, sed potius

Czaplinski Chmielnicio possessionem eripit, hæc est 16. Causa rebellionis

Cosacco- rum. tius sperabat Dominum *Konieczpolscium* iterum Tataros invasurum. Postquam tantum numerum sociorum comparasset sibi *Czaplinski*, ut cum spe obtinendi oppidi *Chmielnitium* invadere ausit, facit in illum ex improvise impetum; cui cum impar, utpote nihil adversi cimens, inventus fuisset *Chmielnitzki*, clam sese subducit. Volens tamen aliqua ex parte in illa Civitate Jus suum conservare, reliquit in illa Uxorem suam, sperans illam securam, & tutam ibi permanere posse. Accurrit postea *Chmielnitzki* ad D. *Konieczpolscium*, exponit coram illo querelam contra *Czaplinscium*. Dominus prout erat a famulo suo edoctus ante hac, respondet, hæc non suo permissu, sed privato motu, ac temeritate fecisse *Czaplinscium* &c. Dum ex responso sibi a Domino dato nihil solatii reportasset *Chmielnitzki*, confugit ad Jurisconsultos, quærit ab illis consilium: Jubeant sibi reproduci Inscriptionem defuncti D. *Konieczpolscii* super ista collatione factam. Ille repræsentat privatam tantum recognitionem, quæ secundum constitutiones Regni nullius erat valoris: requirebatur enim de Jure, inscriptio coram Actis Capitanealibus Castrensibus, vim perpetuitatis habentibus in eodem Palatinatu faciendæ (quod ille propter Simpliciteriam Cosaccicam non observans, contentus erat privato scripto; plus confidens promisso Collatoris, quam firmissimis assécurationibus) ac proinde

Chmielnitzki bonis exutus consilium petit a Procuratoribus

dum non habeat juridica fundamenta, negant se illi Processu ordinario posse subvenire. Suaserunt nihilominus ut confugeret ad Comititia Regni Generalia, & ibi in facie Reipublicæ deponeret quærelam.

Interim antequam celebrata sunt Comititia, Dominus *Czaplinski*, quo melius confirmaret Jus suum, Uxorem etiam *Chmielnicii* in Oppido, & propria Curia *Samboricensi* relictam (ne scitur quonam modo, utrum vi, an aliquibus blanditiis) aufert. Hac nova injuria laceffit *Chmielnitzki*, pergit ad Comititia, instituit querelam super possessione, & uxore sibi vi ablatis. Responsum datur; Quoad bona, sibi imputet; quod in tempore non obtinuerit in forma Juris Inscriptionem. Nunc vero Regnum propter unum hominem non faciet convulsionem Legum. Multa enim inconvenientia emergerent exinde, si mediante manuali recognitione bona hæreditaria liceret abalienare: propterea ad evitandos errores, ordinavit Regnum Acta authentica, constituit Juratos Officiales, formam Inscriptionum annotavit. Hæc, si voluit in Jure suo esse tutus, ac securus Dominus *Chmielnitzki*, debuit observare juxta illud: *Emptor debet esse cautus*; potius confugiat ad Dominum *Konieczpolscium*; ille habet plenariam facultatem, cum sit hæres bonorum, & Parentis confirmare recognitionem, & novam facere Inscriptionem (sed quia id jam tentaverat *Chmielnitzki* irri-

Chmielnicio Uxor adi-mitur: & hæc fuit 17. causa rebellio-nis

to conatu, non amplius voluit eo recurrere) Quod vero attinet allegationem de uxore; responderebat *Czaplinski*, illam non fuisse stabili connubio junctam uxorem *Chmielnicii*, sed tantum concubinam, & ideo facile ab illo relictam: nunc vero quia sibi complacuit, se ea pro legitima uxore, solenni copula juxta ritum Ecclesiae Catholicae acceptasse, atque retinere, quae etiam & Religionem amplexa est Catholicam; quocirca illam sibi jam non licere dimittere: quod si etiam velit hoc facere, illam nequaquam velle amplius ad *Chmielnicum* redire; ceterum, omnes in chachinnos soluti, & loco alicujus consolationis, & in praetensionibus contentationis, ac salubris remedii adhibendi, potius ludibrio illum exceperunt dicentes: *Multa sunt Domine Chmielnitzki elegantiores faminae illa deservit: itaque quare tibi potius aliam, hanc vero relinque alteri, cui adhæsit. Sic ille tristis recurrit, ad Regem, informat de omnibus, prout fuit in re. Respondet Rex: Video quidem secundum allegationes tuas te habere causam justam, sed non Juridicam. Itaque Jure mediante nullum potes consequi levamen. Sed hoc video, Czaplinski quoque non via Juris processisse; sed, prout refert, violenter occupasse: Quapropter vim vi repellere licet, tu etiam miles es. Si habet Czaplinski amicos, & socios, tu quoque potes tibi comparare. His dictis illud negotium ante annum illi per Cancellarium Regni*

Ita hæc
fuit 18.
Causa

Consilium
Regis da-
tum
Chmiel-
nicio

Regni de invadendis Tataris demandatum, magis ei intimavit, promittens gratiam suam.

Regreditur *Chmielnitzki*, nulla in suis injuriis obtenta satisfactione; sed potius ab omnibus illusus. Interim statum Reipublicæ, quem antehac non cognoverat, fortalitia, urbes, Civitates obvias, quas ante non viderat, hac occasione perlustrat diligenter; postquam autem pervenit ad partes Russiæ, ibi jam confidentibus coram omnibus causam suam cum magna exaggeratione exponit; condolent omnes, simulque conqueruntur de injuriis variis, quas jam ferre se non posse ajunt, expectare se dicunt, ut aliquem Deus ad vindicandas illorum injurias exciter, promittentes se multo constantius, quam olim, & majori numero adhæsuros. Notat sibi talia *Chmielnitzki*, aliquibus, præsertim Popis suis, aperit intencionem suam, se velle non hanc tantum propriam, sed & communem, tum universæ Religionis, & Gentis Græcæ, tum Cosaccorum ulcisci injuriam; Cum autem sibi non sint tantæ vires, obtestatur, non desint sibi, sed saltem ex uno pago duos, aut tres juvenes expeditos ad se dirigant. Obtinet promissum.

Regreditur ad suos: ibi solennem querelam instituit, qualiter loco administrationis justitiæ ludibrio fuerit exceptus: refert, quid sibi consilii dederit Rex; simulque qualiter oppressi suos rursus intellexit, qualiter ad ca-

Initia
molimi-
num
Chmiel-
nicii

Progres-
sus Chmi-
elnicii in
concita-
tione Co-
sacc. ad
suscipien-

pisc.

dum bel-
lum

pienda arma a quibusdam fuerit animatus, id-
que cum promissione auxiliorum. Compo tant
etiam alii varias injurias suas, & privatas, &
communes, clamant se nequaquam amplius to-
lerare debere, arma esse arripienda; jugum
excutiendum (quæ quidem consultatio inter
paucos veteranos in remotioribus partibus est
instituta) Verum maximam difficultatem in
suis intentionibus animadvertunt, quod plane
nulla tormenta apud se habeant; quia hæc ab
illis fuerant sequestrata, & sub provisione Com-
missariorum variis in locis bene asservata: Cum
ipsis vero sclopetis se nihil effecturos, imo ne
congregi quidem posse cum Exercitu Polonico,
qui semper secum tormenta circumferat. Præ-
terea dicunt, milites Polonicos si unquam bo-
ni fuerunt, nunc esse exercitatissimos, armis
optime instructos &c. Negotium itaque tam
arduum propriis viribus aggredi, res plena pe-
riculi; unde autem petenda sint auxilia, res
valde ambigua. Nam *Mosci* Polonorum sunt
foederati, ac proinde obstantibus Pactis, in par-
tes nostras trahi nulla ratione poterunt. Ta-
tari autem quoties a nobis cæsi? ideoque no-
bis insens. Tum *Chmielewiczki* ex consilio eo-
rum, quibus jam antehac intentio Regis de
bello contra Turcas suscipiendo, melius cogni-
ta, & commendata fuit, exorsus Orationem
ait: Manifestum est nos solos contra tam po-
tentes inimicos nostros, nihil posse, præfer-
tim

etiam cum in omnibus ferme fortalitiis præsent
rebus Commissarii Poloni, qui in omnes aetio-
nes nostras sunt valde intenti: cohortes Polo-
nicales, majori ex parte ad Hyberna inter nos
sunt collocata. Quapropter, quam primum
adverterint nostra molimina, statim nos oppri-
uent: nec minus manifestum ad evitandum ta-
le periculum auxiliis externis nos maxime in-
digere. Hæc autem non video unde petenda
essent, nisi a Moscis aut Tataris. Nam cate-
ri vicini vel sunt impotentes, vel Polonis ma-
gis, quam nobis adhærentes. Neque etiam
nobis est aliquod depositum, ut pro stipendio
aliquem conducamus militem, Et omnino se-
rum esset tale subsidium. Optarem petere a
Moscis, utpote ab illis, quos respectus Religio-
nis in id conducere posset. Sed illi superiori-
bus annis vires Polonorum experti, Et aliquot
urbibus amissis, utpote Smolensko Et aliis, præ-
terea post damna bello sibi illata viribus non-
dum sunt refecti, nequaquam se induci in id
patientur. A Tataris etiam difficulter possu-
mus aliquid obtinere, quia multis vicibus illos
contra nos irritavimus, non tantum invadendo
illos, sed etiam prædam, quam ex Polonia
asportabant, illis eripiendo. Sed etiam si dure-
tur aliquod medium illos ad partes nostras tra-
hendi, magnum hoc ponit obicem, quod sine
Pugani: nobis autem negotium est cum Chri-
stianis. Hic deliberatione magna opus est. Sub-

Consulta-
tio Chmi-
elewiczki de
mearis
belli sus-
cipiendi
contra
Polonos

jiciunt alii : Ostende tantum Domine Chmielnitzki modum Tataros practicandi , tum cognito eo utrum in effectum deduci possit , tandem deliberabimus , utrum id facere debeamus . Qui vero erant consci negotii a Rege intimati , urgebant Chmielnitzium ut loqueretur disertius .

Consilium
Chmielni-
cii quali-
ter Tata-
ri in Jo-
ciat. Co-
facco. tra-
hendi

Tandem ille ; occultare hoc , inquit , Fratres , coram vobis amplius non possum , quod Rex jam dudum in animo volvens bellum Turcis inferendum , in hunc finem exercitum extraneum habuit paratum ; nihilominus quia contradicente Regno universo , illum dimisit , nunc stimulat nos , ut irruptiones in partes Turcarum faciamus , ita ut illos post nos in Regnum attrahamus , ut hac ratione Regnicolæ nolentes volentes arma contra eosdem deferre capiunt . Quatenus autem credatis rem ita se habere , en habetis litteras Regis , per Cancellarium , quando hic obambulabat , missas : en habetis vexillum , en clavam , quam mihi testibus N. & N. contulit , Hetmanum me constituere volens . Quod tamen officium præripere aliis me multo expertioribus nolui , nec privata auctoritate tentare quicquam volui (& confestim præsentavit ea , quorum mentionem fecit , simulque testes) hæc autem cum habeamus ad manus , putarem ego mittendos esse de medio nostri legatos ad Tataros , & per illos declarandam esse eis hanc intentionem Regis , simulque suadendum esse illis , ut , si in pace manere velint , nobis adiut ; quod si facere deinceps ve-

runt ,

runt , demerendum est illis bellum . Neque puto illos multum super eo deliberaturos . Nam jam dudum illi Polonis pro retento sibi salario bellum intulissent , nisi nos illos distinuissimus . Nunc autem per nuperrimam Konietzpolscii irruptionem , tanto magis contra Polonos sunt concitati .

Vix ille finem Orationi suæ imposuit , omnes uno ore clamare ceperunt : En ipse Deus commodissimam nobis suppeditat occasionem vindicandi injurias , nobis & Religioni nostræ illatas , quid adhuc cunctamur , cur deesse nobis velimus ? Quod attinet respectum Christianitatis , nos illi canibus peiores judicant : Hoc etiam judicium de se nostrum habeant . Consilium Domini Chmielnicii optimum , & practicabile , aggrediendum ; itaque & illud ipse Deus secundabit . Officium quod non quarenti Domino Chmielnicio contulit Rex , quis est qui ei præripere velit ? Dispositione Dei factum est , itaque per nos ratificandum . Ab hoc momento omnes eum pro Hetmano libenter agnoscimus , & quibuscunque possumus modis , consilio , obsequio , servitio , sanguine nostro adesse semper volumus . Hoc autem quod vult per Legatos tractari cum Tataris , peragat ipse solus , rogamus ; neminem ad hoc negotium inveniemus aptiorem .

Pro declaratione tali egit gratias Chmielnitzki , sed summo opere sese excusans , nulla ratione voluit subire provinciam istam , priusquam ea de re consulisset Archi-Episcopum ,

ritus Græci *Kijoviensem*. Subito itaque ad illum miserunt *Kijoviam*, consilium ipsius hac in parte requirendo. Qui non solum annuit, verum etiam benedixit, eo addito, *si qui essent, qui dum possent Arte vel Marte aliquid opis in commune adferre, nihilominus sese subducerent, illos anathemate fore feriendos.* (Hæc mihi ipse *Vjhorusky* Cancellarius Cosaccorum retulit, dum a Rege Sueciæ ad Cosaccos ablegatus fuisset)

Chmielnitzki pergit ad Cosaccos practicos

Rebellionis altiqua inacta

Tandem subivit legationem ad Tataros; quam dum exposuisset, Tatari quidem summo cum gaudio id exaudiverunt, & auxilium modis omnibus promiserunt, fidem tamen legationi non prius adhibuerunt, donec vidissent ipsos Cosaccos aliquid inchoasse contra Polonos. Qua de re cum communicasset cum suis fidissimis, coeperunt per totam *Ukrajnam* insolentius sese homines gerere, arma comparare, nonnunquam inter computandum aliquid minaciter proloqui. *Chmielnitzki* autem regressus a Tataris, summo silentio & prudentia agere agenda non intermittit, nihilominus tamen ex aliorum gestis, Judæi, jurati Cosaccorum, prout & hi illorum, hostes, coeperunt aliquid conjectura assequi, & mox Dominis terrestribus, a quibus ferme omnes tabernæ arendatorio modo obtinebant, coeperunt referre, & quidem multis cum additamentis. Nobiles vero persenserunt hæc Domino Supremo Generali

Exer.

Exercituum Regni *Nicolao Potocio*. Qui non ignarus ante ejusmodi seditionum, confestim per universales litteras suas initio Anni M. D. C. 1648 XLVIIvi, ex hybernis cohortes, quæ sparsim per totam minorem *Poloniam* agebant, convocare coepit, & sine mora versus *Ukraj-* *Potoczki cum exercitu in Ukraj. tendit*
nam contendit. Sed nullibi rebelles invenit. Etenim quocunque pervenit, summopere plebs humilem & morigeram se præbuit: eos, qui fortassis inter *Zaporovienfes* Cosaccos seditiosi reperirentur, diris devovendo execrationibus. Postquam Exercitum constantem circiter duodecim millibus armatorum *Potoczki* ad fines *Ukrajnae* cis *Borythænem* perduxisset, nec tamen aperte rebelles ullibi invenisset; coeperunt milites veterani suadere, non esse *Constitutum* *Exercitum tam exiguum in camptos desertos educendum, procul a quibusvis fortalitiis, procul a quibusvis auxiliis; suspectam sibi debere esse fidem h. colarum hujus loci, qui omnes sunt Græca Religionis; itaque in casum aliquem adver-* *1648*
sum, prout Martis dubius est eventus, hic quotquot homines, tot apparent hostes, cum quibus se saltem dexteris amicablem jungere, nedum pugnare *Poloni* vellent, manus lassaretur, & viribus deficeret; subsistendum potius esse in aliquo loco; interim Regi & Proceribus *Rajni* perscribendum, Rebelles quidem se nullos hæcenus invenisse; sed magnam ejus rei famam & iudicia infallibilia comperisse, ac proinde movendum esse

D 3

esse Regem, ut tempestive de suppetiis Quartano militi in Ukrajna excubanti ferendis, ineat modum atque rationem: interim ne ociari & animis concidere videantur, iis, inter quos castra circumducunt, qui intentissimis oculis omnes actiones illorum aspiciunt, præmittendam esse aliquam fortem manum, cum optimo ordine, dato mandato, ut non prius regrediantur donec hostem invenerint, & ex illis captivos aliquos adduxerint, ex quibus Dominus Generalis de intentionibus & viribus hostium informari possit. Parando consilio militari D. Pototzki, subsistit cum Exercitu, ex quo selectis fortissimis militibus, sub Commenda Filii sui expedit ad Partiam, adjungens pro Consiliario bellico Stephanum Czarnecium (& Schonbergium & Sapieham) cujus jam tunc temporis clarum nomen fuit rebus egregie gestis in variis occasionibus. Constabat hæc Partia circiter VI. Millibus armatorum, inter quos etiam Dragonerii fuere IV. M. tormenta etiam campestria habuerunt XII. & paucos cum comitatu ad instaurandam carraginem currus.

Anno 1648 Sub id tempus ad castra Potocii Colinaruski Vice-Generalis, & Stanislaus Pototzki Palatinus Czernichoviensis cum Genero suo dicto Siemiaruski, quorum interventu nobiliter aucta sunt castra, & hac occasione hic quidem bibitur strenue; Partia vero progreditur. Interim de his omnibus edoctus Chmielnitz-

nitzki, ab illis, qui erant in castris Polonorum Cosaccis, confestim certiores reddit Tataros, rogat, obtestatur per omnia sacra, velint sibi venire in auxilium sine mora. Interim ipse loco opportuno, ad paludes Zolte Wody nuncupatas castra sua aliquot millibus, ad minimum octo constantia, metatur, partim aggeribus, partim carragine (qua in re Cosacci sunt expeditissimi) sese claudens. Quo tandem Partia etiam illa cum Potocio advenit, octava aut nona die, postquam egressi fuissent ex castris generalibus. Interim Tataři ad sollicitationem Cosaccorum, confestim præmiserunt aliquot millia expeditissimorum militum suorum, cum tali Ordinantia, ne se jungant cum Cosaccis, sed sint in propinquo: demum si intellexerint jam re vera decertare Cosaccos cum Polonis, dent iis auxilium.

Postquam autem jam conspecta fuissent bene Potocio castra Cosaccorum, studio substitit, atque institutis velitationibus, conabatur illos evocare in campum ex illorum fortalicio, quod efficere non potuit, quia illi nonnisi proxime penes castra velitationes instituebant, ita caute, ut illis statim in subsidium veniant. Itaque illa die nullum ex illis captivum obtinere potuit; & sic oppugnatio Cosaccorum dilata est in diem sequentem; interim per emissarios nunciat Parenti suo Generali Exercituum, se invenisse hostem in castris bene munitis, ad quæ

oppugnanda plures pedites requirerentur; quos ut sibi submittat, petit; interea se non neglecturum, quicquid præstare possit. Sed res jam pridem ita erant adorsata a parte Cosaccorum, ut nullus internuncius pervenire possit ad Castra Generalia, sed intercipientur. In castris interim instituuntur convivium, occasione adventus illorum Magnatum, sibi congratulando. Quia tamen ab illa Partia per aliquot dies nihil habuerunt Nuncii, hoc minime placuit, & varia variorum ea de re erant judicia. Non deerant, qui dicerent: ingressi in optimas Cosaccorum ditiones, optimum habent tractamentum, non est cur festinent ad castra, nec prius resiciunt, donec cum præda bene onustis curribus aliquot millia linguarum, sed bubularum, adducant. Cosacci in istis partibus jam nullibi reperiuntur, nisi trans Borylthenem: sed illuc non cum tanto Exercitu eundum.

Pototzki
accedit
propius
ad Castra
Cosacco-
rum

Sed ut redeam unde sum digressus: sequenti die consultat D. Pototzki cum Czaynezio, qualiter procedendum cum Cosaccis? Egredi namque in campum noluerunt, ad oppugnationem autem melior requireretur apparatus: iterit consilium, lenta tantum obsidione illos fatigari, se satis præstituros si non permiserint illos hoc loco ulterius progredi, & si prohibuerint, ne plures Cosacci illis se adjungant; interim Dominum Generalem aut majores copias suomissurum, aut cum universis castris

his superventurum: de succursu autem Tatarorum Cosaccis submittendo, ne somniarunt quidem. Admover itaque castra sua propius Cosaccis, explodunt tormenta in speciem oppugnationis, quorum sono exaudito Tataris in propinquo excubantes dant operam, ut possint conquirere, quid rei sit? Emittit ad illos Czaynezio per paludes internuncium suum, querens, jam tempus adesse, ut sibi dent auxilium, magnum esse periculum in mora. Illi nec eadem nunciant Tohajbego Prefecto Perecopneisi (qui erat vir militia peritissimus, sed humilis & turbidus, ideoque etiam Hano sæpius refractarius) non procul inde hærenti. Ex una parte incidunt in pabulatores Polonorum, & captis aliquot, de omnibus rebus bene informati sumunt animos, accedunt propius explosiones crebras audiunt, ex illis colligunt, rem serio inter Polonos & Cosaccos agi. Sequenti iterum die summo mane, a tergo ad-<sup>Tatari
adjunt in
succur-
sum Co-
saccorum</sup>riuntur Polonos, imponunt necessitatem, ut emissum ex castris contra Cosaccos militem in-<sup>Instituitur
pugna
1648</sup>tra carraginem reducant. Eo animadverso Cosacci, summa cum alacritate progrediuntur ex castris, datoque signo Tataris vehementissimum imperum faciunt in Polonos duabus a partibus: nihil tamen proficiunt, Polonis strenue sese defendentibus; præcipue beneficio tormentorum. Post triduanam sine effectu pugnam, Cosacci metuentes, ne superveniat Supremus Genera-
lis

*Perfidia
Cosacco-
rum*

lis (cujus fortitudinem ante aliquot annos experti fuerant) antequam adesset *Tohaybegus* cum majoribus copiis, cœperunt proloqui de instituendis tractatibus, offerendo, se facile transacturos, modo aliquem idoneum hominem ad se mittant, promittendo se oſides daturus. Interim Polonis cœpit deficere commeatus; quapropter consentiunt super eo, non detrectandos esse tractatus, ad quos conficiendos maxime idoneus videbatur *Czarnetzkî*; atque etiam is ipse deputatur. Itaque acceptis obsidibus a Cosaccis, illuc mittitur. (Sed hoc non est prævisum, sine illo reliquum Exercitum valde mancum futurum) recepto ad se Cosacci *Czarnetzi*, convivio illum invitum excipiunt, de tractatibus nihil proloquuntur, studio protrahentes tempus, ut interim plures Tataři superveniant. Sequenti die post colloquia cum *Czarnetzi* instituta, nunciant, se ita cum illo transegisse, quod (siquidem in istis castris nullus sit Senator Regni, nullus sit constitutus Plenipotentarius ad ineundos tractatus de rebus seriis, quarum ratione Cosacci susceperunt bellum) non videant necesse aliquas condiciones a militibus hisce requirere, vel vicissim a parte sua aliquam submissionem facere; sed ea omnia ad aliam occasionem ad pleniorē consultationem esse rejicienda; ad præsens se nihil aliud postulare, præterquam ut sibi tormenta relinquunt, postea viam patentem se daturus pro-

promittunt, interim *Czarnetium* detinuerunt. Expedita deliberatione Poloni concludunt, conducibilis esse non solum sibi met ipsis, sed & universo Regno, ut redempta salute (ex hoc præsentissimo periculo) aliquot vilissimis tormentis, redeant quam citissime ad suos, & vires viribus jungant; ac proinde declarant se id facturos, modo Cosacci præstent super promissis juramentum, nempe quod Polonis liberum passum sint concessuri, & *Czarnetium* remittant. Illi juramentum quidem præstiterunt, sed *Czarnetium* non prius dimissum iri dixerunt, donec sibi ad manus data fuerint tormenta. Faciunt hoc Poloni. Postea dum de restituendo sibi *Czarnetio* contendunt, superveniens *Tohaybegus* cum XL. millibus irrumpit in Polonos, instituitur acerrima pugna, eadem tormenta dirigunt in eosdem, circumdant undique, continuo impetu labefactant cum ii, qui cum Polonis, quatuor mille Dragonerii germanico quidem habitu induti, & more Dragoneriorum instructi, nihilominus naturam fidemque Græcam retinentes, transfugiunt ad Cosaccos, nihil curantes juramentum, quod & olim præstiterant, quando militiæ nomen dederant, & rursus renovarant, quando a Generali Potocio expediebantur. Tandem cœteros strenuissime sese defendentes, delent ad internecionem. Quo in prælio vulneratus *Pototzki* & *Schonbergius*, *Sapicha* captus, *Czarnetzi*.

*Tohaybegus
ad-
volat*

*Polonos
caedit*

nietzki detentus, & denique, quos fors morti eripuit, in captivitatem abducti. Postro *Potorzki*, quia gravissime fuit saucius, nec deduci cum cæteris potuit, in campo relictus, ibidem mortuus, uno tantum ex illa clade gregario milite per devia ad Exercitum cum isto tristissimo nuncio advolante. Qui postquam hæc retulisset, fides ipsi non adhibebatur, quod impossibile videretur, nullum alium præter hunc evadere potuisse; cum quam plurimi fuerint ipso incomparabili ratione, & milites exercitiores, & melioribus equis instructi. Augebat adhuc in eo suspicionem, quod fuerit Græcæ Religionis; itaque credebatur illum conductum a Cosacis ad incutiendum Exercitui timorem, talia referre, ut castra deserant. Ac proinde in carcere n. illum detruserunt (hoc, hoc erat illud extraordinarium & inspectatum malum, & a scopo, ad quem collimabat, Rex *Uladislaus IV.* valde alienum) (cujus mentionem feci pag. 17.) quod nimirum mediantibus Cosacis bellum cum Turcis exordiri conatur, efficit, ut potius illi cum Tataris contra Rempublicam conjungantur, & sic, ut dicitur, proprio jumento inexplicabilium calamitatum molem innocuæ Patriæ, altissima pace fruenti, attraxit)

Interim *Potorzki* Generalis Exercituum Regni, leves Partias ad hanc, & alteram partem expedit propter comparandos captivos. Sed

emis-

emissi aliquot extra castra milliaribus, nullis in-
vencis hominibus recurrebant sine quibusvis in-
dicibus, hoc unum, referendo, domos quidem
invenisse se plenas omnibus bonis, sed destitu-
tas omni custode, quod erat pessimi ominis.
Ideoque consilium ineunt, quid sit faciendum, *Consultatio in Ca-*
sudent sensatiores reduendum esse exercitum *stris Ge-*
ad loca tutiora; placet sententia, conficiunt *neral. &*
iter una atque altera die, hostis nullus appa- *R. P.*
ret, ideoque ulterius producere nequaquam
vult D. Generalis, ignominiosissimum sibi du-
cens nec viso hoste fugæ speciem subire.

Interim *Chmielnitzki* per expeditissimos *Modus*
internuncios suos, totam *Ukrajnam*, de om- *quo ma-*
nibus quæ evenerunt, edocuit, simulque in *gis ar-
mandatis edit, ut ex omnibus locis, quot-
quot sunt, qui aliquod armorum genus, sal-*
cem denique aut excutias (flagra trituratoria) *factu-*
arripere possint, ad se confluant, alias, qui fa- *tum*
cere id neglexerint, se omnes tales refractarios *Chmiel-*
cum universa familia sua Tataris concessuros, *nitzki*
severe comminando. Accepta ejusmodi denun-
ciatione, convolat ingens multitudo, producit
ille castra sua cum Tataris conjuncta contra
Polonos. Decimus ferme jam post stragem il-
lam miserabilem complebatur dies, nec tamen
quippe am certi Generalis *Potorzki* de Filio suo
& ei adjunctis habuit, præter id, quod famu-
lus ille in carcerem conjectus attulerat. De-
nique unus ex præcipuis commilitonibus, ali-
quo

quo casu de captivitate effugiens, ex castris trium dierum itinere distantibus advolat, atque de omnibus prout eveniant, informat; refert Exercitum numerosissimum, non tamen armis bene instructum appropinquare.

His intellectis Generalis *Pototzki*, animo infracto ajens, non hunc sibi primum cum Cosaccis futurum congressum, & quod minori manu multo melius instructos fuderat, multitudinem Plebis se nihili facere; prætolari eodem loco hostem voluit. Interim tamen instantibus multis, ut progrediatur, ipse quoque circumstantias rerum, & omnia momenta accuratius perpendens, die advenienti ad avertendam fugæ suspicionem, atque confusionem, si hoste jam ingruente, tum demum in ordinem redigendus esset Exercitus, instructa carragine, ac si jam oppugnandus esset, lente progreditur. Interim *Chmielnitzki*, qua potest celeritate una cum Tataris subsequitur, & castra Polonorum adoritur. *Pototzki* educit in Campum equitatum suum; pugnat aliquot horis fortiter æquo Marte. Sole ad Occasum vergente reducit egregie intra carraginem, paucis desideratis. Interim *Chmielnicki* indelineret augetur Exercitus, tormenta etiam plura & majora ex Castellis jam a Polonis desertis adducuntur. Die illucescente videns *Pototzki*, multo meliorem apparatus hostilem, non oppugnat, nec educit Exercitum in Campum, sed

*Chmiel-
nitzki
cum Ta-
taris
subsecu-
tus Gene-
ralem
Pototzki*

tan-

tantum promovet castra strenue sese defendendo, & sic tribus diebus procedebatur. Tandem dum ventum est ad aliquam sylvam, quam propugnaculi loco Poloni fore sibi putabant, Cosacci ex profugis ad se, cognitum habentes, quo tractu ire velit *Pototzki*, tempestive illo præoccupato, atque relicta aliqua parte sylvæ, ad ingrediendum Polonis parenti, interius fossis in transversum, & concordiis collocatis ibidem sclopetariis, ulteriorem Passum infederunt. Ex omnibus vero partibus multo alacrius imperum facere cœperunt. Tandem postquam nunciatum esset *Pototzki*, castra ulterius propter illa impedimenta promoveri non posse, omnium animos desperatio incessit. Tum demum celeberrimus quidam Legionarius *Korytzki* alta voce exclamavit, frustra jam est in id intendere, ut universa castra defendantur: frustra est in propriis pedibus penes currus defendendos salutem ponere. Conscendamus potius equos, aperiamus nobis per media agmina Tatarorum viam. En ego futurus sum Dux, prohibebant quidem Generales; sed respondebatur: Tardum jam nunc est mandata dare; conclamatur: Ad equos, ad equos. Et qui subito potuerunt illos conscendere, circiter bis milleni irruerunt in Tataros. Ex quibus quidem perierunt non pauci; nihilominus circiter M. D. cum illo coryphæo evaserunt. Postquam vero in hunc modum aperta fuisset ad castra Polono-

Anno
1048

rum

rum via, subito tota illa multitudo irruebat; obvios quosque trucidando, ipsi denique Generales & alii Magnates, videntes quod nec pugnando, nec fugiendo se jam conservare possent, deserta statione sua, in carpenta sese contulerunt, spectaturi quid sibi fors collatura esset; qui omnes Tataris loco stipendii dati, Strenuissimi autem quique fere omnes cæsi, paucis calonibus, & lixis inter cadavera conservatis. Castra universa primis accurrentibus in prædam cessere. Sed, ut dicitur, nulla calamitas sola; Poloniam quoque non tantum hæc pressit calamitas, quod veteranus & exercitissimus miles uno plane ictu una cum suis Ducibus perierit ad *Korsun*, sed accessit non minor, quod eodem ferme die Rex *Uladislaus IV.* hujus exitii, quamvis per indirectum, aliqua ex parte auctor, in Lichvania (quo se venationis gratia contulerat) aliquot dierum spacio cum morbo colluctatus, mortuus sit in *Meretz*, ætatis suæ Anno 52. qui tyrocinia sua in bello Moschovico felicissime exorsus, præmii loco pro exantlatis laboribus Dominatum Moschoviæ dubio procul consecutus fuisset, nisi *Sigismundus III.* Pater ipsius cognitam habens gentis Moschorum perfidiam, potius vitæ filii, quam dignitati consulens, oblationes illorum respuisset. Quamquam enim *Mosci*, tum hæroicas virtutes, quas in multis præliis rem fortissime agendo, tum eas, quæ ad mantuetudi-

nem pertinent (quod nimirum victorias clementia moderari se nosse declarasset) admirati simul ac venerati fasces Regni sui communibus suffragiis ei deferebant; acceptandum tamen id minime permisit: non ignarus qualiter eveniret Czari ipsorum *Demetrio*, quem ideo, quod duxisset sibi in matrimonium ex Polonia Virginem filiam Palatini Sendomiriensis dicti *Mniszek*, & eidem Conjugi concessisset alere aulicum Capellanum Religionis Romanæ, misere trucidarunt.

Et Tyrociniiis quidem suis cum eximia etiam apud exteros nominis sui gloria in Moschovia jactis *Wladislaus IV.* noluit virtutes suas ibi solum terminari, sed mox iterum ad Chotin in bello cum Osmano Imperatore Turcarum fortitudinis, ac felicitatis suæ specimina conspicua reddidit, rem eo deducens, ut Turcæ attritis viribus suis, cum iis omnis spes potiundi Regni Poloniæ decolasset, sat se præstitisse arbitrati fuerint, si in pace ad sua redire licuerit, inito honestis conditionibus fœdere, castra reducere necessum habuerint. Et his quidem successibus omnium Polonorum animos sibi ita præoccupavit, ut ipsi uni (velut virtutibus ejus condignum decus) inter quatuor filios *Sigismundi III.* fato exempti Regis sponte deferre non dubitaverint, nimirum Diadema Regium, quo feliciter redimitus, dum rursus Mosci intra decursum aliquot annorum quie-

tém nacti, & hac ratione viribus aucti, cum ingenti exercitu urbem Smolensko dictam obsedissent; multo minore exercitu illos rejecit, eoque redegit, ut depositis armis, dispendio aliquot provinciarum pacem redimere coacti fuerint; Nec multo post *Abazi Bassam* cum numerosissimis copiis vanorum populorum finibus Podoliæ appropinquantem sola adventus sui fama procul abegit. In Prussia quoque, quæ priori bello Sueci sibi appropriaverant, Pactis, Induciis recuperavit. Et quaquaversum hostibus semper terrori fuit; præ cæteris autem, repullulantibus Cossacorum rebellionibus felicissime obviavit, malignos conatus ipsorum semper in herba suppressens. Tandem exacta in pace aliqua Dominii sui parte, belii amorem compescere minus valens, dum Turcis bellum inferre (prout superius expositum est) intendit, hocce inexplicabili portento florentissimum Regnum, cheu! involvit. Polonia namque uno eodemque tempore amisso capite, simulque & brachiis, non corpus, sed exangue cadaver Reipublicæ dici merito potuerat: & omnino sepulchrum aperuisse os suum contra illam videbatur. Sed quia nondum ei fatalis a Superis destinatus erat terminus, perniciēs ipsius dilata est in aliud tempus. *Chmiehitzki* etenim sublato Exercitu Polonico ignarus adhuc vivis Regem excessisse, litteras ad illum subito exaravit prolixè exponens causas, quæ ipsum ad tan-

tum

tum facinus audendum impulerint; simulque deprecatus est veniam eorum, quæ illi subeunda erant in propulsandis injuriis: pollicebatur denique se & Tataros ad sua stativa remissurum, & in obsequio Regi debito permanurum, dummodo antiqua Jura, & libertates tam Cossacorum, quam Religionis Græcæ in multis læsæ ac violatæ in integrum restituerentur: multo majores annos sumpturus post prosperos rerum suarum successus: si scivisset Regem *Vladislaum* (quem summo opere semper reverebatur) fato concessisse.

Adi quam Epistolam, siquidem jam Rex ultimum diem clauserat, & sceptrum deposuerat, *Adamus Kisiel*, Vir & in Regno propter egregia in Rempublicam merita sua, & apud *Chmiehnicium*, universosque Russos, quod & ipse fuerit Græcæ Religionis, maxima pollens auctoritate, ex annuentia Procerum Regni, in hunc modum Responsum dedit:

Se, cum ante hac probe cognitum habuerit affectum *Chmiehnicii* erga Rempublicam satis iniurari non posse, quod ejusmodi propulsandæ injuriæ media adhibuerit, Et Ducem se Exercitui *Zaporoviano* in hisce rebus præbuerit, præcipue cum illi optime constaret, hanc esse Reipublicæ Polonæ normam, ut in ea unicuique detur facultas atque ratio, Jura, ac libertates suas pacatis mediis, tum asserendi, tum, si quid contra illa exorbitatum fuerit, in ordinem redigendi, non

E 2

pro-

properando tantopere ad arma insontes cum fontibus perstringentia. Nunc autem cum jam ea quæ facta sunt, infecta reddi nequeant, suadere se, ut Chmielnitzki cum Exercitu Zaporoviano (probe sciens belli momenta ita esse constituta, siue quis victoriam de hoste retulerit, non tamen statim universalem uno constare certamine; siue quis semel superatus ab hoste, recesserit, non tamen illico omnia resarcienda eladis sublata esse remedia: id quoque persuasum sibi habens, quoties inter domesticos armis concurritur, victori etiam multo consultius, ac gloriosius esse, gladium recondere potius, quam strictum ostentare) redeat ad frugem. In iis vero in quibus se aggravari putant, per Legatos cum Regno debita cum demissione agant: promittens se non defuturum partibus eorum, dummodo seposito tumultu, fidem, ad quam solenni juramento sunt obstricti, Republicæ præstent. Neque vero ullam superesse causam, cur suam erga gentem Ruthenam propensionem in dubium vocare possint, quandoquidem vinculo ejusdem Religionis, ad velificandum ei in conscientia sit obligatus; Et prout hætenus fincerus Religionis istius Patronus fuerat, ita in posterum quoque in illa sedulo tuenda atque procuranda se mori paratum.

Et hanc quidem Epistolam misit Chmielnicio per Monachum quendam; qui postquam eluctatus fuisset varia discrimina, convocata ad consilium bellicum numerosissima turba, repro-

ducens litteras, viva voce etiam oratione blandissima suavit, non saviendum esse in propria viscera, cum sint in promptu media deducendi in pristinum statum ea, de quibus digladiari coeperunt; quibus exauditis tum Chmielnitzki, tum veterani Cosacci eo consilia sua inclinari coeperant: deponendam esse hostilitatem, Tartaros domum remittendos, illum autem Palatinum Kijoviensem ad se, nimirum Kijoviam invitandum, qui cum sufficienti Plenipotentia ad Regno accedens omnes prætensiones atque controversias componere queat. Sed plebs audita morte Regis, omnia sursum deorsumque miscere coepit: & ipse quidem Chmielnitzki ad avertendam a se culpam, ne contemnere salubre consilium Kisieli videretur; cum Ukrajnensibus Cosaccis constitit ad Civitatem Biala Czerkierv, inde prospecturus quonam consilia Regni pothac collimarent. Ipso vero quasi incio exurgens trans Borythenem alter seditioforum Ductor, dictus Krhymonos, convocando ad capiendam arma omnes ac singulos, coepit infandam crudelitatem in Nobiles, ac Judæos exercere. Cui tamen Dux Jeremias Visniorvietzki, cum iis cohortibus, quæ trans Borythenem Hyberna peragentes, sub commenda ejus in hunc casum erant relictæ, ut si aliqui tumultus ibi oborirentur, per illum reprimi possint, aliquantulum restitit. Cum autem præter opinionem in dies magis tumultuatum fuisset,

tum alii quoque Magnates, & quotquot trans Borysthenem erant Nobiles, & denique Judæi ad illum gregatim confluebant; quibus ille auctus, agæ quidem ex illis remotissimis oris eluctatus, ad tutiora loca progrediendo, instituto uno, atque altero cum seditionis conflictu, inusitata felicitate vitam *Krhyvonoſſo* eripuit. Ipse autem cum sibi adjunctis, incolumis evadens, de omnibus quæ in illis partibus gerebantur, Consiliarios Regni edocuit, simulque suavit: nihil esse fidendum blanditiis Cofaccorum, sed potius armis supplantandos, & multitudini multitudinem opponendam. Itaque reliqui domi degentes summa compassione super interitu Fratrum suorum tacti, huc omnia sua contulerunt studia, qualiter labenti subvenirent Patriæ, atque rejecto ad consummationem belli Termino Electionis novi Regis, ad arma concursus est: nihilominus tamen, ne propter varios, qui sub Interregnum solent & possent evenire casus, denudaretur omni præsidio Respublica, quod fieret, si universali insurrectione omnium huic malo in occursum iretur, consultius videbatur, ut potius talis conscriberetur Exercitus, qui cum spe victoriæ hosti sese opponere (etiamsi non animo totaliter defendi, saltem ad honestas pacis conditiones redigendi) possit. Et quia Deus pro immensa sua bonitate ita excoecaverat hostem, quod nesciens prosequi victoriam, Tatarum quidem cum præda in

Patriam sese contulerunt, Cofacæ vero in domicilia sua, horribiliter in Nobiles tenuioris fortis, & in Judæos, nec minus in Clerum seviendo; Respublica obtento aliquo respiro, novum delectum militum fecit, & intra decursum, ad summum, quinque septimanarum conscripta sunt XL. M. optimi & ornatissimi militis. Sed Dux defuit belli. Quamvis enim reperiabantur, præsertim inter tenuioris fortis Nobiles, qui cum laude & emolumento Reipublicæ hoc officio perfungi potuissent; nihilominus illi propter varias causas neglectis, contulerunt Officium Generalissimi, Duci Dominico de Ostrog, quem sciverunt quidem hominem esse minime bellacem, nihilominus quia proprii militis poterat habere circiter quatuor milia, & quod rebellium maxima pars conitabat ex possessionibus illius, de quibus (quia ille præ cæteris Magnatibus subditos suos benignius tractavit) credebatur, illos ad famam adventus Domini sui sese humiliaturos, & acceptis a se honestis conditionibus ad frugem ac debitam fidelitatem redituros. Ad evitandum tamen, ne per ineptiam (ineptitudinem) ipsius aliquis nocivus in Religione committeretur error, adhibiti sunt illi pro Consiliariis bellicis *Alexander Koniępolski*, homo Juvenis, & rei militaris tunc temporis minus peritus; nisi quod nuperima ex improvviso facta irruptione in Tatariam inclaruerat, & *Nicolaus Ostrog*, eloquio

*Novus
delectus
militum*

1648

*Chmiel-
nietii de
Ducibus
Exercit.
Judic.*

magis quam manu pollens. Quod quam primum inaudivit *Chmielnitzki*, in despectum illorum dixit: Unus Peryna, id est, Pulvinar; denotans per hoc Ducem Dominicum ab ineunte ætate deliciis potius, quam laboribus militaribus assuetum. Alter Detina, hoc est, Ephebus, denotans *Konieczpolsium* præ juvenili ætate exigua rei militaris peritia præditum. Tertius Latina, hoc est, Litteratus, denotans *Ostrorogum* hominem litteris quidem egregie instructum, sed non ad arma natum. Et omnino augurium *Chmielnietii* exitus probavit: multum enim successibus Polonorum obsuit, quod Respublica præficiendo Exercitui illos præspecificatos officiales, nescitur, qua de causa, excluderet Ducem Jeremiam *Visniorviectium* (qui communi omnium militum suffragio in universo Exercitu Regni officio hoc censebatur dignissimus, eo excepto, quod tempore pacis colonos suos rigidissime tractavit, & forte Præfides Regni verebantur, ne si illi summa rerum committeretur, rebelles illi de venia consequenda desperantes extrema quæque tentent) quæ res *Visniorviectium* ad maximam indignationem impulit. Itaque deterectans Regimen illorum officialium seorsum procedebat; cui potior pars Podoliæ Volhiniæ, Ukrainæ & trans Borysthenem degentium adhærebant; ita ut ii, qui illum sunt secuti, efficerent duodecim millia militum.

Chmi-

Chmielnitzki etiam per Exploratores suos quos habuit inter Polonos plurimos (nullus enim Magnus, nullus Nobilis fuit, cujus major pars famulorum non ex Russis constaret: qui, cum multo addictiores essent genti suæ, quam vero Dominis, de omnibus quæ inter Polonos agitabantur, certiores reddebant eundem) cognito apparatu Polonorum ipse quoque de instaurando Exercitu suo diligentissimam habuit curam. Nec mora, expedit ad Tatars, denunciens præparationem Polonorum, simulque exhortans, non esse finitum bellum ideo, quod sit profligatus ille Exercitus ad Korsun; sed hæc tantum fuisse præludia: eamque ob rem rogabat, ut deposita illa exigua, quam nacti fuerant, præda, non tardarent cum Exercitu validissimo ad se venire, pro certo id sibi pollicendo, se multo plura & luculentiora ex Dominis (indigitans Magnates, qui cum maximo splendore, non prout ad castra, sed tanquam ad convivium ex diversis Regni partibus confluebant) quam ex servis (nimirum militibus Regni Quartanis, illi namque prout & ipsi Generales Regni Servi Reipublicæ dicuntur) spolia reportaturos. Præterea Civitates & Castella Magnatum quæ tenebantur præfidiis illorum militum, qui omnes ex Russis constabant, in potestatem suam redigit, milites illos egregios (sublatis officialibus, qui erant Germani, aut Poloni) in castra recipit, in Ju-

*Appara-
tus Jecan-
darius
Chmiel-
nietii*

dæos

dzos potissimum levit, nec ætati nec sexui parcendo: sed multum exprobrando qualiter secum antehac egissent: atque præcavendo, ne, si in Ukrajam cum valido Exercitu Poloniverint, aliqui Russorum expavfacti, a se recedendo illis se adjungant, castra sua versus Russiam promovit.

1648
Castra Polonorum
ad Pilavum
ca, quo
Cosacci
adven-
runt

Quod quia Polonos quoque non latuit. Etenim die nocteque homines ex Ukraje su-
perveniebant, qui gesta Cosaccorum referebant; Dux *Dominicus* cum Exercitu Polonico ad Pilavum veniens castra ibidem metatus est ultimis Augusti. Quo postquam Cosacci quoque soli sine Tataris appulissent, primum simulantes magnam erga Ducem *Dominicum* observantiam, statim miserunt legatos ad eundem, offerendo aliquam submissionem, & rogando, ut ille ipse dirimat omnes, quæ inter illos & Regnum interveniunt prætensiones, promittendo se velle stare arbitrio ipsius, quo audito, Dux *Dominicus* multum sibi placuit. Interim ceptis tractatibus tempus protraxerunt plus quam duarum septimanarum, nihil serii agendo, tantum legationes reciprocando. Hoc autem faciebant Cosacci dedita opera, eo fine, ut interim possint adventum suum maturare Tataři, quos in dies expectabant. Quo facilius autem possent occultare technas suas, armistitium instituerant, quo stante veritum est serio, ne ad illam partem versus Cosaccos pabulatores Polonici excurrerent.

Tractatus Cosacci instituant

rent. Quamvis autem aliqui Polonorum videntes, tempus inaniter consumi, & id quod erat in re, nempe fraudem metuentes, instabant apud Ducem *Dominicum*, ne pateretur amplius sibi illudi, sed jam Martis aleam subiret, erigendo in spem felicitis successus, quod miles ad pugnandum sit promptissimus (reperiebantur enim aliqui, qui scuticis promittebant se debellaturos Cosaccos: alii autem ita insolentes fuere, ut cernentes splendorem militum suorum, ad coelum conversi non reformidarent exclamare: *O Deus Optime! nec nobis, nec Cosaccis auxiliaberis, solum respicias, quid faciemus istis rusticis nequissimis, dummodo nobis permittat Generalis noster*) Tum respondebat Dux *Dominicus*: *victoriam quidem habemus præ manibus, sed cæsis Cosaccis, cui majus damnum eveniet, quam mihi? Cum potior pars constet ex colonis meis, illosne ego trucidabo, dum possim licet pacatis modis dirimere? Absit: talia nobis suadent, qui ibi nullos colonos habent. Sed ego sublati illis, quid facerem? Fodere non valeo, mendicare erubesco.*

Dux autem *Visniovietzki* seorsim castra habens, ac proinde nihil dependens ab ordinatione Ducis *Dominici*, expediebat Partias ubicunque poterant pertingere, etiam in partes Cosaccorum. Cumque sibi adduxissent indices, Tataros jam tantum aliquot dierum itinere abesse a castris Polonicalibus, nunciavit hoc cui-
dam

Visniovietzki
nunciat
adventum
Tatarorum

dam confidentissimo ad castra Ducis *Dominici*,
monuitque, ut suadeat Generali suo, quatenus
abrupta mora, utpote in rebus bellicis nociva,
agrediat^r armis hostem, priusquam ingens
multitudo Russorum, qui concomitantur Ta-
taros, superveniat. Sed quia hæc a *Visniowiecio*
fuerunt allata, ideo fides illis non adhibita, &
surdis auribus sunt excepta. Nihilominus in-
stantibus multis, qui erant cum Duce *Domini-*
co, quatenus saltem ideo ut imponat necessita-
tem Cosaccis quo citius tractatus in finem de-
ducant, velitationes instituat, ad demonstra-
tionem, se comperendinationes istas non am-
plius ferre posse. Quapropter demandavit ut
fortissimi quique egrederentur ad velitandum.
Hæc videntes Cosacci, illi quoque non desue-
runt partibus suis, sed Poloni fortissime rem
agendo, atque illos prosequendo, usque ad ca-
stra illorum involabant, & si Generalis succur-
sum dedisset, dissipare etiam illos potuissent.
Interim nox ludum illum Martialem diremit.
Postridie renovatur velitatio. Poloni ex hec-
tero successu fumentes animum tanto ardentius,
& plures quam Generalis voluit, provolant:
nec minus alacriter Cosacci quoque rem agunt;
ita ut, jam non velitatio, sed potius confer-
tum prælium esse videretur. Dominus Gene-
ralis hæc prospiciens, magis de eo est sollicitus,
ne Cosacci profligantur, quam ut suis laboran-
tibus aliqua subsidia submittat, & totis viribus pro-

Velita-
tiones in-
stituuntur

prohibet, & obstat, quominus procurrant.
Interim pabulatores nunciant, se, dum egressi
fuissent ad dextram partem Castrorum Cosac-
cicorum; vidisse quasi nubem aliquam ingen-
tem, & densam, qualis solet allevari ex pul-
vere per Exercitum excitato. Quapropter mo-
nentibus quibusdam, hoc non esse contemnen-
dum, mittit levem Partiam ad cognoscendum,
quid rei sit; interim identidem recrudescit illa
concertatio. Tum Sole de Meridie jam bene
inclinato, adferunt ab illa Partia, se incidisse in
anteecessorias cohortes Tatarorum; cum autem
impares sint ad sustinendum imperum illorum,
rogare, ut sibi validiores turmae submittantur,
Quod quasi facturus Dominus Generalis, regre-
ditur ad castra, & subito expedit aliquot co-
hortes ad Partiam: illo autem absente multo
acrius prælium instituitur. Postquam expedi-
visset contra Tataros, consultat cum suis Con-
siliariis, quid sit faciendum? Suadent Domini
Consilarii: Si omnino constaret certo, ipsum
Hanum Tatarorum adesse, non esse illum ex-
pectandum; sed Regimen Exercitus commit-
tendum *Visniowiecio*. Dum extra Castra pu-
gnatur, hic vero consultatur, adducuntur duo
Tatari capti per Polonos, qui dicunt *Hanum*
Tatarorum adventare cum tam numerosis co-
piis, prout sunt gramina campi. His exaudi-
tis, remittit Clavam Generalatus Duci *Vis-*
niowiecio, quam ille, rebus jam sic stantibus,

Fama de
adventu
Tataro-
rum con-
firmatur

ideoque
consultatur

adducuntur
capti
Tatari

Dux Do-
minicus
aufugit

Anno
1648
Ultimis
diebus
Augusti

recipere noluit. Interim ipse Dominus Generalis cum suis Consiliariis, quasi speculatum egressi, id, quod antehac in consilio concluderant, executioni dant, hoc est, in fugam se conjiciunt. Cujus rei fama primo continetur inter paucos; vespera autem adveniente, Praecursores Tatarici redeunt ad suos, idem faciunt contra ipsos expediti. Exvelitatione etiam cum Cosaccis instituta, redeunt ad castra. Officiales quærente Generalem, nulli inveniunt. Tunc res patefacta cunctis. Oritur confusio ingens, ut sit inter oves, quas deserit pastor. Mox silentio noctis hostibus nihil animadvertentibus, sub præsidio illorum, qui excubias agebant, omnes derelinquunt castra, omnibus bonis ad admirationem hostium referta, in quibus multo plus erat argenti, quam plumbi. Castris relictis effusam arripiunt fugam. Die illulufcente in excubias collocati mirantur, quid rei sit, quod excubiarum Magister more solito alios non educat? mittunt ad Castra sciscitatum, reque cognita ipsi quoque antecedentium sequuntur gregem.

Visnior-
vietzki
Castra
reducit

Visniorvietzki submittebat in aurora ad Castra cognitum quidnam ibi agatur; edoctus de omnibus quæ evenerunt, in ordinem redacto Exercitu suo, coepit illum reducere cum omnibus oneribus suis. Interim tum Cosacci, tum Tatarum milites suos ad provocandos Polonos velitatum mittunt. Sed præter latratum

ca.

tantum nihil exaudiunt, accedunt propius, inspicunt castra, vident paucos admodum, quos cupido prædæ detinebat, superesse, renunciant suis, re melius explorata, effudit se tota multitudo, irruunt in castra, in quibus præter paucos ægrotos nullos inveniunt; sed bonorum tantam copiam, & tantum nitorem, ut quid rapiendum prius, quidve relinquendum, ipsimet dubii, atque diripiendæ prædæ intenti, de subsequendis fugientibus nullus cogitaret. Etenim diripiendis bonis, & postmodum computationi (nam Vini sublimati, mulsi, cerevisiæ tantam relinquerunt copiam, ut servato ordine per integrum etiam Mensem sufficere potuisset omnibus) per quatuor dies fuit indultum. Quæ res fugientibus attulit salutem. Omnes enim, qui castris egressi, ad tutiora pervenerunt incolumes. Illi quidem qui *Dominicum* sunt secuti, tanquam scopæ dissolutæ: qui vero erant cum *Visniorvietzki*, lento passu cum omnibus bonis suis castra deduxere, usque Leopolum. Ubi subsistens, Urbem illam, sub Commanda *Christophori Arciszewii* ad defensionem optime instruxit, commeatu & milite sufficiente auxit, simulque asscuravit, si & in quantum hostis eo perveniens, illam obsideret, se intra decursum duorum mensium in succursum venturum, quo facilius autem milites, & hos quos secum habebat, in officio continere, & alios ad se allicere posset, ad eandem Urbem ad fidem

fidem Reipublicæ expetiit 80 Millia Thalero-
rum. Inde processit usque ad Civitatem Za-
moscie dictam.

Comitia
indicta

Postquam vero hujus turpissimæ fugæ fa-
ma percerebisset per universum Regnum, in-
dicta sunt Comitia, Electionis Novi Regis Var-
saviæ.

1648
Cofacci
Castra
produ-
cunt ver-
sus Leopo-
lim & in-
de

Hostes interim exhilarati nimium opima
præda, illaque ad tutiora loca remissa, & de
consequenda posthæc ampliori, ingentes sumen-
do animos, ulterius castra producunt, univer-
sam plebem, non Russorum tantum, sed &
Catholicorum sibi associando, & promittendo
se omnes Nobiles, extirpaturos, ut quisque in
eis, quæ sibi propria industria acquirit, domi-
netur; & sic dispositis rebus perveniunt usque
Leopolim; quam etiam obsidione cingunt. Sed
cum animadvertissent se non posse ea potiri, fa-
cili negotio, exactis ibidem circiter duabus sep-
timanis, præcavendo, ne illis ad majora atten-
tanda eripiaturs occasio, longiorem moram tra-
here ibi noluerunt; ideoque præsidariis, se cum
illis honestis conditionibus transigere velle, de-
clararunt. Obsessi vero multum conturbati, eo
quod Arx, quæ propugnaculi loco habetur,
temeritate præsidariorum in potestatem hostium
devenisset (Aliqui namque ex Præsidariis vi-
dentes hostem totis viribus incumbere oppugna-
tioni, Duce *Burggravio* sive *Portario* in aurora
voluerunt confugere ad Civitatem, quod cum

ani-

animadvertissent alii, majori numero cœperunt
illos subsequi, ita ut factum illud non amplius
jam occultari potuerit. Quo viso Tataři in
proximo excubantes, involant in Polonos, &
alii quidem persequuntur ad Civitatem fugien-
tes, alii invecți in eos, qui visis Tataris ad ar-
cem recurrere contendebant, una cum illis in-
gressi occuparunt Fortalitium illud) oblatam
pacificationem minime aspernandam esse cen-
suerunt. Itaque his peractis ad Leopolin,
Chmielnitzki cum *Hano* versus *Zamoscium* ten-
dunt. Sed retardabant illos obviam multæ Civi-
tates, & alias populosæ, & tunc temporis tan-
to magis auctæ transfugis, qui ex *Ukrajna* eo
se se receperant. Qui, dum illis ulterius fugien-
di nullus esset modus, non sperantes ipsum
Chmielnicum illac cum universis castris iturum,
sed tantum aliquos sediciosos; ubicunque locus
defensioni idoneus reperiebatur, ibi subsistebant,
confisi, se in illis locis, ubi jam nulli erant
Cofacci, sed soli Catholici, & Judæi (tutiores
& proditoribus) impetus tumultuancium susti-
nere posse. Sed valde frustrati sunt spe sua.
Omnia enim obviam loca hostes solo æquabant,
& quoscunque reperiebant, qui illis resistere
ausi, trucidabant sine ulla misericordia: prout
in una Civitate dicta *Narol*, quatuor Milliari-
bus *Zamoscia* distante, cuncta sunt quadragin-
ta quinque millia hominum.

versus
Zamo-
scium

F

Dum

Electio
cepta

Dum hæc aguntur, inchoata est Electio Novi Regis Varsaviæ. Urbs vero *Zamoscium* Præfide Duce *Jeremia Visniorviocio* (nam Dominus ipsius ac hæres *D. Zamoycki* adhuc juvenis in exteris Nationibus fuit) omnibus ad tolerandam obsidionem necessariis diligentissime instruebatur. Quo, cum ex Electione præscriptum fuisset, inter alios Candidatos, suffragia collimare potissimum ad duos, nempe nuper fato functi *Uladislai IV. Fratres*, *Joannem Casimirum* & *Carolus*, & ad tertium *Georgium Rakocium Seniore*. Hac occasione instituta est consultatio. Ubi sub trutinam venissent alii Principes de Corona Regni Poloniæ concurrentes, præ cæteris omnibus maxime placuit Princeps *Transylvanus*. De quo Dux *Visniorviocius* (assentientibus aliis) tale iudicium protulit: *Tactus pectore, sic me Deus, inquit, amet (nisi obstaret Religio, quod non sit Catholicus) nullum possemus accommodatiorem nobis adinvenire Regem Principe Rakocio: hac præcipue rerum tempestate, dum hostem habemus, tam potentem, & prosperis successibus usque adeo elatum; interim destituimur pecunia, & milite veterano, (quid autem Tyrones valeant, nuperrima docet expeditio) Ille vero ætate est maturus, nec minus maturi iudicii, maturi consilii, auctoritatem suam tueri bene gratus, bellator fortunatus (cujus rei specimina in bello contra Imperatorem Romanorum edidit) potens*

Censura
Polono-
rum de
Principe
Rakocio
Seniore

armis, potens thesauris. Vicinus proximus, nostri semper observans, consuetudinum, & Legum nostrarum non ignarus, Regnum *Transylvania* legibus non multum dissimile nostris, feliciter dirigens. Nobis autem tali opus est Rege, quem propter Virtutes non anemus tantum, sed & veneremur. Et omnino nullus exterorum Principum in succursum nobis venire ita cito atque ille possit. Præterea cum sit Portæ ottomanicæ Feudatarius, Tataros a Cosaccis abstrahere, quis illo facilius possit? quod si Liga hæc hostium nostrorum dissolveretur, Cosaccos solos etiam propriis viribus compescere possemus. Cæterum nulla gens, nulla natio cum moribus & genio Polonorum est conformior, atque Hungarorum. Genus armorum idem, modus bellandi idem, victus ratio eadem, amictus ante pauculos annos, is, qui nunc est Hungaris, nobis quoque fuit, (hunc, quo nunc utimur, tantum mutuaveramus a Tataris, aliquoties profligatis; sed nunc eum tanquam suam, & quidem magno fænore recipiunt a nobis) uno verbo, nulla cum gente magis convenire possemus, quam cum Hungaricæ: cum qua alias etiam multa nobis intercedunt commercia. Et quemadmodum non erraverant nostri prædecessores, quando similiter ex *Transylvania* *Stephano Bathoreo* Coronam Regni contulerant; nam felicissime & laudatissime Regno præfuit, ita nos quoque sub *Rakocio* idem nobis polliceri possemus: dummodo, prout dixi, Religio

Censura
Plen-
rum de
Principe
Rakocio

non obfaret. Sed fortassis ille etiam idem faceret, quod fecerat Sigismundus III. qui, cum ei ad Coronam Regni oblata fuisset vocatio ea conditione, ut renunciando Lutheranae Religioni, profiteretur Catholicam, dixerat: Propter Regnum Poloniæ non tantum Catholicus, sed & Jesuita sum: Et omnino dicta sua reipsa probavit. Expedita de aliis etiam rebus deliberatione, statutum est, ut (liquidem ex septem Palatinatibus viri præcipui receperant sese Zamoscium, & solenni Juramento ad invicem sese obstrinxerant, se ad extremam usque guttam sanguinis Civitatem illam defensuros) nomine ibidem congregatorum deputentur ad Comitria Electionis ex quovis Palatinatu bini Legati (ex Palatinatu Belzensi missi erant Marchio *Princzoru N. Miszkowski* Capitaneus Tiszorvieciensis, & Mart. *Bizezicki*, Succamerarius Belzensis, viri eximii; similiter factum ex aliis) qui in facie Reipublicæ præmissa manifestatione, cum Fratres suos ad præsens Zamoscii commorantes, non per ignaviam aut frivolam aliquam rationem, a Comitibus Electionis sese subduxisse, sed, quod bono publico Reipublicæ moti, urbis illius defensionem in se receperint, ut hosti, prosperis successibus insolentissimò, obicem ponant, quominus ulterius castra promovendo actum Electionis præpedire possit. Protestentur solenniter, ne hæc moderna propter hanc tam prægnantem rationem absentia in præjudicium

cedat hisce Palatinatibus, ne videlicet propter hanc absentiam aliquis incolas horum Palatinatuum posthac a Comitibus Electionis excludere præsumat. Quod vero attinet modernum actum Electionis, declarent iidem Legati: quod si visum fuerit Regno communibus suffragiis Regiam Dignitatem alicui exterorum Principum conferre, ne id finaliter concludatur, prius quam ea de re præscriptum fuerit *Zamoscium*, ut ii etiam, qui ad præsens ibi sunt, suffragiis aliorum sua quoque in scriptis jungant suffragia. Si vero ex Sobole Regia eligere aliquem placeret: *Carolo* quidem nunc etiam per hosce Legatos, libenter omnes sine contradictione ulla conferre; (notum enim erat omnibus consilium *Uladislai IV.* qui, cum aliquando aliqui intimæ admissionis Consilarii ab eo exclusivissent, in eum casum, si contingeret ipsum e vivis excedere, utrum de duobus Fratribus ad Coronam Regni promovendum censeret? multis & validis rationibus *Carolus*, utut natu minorem, & quidem Episcopum Warmiensem, commendavit præ *Casimiro*, (quod si aliquorum suffragia inclinent ad *Joannem Casimirum*, se nullo modo super illo consentire velle, imo solenniter protestari, se illum nunquam pro Domino suo agnituros) ille enim adhuc in juventute sua abalienaverat a se animos Polonorum, sæpius dicendo, *tam sibi exosam esse Gentem Polonam, ut canem potius aspiceret, quam*

Polonium; nec unquam prætereuntes dignatus est isto honore, ut caput aperiret. Præterea inconstantia ipsius, quod nunc *Cardinalem Romanæ*, nunc *Jesuitam*, nunc neutrum horum egisset, & alii mores ejus displicuerunt omnibus)

Vix Civitate egressi sunt prædicti Legati. adfertur fama. Civitatem *Narole* oppugnari a *Chanievicio*. Quapropter universitas illa *Zamoseii* congregata rogavit Ducem *Visniorvicium*, ut ille quoque cum Equitatu quem secum habuit, tenderet *Varsoviam*, ibique præsto esset Legatis in negotiis fidei ipsorum committendis, & de subsidiis sibi ferendis sollicitaret. Recessit itaque & ille relicta Civitate hoc ordine: Sub Commenda *Ludovici Wejher* Palatini *Pomeraniæ*, & aliorum Commissariorum. Civitas ipsa in loco plano est sita: primo a meridie abluitur ingenti stagno, ab Occasu usque ad Septentrionem habet ablutem, sive paludes impenetrabiles: ab ortu vero fossa lata & profunda, muratis parietibus suffulta, demum muris crassissimis, & altissimis munita; in media parte murorum extendit se linea crassa per totam circumferentiam, quæ obicem ponit, ne scale possint sursum promoveri. Ab ista linea vero incipiente usque ad summitatem, murus intra fossam notabiliter latius prominet. Idem murus septem propugnaculis in formam circuli erectis, æquali ad invicem distantia dispositis,

egre-

egregie munitus. Inter propugnacula vero & ipsum murum est intercapedo quædam, super quam collocantur tormenta: ex quibus omnis ad mœnia accessus ita arcetur, ut consistendi penes illa nullus sit modus nec locus. Hanc autem intercapedinem propugnacula ita circumdant, ut ne conspici quidem extrinsecus possit, nisi quis ad ipsos parietes muri accesserit. De muro vero fenestellæ pro sclopetis explodendis, ita sunt dispositæ versus propugnacula, ut, si vel avis super illis confederit, peti facile possit. Hæc autem omnia intrinsecus terra ita late sunt repleta & suffulta, ut in summitate valli currus cum VI. equis currendo in circulum ad utramque partem verti possit. Tormentorum tunc temporis tanta erat copia, ut præter ea, quæ in locis ad id destinatis sufficienter collocata fuerunt, adhuc superfuerint plurima in proximo, in eum casum, ut, si contingeret fin si aliquod, in promptu sit alterum. Insuper, supra Templum etiam attracta erant aliquot longiora. Tunc temporis enim etiam ex abis fortalitiis minoribus illuc deducta erant tormenta; pro defensione Civitatis si tantum, quorum nomina erant in Regestro connotata, (inclusis Germanicis peditibus 1500. a Republica ad illam occasionem ordinatis, sub Commenda Domini Wejher Viri exercitatissimi) efficiebant decem millia & sexcentos, ita, ut ad singulas fenestellas quinque sclopetarii fuerint ordinati,

F 4

quo.

Descrip-
tio Urbis
Zamoseii

quorum aliqui præsertim Nobilium etiam ternæ sclopetæ habuerunt. Insuper in foro mille Equites erant constituti, qui in casum, si alicubi hoste quoquo modo vires fumente succursu opus esset, non denudando alia propugnacula, advolare possit. In casum vero incendii super tectis erant cadi pleni aquis collocati, quorum cura iis qui in hospitibus remanebant demandata fuit. Commeatus per Commissarios tempestive revisus, atque ita ordinatus, ut cuique juxta numerum familiæ, quam secum habuit, ad medium annum sufficeret: qui vero non haberet, excluderetur. Milites Germanici proportionaliter distribuuntur alendi tam incolis, quam qui illuc erant congregati. Pulvis pyrius sufficientissime erat comparatus. Silentium præterea indictum fuit tale, ut nonnisi mustitando alter alterum alloqueretur; ita ut Civitas tota videretur inhabitatoribus destituta. Dato autem signo, submisso clangore tubæ, quisque ad locum sibi destinatum, & bene notum properabat. Campanarum etiam & horologiorum pulsus erat prohibitus. Sed dum ad Templum eundum erat, tintinabulo signum dabatur. Suburbia magnificentissima cognito adventu hostium exuri sunt jussa. De muris erant frequentes lampades ferreæ erectæ, tædis pineis repletæ ad illuminandam Civitatem, si noctu hostis oppugnationem tentaret.

Post-

Postquam dicti Legati ad Comitæ Electio-
nis venissent, & legationem juxta præscriptam
scriem in facie Reipublicæ proposuissent, jam
omnium ferme suffragia (præsertim quod sub
idem tempus allata fuerit Legatis Transylvani-
cis, qui *Rakocii* res tractabant, fama, Princi-
pem suum esse mortuum) collimabant ad *Ca-
rolum* postposito *Casimiro*.

Hæc dum Varsoviæ aguntur, *Chmielnitzki*
adhuc ardentibus suburbis (quorum partem re-
motiorem relinquerunt Cofacci usui suo conser-
vantes) cum ingentibus copiis (dicebatur enim
habuisse illum in iis Castris octies centena mil-
lia hominum) obsidione arctissima cinxit *Za-
moscium* 14. Octobris, moxque rupto aggere
stagni, Civitati maxime opportuni, magnam
aquæ penuriam effecit in puteis: ita, ut nulla
res magis quam aquæ defectus sollicitos redde-
ret obsessos. Putei enim interdum ad imum us-
que fundum exhauriebantur, rursus noctu mo-
dicum aquæ acquirebant. *Chmielnitzki* ipse
hospicium sibi fixit sub eo tecto, ubi lateres
olim conservabantur in fine suburbii. Quod
postquam cognitum fuisset, Magistri tormento-
rum, ita eo direxerunt tormenta, ut totum
illud ædificium corruerit, & omnes qui intus
erant oppresserit. Maximum damnum fuit quod
ipse *Chmielnitzki* tunc non interfuerit. Hæc
tamen quasi injuria laceffit, tertia post nocte
oppugnationem tentare voluit. Sed antequam
assul-

Anno
1648
*Chmiel-
nitzki Za-
moscium
obsidet*

assultum fecissent, versutissima gens alio loco simulabat, excitatis ingentibus clamoribus, oppugnationem, ex alia vero parte, qua murus paulo inferiores, quod ablutes propugnaculi loco haberentur, esse intellexerunt, summo silentio accedebat, sperando futurum, se superatis paludibus, admotis scalis posse conscendere murum. Sed hoc illis minime succedere potuit, Nam ad omnes casus optime provisum erat.

*Augu-
rium Co-
saccorum*

Arte Magica, qua excellunt, futuri successus capere volentes experimentum, emisérunt de mediis castris aliquid ad instar pyroboli ardentis; quo viro omnes, qui intus erant, putarunt illos velle incendere cæta, ad quod præcavendum contulerunt se ii, qui ad tales casus erant destinati. Sed postquam illud sursum in aerem elevatum fuisset, atque plane super medicullio Civitatis hæreret, tum effusum est in longitudinem unius hastæ, & deinde cœpit sese flectere in gyrum, repræsentans formam Draconis; demum dum cauda pervenisset ad caput, cœpit illam rodere caput illud. Hæc videntes Cosacci exclamarunt in Castris suis dicentes: *Hody teper Panowe moloocy ne-nasza dola*: hoc est: *Definite modo Domini Juvenes, quia nobis non suffragatur fortuna.* Nec quicquam tentarunt amplius, Postridie officiales Civitatis *Zamosciana* volentes conservare ab incendio Aulam Domini sui, quæ super colle quodam in medicullio stagni emissi, magnifici operis fuit,

fuit, miserunt ad *Chmielnicium*, faciendo instantiam, ut ei imponat præsidium & conservet intactam; qui responsum dedit, se multum mirari, quod majorem curam habeant unius vacuæ domus, quam Urbis tot hominibus repletæ: cum non desit modus transfigendi secum, dummodo *ipsi deesse rebus suis nolint.* Accepto tali responso, atque communicato consilio cum Præsidibus præsidii, mittunt sciscitatum, quid intendat *Chmielnitzki*? qui responsum dat: *Quandoquidem cognitum est sibi, Dominum Urbis istius semper benigne tractasse Gentem Russorum, præterea quia jam tempus instat solvendorum Castrorum, se Milites suos in Ukrajinam reduciturum, dummodo dent aliquam pecuniæ summam, ad contentandos Tataros.* Audito eo Præsides Urbis offerunt XX. M. Florenorum Polonicorum ea conditione, ut non solum hanc Aulam, de qua superius, relinquunt intactam, sed simul curet, ne aliorum etiam Nobilium, in hoc tractu Aulæ, Tempia & possessiones comburantur, neque subditi in captivitatem abducantur, & quam primum numerata fuerit illi summa promissa, confestim recedat in Ukrajinam.

Chmielnitzki acquiescit oblata summa, & promittit se omnia præstiturum. Numeratur postridie promissa pecunia. Tum dicit *Chmielnitzki*, jam Civitati a se nihil esse extimescendum: nihilominus tamen, quia multi milites ad Partias excursionem fecerunt, (& omnino usque

*Tracta-
tus insti-
tuuntur*

que ad Varlaviam excurrebant, sed cis Vi-
stulam tantum, & multum timoris consul-
tantibus incutiebant, nonnunquam enim spar-
gebant, (*Zamoscium jam esse captum*) *se prius*
non posse recedere, donec regrediantur: interea
temporis liberum sit militibus suis incrimibus ju-
menta, & quæcunque haberent venalia, adduce-
re versus Civitatem, asscurando posse unumquem-
que tuto exire ad coimendum quicquid pluerit.
Acceptatur oblatio, adducunt Tataři captivos,
tum Christianos, tum Judæos, & pro levi ly-
tro dimittunt, adducunt jumenta & pro vilissi-
mo precio vendunt e. gr. bovem pinguem pro
uno Thaleo: quos licet non erat conservandi
modus, sed tamen propter carnes emunt, in
fossa mactant, tandem carnes & pelles per mœ-
nia intrahunt. Vestes preciosas, Glenodia, va-
sa argentea, & omnis generis bona præsentant,
& hæc omnia valde parvo precio vendunt. Et
duravit hæc nundinatio ferme tribus septima-
nis post peractos tractatus, obsessis etiam non
multum urgentibus discessum illorum. Placuit
enim nonnullis ille quæstus, quia tamen intra
mœnia in dies ingravescerat generale malum,
quod nimirum plurimi equi morerentur; lu-
crum autem tantum ad locupletiores pervenie-
bat: ideoque ad instantiam illorum, quibus
damnosa fuit illa residentia Cosaccorum, urse-
runt, ut jam secundum Pacta recederent, nec
ex Civitate permittebant amplius exitum ad il-
las

las nundinas: tum *Chmielewiczki* respondebat,
nec dum regressas Partias, sed prope diem re-
gressuras.

Varlaviam autem, dum ii, qui fuerunt a *Casimiro*
Partibus *Casimiri*, vidissent jam jamque rem factio
eo deduci, ut potius *Carolus* eligeretur; tum *prævalens*
Offolinski Cancellarius Regni, qui erat acerrimus
Promotor *Casimiri*, accedens *Carolus* plu-
rimis rationibus, prout erat Vir & sagacissimi
ingenii, & disertissimus, suavit, ut contentus
sorte sua (nempe quod fuerit Episcopus) con-
cedat dignitatem hanc Fratri suo *Casimiro*, cum
etiam jure Naturæ id ei potius debeatur, quod
sit nati Major; præterea, quod nullo in Regno
fungatur officio, addens pro finali, quod si
forsan hac in re palmam ei præripere volue-
rit, necessitatem eidem impositum iri extrema
quæque tentandi; & quandoquidem non desint,
qui ipsi quoque suffragia sua conferunt, vel ad
hostes Reipublicæ confugiendi, dummodo ho-
norem sibi debitum alteri non concedat. Unde
quanta mala immineant, facile est videre.

Quibus exauditis *Carolus* prout pius Prin-
ceps, declaravit se statim Cancellario, quem-
admodum nunquam affectavit hanc dignita-
tem, ita nec acceptaturum vota sibi collata,
potius quam tali occasione communis Patria in
extremum discrimen adduci deberet. Pro qua
quidem declaratione gratias egit Cancellarius
Carolo, & rogavit, ut per proprios homines
id

id coram Regno faciat. Misit itaque ad Rempublicam Legatos *Carolus*, per quos gratias egit pro suffragiis sibi collatis, sed siquidem jam a longo tempore sacerdotali munere perfunctus fuerit, se posthac quoque eadem sorte contentum esse velle, nunciavit: suffragia autem sibi oblata Fratri *Casimiro* detulit, simulque rogavit ut jam super eo omnes acquiescere velint propter bonum publicum, & potius consilia & vires suas convertant ad reprimendum hostem, qui tam libere per Regnum grassatur. Quapropter, ii etiam, qui hactenus erant contra *Casimirum*, tum moræ pertæsi, tum timore extremorum malorum Patriæ imminentium perculsi, suum adjecerunt *Casimiro* calculum.

Casimirus electus Rex Tum *Casimirus* hoc modo electus Rex, peractis pro consuetudine Regni Sacris, statim ablegavit Legatum ad *Chmielnicium*, nunciando ei, se esse electum Poloniæ Regem, ideoque velle, ut cum universis copiis suis redeat in *Ukrajnam*, ibique declarationem gratiæ suæ per Commissarios brevi ablegandos, præstoleretur.

mittit Legatum ad Cosacos. Qui quidem Legatus *Smiarowski* dictus, cum appropinquaret Castris *Chmielnicii*, magna cum pompa, expansis vexillis, tubis & tympanis resonantibus excipiebatur; quæ dum in Civitate conspicerentur, vexilla nimirum alia in occursum Legato, alia ad latus *Chmielnicii* concurrentia, postquam item explosio tormentorum & peditum exaudiretur, quamvis hæc

om-

omnia lætitiæ alicujus viderentur signa, quia tamen quid sibi hæc vellent, sciri in Civitate non potuit; perturbantur non mediocriter omnes, metuendo ne illa prolongatio nundinarum secum aliquid inopinati mali adduceret: agebat timorem nonnullorum Cosaccorum, dum hæc fieri cœpissent, ad Castra recurrentium in hæc verba concepta exclamatio: *Oy te perze pryszol Sierota otworit do Zamoscia Wrota*, hoc est: *Jam tandem desideratus advenit orphanus, tradet Zamoscium nobis in manus*, (per orphanum designando ingens aliquod tormentum, quod olim Mosci ad *Kijoviam* cænosa supra modum via retrahere non valentes reliquerunt, ideoque *Orphanum* est dictum) Postquam prædictus Legatus *Casimiri* perfunctus fuisset legatione apud Cosaccos, confestim mittit *Chmielnicki* ad Civitatem rubicinem, nunciando, eos, qui sunt intus, his, quæ in Castris suis aguntur, nihil debere turbari; hæc enim fieri in honorem Regis noviter electi, a quo Legatus ad se missus, sine mora etiam ad illos est iturus, itaque parati sint excipere illum more & honore convenienti, sine ulla mali doli suspicione. Responsum datur, *patere accessum Legato Regio ad Civitatem*. Nec mora, adest & ipse, qui nunciat, concordibus suffragiis electum Regem *Joannem Casimirum* in mandatis dedisse *Chmielnicio*, ut regrediatur in *Ukrajnam*; quanti autem faciat mandatum S. S. Majestatis Regiæ, *Nuncium de Rege electo adfertur* cra-

crastinus hoc docebit dies, itaque sint bono animo, & novo Regi bene precentur omnes. His exauditis, nihil aliud facere restabat, tantum ferre, non vero culpae, quæ nulla ratione licuit mutare, & inter exclamandum: Vivat *Joannes Casimirus*, vivat! aliqui adjiciebant: utinam potius mortuus, quam Rex creatus fuisset. Pessimum namque Omen designat ejus Nomen (nam in lingua Ruthena *Kazimir* significat *Destructorem pacis*) Sequenti mane omnes Cosacci abiire, nec gratiis pro hospitibus actis, sed ex promissis pro summa XX. M. Florenorum Polonica nihil præstiterunt. Nam & illam Aulam splendidissimam in meditullio stagni exusserant, imputando id casuali incendio, & omnia bona Nobilium, ubicunque attingere poterant, in cinerem redegerunt. Ita tandem soluta obsidio *Zamosciana*: soluta & Comititia Generalia, in quibus post nominati Regis publicationem conclusum est, ut statim initio anni sequentis celebraretur Cracoviæ Coronatio, atque ibidem de omnibus quæ concernunt bonum publicum, & salutem Reipublicæ deliberaretur.

1649
Coronatio
Joannis
Casimiri

Anno itaque a Christo nato 1649. peracta Cracoviæ Coronatione *Joannis Casimiri* juxta antiquas consuetudines Regni, cum tanta magnificentia ac si nihil adversi accidisset in Regno: sepositis omnibus quæ Legati Palatinatum adferebant, privatis postulatis, illisque ad felicio.

ciora Reipublicæ tempora dilatis, in id solum omnia consilia, ac conatus suos intendebant, qualiter conservandæ salutis Reipublicæ prospici quam optime posset. Præcipue vero quod non tantum in hoc tractu Cosacci omnia sursum ac deorsum miscebant, sed rebellionis illius contagio per Provinciam *Polesie* dictam Palatinaribus *Kijovia* & *Czernichovia* & denique longo sylvarum tractu Lithvaniæ conterminam, serpserrat usque in Lithvaniam Duce *Hladkio* celeberrimo inter Cosaccos Legionario. Qui tanto prosperius conatus suos ibi promovit, quod Dux (vulgo *Janusius* dictus) *Joannes Radziwillius* Vice-Generalis Exercitus Lithvanici, tum & alii Magnates Lithvaniæ, Comitibus primum Electionis, & paulo post Coronationis occupati, tuendis locis illis, in quibus nihil tale sperabatur, operam suam locare non poterant, committentes securitatem Lithvaniæ Supremo Generali dicto *Kiszka*, qui domi quidem remanserat, sed gravissimo correptus morbo prout viribus, ita & consilio destituebatur. Interim conatibus *Hladkii* maximum attulit augmentum frequentissimus in illis partibus plebis Græcæ Religionis accursus, quo factum est, ut aliquot Urbes, utpote *Starodub*, *Homelia*, & alia per prodicionem in potestatem *Hladkii* devenerint. Quapropter constitutum est, ut universi incolæ parati sint ad Expeditionem generalem, quandocunque a Rege jussum fuerit:

Interim quam citissime instituat^{ur} novus militum delectus; quo in genere primum principale visum est, ut constituatur Generalis Exercituum Regni, non tam amplis opibus, aut Majorum stemmatibus, quam Heroicis virtutibus clarus (quia autem constabat ambos anteriores Generales captos ad *Korsun*, videlicet *Nicolaum Pototzki* & *N. Kalinorovski* adhuc vivere in captivitate Tatarica, & eos, quorum intererat de liberatione illorum sedulam adhibere curam) isque tantum substitutus, non vero vita durante, qui postquam alteruter illorum Generalium liberatus fuerit ex captivitate, sine contradictione, regimen ad præsens sibi commissum eidem deferat. Hanc ob rem il, quibus non tam bonum publicum, quam privati honoris, & vanæ gloriæ ambitio cordi fuit, officium hoc detractarunt. Inventus est nihilominus vir, & illustri Prosapia, & rebus bello egregie gestis insignis *D. Andreas Firlej*, Castellanus Belzensis. Qui non ponendo propriam dignitatem ante Reipublicæ salutem provinciam hanc, ea, qua conferebatur conditione, subivit. Cui Dux *Jeremias Visniorvietzki*, ultro sese adjunxit, magnum hunc Senatorem universo Regno multis nominibus commendatissimum, societate sua, & cui primatum deferret, dignissimum, lubenter agnoscens. Adjuncti sunt etiam *Adamus Sieniarovski*, *Nicolaus Ostrog*, *Stanislaus Landskoronski*, & alii

Generalis designatur

alii. Hi itaque cum copiis Regni, quæ effiebant circiter octodecim millia armatorum, versus *Ukrainam* processerunt. *Chmielnicio* interim ^{& in U-} nomine Regis, nunciatum, ut abstineret a tu- ^{krajinam} multibus, Cofaccos antiquos in officio contineret, & his servatis gratiam Sux Majestatis expectaret. *Chmielnitzki* autem multo majora de gratia Regis sibi somniabat, vel (prout rumor ferebat, dum ad *Zamoscium* anno proxime præterito hæssisset, magnis promissis fuisse inescatum) pollicebatur. Quapropter cum vidisset non militem solum cum illis Ducibus, sed alios etiam Magnates, & ferme omnes Nobiles, qui supererant ex iis partibus, ubi seditio erat oborta, procedere cum Exercitu; & non solum stativa cohortibus ubivis distribui, sed & Dominos terrestres, quocunque pervenerant, jurisdictionem suam, sive Dominium more antiquo extendere, ac respectu proventus anni præteriti propter tumultus excitatos non percepti, quicquid apud incolas reperiri posset, ex mobilibus, utpote jumenta omnia, mel, & præstantiora legumina extorquere, & in remotiora loca transmittere; nonnullos autem in subditos suos plus justo sævire, ac voluntarios milites multas injurias exercere; rursus Tataros in auxilium advocat, & Cofaccos qua potest celeritate convocat. Qui cernentes, sibi multo pejora prioribus imminere, si iterum Domini sui rebus potirentur, tanto alacrius

Chmielnitzki copias suas recuperat

concurrunt; *Firlej* vero procedendo in Ukra-
nam aliquot Civitates expugnavit, præcipue
Zwiahel, *Ostropol*, *Bar*; multa milia Cosacco-
rum aliquot præliis fudit, prædam insignem
reportavit, de qua ad tutiora loca reducenda
sollicitus commilitonibus suis in dies quam plu-
rimis disfluentibus, hostium vero potentia ma-
gis ac magis excrecente, propositum in Ukra-
nam Castra promovendi mutare necesse habuit.
Postquam enim vere maturo pabulum magnis
Exercitibus summe necessarium reductum fuisset,
confestim *Chmielnitzki* accersito *Chano* Ta-
tarorum, cum miriadibus illorum, magnis ite-
neribus cœpit appropinquare castris Polonicis:
quo intellecto *Firlej*, Regi hoc nunciat, simul-
que monet, ut cum generali Expeditione Regni
adventum suum maturaret. Ipse autem cer-
nens non fore sibi, & Regno tutum, cum tam
parva manu congregi cum hoste potenti (nam
multi implicati & onusti perceptis ex possessio-
nibus suis bonis, dilabebantur) castra reduxit
Zbaraz (Arx est fortissima in planitie paten-
tissima) impositoque Arci præsidio, fixis castris
in campo sat ab arce remoto, fossa & aggeri-
bus eadem munivit. Quem *Chmielnitzki* cum
Cosaccis (& Tataris cum tantis copiis, ut nec
Tamerlanem majores habuisse crederetur) sub-
secutus, continua oppugnatione tantopere fa-
tigat, ut necesse habuerit relicto illo spatiosiori
loco contrahere castra intra aliud vallum. Ibi-

Generalis
Polono-
rum Ca-
stra redu-
cit

que

que rursus per duas, aut tres septimanas susti-
nens impetum hostium, tandem dum nec ibi
resistere potuisset, recepit se intra Fortalitium
Arcis; quo ideo non se contulerat statim ab
initio, ut hosti diutius se oppugnandi mate-
riam præberet, Rex autem ad succurrendum
sui plus temporis haberet. Cum autem XVII.
assultibus totis viribus attentatis nihil profecisset
Chmielnitzki, cœpit sollicitare *Firlejum* ad in-
eundam concordiam: illo autem respondente
concordia secum inita bellum inchoatum sopiri
nequaquam posse. Sed si quid stabile in hoc
negotio instituere volet, super eo requirendum
esse Serenissimum Regem, & Ordines Regni;
se vero juxta impositum sibi munus id acturum,
quod fidelem Republicæ Ministrum & strenuum
addeceret Ducem. Cum autem nec hac via
procedere posset *Chmielnitzki* in conatibus suis,
tandem cuniculis vallum subire & Castra Polo-
norum suffodere aggressus, huicque operi sedu-
lo incumbens, propria autem castra novis agge-
ribus sine intermissione muniens, tam prope
accessit, ut cum præsidariis, præcipue in ex-
cubiis collocatis, colloqui posset. Qua oppor-
tunitate usus, cœpit Germanos sollicitare ad
defectionem. Sed quia non inveniebat inter il-
los Germanico habitu palliatos Russos, hac
quoque arte parum proficiebat; nihilominus
quia militibus ejusmodi laboribus minime affue-
tis illud defendendorum Castrorum onus vide-

Cosacci
Zbaraz
obsident
& oppu-
gnant

batur nimium grave, ceperant jam tacite tumultuari, praesentientes majora ex longiori obfidione sibi imminencia mala. His intellectis quidam fidissimi amici *Vismorvicii* ceperunt suadere, ut consulat sibi, nunciando non amplius imperio Ducum obsecundare velle Exercitum. Sed ille cum venerando Sene optime conveniens, ea qua pollebat inter omnes auctoritate militem in officio continuit, & variis modis effingendo, aliquando sagittae alligatas, & quasi noctu ad Castra explosas representando litteras, de adventu Regis cum succursu venientis, moestos & pavidos eorundem erigebat animos. Et quamvis eo angustiarum redacti fuerint, ut coacti fuerint equina carne vesci, & aquam tabo cadaverum (quae Cofacci studio in praeter fluentem detrudebant) scatentem bibere, fortissimo animo per octo septimanas sustinuerunt molestissimam obsidionem.

*Rex in
succur-
sum pro-
ceat*

Interim etiam Rex per litteras ad se missas, & variis indicibus de omnibus, quae ibi gerebantur, edoctus, non expectando donec ex universo Regno concurrant Palatinatus, sed ex minori tantum Polonia, tum etiam novis delectibus, & praetorianis militibus comparatis, circiter quadraginta millibus, qua potuit celeritate in succursum obsessis venire festinat, serio aliis etiam demandans, ut se subsequantur quam citissime, & omnino augebatur Exercitus. Dumque pervenisset versus *Zbororv*, uno eis

Ci-

Civitatem milliari, ibique Castra sua penes paludes metatus fuisset, circa vesperam supervenerunt circiter duo millia Nobilium *Pramisliensium* & *Sanocentium*, qui quod tardius venissent, nec serum diei in alium ordinem redigere Castra permisisset, exterius remanserunt, loco non multum a Castris disito. Sequenti die Rex Castra sua produxit versus *Zbororv*, cum tali ordinatione, quod postquam superasset passum penes eandem Civitatem, non debeat illa ulterius promoveri, donec redigantur in talem ordinem, quo servato, cum hoste, jam tantum duobus miliaribus ab eo loco distante congregi possit: relinquens in loco quodam suspecto (per quem Tataros pro more illorum ad carpenda posteriora agmina incursuros suspicabantur) penes ruptum aggerem cujusdam stagni, praesidii loco, ducentos pedites, & 500 Equites, sub Commenda exercitissimi cujusdam Legionarii *Korytzi* dicti. Illi autem miseri, qui pridie venerant, videntes Regem se praecessisse, scientes praeterea illum, a *Zbororv* ea die non ulterius iturum, ac denique videntes, ab ea parte, unde metuendum esset, ab hoste praesidium impositum esse, iusto securius discumbabant, nec prius Regem subsequi volebant, donec pransi essent. Interim circa Meridiem advolant Tataro mixti cum Cofaccis, ad eum locum ubi erat cum praesidio relictus *Korytzi*, impetumque in illum faciunt. Ille de-

*Tatari
invadunt
posteriora
agmina
& ca-
dunt*

G 4

fen-

fendit strenue. Videns autem plures supervenire catervatim, impares se ad resistendum cernens, mittit ad illos Præmislienses, ut sibi mittant succursum quam citissime: se enim cum sibi adjunctis resistere non posse. Illi cum variis jocis remittunt Nuncium, ipsi interim epulantur. Mittit altera vice nuncios, hic valde serio rem agi, veniant sine mora, ne pereant. Tunc mittunt de medio sui ad explorandum, quid ibi agatur. Qui dum eo adveniunt, vident jam pedites a multitudine supergressa superari atque decollari, ipsum etiam *Korycium* jam fugam meditari. Quibus visis recurrunt ad suos hæc nunciaturi. Sed serme una cum illis etiam ipse *Koryzki*. Hi autem tunc demum armabantur. Dum *Koryzki*: Domini non crediditis dictis, credite jam quæ videtis. Illis itaque a tergo sibi relictis, ipse cum suis tutius ad Castra Regis properavit. Hoste itaque circa Præmislienses remoram faciente, ipse ad Regem accurrens nunciat, quid evenierit. Jam autem cum multo majore parte Exercitus superaverat passum Rex. Audito illo malo rumore, confectum jussit, ut quotquot sunt adhuc ultra passum, recurrant ad auxilium ferendum. Interim illi miseri ad internecionem deleti. Hostes autem sumto animo, abjectis equis lassis, incredibili celeritate procurrunt ad Castra Regis, cohortesque sibi occurrentes sine quovis ordine profigant, alios in fugam conjiciunt,

ciunt, & rebus sibi optime succedentibus perveniunt usque ad Castra. Sed quia invenerunt currus in illo passu, ex occasione istius insperati mali (omnibus prius transire conantibus) ita complicatos, ut unusquisque etiam pedestris difficile potuisset transire, tum a curribus, tum ex Civitate (in qua collocaverat Rex 1500. pedites Germanicos) emissa crebra glande selopetaria, non sine notabili damno suorum reiecti, recesserunt. Sed & ex Polonis aliquot hastatorum cohortes, quod non servato ordine sparsim se in campum effudissent, & alii optimi milites supra quater mille periere: inter cæteros *Baldvinus Ossolinski* Capitaneus Stobnicensis, *Felicianus Tiszkierwik*, & *Stanislaus Rzetzyzki*, vir, prout in aliis occasionibus, ita vel imprimis bello in Moscovia tempore *Uladislai IV.* gesto, valde celebris. Nec multa interposita mora, per illum, per quem venerant, regressi trajectum cum magno rursus Exercitu, sed confuse, mixti Tataři cum Cosaccis, a fronte coeperunt adoriri Castra Regis. Sed quia aliter paratos invenerunt, quam illos in posteriori agmine, nihil proficiebant, imo quia proxime admittebantur ad instructam aciem, ex tormentis incognite dispositis multi cædebantur. Ad præliandum enim (quod jam sol ad occasum vergeret, multi autem currus adhuc ultra passum remanissent) non videbatur consultum educere milites; sed tantum instructa acie

Rursus a
fronte ho-
stis Polo-
nos ada-
vitur

acie late sese extendente (nimirum ab ipso stagno, quod sinistram latus Castrorum Polonorum claudebat, usque ad paludes dextram alam tutantes) lente Rex producebat exercitum, viam patefaciendo tormentis, atque hostem, ne campum præoccuparet, deturbando. Postquam autem in tantum produxisset Castra, ut & currus, superato passu in carraginem reducti, & Germani ex Civitate deducti fuerint: tum munitis bene Castris, scilicet, constitutis de curribus quasi propugnaculis aliquantum extra Castra eminentibus, illisque frequentia pedatum munitis, videns Rex hostem auacissime invehiri, plane ad ipsam usque phalangem suam, jubebat modo hunc, modo alium Legionarium, ut profiliaret in hostem. Sed quia non mediocriter perturbati illa recenti fratrum suorum clade, non valde obtemperabant: quo viso Rex & ipse conturbabatur. Tum *Stanislaus Sarniewski* Capitaneus Grabovicensis accedens Regem, ait: Ideo huc venimus, ut pro incolumitate Tua etiam vitam deponamus: itaque impera, quicquid lubet. Quo audito jubet, ut dicta facto comprobet. Qui cum tribus millibus militum levioris armaturæ subito profiliens, atque fortissime tergoribus illorum insilendo complures prostraverunt. Sed dum procul a Castris excurrissent, jussit Rex Legiones illas subsistere. Tum hostis videns sibi etiam rem cum viris esse, non amplius nostros infestavit.

Rex

Rex vero ex illis Legionibus crebras excubias circa Castra collocari jussit. Interim certamen diremit nox superveniens, qua in silentio transacta, sequenti die, quanquam omnes ardentissime desiderarent prælium, commodissimum ad id nacti campum; præsertim quod a sinistra ala loco muri habuissent stagnum insuperabile, a dextra autem ablutes, ægre pedestri alicui penetrabiles, intermedium vero locum totum phalanx occupabat: posteriora denique agmina claudebant passus ille, de quo pontes tumultuario opere confectos disjici jam Rex curaverat. Qua denique castra producenda essent, usque ad ipsam Arcem *Zbaraz*, (ubi erant obsessi) duobus tantum milliaribus distantem, nullum erat obtaculum. Denique Magister Artilleriæ *Christophorus Arciszewski*, vir bello exercitissimus, (qui in Hollandia heroicis virtutibus suis officium Admiratus consecutus, eodemque aliquot annis summa cum laude perfunctus, tandem in Patriam revocatus, hoc munere condecoratus fuit) animabat Regem asserendo, quod, etiam si quatercentena millia hostium contra se venirent, servato isto ordine, tutissime sit congressurus, & Castra intacta ad illos usque obsessos deducturus. Solus tamen *Offolski* Supremus Regni Cancellarius (quem domi Leone animosiores, in prælio lepore timidiores fuisse, nulli non erat notum) induxit Regem, ut non conjiciendo in discrimen

per;

personam suam, pacisceretur cum Cosaccis; offerens se id honestissimis conditionibus effecturum; quod facile poterat sibi polliceri, quia adhuc vivente *Uladislao IV.* amicitiam contraxerat cum *Chmielnicio*, prout hoc superius expositum est. Itaque a parte Regis per dictum *Offolinscium & Kiselum* Palatinum *Kijoviae*; a parte vero Tatarorum & Cosaccorum per *Vezirium Hani Sferkazium & Sulmazium Aga*, initi sunt Tractatus. Quorum quidem Tractatum hæc erant præcipua Capita: Inter Serenissimos *Joannem Casimirum* ejusque Successores Reges *Poloniae*, & *Islan Gerejum Hanum* Tatarorum, ejusque familiam *Gerejam*, sit pax, amicitia & fraternitas in perpetuum. Serenissimus vero Rex *Joannes Casimirus* ex liberalitate sua in contestationem Fraternitatis ad præsens, dat munus, (notabilis summæ pecuniæ, pro qua exsolvenda ii, qui pugnatum venerant, in instanti contribuebant, quantum quisque potuit) in posterum vero solvat Tataris stipendium militare, jam dudum ab Antecessoribus *Casimiri* denegatum. Quo accepto Chanus Tatarorum cum universis copiis suis adsit contra quemvis hostem Regis, quoties a Rege vocatus fuerit. Ad instantiam ejusdem Chani Tatarorum Rex Cosaccis omnium facinorum det perpetuam Amnestiam, illosque in gratiam suam recipiat: Antiquas Libertates tum Cosaccis, tum Religionis Græcæ restituat: *Archimandritam Kijoviensem*

more aliorum Episcoporum Catholicorum, recipias in Ordinem Senatorium: & ab hinc omnes dignitates & Officia in Palatinatibus *Czernichoviensi, Kijoviensi, Bratslaviensi* hominibus Religionis Græcæ conferat: Terminum Cosaccorum ad *Horyn fluvium* se extendant: ultra *Horyn* vero nec ullus Magnatum, aut Nobilium quicquam Juris sibi prætendat, nec miles ad hyberna unquam collocetur: *Chmielnitzki* in officio Generalatus *Zaporoviani* per Regem confirmetur, nec ab ullo alio, nisi ab ipso Rege dependentiam habeat. *Czebryn* Civitas ad Generalatum *Zaporoviensem*, prout *Bar Supremo Generali Exercitus Regni* confertur, cum suis redditibus perpetuo resignetur; Cosacci vero deposita hostilitate, in fidelitate Regi debita permaneant. Quæ quidem, postquam Juramento Regis, & Senatorum, qui secum erant, ab altera vero parte Chani tum *Chmielnicii*, & aliquot Cosaccorum confirmata fuerint, obsidionem *Zbaraziensem* in instanti solvant, neque egressis inde militibus ullo modo passum præpediant, aut insidias struant: Sed, tum *Tatari*, tum *Cosacci* copias suas dimittant, & ad sua quisque loca reducant. Quod si Pateta hæc vel a parte Polonorum, vel a parte Cosaccorum violata fuerint, habeat plenam auctoritatem Chanus, parti læsæ, contra violentem isthæc amicitia, cum copiis suis subvenire. Post præstitum utraque ex parte Juramentum, Chano concessum est cum Rege sedere; *Chmielnitz-*

nitzki vero supplex accedens, in hunc modum Regem salutavit: *maluisse se egregiæ Regnopraestitæ operæ consciunt, quam tanto sanguine effuso erubescerent, venire in conspectum S. Majestatis Regiæ: Sed quia fati aliter est visum, jam Clementiam S. Majestatis, pœnitentem, ac supplicem orare: Cui, nomine Regis, responsum: Tantam inesse S. S. Majestati Regiæ innatam clementiam, ut pœnitentiam potius delinquentium, quam pœnam videre velit. Quapropter, quamvis multum offensa fuerit Sua Majestas iis, quæ patrarunt Cosacci, hoc tamen totaliter illis condonare, dum modo fidelibus serviitiis ea velint compensare. Quod facturum se iterum Chmielnitzki promisit. His confectis Rex contulit se ad Gliniany, cum Castris quæ secum adduxerat. Ad denuncianda autem obsessis Pacta, atque vigore illorum ad solvendam obsidionem, misit Legionarium quemdam dictum *Minor* cum Cosaccis, qui una cum Tataris a Castris Regiis recesserunt quidem, sed perveniendo ad *Zbaraz*, non prius prædictum *Minor* transmittere ad obsessos, & ipsam obsidionem solvere voluerunt, donec Tataris notabilem aliquam summam solverent. Verum illi, ne obolum quidem se daturos, sed potius ad extremum halitum pugnatuos declararunt; qua de re dum integro ferme octiduo inter utramque partem disceptatum fuisset, adfertur fama de insigni fuorum per *Radziwillum* clade,*

&

& necesse *Hladki*; qua accepta confestim a *Zbaraz*, cum universis copiis tam suis, quam Tataricis recessit, & illum Legionarium a Rege destinatum, nempe *Minor*, remisit; qui nomine Regis *Firlejo* pro insignibus ejus fatigiis, & Heroicis in ista obsidione exantlatis facinoribus, obtulit Palatinatum *Sendomiriensem*; *Jeremiam Visniorviocio*, uti fido *Achati* ejus Capitaneatum *Præmisliensem*; *Nicolao Ostrog*, Capitaneatum *Kizynensem*; *Landskoroncio* Palatinatum *Bratslaviensem*; *Sieniawio* Capitaneatum *Leopoliensem*; *Rozrazewio* Capitaneatum *Stobnicensem*; *Kiczahytovio* Capitaneatum *Tarnogoriensem*, & aliis varias, juxta merita dignitates. Sed judicio omnium nihil tam eximium conferri potuit, quin virtus fortissimorum virorum ampliora meruerit. Digna etenim etiam apud seram posteritatem summa veneratione constantia! Exercitus exiguus, nimirum novem duntaxat millibus constans, (nam cœteri voluntarii relicto *Firlejo*, cum spoliis domum regressi erant) omnem Taurici Principis, Russiæque potentiam integris duobus Mensibus, inter acerrimos oppugnationis perpetuæ conatus, inter admota varii generis machinamenta, in tantis loci angustiis, in tanta commeatus penuria, ut equina carne vesci necessum haberent, inter tot cadaverum fœtores, denique nulla spe eliberationis affulgente, sustinuit! Quæ quidem Pacta quam grata fuerint iis, qui cum

Re.

Rege fuerunt, ad *Zbororv*, patet ex eo, quod sequitur colloquio, per aliquem Aulicorum processum hunc perstringentem, composito, & ibidem publicato, in quo, postquam jam novi Amici, nempe Rex Poloniae, Hanus Tatarorum, & Episcopus Russorum ad confirmationem novae amicitiae confluerent, ac familiariter secum epulati fuissent, introducuntur loquentes: Cancellarius Regni ille *Offolinski*, *Kisiel* Palatinus *Kijovienſis* Graecae Religionis, coadjutor Cancellarii in conficiendis Pactis, denique Fidicen quidam Regis *Gremboſzorski* dictus.

Collo-
quium
factum

Cancellarius loquitur Regi cum Hano sedenti:

Ecce quam pulchrum & quam jucundum fratres habitare unum!

Rex Cancellario:

Nos quidem solus conjunxit Amor, tibi vero servata, patriae debetur honor.

Cancellarius de *Kisielo*:

En servator Patriae, surge dilecte mi, coronaberis.

Episcopus ille nova dignitate donatus ad eundem:

Tu es Decus Ruthenorum: Tu gloria Schismaticorum!

Kisiel ad eundem Episcopum:

Sedebis & Tu super duodecim Tribus Israel
(hoc est in Senatu)

Grem-

Gremboſzorski arreptis lyris canit:
Hæc est dies, quam fecit Dominus, exultemus, & lætemur in ea.

Tum ad hæc Cancellarius:

Accipe mercedem Fili, quam meruisti! Et porrexit ei Privilegium super Capitaneatum *Vrzendoviensem*. Cujus quidem Capitaneatus nuperrimus Possessor *Stanislaus Rzeczytzki*, in prælio nudius tertius ad *Zbororv* cum Tataris commisso occubuerat. Filius vero ipsius, qui una cum Patre fuerat in castris, postquam corpus illius de loco, ubi erat prælium commissum, rerulisset, simulque Privilegium novum, plane eadem de manu a Rege super aliquod officium collatum (fuit namque optime de Republica meritis; & sanguine Patriis madens) Regi representans rogasset, ut (quandoquidem parens suus a multis annis adhuc prædecessori fratri Suae Majestatis cum dispendio salutis, & fortunarum suarum inserviens, ac porro a sua Majestate hocce novo beneficio, ad demerendam suam quoque gratiam incitatus, provocans contra Hostem, prius vitam amisit, quam collata sibi dignitate gaudere potuisset) recepto hocce noviter collato Privilegio, sibi conferatur solum ille Capitaneatus *Vrzendoviensis*, quo Parens suus compluribus annis fuerat perfunctus, offerendo se quoque exemplo Patriis Gratiæ Suae Majestatis totis viribus demeriturum. Nec tamen potuit hoc a Rege obtinere, sed

H

obti-

obtinuit Fidicen, minime huic muneri accomodatus. Quo facto, multo plurium de se bene mereri studentium animos a se Rex abalienavit, quam collatione beneficiorum iis, qui ad *Zbaraz* heroice illa promeruerunt, sibi conciliavit.

Postquam vero ii, qui erant obsessi, cognoverunt, quibus conditionibus fuerit compactum, dentibus ferne fremebant contra Cancellarium; quod tantam labem sine ulla necessitate Regi affricuisset; idque tanto magis, postquam cognitum est, qualiter in Lithvania successerit *Radzivilio*. Ille enim postquam regressus fuisset ex Coronatione in Lithvaniam, Supremo Generali lecto graviter affixo, assumens in se, uti Campi Marschalcus, tuendæ Lithvaniæ provinciam, cum in subito casu non potuisset habere sufficientes copias ad obsistendum in campo potentia hostium, majores nihilominus vires in dies cogens præcipua fortalitia præfidiis munivit: præcipue Civitatem *Bichoviam* committens tuendam *Joanni Pacio*, *Vladislao Wolorvicio*, & *N. Sapichæ*, adjungens iisdem Nobilitatem Provinciæ *Orsa* dictæ; qui strenuissime, ac felicissime hosti sese opposuerunt. Civitati vero dictæ *Stuzk* (quæ erat *Boguslai Radzivilii*) Governatorem imposuit *Joannem Sosnorovski* Dapiferum Vilnensem, qui illam mascule defendit. *Pinsko* interea Urbs frequentissima, ac populosissima proditione Civium in potestatem hostium devenerat; sed ala-

cri

cri virtute *Mirscii*, Præfecti Excubiarum Exercitus *Lichvanici*, *Alexandri Komorovii*, nec non *Samuelis Corvini Gonserski*, cum *Pauli Nicrviarovii*, & *Lucæ Jelscii*, ac complurium aliorum ad restinguendum incendium illud, certatim concurrentium, cæso *Hladkio*, & universis Cofaccis, qui cum illo intus erant, est recuperata. Quia autem facta fuit præcipuum receptaculum rebellium, ad incutiendum terrorem aliis perfidia laborantibus flammis ferroque consumpta, præda vero militibus concessa, *Czerocovia* quoque ab *Horscio* notabiliter erant profligati Cofacci. Postquam autem ex variis partibus, tam stipendiarii, quam Magnatum milites ad latus *Radzivilii* complures confluxissent, ut justum Exercitum constituerent, dum Castra sua promovere crepisset *Radzipilius* versus *Borysthenem*, ad samam adventus ipsius aliquot Civitates, quæ sese jam addixerant Cofaccis, sponte sese rursus dediderunt, utpote *Turovia*, & *Gradek*, pro quo gratiam ejus sunt experti; deinde Castris productis ad Civitatem *Mozyr*, (quæ contemptis omnibus ad pacificationem invitationibus, per *Parolorvium* & *Mirscium*, qui tum aliqua manu militum præceserant, oblati, obstinatissime a rebellibus, Duce *Michnenko*, defendebatur) tandem eo perveniens totis viribus impetum in illam fecit, exactoque in acerrima ejus oppugnatione aliquot dierum spatio, denique vi magna illam

H 2

ho-

hosti eripuit, cæsis defensoribus; Ductorisque rebellium Caput, manu Carnificis amputari, & ad deterrendos alios de Turri Arcis suspendi curavit. Inde progressus est ad Civitatem dictam *Bobrojsko*, sitam ad fluvium *Berezina*, quam circumfederat *Wolorvici Gondseruski*, & *Matthias Fronckierovicz*, & illis quidem parum, aut nihil proficientibus, supervenit ipse Dux *Radzivilius*, cujus adventu perterrefacti oppidani, confestim clementiam illius implorant. Qui declarans se etiam parcere scire subjectis, supplicibus hac conditione gratiam concessit, ut inhabitantes universi, ac singuli, egressi moenibus suis, arma ad pedes suos deponerent, & Principales rebellionis in manus suas traderent. Quod cum (malignitatis suæ conscii) facturos Cives vidissent, consensu lignea turri, mortem sibi, quam a Victore detrectabant, flammis subjectis accelerarunt. Cum autem bene adustus Dux Rebellium *Poddubitzki* dictus, refrigerium ac conservationem vitæ ab alio elemento quærens in profluentes aquas sese præcipitasset, ex iis extractus, atque in manus Victoris traditus, palo est insutus. Tandem *Radzivilius* gravi morbo correptus, curandæ valetudinis causâ, ad propria redire est coactus; ideoque interim non ulterius Castra promovere voluit; solummodo demandavit Officialibus suis, quatenus scdulam adhibeant curam,

ram, ne novos tumultus iterum alicubi sinerent exoriri.

Quod postquam relatum fuisset *Chmielnicio*, mox expedit *Eliam Holota*, præ cæteris Cofaccis rebus fortiter contra Turcas in variis occasionibus gestis, bene clarum, qui prope-rans in Lithvaniam cum valido Exercitu, cui innumera plebis agmina in dies accedebant, atque sciens Exercitum Lithvanicum dispositum esse circa fluvium *Pripet* dictum, ex improviso impetere illum, voluit, & parum abuit, quin suffuratus fuisset de minus cautis victoriam: quia tamen casu aliquo delata fuit fama insidiarum ipsius ad aliquos Legionarios Lithvanicos, nempe ad *Falencium* & *Gonsievium*, & Præfectum Peditum dictum *Donarvey*, ideo abjecta cunctatione, opinione hostium citius in occursum venientes, *Holotum* illum in turpem conjecerunt fugam, qui compulsus ad loca uliginosa, ex quibus explicare se minime potuit, atque ex omnibus partibus circumventus, ad internecionem est deletus, & ipse obrutus. Sic *ars deluditur arte*.

Sublato *Holota* in locum ejus jussu *Chmielnici* successit *Stephanus Podobaylo*, qui *Borysthenis* & *Zula* fluminum confluentium ripas insedit, & variis modis munivit; *Lojow* vero Civitatem ad Borysthenem sitam, tum & arcem, ne Lithvani usum earum haberent, exussit; contra quem adveniens *Vincentius Gond-*

Gondsewski cum strenuo peditatu, ferme jam statione illa eum deturbaturus erat; interim plus quam cum XXX. M. supervenit alius Cosaccorum Ductor *Krzyczewski* dictus, (natione quidem Polonus, sed in praelio ad *Korsun* captus, & per *Chmelnicium* ob respectum veteris amicitiae, quae inter illos olim intercesserat, de manibus Tatarorum eliberatus, atque variis *Chmelnicii* tum blanditiis, tum largitionibus in partes Cosaccorum pertractus, mox validi Exercitus Ductor est constitutus) cujus adventu cognito *Gondsewski*, cum peditatu suo ad tutiora se contulit; interim *Radzivilius* recuperata valetudine sua, ad Exercitum suum rediit, atque Castra ad Civitatem *Bobrojsko* fixit.

Krzyczewski vero, postquam vidisset *Gondsevium* manus suas evalisse, praese ferebat se tendere ad Civitatem *Rzeczytra* dictam, ad fluvium *Pripetium* loco valde opportuno sitam, re autem vera Castra *Radzivilii* impetere voluit, remque tam caute egit, ut quamvis *Radzivilius* nunc *Samuelem Komorovium*, nunc *Adamum Parolowicium* (viros tractandi talia bene gnaros) speculatum expedivisset, illos tamen ad alium passum intentos ita elusit, ut prius ad Castra *Radziviliana* advolasset, quam adventum illius Dux *Radzivilius* praesentisset. Sed quia Dux solertissimus ad omnia momenta habuit Exercitum paratissimum, ista celeritas ho-

hostis caruit optato successu. Primus nanique *Lucas Chodkiewicz* cum praetorianis velitum turmis, & 400 peditibus, subitaneum illum hostium impetum sustinuit tantisper, donec reliquus Exercitus *Radzivilii* ad subeundam cum hoste pugnam optimo ordine sese expedivisset, & mox *Gondsevius*, & *Nieruviarovius* cum turmis hastatorum tanta vi in hostem confertissimum irruerunt, ut sinistra ejus ala ferme profligata in sylvam sese recipere coacta fuerit. Sed Sylvam tanquam propugnaculum nacti, atque ex equitibus pedites facti, multos insequentes sese Lichvanos crebra, atque scita explosione sclopetorum, postraverunt; ac supervenientibus novis *Radzivilii* cohortibus, in penitiores sylvas sunt compulsi, & plane dispersi; ad quos persequendos dum aliquot cohortes iusto longius a Castris provolassent, Cosacci paucitate illorum contempta, jam plane illos ex omnibus partibus circumvenerant. Ecce autem *Komorovius* opportunissime ex illa Partia rediens, atque ex strepitu armorum, quid agatur cognoscens, insperato super tergora hostium accursu, sociis suis salutem attulit, hostem vero ingenti terrore perculit, adeo, ut insidias studio sibi stultas suspicatus, maturare regressum ad proximiores sylvas consultissimum putaret, ibique mox vallo tum ex concadibus, tum ex cadaveribus caesorum, tumuluario opere sese munivit; quem oppugnare dum Lich-

vanus miles summo conamine contendit, Cosaccis ex variis lateribus glandem sclopetariam crebro evomentibus, notabile damnum præsertim in equis reportavit: inter cæteros *Gondsevius* Palatinus Smolescensis, equum faucium ibi amisit, & ipse ictu globi in pectus læsus, ac nonnisi manibus astantium asportatus, vix evasit. Quapropter cæteri referre pedem ad caltra necessum habuerunt; qui regressi atque cum illis, qui adversus alam dextram dimicabant, conjuncti, tanta vi impetum in Cosaccos fecerunt, ut illos plane deleverint.

Dum hæc aguntur, ille *Podobailo*, de quo superius dictum est, cum quindecim millibus peditum, navibus impositorum, cursum suum eo dirigebat, ubi *Krzyzeczvium* inventurum se sperabat, ignarus quid ei interim evenisset. Sed quia plane jam post bellum auxilium ei ferebat, seipsum sociis non inventis in exitum præcipitavit: quod tamen evitare volens, munitionem in citeriori ripa subitaneæ opere cæpit erigere. Contra quem *Radziwilius* validas turmas, cum equitum, tum peditum expedit, quibus non multum proficientibus ipse denique spe ea fretus, *Krzyzeczvium* aut jam perisse in sylvis, aut ad tam remotos sylvarum saltus sese recepisse, ut inde nonnisi ad aliam partem exitum attenter, relicta pro præsidio Caltrorum aliqua parte peditum, cum lixis atque calonibus, cum peditatus potiori parte ita hostem invasit, ut

mi-

milites quidem sui plurima illaque gravissima vulnera acceperint, sed Cosacci tam acri oppugnatione tantopere consternari, ut videntes salutem sibi nonnisi in transnavigatione ad alteram ripam restare, dum certatim ad naves concurrunt, plurimi in fluvium detruduntur, ut non aliter quam anates in paludibus, ita crebra nantium capita insequentibus se exposita, continua sclopetorum explosione globis transigerentur, paucissimis huic discrimini exemptis.

His confectis supererat adhuc carrago *Krzyzewii*, contra quam *Radziwilius* ut plena potiretur victoria (ipse cum equitatu, quasi jam perfunctus munere suo, eminus eventum rerum præstolando) expedit pedites alios, quos pro præsidio Caltrorum reliquerat, dum Ductoribus *Mirskio*, excubiarum Magistro, *Reinholdo de Tisenhausen*, *Noldio* & *Vechmano*, qui dum in expugnatione illius carraginis triplici ordine curruum concatenatorum munitæ defudant, ex *Krzyzewuski* ex sylvis in auxilium suorum prorumpit; quo cognito *Radziwilius*, quod ex latebris in patentem campum profluerit, sine mora confertis agminibus, imprimis autem præmissis hastatis, & mox aliis, atque alius illis succedentibus, impetum in eum fecit. Qui sustinere Lithvanos non valens, dum rursus recipere se in interiores sylvarum recessus antehac variis modis circumseptos, contendit, in occursum sibi venientem reperit *Parovicium*,

cium, illum qui adhuc cum *Comorovio* ad *Partiam* emissus, atque longius progressus, hucusque extra Castra strepitu armorum horrendum in modum resonantia, commoratus, tandem, id, quod longiore mora neglexerat, compensare volens, tanta alacritate in hostem fugientem est investus, ut plane silitere fugam coactus fuerit *Krzyczewski*, & tandem a fronte *Parolovicio* sese remorante, a tergo vero *Radzivilio* acerrime instante, cum subsistendi nullum videret facultatem, sparsim, quocunque alicui semita patuit, dissipati sunt omnes, & denique usus ista commoditate, (quod *Radzivilius*, nocte pugnam dirimente, relictis in excubiis pro necessitate militibus, corpus Exercitus sui reduxit ad Castra, primo mane denuo pugnam restauraturus) cum summa animi perturbatione, relictis omnibus impedimentis, quæ fugæ obicem ponere possent, in abdicissima nemora sese subducere satagit. Sed quia aliquot vulneribus fuerat confossus, eamque ob rem continuandæ fugæ minime idoneus, a suis presentissimum periculum moram sibi allaturam prævidentibus, vix semivivus in via relictus, in potestatem *Lichvanorum* die sequenti devenit, & ita tandem animam efflavit. Postmodum Castra etiam *Krzyzewii* universa sunt dissipata, ex quibus præter commeatum, exilia pro ingentibus laboribus, & multo sanguine tulerunt spolia.

Hæc

Hæc tam insignis & memorabilis *Radzivilii* victoria, ad notitiam quidem Regis, tam subito (quod omnes viæ a Cosaccis obsessæ fuerint) pervenire non potuit; sed *Chmielnitzki* per homines suos de omnibus edoctus ad paciscendum atque pactis satisfaciendum impulsus, attentare nihil amplius ausus, & ipse cum Tataris a *Zbaraz* recessit, & Exercitum, quem ad suppetias *Krzyzewio* ferebat constantem *LX. M.* Duce *Zlotarenko* ordinaverat, cum jam fluvium *Pripetium* trajicere cœpisset, revocavit.

Rege autem adhuc cum Castris ad *Gliniany* commorante, quam primum allata fuisse fama, obsessos ad *Zbaraz* jam defacto esse dimissos, quisque Nobilium ad sua, nec petita a Rege licentia, regrediebatur. Rex quoque *Varsaviam* rediit, assignatis Quartiriis idoneis iis, qui obsidione *Zbaraziensi* erant liberati. Quia vero in dies magis culpabant ferme omnes illa Pacta, hac occasione multa contra dignitatem Majestatis Regiæ eveniebant, quæ studio omitto, ne injuriosus videar erga S. R. Majestatem, veritatem exponendo. Neque permanserunt diu suo in robore ista Pacta; nam & milles ad Hyberna per *Ukrajnam* constitutus, illa despiciens, ubicunque libuit, & licuit grassabatur, nullo habito respectu finium ditionum Cosaccicarum, Pactis circumscriptarum; & *Chmielnitzki* non contentus ea esse Juramento Regis, con-

Anno
1649

Anno
1650

confirmata, in Comitibus Regni Generalibus Anno 1650. Varavia celebratis per quendam substitutum porrigens supplicem libellum, requirit Regem, ut *sæpe dicta Pacta Juramento quatuor primariorum Senatorum Regni confirmarentur, Et ut iidem majoris securitatis gratia sibi pro obsidibus fidei darentur; præterea, ut eorum tota Russia Unita* (hoc est, tales qui Religionem Græcam profitentes, cum Catholicis iniuerant tale Pactum, ut quamvis in quibusdam Articulis fidei inter se dissentiant, nihilominus Sacerdotibus Catholicorum licitum sit ingredi Tempia Russorum, in illisque sacra sua administrare; vice versa autem Russis liberum sit idem facere in Templis Catholicorum. Et Catholici quidem concessa sibi facultate fungebantur: quando vero Russi in Templis Catholicorum idem facere voluerunt, tanquam rudes, ac barbari fannis ab auditoribus excipiebantur; quod cum uni & alteri evenisset, cæteri hoc nec attentare ausi) *Et Tempia Catholicorum tollantur, una cum universis Nobilibus: nec quicquam Juris sibi in illa loca prætendant, sed ut Cosacci liberi, ac immunes in Palatinatibus Ozernichoviensi, Kijoviensi & Bratslaviensi perpetuis temporibus permanent.*

Quod quidem Chmielnicii postulatum iniquissimum esse, ideoque minime concedendum censens Respublica tota, nimirum, ut Rex recipiens semel Gentem liberam in Patrocinium suum,

suum, & plenarius ejusdem existens Dominus, Provincias Regni concedat alteri, idque mancipio suo; ideoque unanimiter institerunt omnes, ut potius, ceu verus Herus ineptas quisquilias Domus Reipublicæ mature everrat, promittendo se in eo effectuando minime defuturos, dummodo & ipse non desit. Quapropter in iisdem Comitibus decernendo, (non quidem aperte bellum contra Cosaccos, sed tantum) defensionem Regni necessariam, statutum est, conscribenda esse quinquaginta millia stipendiariorum, & Expeditionem in bellum totius Regni Generalem submittebam arbitrio Regis, & quodocumque Sux Majestati visum fuerit *litteris Restium pri-* *Litteræ*
mis, pro binis, præmissis, ad secundas quasi *Restium*
jam tertias; ad Castra esse conveniendum. Et
ibidem stipendiarum Militis Regimen rursus com-
missum est Potocio Supremo Exercitus Regni
Generali & Calinovia Marschalco campi, (jam
enim liberati erant interea ingenti lytro ex
captivitate Tatarorum) quibus Firlej utpote
substitutus, lampada, cursu feliciter ac laudabi-
liter peracto, libenter tradidit.

Chmielnicio autem ad illam supplicationem datum est cautum responsum, promittendo Commissarios Regni expediendos fore *Kijoviam*, cum plenaria plenipotencia componendi omnes prætensiones Cosaccorum; & *Kielum* posthac semper Kijoviae mansurum, ad præcavendum, ne aliquid a parte Polonorum con-

tra Conclusiones Commissariorum exorbitetur. Et Commissarii quidem stabilientiæ pacis gratia, *Kijoviam* cum aliqua manu militum expediti sunt; sed *Chmielewiczki* cernens, quod Episcopus ille alias Archimandrita *Kijoviensis*, qui juxta Pacta *Zborovienſia* in Ordinem Senatorum cooptandus erat, promissa dignitate frustratus fuerat; cernens item quales insolentias miles Quartanus in *Ukrajna* exerceret; audiens præterea de novo apparatu belli, exindeque conjiciens, Pacta illa, quæ ad *Zborov* extorſerat merus, non fore diuturna; non contentus Responsio sibi ex Comitibus allato, coepit aliter Consilia sua dirigere. Ante omnia misit Legatum ad Hanum Tatarorum, nuncians ei Pacta *Zboroviana* per Polonos jam esse annihilata, simulque rogavit, ut juxta obligationem suam sibi, tanquam Parti læsæ auxilium ferret: præterea Cofaccos & universam plebem ad arma excitat, ac convocat. Repullulantibus itaque rursus seditionibus Cofaccorum, Commissarii illi a Regno *Kijoviam* expediti, videntes se nihil in finem feliciter deducturos, regressum ad Regem parant (interim delectus militum per universum Regnum alacriter instituitur) quibus quotidie plures sese adjungebant milites, ac Nobiles, qui fœci Pactis *Zborovianis*, cum præterea destituti fuerint omni vivendi modo, partim in *Ukrajnam*, partim trans *Borysthenem* sese contulerunt, manifesta indicia novorum

cu-

tumultuum videntes, percepto exiguo aliquo ex bonis suis proventu, frequentiori Compania aucti, libenter ad tutiora loca remeabant; qui vero ad remotiora loca exiverant, neque ita subito extricare se poterant, Cofacci in illos valde hostiliter, ac crudeliter crassari coeperunt. Quod postquam relatum fuisset Ducibus Exercitus Polonici, *Potocio* nimirum & *Calinovia*, coeperunt verè ineunte Anno 1651. contrahe-
re copias militares circa *Bar*. Quo intellecto per exploratores suos *Chmielewiczki*, simulata fama mortis suæ, Legionarium dictum *Naczaj*, cum selectissimis Cofaccis contra illos expedit. Hic itaque omnia igne, ac ferro miscens, processit usque ad Civitatem dictam *Crasne*. Sed nec Duces Polonici rem oscitanter egerunt: audientes namque *Naczajum* circa *Bratslaviam* & *Podoliam* versari, atque alacriter Cofaccos congregare, adhibita solerti celeritate, atque famam adventus sui præveniando, cum non contemnenda manu militum, in Civitatem *Crasne*, quo se receperat *Naczaj*, ex inopinato irruunt, illumque somno, ac mero sepultum adoriuntur. Qui tamen insperato strepitu armorum Polonorum expergesfactus, mox fortiter resistere coepit, adeo, ut plane necessum haberent antecessoriæ cohortes Polonæ retrocedere ex Civitate. Verum accurrentibus pluribus, & rem viriliter agentibus, rursus repressus est *Naczaj*, atque globo trajectus, recepit se in

Ar.

Arcem, quam tribus diebus (alias Bacho non vero Marti dicatis) pertinacissime defendit, nihilominus Polonis, sine intermissione maximo cum impetu eam oppugnantibus. *Naczaj* interim ex accepto vulnere extincto, tandem dicta Arx in potestatem Polonorum devenit. In cuius oppugnatione, siquidem multi Polonorum occubuerunt, ideo obtenta victoria, & Cosaccos & Plebem ad internecionem deleverunt. Vulnera autem, & fatigia in oppugnatione exantlata spoliis non contemnendis resecerunt. Cujus Cladis causam rejiciens in Tataros *Chmiehitzki*, qui acceptis a se obsidibus fidei, promiserant hætenus jungere copias suas cum Cosaccis, nec tamen id præstiterant: inexpectato item casu *Naczaj* nimium consternatus, atque quid facto opus sit plane consilii expertus, videns se inter scyllam, & charybdin esse constitutum, ab una namque parte de venia apud Regem & Regnum consequenda plane desperabat, atque præmium rebellibus exolvere solitum, vehementer metuebat; ab altera vero parte, si videlicet derelicta societate Tatarorum, atque neglectis apud illos obsidibus, gratiam Regis imploraret, verebatur, ne a Chano Crimensi, & plebe Ukrajneni vinctus Polonis ad expianda universitatis Cosaccorum delicta traderetur; quapropter extrema quæque tentanda, & (quamvis sibi etiam pereundum esset, dummodo pereant & inimici sui), vel ipsum Acheronta movendum

dum esse constituit. Itaque quo, & apud plebem majorem sibi conciliaret fidem, & plebi consequendæ apud Polonos gratiæ omnem præcideret spem, omnes obvias Civitates, Castella, Curias Nobilitares, insuper Tempia Catholicorum funditus evertit, imagines ad honorem B. M. Virginis & aliorum Sanctorum erectas, butyro, aut adipe illitas, canibus lingendas exponit; omnes arma sumere pro libertate, etiam invitos jubet: verbo, cuncta flamma, & cæde replet, simulque sine intermissione auxilia apud Portam Otthomannicam, & Crimensem sollicitat, asserendo tantum Triginta millia milirum, illorumque Tyronum, (eos namque quorum fortitudinem ad *Zbaraz* experti erant, omnes ex molestiis, quas ibi subiverunt, demortuos esse, mentiebatur) sub regimen *Potocii* & *Calinovii* (quos quod semel jam fuerint experti captivitatem Tatarorum, ne quidem in conspectum illorum venire aufuros ajebat) esse designata: quibus semel profligatis universum Regnum Poloniæ ad ultimos usque terminos suos, in potestatem Imperatoris Turcarum reductum iri promittebat. Sive enim Rex posthac generalem Regni expeditionem suscipere volet, hæc valde fera auxilia fore dicebat. Et hac ratione tum Tataros tum Cosaccos inani spe lactando, socios intentioni suæ accumulabat. Quia tamen sperata retardabant auxilia, celebrem quendam Legionarium dictum *Bohun*,
I expe-

expedivit ad Civitatem *Vinnitza* dictam, ut illam præoccuparet, atque præsidio, & omnibus ad tolerandam obsidionem necessariis instrueret, ac muniret. In *Lithvania* quoque novos tumultus excitare non intermittit; insuper *Napirscium* quendam, ut in confiniis Hungariæ circa *Cracoviam* plebem ad arma contra Dominos sumenda concitaret, subordinat.

Interim *Potorzki* & *Calinowski* instar torrentis ex alto profluentis a *Crasne* dirigunt Castra versus Fluvium *Tyram*, & ex itinere Civitatem *Muravka*, *Czerniecorvce*, *Szaravka*, *Jampol* occupant, & spolia egregia reportant, tandem perveniunt ad *Scianki* (Civitas est sat ampla) ubi consili fortitudini loci, confluerant quamplurimi Duce *Alvandrenko* Cosacci, qui quamprimum intellexerunt adventare Polonos, incredibili audacia consertis agminibus contra illos se effuderunt, & initio quidem antecessorias cohortes, aliqua ex parte confundere cœperunt: at postquam plures supervenere Poloni, in tantum ab illis superati sunt Cosacci, ut in alteram usque Civitatem recipere se fuerint coacti, & in illa triduanam sustinentes oppugnationem, tandem nunciant Generali, se quidem nondum ad tantas redactos esse angustias, ut necessum haberent deditionem facere; nihilominus si *Winnitza*, a cuius Ordinantia hic quoque locus dependet, transierit in partes Polonorum, se quoque similiter,

ter, sine quavis tergiversatione facturos: quapropter ad *Winnitza* potius obtinendam vires & animos suos convertant, illa si potiti fuerint, statim & *Scianki* habebunt. His auditis Generalis *Potorzki*, communicato cum aliis consilio, censuerunt consultius fore, totum robur militiæ suæ, non atterendo illud in oppugnatione minorum Castellorum, convertere contra loca nobiliora, & validioribus præidiis munita.

Producit itaque *Potorzki* Castra sua sine mora ad civitatem *Winnitza*, quo perveniendo, postquam signa sua militaria extendissent, atque aliqua præludia pugnae instituisent, mox *Bohun* contulit se ad Monasterium, cui plus confidebat, & Polonos in technas jam dudum ad id paratas deducturum se credebat, nec eum fessellit opinio. Cum enim magna cum alacritate, & id quidem exposcente rei necessitate, magno cum assultu impetum facere voluissent per fluvium *Hyppanim* tunc congelatum, perfracta subito glacie, ad ejusmodi occasionem tempestive debilitata, multi aquis sunt absorpti, præcipue duæ cohortes cum suis Ducibus *Kiselo Czerkassienſe*, & *Tyszkierovicio Tytomierienſe* Capitaneis, quo casu interveniente, cœteri pedem referre coacti. Dum autem de continuanda obsidione consilia miscerent, ex captis indicibus informantur Poloni trans *Borysthenensium* Cosaccorum validas turmas, in
I 2 suc.

succursum obsessis jamjamque adventare. Quibus in occursum mittit *Potorski* Palatinum Bratslaviensem cum selecto milite, qui in primo statim cum hoste se viribus multo superiore congressu ad Civitatem *Liporvice* dictam superatus, derelictis curribus, & partis alibi spoliis, regressum fugæ simillimum facere est coactus ad generalia castra hoste sese vehementissime insequente. Quod dum nunciatum fuisset in Castris, mox cæteri quoque Panico terrore perciti fugam adornant, & nisi *Jeremias Wisniorwicius*, ex nocturnis vigiliis cum cohortibus suis rediens imperum hostium sustinuisse, major confusio oborta fuisset. Sed illo aliquantisper hostem remorante, rursus animum resumunt Poloni, & hostem a Castris fortiter rejiciunt; Ex captivis tamen informati ingentem multitudinem appropinquare, quæ si conjungatur cum *Bohuno* omnem passum Polonis sit interclusura, assumptis tormentis & pretiosiori supellectile, curribus vero cum spoliis relictis, quatenus in diripiendis illis hoste occupato, sibi facultas remeandi ad tutiora concedatur, feliciter pervenerunt ad *Bar*, ubi imposito Arci valido præsidio, Castra promoverunt versus *Cameneciam*, ibique Festum Paschatis transegerunt, cum azymis quidem, sed valde amaris, nimirum cum placentis ex farina de herbis inusitatis tantum confecta, & modico salis conditis.

Po-

Postea imposito & sufficienti præsidio promovit Castra ulterius versus *Kupczynce*.

Interim in Aula Regis, nimis exhilarati omnes fama de illis prioribus ad *Krasne* successibus allata, atque exultantes Exercitum Regium jam *Borysthenem* etiam transgressum *Chmelnicium* ad incitas redeisse, & brevi victum Regi adductum iri, remissius de submitendis *Potocio* novis, & validioribus copiis, rem agunt; tandem dum allata fuisset a *Potocio* Epistola, in qua historice progressus suos exposuit, & quod necessum habuerit, hoste maxima cum potentia ingruente Exercitum reducere ad tutiora, ubi cum Rege conjungi posset, Rex, tanquam de somno, evigilans præmissis confestim Litteris *Restium* (*Litteræ Re-tium*, in Po-

Quid
Litteræ
Re-tium

lonia dicuntur illæ Regis Litteræ, quibus eo tantum tempore uti solet, quando ex consensu Regni decernitur generalis Expeditio Belli, ad quam convocat Regnicolas. Ideo autem sic dictæ: quod, quemadmodum id, quod Re-ti; sive fune ligatur, aliter solvi non potest, nisi relaxato fune, ita dum tales Litteræ emanant, obstringunt unumquemque Nobilem, ut pro die & loca Castris designato, sub amissione honoris, omnium bonorum, & capitis, adit, neque inde recedat, sub simili pœna priusquam Castra fuerint communi consensu soluta) atque, ad Expeditionem Regni generalem omnes convocans, quo magis ad illam suscipiendam aliis

adderet animum, ipse in persona *Varsavia* movit versus *Leopolim*; ad alios milites etiam novi Delectus, dedit mandata, ut ad latus suum quam citissime adessent. His auditis dum Regnicolæ, tum milites, magna cum alacritate cœperunt ad Regem confluere.

Interim *Potocio* adhuc penes *Camenecianum* tergiversante, scribit Palatinus Moldaviæ *Chmielnicum* in id totis incumbere viribus, quatenus ipsum impediatur, quominus conjungi cum Rege queat, jamque eo sine illum non procul a Castris Polonicalibus abesse. Et id quidem aliunde etiam *Potocio* adferebatur. Quapropter quo melius corroberet Castra sua, expedit *Corycium* cum aliquot cohortibus levioris armaturæ ad *Bar*, ut inde Pedites Germanicos pro præsidio relictos ad castra deducat. Quod postquam feliciter præstitisset, alacrius cœpit castra promovere in occursum Regis. Sed nec *Chmielnitzki* tardabat, quin potius magnis itineribus, jam adjutus aliquot millibus Tatarorum, subsequi Exercitum Polonorum studebat, atque eundem penes Civitatem *Kupcyze* assecutus, incredibili alacritate adoritur. Tum *Potorzki*, postquam ultra passum produxisset universum Exercitum, collocato in insidiis ultra collem quendam *Alexandro Koniecpolskim*, cum aliquot turmis militum; currus omnes incendi curavit; quo viso hostis, existimans Polonos turpi fuga evadere velle, transvolans per medias flammæ,

ado-

adoritur *Potocium*. Interim *Koniecpolski* tanquam fulmen aliquod invehitur in Cosaccos, ipse etiam *Potorzki* a fronte fortissime rem agens, summopere hostem confundunt, & in fugam conjiciunt; quorum multi de ponte detrulli; & in paludes compulsi, partim aquis cœnotis absorbentur, partim a Polonis caduntur; quorum victoriam *Murza* quidam insignis, jamque aquis submergendus, & tandem comprehensus illustravit. Post superatis variis difficultatibus, perveniens ad Civitatem *Poinorzany*, imposito illi præsidio; pergens lento gradu ulterius non sibi solum, sed & universæ Patriæ heroica virtute procuravit salutem, dum & hostem potentissimum sustinuit, & sufficiens temporis spatium Regi ad cogendas majores copias præstitit. Appropinquando autem Castris Regis, ad Civitatem *Sokal* fixis, expedit *Kaluseium* Veteranum Legionarium cum aliquot Cohortibus levioris armaturæ ad explorandum, ubinam *Chmielnitzki* moretur, & quidnam intendat? Qui summâ solertia hostium agmina aggressus, aliquos captivos adduxit, qui retulerunt, *Chmielnicum*, postquam animadvertisset, se nulla ratione posse præpedire, ne Generales conjungantur cum Rege, jam aliud in animo volvere, nimirum, velle uti eo stragemate, quod illi successerat ad *Zborovv*, videlicet: ut alicubi a latere ex improviso aggrediat agmina Polonorum ad Regem collimantia;

ideoque summa celeritate usum, nocte, dieque continuando iter, jam pervenisse ad Civitatem *Tarnopol*. Cum his novellis *Potorski* cum Exercitu pervenit ad Castra Regis, penes Civitatem *Sokal* ad fluvium *Bug* hærentis.

His intellectis, rursus expeditus est *Joannes Sobieski* cum Legione sua; cui adjunctæ sunt etiam aliæ cohortes. Qui incidens in antecessorias copias *Chmielnicii*, atque inito cum illis acri prælio, illas dissipavit, ductoremque illarum Tribunum *Cunjoviensem*, & *Murzan* quendam adduxit; sed aliquot etiam ex commitionibus suis amisit. Dum cum his ad Castra regressus fuisset, captivi adducti retulerunt: *Chmielnicius* jam pervenisse ad *Zborov*; sed quidnam intendat, se ignorare. Quæ res variarum cogitationum materiam suppeditavit. Credebatur namque illum tendere *Leopolim*, ut ibi sedem belli faceret. Quapropter, quæ certius aliquid cognosceretur, expeditæ sunt aliquot cohortes, præcipue *Firley* Palatini Sandomiriensis, & *Sapieha* Procancellarii Lithvanensis. Sed neuter Ductor cohortium illarum adfuit. Itaque ad supplementum illorum expeditus est Registratorum Cossacorum Ductor *Jasnoburski* dictus. Verum antequam hic accessus fuisset priores cohortes, illæ incautius rem agendo inciderunt in Cossacos, & ab illis profligatæ sunt. Quibus Cossacci obrentis, postquam intellexissent universa Castra Polonica ad *Sokal* ad-

adhuc morari, nec adesse aliquos in propinquo Polonos, victis captivis secure in campis noctem agunt. Interim *Jasnoburscio* facti sunt obvii aliquot milites, qui ex illo congressu incolumes evaserant; ex quibus de omnibus circumstantiis edoctus *Jasnoburski* silentio noctis, præmittens aliquos suorum, qui solverent captivos, adortus hostem, ad internecionem plane detexit; Polonos liberavit, & præda magna, quam Cossacci ex Aulis Nobilium rapuerant, potitus, captivos etiam aliquos Regi adduxit, qui torturis subiecti retulerunt *Chmielnicius*, postquam ex captivis de legione *Sobiescii* obtentis intellexisset, Regem cum ingentibus copiis (spe sua longe majoribus) jam conjunxisse sese cum isto Exercitu, qui ex *Ukrajna* rediit, mutato priori consilio regredi ad *Zbaraz*, ibique expectaturum adventum *Chani*, cum ingentibus copiis appropinquantis.

In Castris vero Regiis rumor fuit, forsan ab ipsis Cossaccis sparsus, Chanum Tatarorum nequaquam venturum: partim quod id contra submissionem suam in pactis Zborovianis contentam, facere nolit; partim quod nec possit, eo quod a *Kalmukiensibus*, & *Astracaniensibus* Tataris valde infestetur.

Quapropter expeditus est alter Registratorum Cossacorum Ductor, nomine *Jandzul*, qui adhuc perseverabat constanter in fidelitate Regno devota; qui egressus irruens in Cossacos, circa

Ci.

Civitatem *Poczajorv*, plus justo securiores, & haulto largiter sublimato, quiescentes, notabiliter proligatis quam plurimis, integram cohortem captivorum adduxit, qui pariter omnes retulerunt, *Chmielnicium* adhuc circa *Zbaraz* morari, atque adventum Chani prætolari, qui hucusque etiam advenisset, nisi ipsum retardasset multitudo Cosaccorum, cum curribus & tormentis venientium; qui divelli nequaquam volunt. Dixerunt præterea iidem captivi, in Castris *Chmielnicii* (liquidem cum solo equitatu, sine quibusvis curribus advenerat ad loca superiori bello desolata) famem valde invaluisse, ideoque propter comparandum com meatum Partias expeditivisse usque ad Civitatem *Dubno* in Palatinatu Volhinienſi, imo ad ipsam usque *Poleſſiam*.

Eo audito Rex, ex consilio omnium expeditivit *Alexandrum Koniecpolski* Vexilliferum Regni, adjungens Legioni illius aliquot cohortes, demandans eidem, ut passum hunc a *Zbaraz*, (quæ est Civitas versus montem Carpathum, *Dubno* autem & *Lutsko*, totus item Palatinatus Volhiniæ, tanto magis *Poleſſia*, versus Lithvaniam; *Sokol* autem ubi adhuc erat Rex cum Castris plane adhuc in medietate) præoccupet, nec permittat hosti suppeditari com meatum. Præterea versus Castra *Chmielnicii* expeditivit Veteranum Ductorem Regestratorum

rum Cosaccorum, dictum *Ganza*, qui hactenus illibatam fidelitatem suam semper declaravit.

Interim convocato consilio bellico, proposuit, quidnam facto opus sit? cum certum sit hostium partem jam in propinquo esse, partem autem prope diem cum majori potentia affuturam, utrumque eodem loco permanſurum, donec reliqui qui adhuc expectantur, cum novi delectus, milites, tum Palatinatus superveniant; an vero nullo habito respectu eorum, qui justo tardius veniunt, ulterius procedendum?

Quod cum sub deliberationem venisset, partim eo respectu, quod mora sæpe sit noxia, præsertim in rebus bellicis, quæ momento constant, partim quod in eodem loco longiorem trahendo moram, ipsis etiam Polonis, præcipue vero peditatui deficeret Com meatus, quo deficiente minus idoneos fore milites cum illis non cum hoste solum arma vibrante, sed simul & cum fame cunctis mortalibus adversissimo, & nunquam superabili inimico colluctandum esset; partim quod bella (teste belligerantium experientia) semper expeditius gerantur in hostico, quam in propriis provinciis (omnia autem loca, quæ ad Cosaccos reflexionem habebant, pro hostico reputabantur) visum est ferme omnibus, ut promoverentur castra ad loca patentiora, saltem ad fluvium *Syr*; præsertim quod etiamsi non multiplicarentur Castra Regia, nec ullæ

ullæ copiarum supervenirent, ii, qui jam præsto sunt, videantur esse sufficientes, quibus Rex stipatus tuto possit cum hoste, utut multitudinis prævalente, sed armis & rei militaris peritia minime pari, congregari cum spe victoriæ; certum autem esse illos etiam, qui pone Regem veniunt, postquam intellexerint Castra esse ulterius promota, tanto magis adventum suum acceleraturos. Quanto autem propius hostem accederetur, tanto frequentiores captivi, & exinde tanto solidiora contuita, quælibet supeditabit dies. Conclusum itaque est, ut Castra promoverentur ad *Beresterzko*.

Quod cum publicatum fuisset in Castris, ut in sequentem diem quisque sit paratus ad motionem, intervenit quidpiam, quod hanc intentionem nonnihil remorabatur: videlicet, quod Palatinatus per suos delegatos, eo loco renunciaverint Regi, se ulterius nequaquam processuros, donec hæc, quæ illos aggravant, in meliorem ordinem fuerint redacta: nimirum, *Quod Rex semper remotius a Tentoriis suis curret collocari Polonos, Germani autem circumvallare Tentoria: cum pro more recepto, illi debent, pedites præsertim, in circumferentia Castrorum collocari. Cum autem id fiat modo imitato, videtur Rex salutem suam magis credere extraneo militi, quam filiis Patriæ: quæ res animis eorum magnam injiciebat suspensionem. Item, quod Germani nunquam adhibeantur ad*

ex-

*excubias, neque ad Partias, & alia Castrensia onera, quæ incumbunt stipendiariis; sed hæc conjiciantur in Nobiles, qui ab his, juxta leges, debent esse immunes. Item, quod iidem Germani magnas exerceant insolentias, nempe quod famulos Nobilium commeatum adferentes, aliquando ferme in portis Castrorum capiant, & eos non tantum iis, quæ adportant, sed tunicis etiam aliquando, & equis spolient, & quamvis ea de re conquesti fuerint coram Officialibus eorum, tamen nunquam puniantur &c. Interim dum de his disceptatur, adferunt nuntium a *Konieczpolscio*, illum penes Civitatem *Olyka* incidisse in validas turmas Cofaccorum Duce *Bohun*, ex illisque multos trucidasse, multos captivos obtinuisse, qui dicant Chanum propediem venturum; magna etiam præda potitum esse; cæteros effusa fuga versus *Brody* tendere, (quæ Civitas ipsius erat propria) quos se persequi velle, ut inde etiam eos repellat; quo peracto sine mora regressurum.*

Sub idem tempus regreditur etiam *Ganza* cum Captivis Cofaccis, qui referunt *Chmielnicum* adhuc ad *Zbaraz* commorantem, frequentissimos habere nuntios, Chanum jam proxime adesse, una cum generalibus Cofaccorum Castris, quibus in occursum ipsum etiam exire debuisset.

Hæc postquam publicata fuissent in Castris Regiis, amputatis iis, quæ inter Regem & sta-

cus

tus Regni agitabantur, Controversiis, & majori ex parte is complanatis, toto conanime incipiunt superare fluvium *Bug*; & Castra versus *Bereszeczko* promoveré; accurrit etiam explorator Regis ex Castris Cossacorum, qui dicit Chanum Tatarorum jam nudius tertius ad Castra *Chmielnicii* venisse, atque in signum lætitiæ tormenta explosa fuisse; quæ res omnibus ad properandum magnum addidit stimulum; interim supervenerunt aliquot Palatinatus optime armati. Tum Rex expedit *Jeremiam Visniorviecium*, cum tribus milibus selectissimorum militum dato ei mandato, ut in eo allaboret, quatenus ex ipsis hostium Castris, captivos adducat, ex quibus rite cognosci possit, quonam hostis castra sua producere velit: ipse totis in id intendit viribus, ut quatoctus ad locum castris designatum pervenire queat, & mox exantlatis, in superandis uliginosis passibus, variis difficultatibus, (quas augere solet frequens militum multitudo variis impedimentis bellicis onusta) quintis Castris pervenit ad ipsum fluvium *Syr*, qui alluit Civitatem *Bereszeczko*, in centro Palatinatus *Volhinia* sita, nunquam alias ita claram, quam hac occasione: quod ibi variorum populorum tanta comparuisset multitudo, ut *Xerxis* etiam copias adæquare videretur. Sed *Chmielnitzki* quoque tam caute res suas egit, ut intentio Regis, & quæ in Castris ejus agerentur, minime illum latuerit. Itaque

volens Regem circa paludes Civitatibus *Sokal*, & *Bereszeczko* adjacentes constringere, incredibili celeritate & audacia cum potiori parte equitatus Cossacici, & selectioribus Tataris, maturare adventum suum totis viribus intendit. Verum conatibus ejus magnum posuit obicem *Visniorvietzki*, qui in occursum antecessoris turmis hostium veniens, & cum illis feliciter congressus, captis aliquot eorum, illisque ad Regem remissis, ipse adhuc remansit majora tentaturus. Et hi quidem captivi examinati, quasi uno ore, in relatione conformes dixerunt: *Chmielnicium* cum robore militiæ suæ, velociter ire in occursum Regis, cupientem transitum fluvii *Syr* totis viribus prohibere, jamque illum unius tantum diei itinere a *Bereszeczko* noctem agere. Quapropter Rex rursus in subsidium *Visniorviecio* expedit cum valida manu militum duos celebres Legionarios *Stempkovium*, & *Czarnecium*. Ipse vero, (relictis non sine periculo trans passum curribus, & omni apparatu bellico, una cum peditatu) solos equites per pontem valde debilem, (vadum autem propter uliginosas admodum fluvii ripas non dabatur) in campum educere satagit. Interim nuncius nuncium tum a *Visniorviecio*, tum ab altera Partia urget, universam potentiam hostium jam pervenisse ad Civitatem *Parratiz*, duobus tantum milliariis a *Bereszeczko*. *¶*

Quapropter prohibita est in Exercitu Polonico,

Pabulatio. Sed tamen siue ante prohibitionem, siue qui post egressi fuerunt, multi pabulatorum inciderunt in manus Tatarorum. Ex quibus hostis intellecto eo, quanta sit in Exercitu Regis, quod nunc tantum equites passum superare coeperint, confusio, tanto majori cum alacritate, magnis viribus irruunt in *Vismorvicium*, cum quo interea jam conjunxerant sese *Stemkoruski*, & *Czarnietzki*. Cum tamen conjuncti etiam impares fecernerent tantæ molli contra se ingruentium, coeperunt lento passu retrocedere, præmissis ad Regem nuncio, ut sibi in auxilium majores submittat copias. Neque moratus Rex mittere duas Legiones validas *Lubomirscis*, & *Kazanovis*; initur acre prælium, succedentibus utrisque novis auxiliis, & decertatur utrinque fortiter. Tandem Sole ad Occasum vergente, *Alexander Koniecpolski* regrediendo ex illa Partia a *Brody*, tanquam ex composito irruens a tergo in agmina hostium, atque inopinato impetu suo vehementissime illa perturbans, datoque Commilitonibus suis clangore tubæ signo, se adesse, alias etiam fortiter pugnantibus tanto majorem addidit animum. Ideoque hoste magis trepidante, tanto intensius in fugam se præcipitantibus insistunt cædendo hostem, insequunturque ad sesquimilliare. Tandem accepto receptui signo læti regrediuntur, complures Regi tum Tatarorum, tum Cofaccorum præsentando captivos. Et sic tandem Deo

Po-

Polonos adjuvante, locum illum, quem castris suis designaverat Rex, obtinuit. Interim reliqua pars Castrorum Polonicorum noctu etiam accensis facibus subsequitur.

Captivi Tatarorum recens adducti dicunt: Chanum Tatarorum valde proclivem esse ad renovandam nacem; sed *Chmielnicium* obitare, dicendo: totum robur Equitatus Regii fuisse in campum effusum; peditatum autem cum tormentis adhuc ultra pontem hæerere, nec intra triduum illum superare posse: quapropter sine mora instructa acie Polonos adoriendos & hoc pacto facile se illos superaturum pollicebatur. Quibus dictum est, crastina die videbit Chanus, quam vera sint ea, quæ dicit *Chmielnitzki*.

Sequenti die universæ copię Polonorum, tum equitum, tum peditum, constantes infallibiliter centum millibus armatorum eductæ sunt extra Castra in Campum spatiosissimum; Hostium autem numerabantur quater centena milia. Et Polonorum quidem acies instructa est in hunc, qui sequitur, modum: In ala dextra constituta est legio *Nicolai Potocii* Supremi Generalis Exercitus Regni; cui adjuncti sunt *Stanislaus Landskoronski* Palatinus Bratslaviensis, *Christophorus Opalinski* Palatinus Pofnanienis, *Georgius Lubomirski* Marschalcus Regni, *Leocasmirus Sapieha* Procancellarius Lithvaniæ, *Alexander Koniecpolski* Vexillifer Regni, *Comes de Lessno* Succamerarius Pofnanienis, duo So-

K

biefcii,

biescii, filii Castellani Cracoviensis; quorum major Crasnostaviensis, minor Jarvoroviensis Capitanei, & plerique, qui suo ære auctoratas cohortes adduxerant, hos ducebat Supremus Generalis Exercitus Regni Polonici *Nicolaus Pototzki*.

In sinistra ala collocata erat Legio *Andreae Kalinowii* Marschalci Campi, cui adjuncti erant *Joannes Szczerwinski* Palatinus Crzestensis, *Stanislaus Pototzki* Palatinus Podoliæ, *Jeremias Wisniorwiczki* Palatinus Russiæ, *Demetrius & Constantinus Wisniorwiczii*, *Joannes Szczerwinski* Capitaneus Kalusienfis, *Henricus Dönhoff* Equitum desultoriorum Legionarius, & aliquæ privatorum cohortes; his præerat *Martinus Kalinowski* Campi Marschalcus, utramque alam præbant tormenta, medium autem tenebant cohortes gravioris armaturæ, aliæ deinde magno numero, & vario modo armatæ sequebantur Palatinatum turmæ suppetiis ferendis destinatæ.

Corpus, quod late sese extendebat, Rex ipso ductandum assumpsit, ejus ut diversi ordines, ita fronti protegendæ tormenta præposita, regimen istorum tenente *Sigismundo Przyemski*, qui in locum *Arciszewii* succedens fuit rei tormentariæ Præfectus, & Notarius Campi: in ipsa fronte constitutus erat peditatus, secundum tormenta incedens; Extrema autem peditum latera tegebant turmæ equestres: dextrum

primi ordinis latus claudebant equites *Joannis Dönhoffii*: Sinistrum autem latus tuebantur equites *Jacobi Veyher* Palatini Mariæburgensis, quos regebat *Schaffgotzcius* Magnas quidam ex Siletia. Postmodum spatio aliquo interposito Legio *Christophori Ubalii*; deinde tripartito ordine phalanx custodum corporis Regis, constans 1800, quam regebat *Frimoldus Volff*, & post modicum intervallum duo valida agmina *Boguslai Radzivilii*.

Alter aciei istius ordo in subsidium primi destinatus, ex equitatu totus constabat, cujus dextrum latus protegebatur a *Radzivilianis* & *Dönhoffianis*: Sinistrum autem a *Veyherianis* & *Dieterici Meidelii* equestribus turmis cataphractis. Regi proxime adstabat turma aulica 500. Equitum illustri genere & fortuna, divisa in duas cohortes, quarum alteram ducebat *Sigismundus Ubysz* Vexillifer Dobrzynensis; vexillum autem cohortis hujus præferebat *Joannes Michalovius* Tribunus Lublinensis. Alteram vero cohortem ducebat *Joannes Vissel*; vexillum autem præferebat *Alexander Jendrzejowski*. His post Regem præerat *Casimirus Tiszkiewicz* Pocillator M. Ducatus Lithvaniæ. Juxta hanc turmam positi erant ex utraque parte equites germani, quos Serenissimus Elector Brandeburgicus ex lege Feudi Prussici, Ductore *Walrodo* miserat. Hos sequebantur cohortes *Andreae Grudszinscii* Castellani Naclensis, & *Hyacinthi Roz-*

Rozrazewii, quas ab una parte *Stanislai Koziepcowscii* & *Dupleffi*, ab altera vero Serenissimi Principis *Caroli* Episcopi *Varmiensis* Fratris Regis, pedites cingebant. Aciei universæ extrema, magno numero, & ingentibus spatibus circumfusa Nobilitatis *Polonæ* vexilla ruebantur. Tandem interjecto aliquo intervallo distabant castra a campo curribus concatenatis, ab aliis vero partibus amne, & Civitate, cui erat præsidium impositum, munita.

Ex opposito vero *Chmielnitzki*, proximos versus meridiem colles occupando, & quasi nebula aliqua confertissimis agminibus obumbrando carraginem suam producebat: sinistram alam *Chano* committendo, dextram autem ipse ductando. Distabant autem utriusque Exercitus Acies magno intervallo distatæ. Quia vero in construenda acie major pars diei effluxerat, ideo hac die nihil magnum est attentatum, solummodo velitationibus ab utraque parte æquo Marte est decertatum. Sole autem ad occalum vergente, voluit Rex reducere Exercitum intra Castra; sed svadentibus aliis, ne hoc faceret, cum & in deductione periculum immineret, siquidem res sit cum hoste velocissimo, & sequenti die antequam acies instrueretur, multum temporis impendendum esset, mutavit consilium, & intacta acie iussit permanere Exercitum. Noctu vero in locis opportunis aliquot

mu.

munitiones, dictas *Shantz*, erigi, tormenta quæ eo attrahi curavit.

Postero die primo statim mane proficere jubet Rex Ductore *Michaeli* Duce *Czartorvscio* cohortes *Sezarvinscii*, *Veyheri*, *Boguslai Radziwili*, *Joannis Sapieha*, Palatinatus *Volhyniæ*, terræ *Premiensis*, & terræ *Chelmenis*; qui summa alacritate invehuntur in hostem; contra quos densissimis cuneis *Cosacci* juncti *Tataris* nil cunctando procurrunt. Instituitur acre prælium, ita, ut signis mutuo se prætereuntibus *Poloni* ab hostibus dignosci vix potuerint. Interim *Chanus* *Tubo* Optico eminens speculando, alam dextram putabat minus bene ordinatam, & sine mora eo cum validis copiis ruit. Huic occurrit *Stanislaus Landskoronski*, ubi in primo congressu occubuit Filius ejus *Sigismundus*. Cum autem viderentur hostes prævalere *Polonis*, mox in succursum eorum superveniunt aliquot cohortes, postmodum Legio Supremi Generalis. Sed siquidem necdum sufficiebant impetui hostium, tunc ex ipso meditullio jubet Rex educere cohortes *Visniovicci*, *Lubomirscii*, integram item Legionem Procancellarii *Lithvanici*, & quo facilius hostis circumveniri possit, ex altera ala jubet suppetias ferre. Prorumpens itaque tota Legio *Calinovii*, notabilem stragem edit in hoste; sed subvenientibus illis novis auxiliis, *Polonis* quoque aliis atque aliis succedentibus, horribiliter recrudescebat pugna.

K 3

Cer.

*Prælium
notabile
Anno
1651. Die
3. Julii*

Certatur utraque ex parte fortissime, cadentibus utrinque plurimis. Qualia dum aliqui cernentes cœpissent conturbari, erigens animos eorum *Pototzki* Supremus Generalis, exclamavit. *Neminem ideo debere talibus turbari, cum hæc sint bellaria Martis.* Et sane erat jucundissimum spectaculum, extra periculum constitutis videre, dum nunc fugientes iterum in hostem irruunt, & terga obvertere cogunt, dum ex diversis partibus adversis signis concurrunt, captivos ducunt, vexilla hostibus erepta Regi repræsentant. Ut non immerito quidam egregius Vir, hæc Martis choreas intuendo exclamaverit:

*O Boze niechayze wtym laske twoiez
zuiec*

Gdy inszy za leb ida, niech sie ia dzintue :

hoc est: *O Deus Omnipotens! præsta id pro tua Gratia Divina, Ut stando in tuto liceat mirari certantium agmina.* Dum porro pertinacissime tota die ambiguo Marte pugnatur (adeo ut nonnunquam Cosacci sociati Tataris, superare viderentur Polonos; sed optimo ordine servato Poloni, iterum superiores evadebant; & hostem rejiciebant; nonnunquam Tataris in mediam involabant phalangem, sed mox in fugam conjiciebantur, & forte ter reprimebantur) tandem prævalentes Poloni, hostem in castra usque propellunt, & hac ratio-

ne

ne quod campum obtinuerint, a partibus illorum visa est iterisse victoria. Sed multo sanguine egregiorum Virorum, quamvis non sine damno inimicorum constitit, adeo ut comparatione facta eorum, qui ex parte Polonorum occubuerunt, & rursus ex parte hostium caesorum, vix sit compensabilis. Gloriari omnino potuit utraque pars de fortitudine militari, sed neutra de sat felici successu. Ex parte namque Polonorum occubuit *Kazanowski* Castellanus Haliciensis, *Georgius Offolinski* Capitaneus Lublinensis, *Stadnicki* Succamerarius, *Sanoc. Ligenza* Enlifer Cracoviensis, *Jordan* Dapifer Cracoviensis. *Landskoronski* Filius Palatini Bratslaviensis, *Rzeczytzki* Filius illius, qui occubuit ad Zborov, & non pauci ex gregariis militibus. Ex Palatinatu vero Lanciciensi plurimi Nobiles: ex terra item Chelmenli aliquot similiter, & ex terra Premisliensi; & sine vulneribus pauci reversi. Caesi etiam ex hostibus multi, capti aliquot ex præcipuis Tataris. His tamen, quæ hoc die Deus largitus est Polonis. Rex contentus, vespere imminente relictis aliquot Legionibus pro Excubiis, & in illis munitionibus, sive propugnaculis sufficiente cum tormentis peditatu, ad sustinendum subitaneum hostium imperum, reliquum Exercitum continuo summo labore, & quod magis aggravabat diurnis, nocturnisque vigiliis non mediocriter enervatum, ideoque refectone aliqua necessario in-

K 4

di-

digentem, reducit ad Castra. Cosacci quoque ex opposito tumultuario opere aliquot propugnacula extruxerunt, & sic in illis utriusque Exercitus excubiae erant collocatae. Sed hostis pervigil unum propugnaculum Polonorum, quod praeter caeteris videbatur esse melius munitum, ac securum, eo quod paludibus ablueretur, silentio noctis adoritur, nudi nimirum aquas nando superantes, armis tamen assumptis, invadunt somno, & laboribus sepultos Germanos, plurimosque ex illis nemine advertente confoderunt. Tandem Magister tormentorum crebros gemitus eorum, qui uno ictu non necabantur, audiens, atque id quod erat in re ipsa, suspicans, explosit tormentum, cuius sono audito, caeteri expergefacti arreptis armis, resistere hosti coeperunt, & in instanti classicum per universa Castra cecinerunt. Quamobrem omnes iterum conscensis equis in campum excurrerunt, suppetiasque laborantibus rulerunt. Cosacci vero animadvertentes dolum suum non amplius procedere posse, renatarunt. Diem autem mox Phosphoro reducente, non amplius Poloni in Castra reducti sunt; sed quamprimum lux in tantum affulsit, ut unus ab altero dignosci potuerit, Rex iterum instruxit aciem, eodem, quo heri, ordine, diu cunctabatur deliberando qualiter rursus ludus Martialis inchoandus esset, & unice desiderans, ut potius in se hostis impetum faceret. Sed soli tantum Ta-

ta-

tari indefessi currendo velitationibus Polonos infestabant. Rex autem severe prohibuerat, ne quisquam loco moveretur, nisi iussu Regis, cum autem propius accedebant ex tormentis in illos detonare iussit. Tandem Meridie jam instante jubet Rex *Jeremiam Visniorvicium*, ut prosiliat in hostem, adjungens ei plane mediam partem alae dextrae. Qui dicto citius provolans, ubi confertissima hostium conspiciat agmina, maximo impetu in ea irruit; qua in re maximum robur illorum consistebat, Carraginem tribus ordinibus concatenatam virtute haltatorum rumpit, & in mediis explodentium flammis constitutus, ipse quoque immortalis gloriae eximio desiderio flagrans, non prius Actum illum continuare cessavit, donec obvios quosque trucidando, ultra phalangem hostium suos produxisset, & in colle quodam eminentiori vexilla sua representasset. Quo viso Rex eodem momento ex altera ala iussit *Alexandrum Koniecpolscium* cum valida manu in hostem impetum facere: qui pari alacritate, nec minori fortuna usus, maximam edidit in Tataris stragem. Nec mora, ipse Rex his visis, cum toto corpore Exercitus procedens, ubicunque conglomerari hostem videt, irruens in illos longe lateque feliciter profligare coepit, continua tormentorum ab utrinque explosione tantum concitante tum ignem, ut Vesuvius ipse in duas partes divisus ardere videretur, tum ex pulvere

vere nubem, ut prospicientibus ex Castris, nox atra pugnantes eripere crederetur. Dum tamen neutrquam Rex pugnam intermittit, sed pertinacissime illam cum forti militum manu urget, cum globis tormentorum, admodum scite industria *Przyemscii* directorum viam sibi patefacit: ita ut jam spatiosæ inter Tataros, & Cosaccos paulo ante confertissimos conspicerentur plateæ, & illas quidem milite Regio ita implente, ut nulla ratione coniungendi ipsis amplius facultas concederetur. *Chmielewiczki* quidem amissa magna parte curruum, Cosaccos suos ad Castra intra Fortalitium reducere cœpit; Chanus autem aliquantulum recedens, more Tataris solito in circulum sese reflectens, voluit rursus aliquid contra Polonos tentare, eo-que fine in proximum nemus cœpit sese recondere. Sed inde quoque iussu Regis, crebra sclopetorum glande, non secus ac grandine, exturbatus, atque cernens duos præcipuos *Murzas* latera sua claudentes occubuisse, & ingentes Polonorum turmas contra se undique concurrere, non expectando ultimum exitum rerum, fugam accelerat, derelictis non tantum tentoriis, & omni supellectile (in qua hoc unum erat maxime speciale, quod reperti fuerint aliquot equi, nihil aliud bajulantes, quam lora ad ligandos captivos comparata) verum etiam ægris, & occisis, idque contra præcepta *Alcorani* sui, sub Anathemate id prohibentis;

& subito omnes Tatari non] secus, ac palea a vento, ita illi a facie Polonorum, tergoribus suis summa cum alacritate instantium, sunt dissipati, tanta pertinacia, ac pernecitate fugiendo, ut non tantum alia onera, sed etiam ephippia de equis abjicerent, nec ullus eorum ad reprimendos sese insequentes conversus fuerit. In passibus tamen cœnosis circumventi cædebantur multi, nec prius constiterunt, donec summa cum trepidatione, quinque a Castris miliaria emensi fuissent.

Chmielewiczki tamen accepto non minori suorum damno, peditatum omnem, & aliquam partem equitum, & reliquos Currus in Castra reducens ipse Chanum subsequutus est, asscurando suos, se apud Chanum id effecturum, ut rursus redintegraret prælium. Sed frustra id tentavit. Etenim Chanus nec respicere voluit in illa loca, ex quibus semel maximam reportavit cladem; quin imo summopere iratus *Chmielewiczki*, quod commentis suis ipsum deciperit, & magnæ cladis suorum causam præbuerit, parum absuit, quin victum Regi transmississet: nec prius illum a se dimisit, donec ipsi notabilem pecuniæ summam *Czheryno* allatam persolvisset. Quando enim Chanus ad renovandam cum Rege amicitiam inclinabat, *Chmielewiczki* volens illum ab isto proposito avocare, & in societate sua retinere, mirum in modum extenuabat vires Regis, asserendo cum

generali Nobilium expeditione alios pueros, alios senio confectos, alios mancos & ad arma tractanda minime idoneos ad Castra venturos, eamque ob rem illos multo facilius se debellare posse, quam antehac stipendarios. Et omnino Tatars, dum initio congregi cœpissent cum Polonis, (quod antehac audiverant a Cosaccis, Polonos viritum insurrexisse) provocando ad singulare certamen ex cohortibus Nobilium, non ducebant acclamare: *Hay wirum, hay wirum!* Sed tandem quando experti sunt inter illos etiam reperiri Viros, & quidem bellaces, exprobrantes *Chmielnicko* dicebant, sibi multo difficiliorem fuisse pugnam cum Patribus, quam cum Filiis. Quæ res ineundæ cum *Potocio* pacificationis necessitatem ipsi imposuit; quod exponetur inferius. Poloni vero videntes, quod & Castra Cosaccorum inter ablutes, super colle quodam collocata, non unius horæ, nec unius diei oppugnationem requirerent, & quod nox immineret, suspectam fugam existimantes, simulque non ignorari, quod Tatars potissimum fugiendo suos soliti sint superare hostes, fugientes non procul sunt subsequuti; sed eo, quod hac die præstitum erat, contenti, ad Castra sunt regressi, expeditis ad speculandum quidnam agat, & ubi consistat Hostis, aliquot Cohortibus; a quibus edocti Poloni, hostem serio fugam continuare, nec ullibi substituisse, multum poenituit omnes, quod illum subito non

fue-

fuerint subsequuti. Et *Jeremias* quidem *Vinsiorvitzki*, nec non *Alexander Koniecpolski* cum expeditissimis quibusvis militibus, illos prosequi avidissime voluerunt; sed non est concessum a Rege dicente: *Fugienti hosti aureos sternendos esse pontes: præterea sat superesse negotii cum illis qui se intra aquas receperunt, ea dubio procul spe, socios suos post paucos dies in auxilium sibi meliori cum apparatu venturos, ac proinde non esse distrahendas vires, sed prius hosce, qui remanserunt, delendos, postea ulterius Castra promovenda.* Sequenti die Rex Deo Exercituum solenniter gratus, cum explosione tormentorum pro illa insigni victoria actis, Castra sua propius Castris Cosaccorum admovit, & propinata illis ex tormentis salute, illis etiam simili tenore respondentibus, hac die conquievit. Cosacci autem hanc opportunitatem nacti strenue laborantes Castra sua vallo muniunt. Postridie in Castris Polonicalibus consultatur, qualiter procedendum sit cum illis reliquiis. Itur in varias sententias. Aliqui suadent sine cunctatione esse aggrediendos, ac tollendos: aliquibus autem visum est, lenta obsidione illos ad obsequium re-tuendos: qua in sententia ipse quoque Rex fuit, dicendo, minime se addecere, ut nunc cum Cosaccis rigidius agat, quam illi egerant, dum nostri ad *Hilurce* Castra reliquissent, nec tamen Exercitum sunt prosecuti: quamobrem etiam sibi victoriam hanc moderandam

dam esse clementia, quæ nequaquam permittit, quatenus membra Regni utut ignobilia, nobilioribus tamen summe necessaria protinus rescantur; sed id potius dictat, ut adhibitis lenioribus remediis, ad sanitatem reducantur. Interim dum ejusmodi consultationibus una, & altera dies impenditur, Cofacci in muniendis Castris nimis sedulam navant operam, & quo melius coeptum opus in finem deducere possint (fortassis aliqua ratione cognitis Polonorum consiliis) mittunt ex Castris ad Regem Legatos *Kressam Czehrynsensem, & Bohunum Percaflaviensem*, Tribunos, veniam delictorum implorantes, dicendo se non esse motuum istorum auctores, sed vi ab aliis in Castra actos, propterea etiam nunc a *Chmielnicio* derelictos: nunc vero lubentissime ad obsequia Dominorum redituros, dummodo id sibi plena securitate concedatur. Quibus datum est nomine Regis Responsum: *Quamvis facinoribus suis in tantum læserint Suam Majestatem, ut nullam mereantur veniam, interim S. S. Majestas Regia imitando Conditorem suum, qui misericordiam suam largiri soleat peccatori, postquam conversus fuerit, non est aliena, quin illis etiam Clementiam suam sit declaratura, dummodo seriae pœnitentiæ, & debitæ subjectionis indubitata exhibeant argumenta. Quibus autem conditionibus id sint consequuturi, crastina die declarandum id statuerunt: propter quod remansit Kressa, Bohun vero cum*

hoc-

hocce responso remissus. Postero die, dum illis fuissent transmissæ conditiones per *Bohunum*, nimirum, ut *Chmielnicium* & *Wyhovium* ad manus Regis traderent, & in locum illorum Officiales a Rege ordinatos reciperent, Tormenta tam ex Fortalitiis deducta, quam bello capta, Vexillum item Clavam & tympana a *Vladislao Chmielnicio* oblata restituant: numero sive Registro Cofaccorum in Comitibus proxime celebrandis conscripto acquiescant: Coeteri vero Dominis suis subjaceant, nec ullas posthac turbas excitent &c. quibus auditis rogarunt, concedatur illis aliquod ad deliberandum tempus. Interim si quos ex Polonis intercipere poterant, miris modis carnificabant, & excoriabant. Tum demum Rex cernens simulatam Cofaccorum demissionem, ac proinde pejora his meruens, eam Castrorum partem in qua ipse cum Germanis constitutus fuerat, curavit muniri vallo & fossa profunda, & tormenta eodem attrahi: reliquum autem Exercitum jussit propius accedere. His visis Cofacci, rursus ad Generalem *Pototzki* per Legatos missos, rogarunt, ut instarent apud S. Majestatem Regiam, quatenus *Pacta Zboroviana* illis confirmet. His auditis *Pototzki*, vehementer illos reprehendit hæc addens: Non aliam ob causam nunc tam cruentum bellum geri, quam quod Respublica stare illis Pactis nulla ratione velit: monuitque, si velint aliquam gratiam Regis obtinere, talia sub-

subticeant: cum ejusmodi enim propositione nec admittendos fore in conspectum Regis. Cum his rediere ad Castra, rogando aliquot dierum armistitium; quod illis concessum.

Cœpit interim in Castris Polonorum circumferri rumor, quasi Rex Cofaccis ultro parceret in perniciem Nobilitatis. Itaque per Legatos a Palatinatibus rogarunt Regem, ut vel oppugnare juberet Cofaccos: vel saltem aqua Castra ipsorum curaret inundari (una enim nocte si singulis curribus semel terram attulissent, tantum transversim in fluvio erexissent aggerem, ut intra duas dies universa Cofaccorum Castra tanquam diluvio fuissent absorpta) aut denique permitteret Nobiles domum recedere. Quo audito Rex cum summa indignatione investus in Legatos, ait: *Ecquid sibi vult hæc propositio? hoc jam seditionem redolet: Sed credite, sciam eam componere: nec ulla ratione permittam, ut mihi aliquis modum belligerandi præscribat. Castra hic sunt, non Comitia; ideoque jussa mea exequenda sunt, non vero mihi leges præscribenda.* Cui *Andreas Scano* Pocillator terræ Sanocensis in hunc modum respondit: *Natio nostra Polonica nunquam seditiones excitare est assueta, imo obsequiis suis hanc sibi apud prædecessores S. Majestatis promeruit laudem, ut palam dixerint, se tuto posse somnum capere in gremio subditi sui: nec ullis Historiis hoc comprobari potest a quopiam, aliquid adversi acci-*
disse

disse alicui Regi ex occasione seditionis Polonorum. Similiter Vestra quoque Majestas Regia, omnia bona sibi de nobis polliceatur, neque ideo exacerbetur contra nos, quod id, quod necessitas suadet, subire velimus, vel, ut nos domum dimittat, rogemus. Ita enim constitutos nos esse credat, quousque nobis suppetunt ea, quæ ad sustentationem nostri spectant, nihil esse ita arduum, quod detrectemus, prout hoc reipsa hætenus contestati sumus; sed deficiente nobis solito comineatu, cujus vix jam aliqua reliquia supersunt, ita inhabiles reddemur ad omnia, ut etiam si nullus nos vexaverit hostis, nobis sit misere succumbendum. Tum Rex: Grata nobis sunt ea, quæ hætenus subivistis, sed adhuc opus est perdurare, & mandatis obsecundare. Prohibuit præterea severe, ne ulla conventicula instituerent: & sic cum magna confusione regressi ad Fratres; tacite consilia inibant, qualiter rebus suis mederi deberent.

Interim Cofacci sub ejusmodi armistitio, Castra sua triplici vallo, & multis fossis muni-verunt. Animadvertentes autem Polonos, (sive per negligentiam, sive quod illos jam tædium cœperit Castrensum laborum, sive quod cœptis Tractatibus fiderent) non sat serio excubias agere, cum magno impetu eruptione facta contra illos, multos eorum, quos fors priores obtulit, trucidarunt. Sed rursus Polonis concurrentibus, repulsi intra vallum, ubi non pauci alacrius

hostem persequentes occubuerunt. Vexillifer etiam Regni *Konieczpolski* & *Razrazewski*, celebris Legionarius, amissis equis vix evaserunt. Quia vero Cosacci habuerunt unam viam, per quam ultra fluvium poterant excurrere, quoties sibi placuit, quam tamen Rex præcludere illis minime voluit: ideo inita tacita consultatione per Exercitum constitutum est, ut sine requisitione Regis, silentio noctis, aliqua pars Exercitus superaret Fluvium, atque illum etiam præoccuparet passum: commissumque est illud negotium *Landskoronscio* Palatino Bratslaviensi, qui, prout erat constitutum, fecit. Quod quamprimum animadverterunt Cosacci, statim derelictis Castris suis (quæ triplici aggere & fossa in circulum ducta, erant munita, neque Polonis aditus ad illa patebat, nisi iis superatis) statim in campum sese proripuerunt. Quo viso *Landskoronski*, putans illos in se velle totis viribus impetum facere, impar ad resistendum multitudini, cœpit pedem referre versus Fluvium, interim illis ad fugam patefacta est via. Tum demum ii, qui excubias agebant, nuncium dederunt Regi Cosaccos aufugere: qui etiam tunc cunctabatur. Sed per universa Castra jam illo rumore perstreperente, non expectando iussum Regium, quivis ad insequendos eosdem properabat. Sed illi vaserrimi, in ipsis Castris tam multas transversim confecerant fossas, ut quavis aiquis majorem fossam &

val.

vallum superasset, in Castris tamen citato cursu progredi minime potuit; sed multi ruebant in præcipitium, & alter alteri obstaculum ponebat. Interim Cosacci alacriter fugiebant: postremi autem pontem, quem tumultuario opere confecerant, dejecerunt: & nacti non procul a Castris sylvam, in diversa latibula diffugerunt: ita, ut a subsequenteribus, præcipue iis, qui erant cum *Landskoronscio*, alii enim ex illo Labyrintho Cosaccorum ægre sese explicare poterant, alii autem in diripienda præda hærebant, quamvis valde exilia fuerunt, quæ dereliquerunt. Omnium potissimum erat vexillum, clava, & tympana: quæ *Uladislaus IV. Chmielnicio* contulerat. Præterea tormenta majora XVIII. minoraque multa, alia denique arma plurima non plures quam VI. M. cæsi fuerint: in paludibus etiam perierunt multi: & penes *Dubno* in passu quodam angusto circiter III. M. Quamquam, dummodo res bene, ac sincere acta fuisset, ad internecionem omnes deleri potuissent. Sequenti die demum Rex, cum universis Castris hostem jam tunc a conspectu ereptum prosequi voluit. Sed universitas Palatinatum in hunc modum sese adperuit Regi; *Quandoquidem, dum fuissent tanquam indagine clausi, oppugnare illos noluit, ulterius ne latum quidem unguem se processuros: cum manifestum sit, etiam si integro Anno in unum locum tanquam feram compellere illos satagant, non tamen aptiorem ad profligandos*

L 2

dos

dos Hostes. nuncios se occasionem, atque fuit hæc: dummodo Rex non fuisset abusus illa. Si Suae Majestati placet totum Annum tr. insigere in Castris, posse hoc facere cum stipendiario Milite; sibi autem domum regrediendum esse &c. Quia autem universi erant in armis, non erat integrum ipsi etiam Regi, ita imperiose responde e unitis, sicut nuper responderat Legatis. Quapropter ad mitiora conversus, coepit postulare; quandoquidem tantopere festinant ad Uxores, saltem de medio sui deligant aliquot millia militum, quos stipendiariis adjungant. Quod etiam fecit universitas, atque delectis circiter 5000. quibus in instanti stipendium trium mensium, est persolutum, ceteri domum rediere. Rex tandem cum Quarto Exercitu, atque his novi delectus Militibus, nec non cum Magnatibus, qui majori ex parte illum sunt comitati, habens in universum circiter XL. M. armatorum, ulterius progressus versus Ukrajam. Sed cum aliquot diebus processisset, tandem vidit, & ipse magnum commissum fuisse errorem, quod elibi Cosaccis fuerit permissum; simulque prævidens maximam inesse difficultatem per tam latas Provincias dissipatos, ad aliquas angustias urpelle-re. Quod si etiam alicubi inclusi fuerint, eandem difficultatem (quam nunc evitare volens fugiendi facultatem Cosaccis obtulit) in illis oppugnandis subeundam esse Germanis, quos nullo periculo exponere voluit, asserens indignum esse,

esse, ut profligandis rusticis tam generosus impendatur sanguis. Denique videns in dies magis invalescere morbos, cum inter Germanos, tum inter Magnates, qui comitati sunt Regem, & quod erat omnium maximum præcavendo, ne indignem illam victoriam, multo sanguine Polonorum partam, aliquo adverso casu defœdaret, regressus est cum Germanis suis, & Magnatibus, committendo totum regimen cœterorum militum prudentiæ, ac solertiæ Generalium Exercitus Regni, Potocio & Kalinovia, qui us adjunxerunt se alii etiam, præsertim qui in Ukraja possessiones suas habuerunt. Tanta tamen diminutio Exercitus facta est post discesum Regis, ut vix viginti Millia armatorum in eo numerari poterint. Quapropter tantam paucitatem Ductores Exercitus cernentes, solenniter coram Deo, Rege, Senatoribus qui aderant, & universo Exercitu protestabantur, si, (quod Deus Optimus Maximus procul esse jubeat) aliquid adversi contigerit, id non sibi imputandum esse; sed iis, qui illos cum tam exigua manu militum tanquam ad macellum deputant.

Circa hæc tempora decessit etiam *Georgius Ossoliński* Supremus Regni Cancellarius, Vir ad novitates Patriæ nocivas plane a natura efformatus; prout hoc ex rebus ejus gestis luculentissime constat. In tantam enim elatus superbiam, ut patrios honores, ac dignitates suo minime sufficientes esse ratus Animo, non

dubitavit exteros etiam sibi aucupari Titulos. Et primo quidem occasione legationis, qua perfunctus fuit ad Ferdinandum III. Romanorum Imperatorem impetraverat sibi Titulum Principis Sacri Romani Imperii, illoque tum in privatorum Scriptorum, tum in publicorum a Rege collatorum Privilegiorum Subscriptionibus aliquandiu usus fuit; id quoque pro maxima reputans injuria, si ei quispiam in privatis colloquiis, vel vero in Epistolis hunc denegasset Titulum: quæ res multum difficultatis facessivit Reipublicæ. Quod etenim fuisset Vir incomparabilis Ingenii, eamque ob rem maximæ in universo Regno auctoritatis, ac observantiæ, reperiebantur quam plurimi, ii vel imprimis, qui gratiam ipsius aucupabantur, qui connivendum ei hac in parte duxerunt. Multo tamen plures erant, qui publicum bonum gratiæ ipsius præferendo, nequaquam concedendum id ei statuebant. Unde postquam in diversas easque pertinacissimas itum est sententias, quæ in dies in tantum invaluerunt, ut Legatis ad Comitæ Regni Generalia a Palatinatibus expediti ex professo injunctum fuerit, quatenus totis viribus allaborarent in eo, ut prædictum Cancellarium, hocce exotico exuerent Titulo. Cumque id illi adeo sedulo egissent, ut spoliandum se eo Cancellarius cerne-
ret, volens hanc suam noviter quasitam consolidare prærogativam, declaravit: se quidem

ei abrenunciaturum, sed non alia ratione, nisi ut cæteri quoque antiqui Principes renunciant Titulo Principali: utpote Principes *Radzivilii*, Principes de *Zaslavo*, de *Ostrog*, de *Zbaraz*, de *Vismiorvici*, de *Korzec*, de *Czaratoria*, de *Czetrvertyn*, &c. qui antiquis temporibus, cum magnis Provinciis Regno sunt incorporati, cum hisce Titulis; longaque & nunquam interrupta serie ad nostra usque sæcula hac gavisi sunt (citra præjudicium aliorum) dignitate. Quod quidem *Ossolinus* nunquam sperabat se consequuturum: Sed ideo tantum id proposuerat, ut dum veri, & Antiqui Principes in pristino statu suo sint permanenti, ipse quoque penes alios id, quod ambiebat, consequi posset. Sed huic importunæ Cancellarii instantiæ, tam prædictis Principibus, & per se, & per alias quam plurimas subordinatas personas, quam Legatis Palatinatum acerrime resistentibus, cum inter cæteros, qui a partibus Principum stabant, Vir egregius de Palatinatu Bratslaviensi Legatus strenue contradicendo urgeret, ut quisque bonus Civis Patriæ, dignitatibus Patriciis acquiescat; neque apud exteros Principes emendicet steriles Titulos, quasi domestici non satis essent congrui meritis illius. Quod vero Antiquos attinet Principes, firmissimis rationibus deducebat, exuere illos Antiquo Titulo, eoque ab Antecessoribus suis ad se devoluto, nihil aliud esse, quam verum Nobi-

lem Nobilitate spoliare. Quibus auditis *Ossolinski*, tantopere ira exarsit, ut invehendo acriter in præmemoratum Legatum summa arrogantiâ in hæc verba proruperit: *Memento o Aries, lanam super dorso brevi baculo contusum iri.* Hæc autem protulit alludendo ad denominationem *Baranovii*, quæ derivatur ab *ariete*, qui Polonis dicitur *Baran*. Ad quod *Baranowski* parum absuit, quin ipsi gladio respondisset. Quod Cancellarius vix evasisset, nisi se subito ad Regem subduxisset. Arrogantia nihilominus illius tantopere exacerbata fuit Univerſa Nobilitas, ut unanimi consensu extradari illum sibi ad sumendas de ipſo condignas poenas (quod nimirum Legatum Palatinatus, & in persona illius universum Regnum tanta contumelia affecerit) a Rege summa cum perseverantia instaret: quod tamen facere detrectante Rege, Comiticia Regni infectis rebus sunt dissoluta: prout hoc ex Paſquillo, post dissoluta Comiticia per modum Epistolæ toties dicto Cancellario, sacris, tempore elevationis Sacramenti, vacanti tradito, patet.

Fremetibus itaque ferme omnibus Ordinibus Regni contra Cancellarium, in aliis proxime subsequētib; Comititiis Varſaviæ Anno 1634. celebratis, consensu omnium effectum est, ut non tantum Titulo huic incompetenti renunciare; sed etiam Privilegium sibi super eo ab Imperatore Romano collatum in facie Rei-

pu.

publicæ deponere, & *Baranovium* publice deprecari necessum habuerit. Simulque sancitum, ut nullitati subjacerent omnia scripta, quæcunque ex Cancellaria Regni, cum subscriptione S. R. Imperii emanassent, Ad præcavendum tamen, ne hoc cedat damno alicujus innoxii viri, quisque intra decursum Anni coram Cancellaria Regni talia scripta repræsentet, illaque restituat: in locum autem illorum, nova sine illo Titulo recipiat. Ad talia autem exequenda, plurimum momenti attulit, & animos omnium concitavit Libellus Viri in Regno eminentissimi *Adami Grondzierzki* Castellani Miedzyrzecensis, sub Titulo: *Exhortatio de Titulis Extraneis*, hac occasione in lucem editus. In quo manifeste deducit, tam amplas atque eximias esse Regni *Poloniæ* Dignitates, atque Prærogativas, ut non tantum *hic* Regni contentissimi iis esse possint: verum etiam exterarum nationum Viri Excellentissimi Indigenatum dicti Regni, non adverso aliquo casu ad id impuls, sed solo aureæ libertatis Heroico gustu ducti petere non erubescant. Postmodum proluxa narratione exponit, quod apud inclitæ Polonorum gentem cuivis bono ex angulo in cælum profilire liceat, & quod præcipue apud Polonos principem obtineat vetus Proverbium locum, nempe, *Quis que suæ fortunæ faber.* Quod Nobilis Polonus sit Dictator Belli, & Pacis; quod apud Romanos olim summæ dignitatis esse censebatur. Quod idem

idem sit conditor & interpres Legum. Quod ex Nobilibus Polonis creentur Archiepiscopi, Episcopi, Palatini, Castellani, Marschalei, Cancellarii, Thesaurarii, Supremi Exercituum Generales, Campiductores, & alii infiniti Dignitarii, tum Regni, tum terrestres, nec non Curia Regalis, tam spirituales, quam seculares: prout in utraque Polonia, ita non minus in M. Ducatu Lithvania, ut, non immerito Reges Polonia a summis Politicis, Reges Regum dicantur. Quod deficiente stirpe Regia ex Ordine Equestri ipsi insuper Reges substituantur. Quod cum Nobilibus Polonis magni Casares, Reges, Principes affinitate jungi frequenter soleant. Quod apud Polonos paupertas Virtuti nihil derogat. Quod pauperrimo Nobili, æque, ac opulentissimo Magnati pariter suffragentur omnia Jura atque immunitates Regni. Quod fidelitati Nobilitatis Polonæ, tantum tribuant Reges, ut soli præ cæteris omnibus Monarchis gloriari sint soliti, se in sinu subditorum suorum tuto conquirere posse. Et his, atque aliis similibus recensitis, sub finem subjungit admonitionem, quatenus Inclucta gens Polona in id totis incumbat viribus,

III

Moribus antiquis stet res Polona, virisque.

Quamquam autem dicto *Ossolinseio* Titulus iste Principis S. R. Imperii pessime successerit, (prout expositum) nihilominus ad alias novitates anhelare nunime destitit. Rursus namque

Le-

Legatione perfunctus ad summum Pontificem Romanum Anno circiter 1637 introduxit secum Ordinem *Cavalleriæ Beatæ Mariæ Virginis*: dubio procul spe ea fretus, se id, quod consequi non poterat sub Titulo Principis S. R. Imperii sibi soli præ cæteris omnibus suffragante, facilius consequuturum ornatum hocce ordine; ad cujus societatem admittere libuit Novos Cavalleros, tanto numero, prout sibi visum fuisset. Jamque super hunc Ordinem conjuraverunt LXX. Magnates, quorum Officii id debuit esse præcipuum, *Cultum B. M. V. strenue promovere*, in refractarios vero serio animadvertere, nullo habito respectu Jurium Regni securitati Dissidentium ab Ecclesia Romana, suffragantium: præterea in id incumbere debebant Domini Novi Cavalleri, quatenus Nobilis, qui non haberet tria millia Florenorum Pol. annui proventus, is nec suffragium in publicis Actibus, utpote in Electione, & Generalibus Regni Comitibus habeat. Sed solertioris prudentiæ Viri, ii præsertim, qui publicum Reipublicæ bonum inordinato zelo præferebant, prævidendo Ordinem huncce adinventum esse ad *Convulsionem Legum Patriæ, & everisionem Libertatis Nobilitaris*, quæ potissimum in æqualitate consistit: primum in particularibus Palatinarum Comitibus plurimi huic Cavalleriæ contraxerunt, & post in Generalibus Regni Comitibus *Varsoviæ* celebratis communi omnium Statuum,

&

& Ordinum Regni consensu ad interitum illam damnaverunt; prout hoc comprobatur Epitaphio in honorem illius Cavalleriæ conscripto: quod sic habet, prout sequitur:

Epitaphium Cavalleriæ, olim per Georgium Ossolinski, Cancellarium Regni Polonici in viscera Regni subdole introductæ, & tandem in Comitibus Generalibus æternum damnatæ:

*Piis Manibus
Divæ Cavalleriæ,
Novi in Patria, Romani Imperii Principis
Filie
Antiquarum apud ceteros Reges, ineptiarum
Neptis
Illustrium cohera Reges, & Respublicas conspi-
rationum
Sororis
Hispanici Sodalitii destinatæ
Alumnæ
Nymphæ quæ nuper in summas spes genita
Et addictum paucis Proceribus (inse Principi for-
midabilem)
Sarmatica Aristocratiæ statum
Vasto ambitu complexa
Insensa Regis, Senatus atque Ordinis Equestris,
conspiratione.*

Heu!

*Heu! tenera adhuc & a Matre rubens
stragulata
In publico Ordinum confessu ac Theatro Reipublicæ
Lugubri ante diem Fato
Paulo ante Calendas Majas, Varsaviæ expiravit
Anno 1638.*

*Æternum infandi luctus monumentum
Mæstissimi Parentes posuerunt
Eodemque tumulo
Acerbi luctus impotentia victi
Pro Violis & Rosis
Scissis Comis, & vulsis capillis
Partum recens mitrata frontis honorem
Celsitudinumque suarum Titulos, & delicata no-
væ purpuræ ornamenta
Dulces exuvias, dum Fata, Deusque sinebant
Teneris, dilecti pignoris, ossibus
quo mollius cubent.
Non tam libenter, quam merito substraverunt,
sepeliverunt.
Quam longa una dies, ætas tam longa rosarum
Quos pubescentes juncta Senecta premit.
Scilicet in magnis, & voluisse, sat est.
Viva la casa di Austria
Viva la corte di Madrit.
hoc est: Vivat & vigeat Domus Austriaca, &
Madritenfis, nempe Hispanica.
Nec tamen succumbens tantæ confusio-
dictus Ossolinski, qua hæc quoque occasione,
fuit*

fuit affectus, & maximo rubore suffusus, idem auctor fuit *Uladelao IV.* conscripti militis Extranei, inscia Republica ad bellum Turcis, durantibus pactis, inferendum, quod similiter in Comitibus Regni Generalibus, cum maximo illius cruciatu est annihilatum, prout id expositum est initio Historiæ.

Idem *Offolinski* postquam vidisset, se id, quod in animum induxerat, in effectum deducere nequivisse, aliam aggressus viam; dummodo constaret bellum (immemor, illud esse omnium malorum Metropolim, & semel sumpta arma rursus deponere, nonnisi in arbitrio Victoris situm est: Victoriæ autem non in robore bellantium, sed in manu Domini Exercituum consistere) id consilii dedit Regi, ut Cosaccos ad laceffendos Turcas stimularet: quatenus Tatari vice versa incursionibus suis Polonis alta pace frui volentibus necessitatem bellandi imponerent.

Idem id ipsum apud *Chmielnicium* pertraxit, (quod exponitur superius præcipue pag. 38.) quod multo secus, quam ille imaginabatur, successit: prout præsens quoque dies testatur. Inde enim rebellio Cosaccorum sumptis primis exordiis, in dies majores vires sumit, & nisi ipse Deus adversitatibus Polonorum remedium adhibere dignatus fuerit, verendum est ne ultimam Regno florentissimo hoc sagacissimum consilium adferat ruinam.

Idem

Idem *Offolinski* Regis *Casimiri*, (protestantibus contra illum plurimis, & suffragia Carolo minori Fratri deferentibus, (cujus rei etiam fit mentio in descriptione Electionis *Casimiri*) præcipuus Creator fuit. Idem Cosaccorum omni occasione singularis Fautor, & dum delendorum illorum Deus suppeditabat media, fidelissimus eorundem conservator, existimans illos esse aptissimum instrumentum ad tollendam æqualitatem ex ordine Equestri, & ad introducendum per eosdem absolutum Regis Dominium. Quod ipsi & viva voce varii, sapius, inter alios *Jeremias Visniorvietzki* in os objecit: *Hoc erat vetus Offolinsiorum opus: corrumpere semper Reipublica corpus; &c.* scriptis adhuc viventi multoties exprobrabatur. Sed fuit ita circumspectus, ut, quamprimum aliqua scripta in lucem prodierunt, protinus sepelirentur. Ejus tamen rei vestigium aliquod apparet in Colloquio illo, post Pacta ad *Zbaraz* confecta, conscripto, & superius inserto.

Verbo, quicquid calamitatum Patriæ, tempore *Vladislai IV.* optime constitutæ, & singulari Dei beneficio, nitore florentissimæ pacis in oculis vicinorum, ad invidiam coruscanti, attractum est, ex quibus semel involuta Respublica & mirifice ad hæc usque tempora exagitata eluctari non potest, id totum acceptum referri debet huic novitatum inventori. Cujus merita in Rempublicam, quam grata recolantur mentē,

16.

testatur Epitaphium ejusdem *Georgii Ossolin-*
scii, quod sequitur:

**In Obitum Georgii Ossolinski,
Cancellarii Regni:**

*In mortis cancellis Cancellarius errat
Ossa Ossolinii jam brevis urna tenet.
Vir qualis, quantusque fuit, mors indicat ipsa;
Congrua nam vitæ mors fuit illa sua.
Comitialis erat pestis dum viveret ipse,
Morbus, quo periit, Comitialis erat.
Res augere suas cupiebat jure caduco;
Morbus, causa necis vera, Caducus erat.
Utque virum possis certo cognoscere sacrum;
Morbus erat, mortis proxima causa, Sacer.
Herculis utque scias instructum dotibus esse,
Herculeus Morbus, quo cadit ille, fuit.
Mors tua sane ingrata fuit, Vir maxime, cunctis,
Nempe quod heu! sero contigit illa tibi.
Sed ut redeam ad pertexendam Historiam:
Quamquam respectu multitudinis Cosaccorum,
& Tatarorum, valde exiguæ Copiæ militiæ
Polonicae relictæ erant Ducibus *Potocio*, &
Calinovia, nihilominus heroico animo pericula
contemnendo, progressum suum direxerunt Ki-
joviam versus: quo per loca desolata proceden-
do, quantas experti fuerint difficultates, vix
fides narrantibus adhibebatur. Experti namque*

va-

varias injurias cœli, nunc tempestates eximias
(quæ antehac plurimis calamitatibus labefactis,
multum molestiæ creabant) nunc æstus solis
inolitum, & vix tolerabilem, præsertim pedi-
tibus, nunc passuum superandorum difficulta-
tes: (recedendo namque a *Beresztetzk*o hostes
pontes nullibi relinquebant) sed præcipue assi-
duam famem: nam obvia quæque fugiendo ex-
urebant, insuper & molas, unde factum, ut
non pauci pedites inopia commeatus interirent.
His tamen omnibus minime succumbendo, sed
omnia forti animo superando, magna in perse-
quendo hoste usi sunt celeritate, majorem ad-
hibituri, nisi *Potocium* adversa valetudo præ-
pedivisset, & universum Exercitum fames po-
tissimum retardasset. Ad quod malum evitan-
dum, divisus est Exercitus in tres partes, qua-
rum una commissa fuit *Calinovia* Campi Mar-
schalco: cui se adjunxit *Stanislaus Potorski*
Palat. Podoliæ: altera *Landskoronscio* Palat.
Bratslaviensi; cui se adjunxit *Jeremias Visnior-*
vietzki: tertium ductabat ipse *Nicolaus Potorz-*
ki Supremus Generalis, cum *Alexandro Ko-*
nierzpolscio Vexillif. Regni. Omnes autem iter
suum dirigebant ad Civitatem *Lubartow*: quod
cum Civium frequentia simul & industria, cum
situ loci, naturaliter munita existens, intacta
hactenus ab hoste remansit, & omnium rerum
abundantia afflueret. Severum autem promul-
gatum est edictum, ut quam placidissime cum

M

in-

incolis locorum illorum agerent, ne aliqua insolentia ad desperata adigerentur consilia. Magnates etiam subditis suis intimabant, ut ad frugem redirent, promittendo illis universalem Amnestiam; sed hæc ab illis surdis audiebantur auribus.

Sub id tempus *Chmielnitzki* a Tataris dimissus, cum tenui spe suppetiarum, pervenit ad Civitatem *Pawolocz*, ubi primum accepit nuncium de suorum ex Castris ad *Bereszetzko* relictis fuga, & subsequente eam clade, simulque de iis, quæ in Lichvania per *Radziwilium* adversa Cofaccis contigerunt Fortuna, gestis, ac denique de adventante *Potocio* cum Exercitu. Quibus acceptis non mediocriter est animo percussus: nihilominus recolligendarum virium nulla intermittit media. Et primo quidem expedit ad remotiores Russiæ partes Litteras, exhortando ad perseverantiam in cœpto negotio, atque inculcando inconstantiam Fortunæ, quod varietur ad instar Lunæ; & quos evexerit altius, eos iterum solitam esse dejicere ad imum: & quamvis nunc favisse videatur Polonis, nil tamen illos præter campum, & in abjectissimis Castris aliquot ollas cum fusculis ex fursuribus confectis: & aliquot assaturas, easque de propriis jumentis, obtinuisse: interim expeditissimos milites Cofaccorum ad meliores occasiones esse conservatos: quibus non deerit refarciendi accepti ad *Bereszetzko* damni, modus, (dum-

mo-

modo ipsis non desit constans in proposito animus) idque tanto facilius, quod Rex cum majoribus copiis coactus fuerit redire in Poloniam ad resistendum *RAKOCIO*, qui invasit caput Regni, nimirum Cracoviam: ideoque in tantum distractas esse vires Polonorum, ut nunc aliquot tantum Magnatum cohortes nuperrimo successu exultantes, cum iis Ducibus, qui jam semel se auctore *Crimeam* visitaverunt, ostentari, (ad insultandum, quasi totaliter subactis subditis) possint. Sed frustra illos & quidem arundine niti: cum & flos militiæ Cofaccicæ, animis minime concidens confluat; & Tatari propediem ad detergendam sibi nuper affricatam ignominiam affuturi sint: Ad subveniendum itaque communi causæ, ut cœteri quoque adesse non tardarent, monuit. Quæ quamvis fuerint mera commenta, præcipue de *RAKOCIO*, qui tunc temporis adhuc fuit amicus Polonorum; sed talia ejusmodi occasione finxerat *Chmielnitzki*, quod non contentus eo, se commovisse totam Russiam & magnam partem Lichvaniæ, ad ciendos novos in Polonia motus, concitaverat quendam impostorem *Napirski* dictum, qui simulans se esse *Kotskam* Illustris ac Magnificæ Prosapie, instinctu *Chmielnicii* (prout hoc subjectus tormentis fassus) Arcem monti Carpatho, ac porro *Hungariæ* vicinam dictam *Czorstein*, non procul a Cracovia, spe altissimæ in illis partibus pacis, minus diligenter cu-

M 2

sto-

stoditam, cum parva quidem manu infederat, sed nefarii propositi habuit socios quamplurimos, in confiniis *Poloniae & Hungariae* Regnorum, pessima quæque (quod illis promitteret libertatem a iugo Dominorum) attentaturos; nisi hoc malum in herba fuisset suppressum, vigilantia & industria Episcopi Cracoviensis Petri *Gembirzki*. Qui, quamprimum molimina ista ad notitiam ejus devenerunt, multo auro conducens aliquos eorum, qui huic *Pseudokotska* nomina sua dederant, curavit præsentari ante portam arcis; quos ille Gubernator Arcis cernens, ac sinceros socios suos esse credens, lubenti animo intromisit. Nec multum cunctatus Episcopus, circiter 2000 hominum cum tormentis ad obsidendam illam Arcem admovit, qui, quam primum eo advenerunt, confestim aquam impostoribus ademerunt, & sine intermissione ex tormentis contra Præsidarios Arcis detonarunt; qui jam aqua destituti, & de subsidio sibi subventuro spe omni dejecti, colloquium expetierunt, quo obtento, compactum est utrinque, ut principales in manus militum Episcopi victi traderentur, cæteris autem liber passus, quo quisque voluit, est permissus: & sic impostor ille cum suo Marschalco, agresti quidem viro, sed latrociniis claro, victis ad tergum manibus, curru eminentiori ad id præparato Cracoviam invecti, & condigno sceleri suo supplicio sunt affecti.

Quam,

Quamvis, inquam, ea, quæ *Chmielnitzki* credulæ Plebi scripserat, mera fuissent figmenta, nihilominus hoc modo in spem erecti, subito, non secus, ac locustæ, quæ frigoribus adultæ periisse videntur, quam primum camen radius solaribus in meridie bene calefcentibus bene attractæ fuerint, mox recuperando vires ac vitam, nubium intar sursum elewantur; ita & Cofacci, numero omni opinione majore concurrunt ad *Chmiehnicium* ad *Mislowy Stano*: atque concursu tum Zaporoviensium, tum trans Borythenensium, tum Ukrajnensium, tum denique Tatarorum circiter 2000, mox efficiunt XL. Millia.

Quod postquam *Pototski* audivisset, ille etiam Chano Tatarorum scripsit Litteras, variis modis in id ipsum inducendo, ut societati Cofaccorum, prout se ad *Zborovv*, mediantibus Pactis, obligaverat, renunciaret.

Sed nec *Chmielnitzki* auxilium Tatarorum sollicitare intermisit, demonstrans securitatem illorum positam esse in fortuna Cofaccorum, quibus, ceu fortissimo propugnaculo illorum, prolapsis, inevitabilem Tataris imminere ruinam.

Ad Portam quoque Otthomanicam cum magna festinatione expediverat Legatos, implorando opem illorum, simulque promittendo si illam consequuti fuerint, se infallibiliter potentiam Polonorum repressuros; quod si fuerint a Turcis derelicti, sibi nihil aliud facien-

M 3

dum

dum restare, quam vel iniquissimis conditionibus inita cum Polonis pace, arma cum iisdem, ad quod faciendum jam dudum stimulantur, sociare. Et hæc quidem tum Palatinus Moldaviae, tum Imperatoris Rom. in Porta residens, Polonis perscripserunt.

Quapropter *Potorski* cum per exploratores suos (quo officio functi sunt aliqui veterani Registrati Cosacci) tum ex memoratis locis cognita habens omnia *Chmielnicii* molimina, in id totis incumbere viribus, ut illa maturo cum *Chmielnicio* congressu suo antevertere posset: itaque ut accrescenti in dies multitudini hostium majores copias opponere queat, Filium suum, quem cum duobus millibus reliquerat ad *Camenecum*, quatenus obsidendo conatibus hostium, de comineatu sufficienti illi Fortalitio provideat, ad se revocat, atque hoc modo aucto Exercitu, tendens versus Civitatem *Bialacerkiev* dictam, præmit septem turmas, dans illis in mandatis, quatenus aliquos hostium intercipient, ut de intentionibus *Chmielnicii* melius informari queat. Qui deambulando circa Civitatem *Pawolocz*, ad quam multitudo Cosaccorum ex proximis locis confluxerat, reperta in eo tractu maxima omnium rerum copia, non solum lautius sese invitarunt, verum etiam quæ supererant, Vulcano dedicarunt. Sed insolentiam hanc non finit Deus impunitam. Cum enim regrederentur ad Castra, ac paululum processissent ultra *Pawolocz*, inci-

ciderunt in duo Millia Cosaccorum, & 500. Tataros; qui, siquidem maximo impetu in se irruerunt hostes, existimando universam ex Civitate potentiam in se esse effusam, relictis curriis, comineatu, & variis spoliis repletis, effusa fuga versus Castra contenderunt, hostibus sese acerrime insequentibus. Ecce autem casualiter superveniens cum cohortibus suis *Jeremias Wisniorvitzki*, & *Vojnilorvitz*, totis viribus in agmina hostium irruunt, & plane in duas partes dividunt. Quo intellecto jam fugientes, rursus conversi in hostem, illum dissiparunt, & unitis viribus insistendo hostibus, atque illis permixti in ipsam Civitatem involarunt, atque partim suis, partim fugatis Cosaccis Civitatem obtinuerunt, datoque ad Castra nuncio, tanta potiti sunt præda, imprimis autem Comineatu, ut universis sufficeret. Captivos etiam complures ex Cosaccis, sed & ex Tataris aliquot abduxerunt. Qui interrogati de numero suorum, dixerunt, nunc tantum 2000. adesse *Chmielnicio*, propediem autem affutura 6000. cæteris pascendis equis excubare; sed illos etiam iustos esse paratos ad omnia momenta, quandocunque a *Chmielnicio* vocarentur. Addebant præterea, hanc esse inter Cosaccos famam, aliquos tantum Magnates cum Prætorianis cohortibus suis in has partes venisse, eamque ob rem tam animose sese turmas illas adortas esse.

Itaque *Pototzki*, accepta tali de hostibus relatione, in eam vergebat sententiam, utendum esse celeritate, ipsumque *Chmielnicium* ceu belli Caput aggrediendum, prius quam auxiliis Tatarorum augeret copias.

Sed quia tum propter pedites, qui post exantlatas molestias nondum totaliter resumpserant vires, tum propter impedimenta bellica, quæ languidioribus jumentis tracta, nonnisi lente procedere poterant, non erat modus adhibendi celeritatem, idque tanto magis, ne forsitan nimia festinatio in aliquas insidias induceret, mutata priori sententia, cursum suum flectendum curavit ad Civitatem *Chuvastov* dictam, quæ erat in recto itinere versus *Kijoviam*: quo appropinquare *Joannem Radzivilium* certa adferebatur fama: cujus interea in Lithvania gesta silentio nequaquam prætereunda.

Jam equidem pestem hanc rebellium superiori Anno *Radzivilius* amoverat a Lithvania; sed *Chmielnitzki* renovando in Russia bellum, nil intactum relinquebat, quod ad stabilendas res suas spectare existimabat. Itaque præcavendo ne Lithvanicus Exercitus conjungi cum Polonico possit, quemadmodum ad excitandos in submontanis partibus novos tumultus, subornaverat *Pseudokostam*, (de quo superius pag. 179) ita Lithvaniam quoque rursus implicare volens, miserat cum viginti selectissimorum Cosaccorum Zaporovianorum & trans-Bo-

rylt-

rysthenensium millibus, celeberrimum quendam Legionarium, ad cujus nominis famam plebs quoque certatim consuebat *Niebaba* dictum. Qui cum pervenisset ad Civitatem dictam *Lojorv*, quam antehac *Podobaylo* exusserat, mox illam reparavit, munitionesque locis opportunis erexit, prohibiturus inde passum verius Russiam ire volentibus; cumque intellexisset adventare *Radzivilium* (cui Rex perscripserat a *Berezetterzko*, ut in id incumberet, quatenus quanto citius cum *Potocio* conjungeretur) relicto in Civitate valido præsidio, summa cum arrogantia in occursum ei progressus est: volens in campo patentissimo cum illo aperto Marte experiri. Sed *Radzivilius* tanquam Argus centoculus ad omnia pervigil, cognita tempestive per fidelissimos exploratores intentione *Niebaba*, convocato ad se universo Exercitu Lithvanico, intrepide cum illo contra hostem, numero militum se longe superiorem, (adhibita summa diligentia, ne vel unicus ex Castris suis ultra excubias pedem efferret, ne aliquo modo nuncium hosti de adventu suo adferret) die ac nocte procedit. Altera die in aurora instruit aciem ad formam Lunæ, ad utraque cornua collocans defultorios milites, & juxta eos statim cohortes levioris armaturæ; in meditullio autem 1500 hastatos; postea interjecto aliquo spatio, universum peditatum in duas partes, quasi duos parietes, ita late ad invicem distantes, ut si ho-

hoste nimium urgente necessum esset ad carraginem pedem referre, intercapedo illa posset universum Exercitum comprehendere, & ab insultu insequentium tueri, præmissis tormentis dividendens, ultimo autem loco lento gradu procedens carragine, cujus utrumque latus claudebant Calones & Lixæ, atque in hunc modum summo silentio progreditur. Interim Cosacci quod nullæ antecessoriæ turmæ *Radzivilii* conspicerentur, rati illum aliorum divertisse, comotationibus indulgent, concedentes salutem suam excubitoribus, in quorum conspectum dum *Radzivilius* venisset, mox relictâ statione sua recurrunt ad Castra nuntiaturi adesse hostem. Tum deum *Radzivilius* jubet inflari tubas, percuti tympana, explodi grandiora tormenta, servatoque eo ordine alacrius progreditur. *Niebaba* autem non tantum ex relatione excubiarum, verum etiam ex resonantia armorum, cognoscens adesse eum, quem præstolabatur, educit turmas suas tanquam scopis dissolutas in campum; quas cœperunt lento passu circumire cornua illa, ac desilientes ex equis Dragonerii, cœperunt creberrimis globis impetere posteriora agmina. Eodem momento profluerunt etiam haltati, qui maximam confusionem ediderunt in Cosaccis. Pugnatumque est graviter ferme tribus horis. Superveniens autem peditatus cum machinis bellicis, hostem partim cædit, partim in fugam conjicit. *Niebaba*
ipse

ipse, & frater ejus vices fortissimi Ductoris subeundo, occubuit una cum fratre suo. Periere præterea Cosaccorum plusquam 3000. complures etiam capti: vexilla XVI. erepta: Castra direpta. Simulque cum peditatu insulcum faciens in ipsam Civitatem *Lojorv*, victoria potitur, quæ tanto illustrior est habita, quod in illa perierint tres Legionarii, *Pultora-Kozucha*, *Kapusta*, & *Krawcenko*. Cœteri, qui ex prælio evaserunt, contulerunt se ad Civitatem *Czernichoviam* bene munitam, & valido præsidio firmatam, sub commenda *Stephani Podobaylo*.

Volens autem secundum mandatum Regis adventum suum ad Castra Polonorum maturare *Radzivilius*, relictis circa *Czernichoviam* iustis sub regimine *Fronczkievii* copiis, ad arcendas excursions Cosaccorum, qua potuit celeritate castra sua promovebat. Ad cujus adventus famam, *Lubeczani* Cosacci ultro deferuerunt, *Czernobyl* autem, cui defendendo impositus erat *Antonius & Orkussa* (his fuga subductis) sponte sese ad arbitrium *Radzivilii* dedit. Et horum exemplum secutæ sunt aliæ Civitates, quibus Dux *Radzivilius* gratiam suam declaravit, profugorum autem vestigiis insistendo, illosque ad fluvium *Irpam* affecutus, magna ex parte prothigavit, eoque redegit, ut coacti fuerint exutis omnibus impedimentis, & ponte dejecto (ne victori insequendi sese pate-
ret

ret via) recurrere usque *Kijoviam*. His peractis cum jam nihil superesset, quod obicem progressibus ejus versus *Kijoviam* poneret, totis viribus in eo, ceu ad præcipuum Russiæ caput, tum navibus, secundo Borysthene cum pediatu; tum continenti, pari cum navigantibus passu, iter accelerabat. Cujus rei fama postquam delata fuisset *Kijoviam*, non solum præsidarii, quorum erant decem millia, præter *Antonium & Orkuffan*; sed & incolarum portior pars, insuper & Metropoli sita live Episcopus *Kijoviensis* ritus Græci, *Sylvester Kosovius*, & Præpositus Cœnobii Russorum, quod ibi est celeberrimum, (præcipue quod in speluncis quibusdam, quas illi *Pieczary* dicunt, antiquorum supra mille annos defunctorum admirandæ magnitudinis corpora, mira arte ad hoc usque tempus intacte conservata representantur) *Josephus Trizna*, & Universus Magistratus Urbis, eam deseruerunt, exaratis ad Exercitum tum Regni, tum M. Duc. Lichvanæ litteris supplicibus, ne Urbi suæ aut Templis aliqua vis inferretur: declarando se contra Regem, aut Rempublicam nihil hostile unquam tentasse; sed pro incolumitate eorum preces subinde fuisse, multorum Nobilium, tum virorum, tum sceminarum vitam & fortunas, inter belli æstus integre conservasse, provocantes ad testimonium eorundem, simulque asserentes, se tempestive declaraturos fuisse submissi animi indicia, nisi

ar-

armati undique viam præpedivissent. Quæ quidem Litteræ prius pervenerunt ad *Radzivilium*, utpote ad eum, a quo proximius periculum Urbi imminebat. Qui victus precibus, ingressus quidem est in Urbem armatus; sed nullam hostilitatem exercuit: solummodo inhabitatores, quos adhuc ibi reperierat, totaliter exarmavit; relicto autem propter subitaneos casus in Urbe præsidio, ipse prope eandem Castra fixit; propiorem eo adventum Polonorum expectando; unde de successibus suis *Potocium* certiores reddidit: pariter & *Potozki* non intermisit scribere de iis, quæ apud se gerebantur.

Interim excitatum est casualiter, in ea parte Urbis, quæ Borysthenei adjacet, incendium, quod consumpsit prope 100. Domos 6. Aug. Sed postero die coortus ignis multo majus damnum intulit. Etenim præter complures Incolarum domos, & fornices mercibus plenos, ducentæ Nobilium Aulæ, multa item Templum Romani, tum Græci ritus conflagrant: præcipue unum vetustissimum a *Vlodimirio* olim *Kijoviæ* Duce extructum. Augebat ignem, vespere imminente, vehementissimus ventus, unde sparsa in diversas partes flamma, Castris etiam periculum minabatur. Et nisi accursu militum restinctum fuisset illud incendium, tota Civitas conflagrasset. Cumque vix considere ignis cœpisset, advolat ex Partia *Radzivilii* quidam Ductor *Noldius*, adferens nuncium,

Co-

Cofaccos Tataris mixtos, magno impetu irruentes, currus, ac famulos com meatum inferentes, non procul a porta Urbis, aurea dicta, intercepte. Subito itaque canitur classicum: quo audito, hostes mox terga obvertunt, quosdum nullo servato ordine *Radziviliani* alacrius insequuntur, a fugientibus aliqui cæduntur, aliqui sauciantur. Sed accurrentibus integris cohortibus, præsertim defultoriis equitibus, atque præoccupato præter opinionem hostium ponte, per quem hostes venerant, & vehementer recrudescente pugna, hostium supra mille occubere, & captivi plures quam 100, abducti, reliquos nox e conspectu eripuit. Qui temeritatem suam sero incusarunt, quod contra Ordinantiam *Chmielnicii*, non expectatis majoribus copiis jamjamque adventantibus, quibuscum conjuncti debuerant Castra *Radziviliana* aggredi, & seipsos in hoc discrimen conjecerunt, & aliis occasionem rem bene agendi eripuerunt. Quorum intentio siquidem ex captivis jam bene constiterat *Radzivilio*, nil magnum contra illum, quem ad omnia momenta paratum esse sciverunt, attentare sunt ausi, ex insidiis tamen aliquot pabulatores intercæperunt.

Quamquam autem *Chmielnicio* optime constetit, *Kijoviam*, in qua spem salutis suæ ponebant Cofacci, jam præsidio *Radzivilii* teneri: minime tamen destitit, dispersas, quasi post naufragium, virium suarum colligere tabulas,

id-

idque tanto magis, quod tam promptos ad subeunda jussa sua experiebatur agrestes, ut inter illos ipsos sæpius tales resonarent voces: Minime decorum esse propter unius prælii minus felicem eventum, aut relictam unam Civitatem penitus desperare. Nil tale sibi accidisse, quod non prius evenerit Polonis, & quidem multo cum majore tum Gloriæ tum fortunarum eorum factura: sperandum potius esse, Fortunæ rotam res suas rursus sublevaturam; quod si etiam contra se in tantum Polonorum fata conspiraverint, ut illis urgentibus, antiquis sedibus migrandum sibi foret, non defuturam sibi sub Turcis æque fertilem glebam, in qua cum pari felicitate, cum majori autem (imprimis religionis) libertate, vitam traducere possint.

Interea temporis Exercitu Polonico ad *Chvastoru* procedente *Michael Jeremias Korybut Visniorvitzki* Palatinus Russæ, qui ortum ducens ex Illustrissima Familia Ducum Lithvaniæ (quorum alter nempe *Jagello*, semel ad Coronam Regni evectus, spatio 200. Annorum in eodem dignitatis fastigio successores habuit, usque ad Filiam Sigismundi Augusti, Conjugem **STEPHANI BATHOREI** Regis Poloniæ; alter vero videlicet *Korybut Jagellonis* Frater Germanus, hujus autem nostri prædecessor usque adeo generosa sobole felix, ut prout olim ex Equo Trojano plurimi proliere milites, ad inferendum Trojæ ultimum excidium: ita ex ipsa

ipsa fronde evulsa una, semper succedebat alia; quæ Patriæ suæ opportunum adferebat subsidium. Quos inter non postrema laus debetur novissime fato functo *Jeremio*, qui minime degenerans, sub gentilitiam arborem suam insitiva novi Herois gemmula, Avorum virtutibus virtutem, meritis merita, gloriæ gloriâ adjiciebat. Simul namque æque capessendis armis idoneam ætatem attigisset, exiguo corpore multo majorem gestans animum, magnorum semper capacem, atque clarescere ardentem; nullum cum Tataris certamen intermisit (spatiosum sibi ad id campum præbente amplissima in finibus Russiæ hæreditate incursionibus Tatarorum exposita) nullum prælium cum Barbaris, nisi magno cum virtutis specimine commisit. Prout hoc declaraverat & antehac sub auspiciis *Uladislai IV.* & felici regimine *Stanislai Koniępolscii*, dum ad *Ochmatow* Exercitus Polonicus insigni de Chano Tatarorum Anno circiter 1544. potitus fuisset victoria; cujus magna pars, nec immerito, huic tribuebatur Heroi: nec minus in fatali illa, post decessum *Uladislai*, Regni & felicitatis Polonæ Ecclipsi, dum hostem post profligatos Exercitus Regni in viscera Patriæ sævire properantem, tanquam Atlas sarmaticus humeris suis sustinuit: nec minus in illa ad *Pilaruce* occasione declaravit, se nulla rerum vicissitudine frangi posse, dum aliis fugientibus, sine ulla

ani-

arimi perturbatione Commilitones suos ad tutiora gloriose reduxit incolumes: declaravit se ad ardua pro Patria subeunda natum, in illa obsidione Zbaraziensi: nec exilem priorum decorum titulis novissimo ad *Bereſteſzko* commisso prælio addidit cumulum, declaravit se indefessum in agendo, in particularibus jam huc tendendo cum hostibus congressibus. Quapropter publica ferme vox judicabat illum ad conficiendam rebellionis excetram maxime habilem, & hinc summo Exercitus Regimini illum destinabat. Neque id illum præterisset, nisi vitæ ejus filum crudules Parcæ fuso suo usque adeo nevissent parce, ut non potuerit suam ætatem ad eam rerum perducere tempestatem, donec Fato suo feliciter perfuncti fuissent ii, quos hæc dignitas ad extremam vitæ illorum concernebat lineam. Hic ergo talis, & tantus in ipso ætatis flore, in ipso gloriæ cursu, ineffabili Patriæ damno, & summo omnium luctu obiit. Nec immerito sane perculit gravissimo ictu totum Exercitum tanti Sideris Orbis Polonici Occasus, a cunctis tristissimos planctus, lacrymasque largissimas extudit, & vix non arma omnibus justissimus dolor excussit. Interveniante itaque tam tristi Illustrissimi Principis casu, nihil in hostem prius tentari potuit, donec ei militaria justa fuissent perfolura. Postquam igitur corpus illius cum solenni militari pompa lugubri longe extra castra eductum fuisset,

N

set,

set, sequenti statim die Generalis *Pototzki*, publico mœtori (quem augebat *Hiacynthi Rozrazewii* optime de Patria meriti, mors) quærens solatium, promovit Castra ad Civitatem dictam *Trylesy*, (sic appellatam ideo, quod triplicato ordine ingentium quercuum terræ profundissimæ defixarum, fuerit munita) quæ cum bene munita fuisset, ab oppugnatione sui deterrebat nonnullorum animos. Verum *Pototzki* Generalis prævidendo id maximæ noxæ futurum Exercitui, nisi in potestatem Polonorum redacta fuisset, oppugnare illam necessario statuit. Præmisit nihilominus prius Fecialem ad Gubernatorem loci, animum illius pertentaturus, num honestis conditionibus secum pacisci velit? qui cum arrogantius responsum dedisset, mox jubet omnes paratos esse ad oppugnationem, ac præeuntibus cum peditatu *Przyjemscio* Artilleriæ Magistro atque *Berkio*, Principis *Boguslai Radziwili* Colonello, his autem succedentibus cohortibus Equitum, qui sponte desilientes de equis, non segnius, quam ipsi pedites accurrendo ad pomeria Civitatis, atque arbores illas alacriter succidendo, & cunctis rem strenue agentibus; ubi autem concidit una & altera arbor, globis de tormentis emissis præsidarios disjicientibus; quanquam adeo mascule restiterunt, ut cum occumbere viderent suorum complures, in locum illorum non tantum Viri succederent alii, sed insuper scæminæ cum

fal-

falcibus, non sine damno Polonorum. Nihilominus Poloni summa cum alacritate (omne periculum contemnendo) prius Civitate, & rursus intra duos aut tres horas Arce etiam positi sunt. Qua in oppugnatione tamen non ultra centum desiderati sunt milites, & duo Centuriones Germanici. Quia vero & ante oppugnationem magna arrogantia, & in ipsa oppugnatione magna defensorum apparuit obstinatio, ideo postquam fuisset capta Civitas, omnia permissa sunt arbitrio militum. Quapropter nec ætati, nec sexui parsum. Ipse autem Ductor Cofaccorum *Alexandrenko*, cui erat in *Scianki* parsum, in furcam actus. Bona omnia, quæ in Civitate sunt reperta, militi in prædam cesserunt: quæ vero auferri non poterant, flammis sunt destinata; in exemplum, quo Victor, declarans bene se nosse artem debellandi superbos, cœteris incuteret timorem, ne nimium eristas erigendo, certæ paci incertum rerum præferant eventum. Et omnino in altum valde sublata in *Trylesy* flamma, atque adferens ad *Chwaszow* nuncium, quale obtinuerint rebelles præmium, effecit hoc in animis omnium eorum, ut Civitatem omni præsidio & inhabitatoribus nudatam, omnibus autem bonis refertissimam Exercitui Polonico relinquerent patentem. Hæc, quæ in *Trylesy* & *Chwaszow* evenerunt postquam cognovisset *Chmielnizki*, misit Litteras *Potocio*, declarans se una

N 2

cum

cum Cosaccis Pactis *Zborovianis* stare velle, simulque obsequia Regi & Reipublicæ præstare paratos: injurias sibi hætenus illatas Deo committere: id etiam intimando, incertam esse Martis aleam, & inconstantes fortunæ vices: insuper orabat, ut pro ea, qua tum in Exer-itu, tum in Senatu pollet auctoritate, allaborare vellet, ut Cosaccis Gratia Regis, & antiquis libertatibus frui liceret. Ad quæ verbotenus Generalis *Potorski* respondit: Se ad talia neque per Litteras, neque per Legatum; sed cominus coram respondere paratum. Interim in *Chwaszow* consistens cum Exercitu, mittit ad *Radzivilium* adhuc penes *Kijoviam* hærentem, invitando eundem ad se. Qui renuncians se sine mora venturum, atque certum adventui suo præfigens diem, accingit se itineri relicto ad *Kijoviam* sufficiente præsidio. Quo audito *Potorski*, mittit honoris ergo ei Ductore *Joanne Sobieski* 25000. equites egregios, ipse cum reliquo Exercitu processit ad *Wasilkow*, quo ipsi minus spatium ad conjungendum sese cum Exercitu Lithvanico superesset. Quo autem tutiorem sibi redderet tractum, præmisit explorandi gratia *Korycium* cum aliquot cohortibus levioris armaturæ.

Chmielnitzki vero partim nimis stomachans, quod sibi minime speratum a *Potocio* fuerit allatum responsum, partim in *Radzivilium*, ac Urbem *Kijoviam* intentissimos habens oculos,

ex-

expedivit copias suas; cum pedestres Fluvio *Borysthene*, tum terrâ selectissimos Equites Ductore *Zlotarenko*: dans ei in mandatis, ut procedendo quam cautissime, in eo totis viribus allatoret, quatenus aut impediat passum *Radzivilii*, quominus conjungi cum *Potocio* possit, aut si intellexerit *Radzivilium* jam recessisse a *Kijovia*, eo se conferat, atque conjunctus cum iis, qui navibus deferuntur pertinet omni conamine *Kijoviam*, quam discessu *Radzivilii* patientem sibi fore sperabat. Sed multo secius, quam apud se proposuerat *Chmielnitzki*, res ei successit. Qui enim cum *Zlotarenko* expediti fuerunt, illi incidentes in *Corycium*, quodam in loco juxta securius hospitantem, primo quidem Partiam ejus dissiparunt, & plane ad Castra usque sunt subsecuti; sed postquam hoc auditum fuisset in Castris, mox Vice-Generalis *Kalinowski* cum valida manu erumpens, atque aperto Marte hostem adortus, notabiliter eum profligavit, & Castris exiit. Qui autem *Borysthene* navigiis vecti Duce *Orkussa*, illi non inventis fociis suis eo loco, qui illis erat designatus, postquam per Exploratores suos cognovissent, multo validius esse relictum præsidium, quam sibi imaginabantur, aperte nihil attentare sunt ausi; tantum silentio noctis accedendo ad scaphas *Radzivilii*, ex illis tres sunt suffurati, & ita regressi.

Sublatis denique omnibus, medio inter utrumque Exercitum loco, obviis impedimentis, feliciter conjunxit se utriusque Nationis Exercitus, Die 3. Sept. Anno Domini 1651. ad *Wusikowv*, & inde processerunt ad Oppidum *Hermanowka*.

Postquam autem *Chmielnitzki* tum cladem suorum ex iis, qui se fuga periculo subduxerant, tum adventum *Radziwili* ad Exercitum Polonicum ex resonantia tormentorum ad invicem sibi congratulantium Ducum cognovisset, mox deposita leonina pelle, induit vulpinam: atque per Litteras ad Generalem *Potorski* exaratas, ac per quendam Cosaccorum missas, proponit: Non esse necesse tam pertinaciter in suis præfessionibus utrique perseverare parti; neque in propria viscera tantopere scovendum; sed potius intra justos margines cohibenda esse tam cruenta diluvia, quæ hæcenus consumebant omnia; unitas vires aliofsum esse convertendas; se paratum esse officia Domino, & Reipublicæ debita fideliter præstare; dummodo sibi, & Exercitui *Zaporoviano* commissa hæcenus delicta clementer condonentur: Simulque rogavit, ut deputetur aliquis vir idoneus, qui de omnibus rebus, placide cum *Wyhovio*, a parte sua ad id designato colloqui possit: allecurans non rebus infectis illum regresurum.

Perlecta Epistola ista privatim Generales utriusque Nationis, convocatis Consiliariis bellicis,

licis, deliberant, qualiter respondendum, quidve faciendum esset? utrum nullo habito respectu desolationis istarum Provinciarum, ulterius procedendum, & armis negotium continuandum: an vero experimentum capiendum, num mala Patriam prementia dirimi possint? Nec deerant qui suaderent a parte Cosaccorum nil boni sibi Polonos polliceri posse, nisi deletio nominis eorum; ac proinde nulla misericordia esse utendum. Alii autem, qui exactius omnia rerum momenta secum excusserunt, hortati sunt, ut memores illius usitatissimi, in rebus autem bellicis opportunissimi dicti: Sapientis est futura prospicere; scientes præterea incertam esse Martis aleam, ita consilia sua moderentur, ne successu temporis ab aliis improbestur. Cum autem manifestum sit, non esse in potestate aleatoris situm, ut id cadat, quod ipse desiderat, debere illum ita prudenter esse dispositum, ne post unum jactum, sit de ipso actum: ideoque nunc tum prosperos, tum adversos eventus esse prospiciendos; Quamvis enim generosi animi sit, optima quæque prout optare, sic & polliceri sibi, sed neque abjecti, mediocritatantum perare: summe autem Circumspecti inexpectata etiam, quæ fors iniqua adferre solet, ob oculos ponere. Quapropter etiam si Fortuna usque adeo faventem se Polonis præbuerit, ut ad internecionem deleverentur Cosacci, cogitandum tamen esse, ne hoc quidem per omnia bono, ac commodo Reipublicæ cessurum. Siquidem intestini belli

eventus, si is armis committatur, nonnisi tristis, & ut plurimum (etiam Victori) exitiosus evenire soleat: quod sublati etiam Cosaccis ne eveniat, merito metuendum. Cum limites Regni Polonia nullis aliis propugnaculis sint muniti, nisi hoc, seu antemurali quodam, Milite in Ukrajna contra incursiones Barbarorum, excubias noctes diesque agente. Hoc itaque propugnaculo subverso, quantum periculi a Vicinis Regno Polonia semper inhiantibus immineret, nullus est qui non videat. Quod si Exercitui Regni res non pro voto succederet; quod si in tristem adversam fortunam recidivam incideret (quod Deus clementissimus procul esse jubeat!) quis negare potest, ultimam hoc universo Regno allaturum ruinam? Itaque post varias pro, & contra ratiocinationes stetit, mitioribus prius in tollendo hocce Reipublicæ cancro utendum remediis; quod si ea non proficiant, tandem Medicorum more, adhibenda fortiora; ac porro placuit: hoc potissimum illis nunciandum esse, dummodo redeant ad frugem, & societati Tatarorum renuncient, illos de Gratia S. Majestatis Regiæ bene sperare posse: quod si in antiqua cum Tataris Liga permanserint, Regnum nunquam eis fidem adhibiturum.

Eo cum hac quidem denuntiatione missus est ab Exercitu Polonico ad Chmielnicum Machowski: Qui postquam representasset Chmielnicio Litteras responsum continentes, statim hoc

illi

illi valde movit bilem, quod ipsi denegatus fuisset Titulus *Hetmani*: Hac in re tamen mitigatus a Cancellario Zaporoviensi Joanne Vyhovio, summa cum attentione perlegit Litteras, & illis lectis reduxit Legatum ad storsivum colloquium, coepitque plausibilibus rationibus demonstrare: se societati Tatarorum (quorum eximiam amicitiam experere est) non posse renunciare; sed potius effecturum se apud illos offerebat, ut contra Portam Otthomanicam una secum penes Regnum Polonia arma sumant: tum Wyhoswski monuit illum, ut hoc differat ad alium terminum: quo autem facilius Pax coalescere posset, petat, ut crastina die mittantur ad Civitatem dictam Biala Cerkiev Comissarii. omnia complanaturi. Interim induciæ ab utraque parte inviolabiliter servantur. Et his dictis dimissus est Machowski, cui adjuncti sunt Cosacci id ipsum ab Exercitu postulaturi, Paulus Tetera, Daniel Wychowski. Quapropter sequenti mane mittuntur Adamas Istsiel, Palatinus Kijoviensis (religionis Græcæ) & Georgius Hlebowitz Palatinus Smolescen. & præterea duo præcipui Nobiles, quos Sanieha cum Legione sua comitatus est versus Civitatem, tandem a Cosaccis honorifice excepti & introducti. Nec mora; adest etiam Chmielnicki cum toto robore militiæ suæ, simul XL. M. Tatarorum, quos ducebat Karaz Murza (forsan audiverat ab aliquo, Pacta sub clypeo

in,

instituere eum debere, qui vult felici illorum eventu gaudere) & collocatis circa Civitatem omnibus, secum autem assumptis primariis Legionariis, pergit ad Arcem, ibique Commissarios magna cum demissione salutat, offerendo se ad omnia media pacificationis esse promptum; cum autem circa puncta nomine Polonorum sibi proposita tractatum instituissent, & visus fuisset non reluctanti animo illis assentiri velle : subito plebs horribilem excitat tumultum, alta voce exclamando in hunc modum : *Vis cum Polonis pacisci, ut te ipsum & aliquos Officiales salves, nos vero verum ignaros, & Tataros derelinquas? & ipse existens causa ejus rei, ut nos arma susciperemus contra Dominos nostros, nunc ipsorum Tyrannidi nos prostituit? Jam etenim nobis atrocissima quæque minantur. Sed antequam res eo deveniat, & tu hic occumbes, & nullus Polonorum hinc exibit.* Egressique ex Arce, cæteris qui exterius erant, qualiter cum Polonis tractetur, referunt. Quapropter tanto major excitatur seditio, jamjamque assultum ad Arcem, cum maxima vehementia parant. Profiliens itaque ad illos *Chmielnitzki*, cum primariis Officialibus, cepit dirimere tumultus illos, tum clava, tum gladio eos castigando. *Wyhowski* etiam instituta gravi oratione, hosce motos compescere conabatur fluctus. Sed parum profuerunt, plebe sine ratione furente, & Tataris tela sua ita ejaculantibus,

bus, ut parum abfuerit quin Palatinus *Kijovienſis* sagitta trajectus fuerit; cui in os dixerunt aliqui, (dum moneret, ut abstinerent ab ejusmodi furis, & considerent sibi, qui cum sit os de osse illorum, ita Tractatus hosce dirigere velit, ut omnibus bene consulatur). *Scimus quidem te esse Os nostrum; sed videmus ossi Ruthenico jam supercrevisse carnem. Polonicam: propterea magis illis velificavis, quam nobis.* Dum itaque in maximo versarentur periculo, mittunt Commissarii Litteras per aliquam subordinatam personam, nunciando quid secum agatur, & se omnino incassum laborare, simulque rogarunt, ut se ex præsentissimo discrimine quam citissime eriperent. Et talia quidem postquam in Castris Polonicis relata fuissent, universus Exercitus pro maxima injuria id reputans, quod contra Jura Gentium ita procedant cum Legatis suis, voluit subito in illos seditiosos irruere. *Potorski* tamen suavit, & oravit tantisper saltem sese contineant, donec cognoverit, utrum adhuc sint in vivis, & quidnam cum iis agatur. Itaque fidissimum Cossacum expedit silentio noctis ad Civitatem, ipse interim cum Exercitu stat tota nocte in armis, paratus summo mane procedere, si opus fuerit, contra Civitatem. Ecce autem accurrit quidam commilito ex iis, qui erant cum Commissariis, nuncians, illos quidem jam esse dimissos, sed exterius plebe, & Tataris instan-

tibus tantopere periclitari, ut, nisi subito in succursum illis venerint, valde metuendum esse, ne ibi dilacerentur. Quapropter, sine quavis cunctatione *Pototzki* præmittens Campi-Marschallum, id est, *Kalinovium* cum cohortibus levioris armaturæ; ipse instructa acie in succursum venire maturat. Interim illi jam erant de manibus furiosæ plebis, per Salvam guardiam, & ipsum *Chmielnicium* (qui defendendo Commissarios, plurimos Cossacos sauciavit, & occidit aliquot) in personis quidem liberati; sed bonis omnibus spoliati; Tataris potissimum dicentibus: *Lazka Bratka, ale losza, ni Bratka, Sukmanka ne bratka*; hoc est: *Polonus quidem est Frater; sed equus non Frater, Tunica non Frater*. Quia tamen ipsi Commissarii incolumes redierunt, hoc Exercitus pro lucro reputans, una cum illis ad Castra est regressus.

Ipsis in hunc modum regressis, & quid egerint, exponentibus, accurrunt duo Emissarii, qui nomine *Chmielnicii* deprecantes Exercitum, quod talia evenerint Legatis, dicunt hæc non ex voluntate Officialium, sed ex mera temeritate plebis contigisse, simulque rogant, ne propterea cæpti intermittantur Tractatus; punctaque in scriptis repræsentant, plane conformia iis, quæ Commissarii proposuerant: præterquam, quod postulabant, ut major numerus Cossacorum concederetur; præterea ne in Civitatibus illorum Militibus Regni hyberna

con-

concederetur: denique, ne sibi imponeretur necessitas amicitie Tatarorum renunciandi, priusquam fuerint de gratia Regis asscurati, & Pacta auctoritate Comitiorum Regni consummata: de cætero paratos se esse injurias suas condonare, & in reliquis ad voluntatem Regni sese conformare.

Poloni itaque relicto apud se uno internunciorum, pro obside constantie cæterorum, per alterum tale dederunt Responsum: *Quandoquidem jam non procul distant a designata Tractatum meta, crastina die adveniat Chmielnitzki, ut de quibus adhuc disceptatur, ea ad finem deducantur, & ipse in præsentia Supremi Generalis personam Regiam repræsentantis, juramentum super iis, quæ fuerint conclusa, præstet.*

Interea Exercitus Polonicus, cum magna resonantia tubarum, & tympanorum egressus in campum, ibique ad omnes occasiones paratus noctem transegit, in aurora autem tam prope e regione Civitatis substitit, ut ab omnibus conspici posset: ibique expectat *Chmielnicium*. Sed loco ipsius adveniunt duodecim Cossacci, illique omnes valde rudes, & Polonicis penitus ignoti, Qui quasi essent ignari, quid hætenus tractatum fuerit, novas condiciones nomine Exercitus Zaporoviani proponunt Polonis; videlicet: ut Pacta Zboroviana permaneant in toto intacta; numerus Cossacorum ne diminuatur; neque ad id adigantur, ut a Tataris

di,

divellantur, cum id Cosacci nec possent ulla ratione, nec velint facere: Quandoquidem Tata-ri sint custodes libertatis Cosaccorum: præsertim quod hoc sibi valde sit suspectum, Polonos tam prope ad Civitatem *Biala-Czerkiew* dictam accessisse; (iste autem factus incefferat Cosaccos, quod fallax aliqua advolasset fama, notabiles Tatarorum & Turcarum adventare in subsidium Cosaccorum copias) Quod Poloni pro mero ludibrio reputarunt: nihilominus tamen, indignationem dissimulantes, Legatis dixerunt, se, ad hæc postulata Exercitus Zaporoviani, crastina luce responsum daturos.

Cum ejusmodi declaratione dimissis Legatis Generalis *Pototzki* Exercitum reducit ad oppidum *Hernianonka*: quo interea carrago cum peditatu, & impedimentis bellicis advenerat. Postridie jam tanquam ad certum prælium instructa acie, rursus educit universum Exercitum in campum, committens alam dextram *Radzivilio*, sinistram autem *Kalinovio*, frontem denique sive corpus Exercitus cum peditatu, & tormentis ipse ductans, ab utroque latere carraginis loco cataphractos hastatos collocans. Ad tuenda denique posteriora agmina, quatuor fortes Legiones reservans. In hunc modum paratus procedit tubis, & tympanis resonantibus versus Civitatem. Quo viso, nil cunctando tum Tata-ri, tum Cosacci erumpunt, cum ingenti multitudine, nihilominus tamen prælium

non committunt, sed expectando donec plures accurrant, & ipse *Chmielnitzki* adsit, aciem contemplantur. Tum *Pototzki* jubet *Jaskulscium*, ut proliens cum una Legione, inchoet certamen. Quod dum feliciter, & sat diu sustinisset, submitit illi in auxilium, cum altera Legione, *Czarnecium*, & mox Palatinum Podoliae *Stanislaum Potocium*; dumque in sinistra ala acerrime pugnatum fuisset, *Radzivilius* etiam cohortes suas expediens, primo versus hortos, conservandis apibus paratos, ubi insidias collocatas esse cernebat, atque inde expulso hoste in patentem campum, ipse cum reliquis suis proliens cum summa alacritate notabiliter confertissimas hostium turmas cedere coepit. Quod si ex sinistra ala cum pari resolutione in hostem invec- ti fuissent, valde erat verisimile illum totaliter profligatum iri. Sed *Pototzki* contentus eo, quod postquam *Przyemski* Magister Artilleriæ curasset explodi tormenta, procul ex campo rejecit hostem: qui etiam nullo se insequente, in effusam se proripuit fugam, receptui canere (quia nox imminens justum insidiarum metum prudenti injecerat) jussit. Hocce in prælio de Polonis unicus Ductor *Varonitz* dictus, vir fortis, & rebus antehac gestis, clarus, occubuit. Hostes autem multis cadaveribus suorum stratum campum Polonis reliquerunt, quo obtento Poloni ad Castra redierunt. Postridie rursus *Chmielnitzki*, quasi hæc nec

somniaffet, mittit Centurionem quendam, dictum *Raytarowski*, nuncians se multum mirari, quod tam prope Poloni admoverint Castra: hesternam vero die institutum Martialem ludum se infcio, per paucos Tataros, & aliquos de plebe insolentiores fuisse factum: illum tamen modico tantum sanguine esse tinctum, se multum gratulari. Præterea rogavit, ut cœpta pacificatio in effectum deduceretur: quo fine missurum se Legatos promittebat, dummodo id sibi integra securitate liceat. Ad hæc ei Responsum datur: Exercitum quidem Regni non esse alienum a pacificatione: Sed si aliquid debet fieri, fiat cito: quod si adhuc procrastinationibus uteretur, non amplius ei fides adhibebitur. Hæc dum agitantur, circiter XII. Milia Tatarorum una cum Cosaccis, furtim, ac incognite eruptionem faciunt, atque sub latibulo hortorum; ubi apes conservantur, penetrantes, tam prope accesserunt Castra Polonorum, ut ictu lapidis attingi possent; nec tamen ausi sunt a fronte adoriri; sed circumvolando turmas Polonicas in posteriora agmina illorum irruebant; sed quia hæc quoque bene ordinata, & parata invenerunt, mox retrorsum sese receperunt. Quos subito insequendo pedites Poloni, omnia illorum latibula perlustrarunt, & creberrima sclopetorum explosione inde propulsarunt: qui tamen obliquo aliquo rivo incolumes ad Castra sua redierunt.

Vi.

Videntes autem Tatari, se armatis & paratis nil nocere posse, impetum suum convergunt in pabulatores, illosque ad ipsa ferme Castra cadendo, insequuntur; sed mox a militibus repressi, & amissis aliquot sociis, & *Antonio* Legionario, qui captus in manus Polonorum devenit, unde venerant, regressi. Sole tandem ad Occasum vergente; dum jam Generalis *Potorski* Exercitum de Campo intra Castra deduceret, rursus Tatari in posteriora involant agmina, illaque nonnihil perturbant; sed *Czarnietzki* cum forti Legione, ex Castris erumpens, non tantum illos repulit, sed ad ipsa Castra illorum, eos persequendo, prostrigavit & captivavit multos. Tum iterum *Chmielnitzki* sero crepusculo mittit eundem *Raytorovium*, nuncians, se ideo hodie cœptum opus non continuasse, quia ipsi cum populo magnum negotium, quod moram non patiebatur, intercesserat; quo tamen utcumque composito, finiendis Tractatibus proxime advenientem diem pro certo assignabat.

Sed nec tunc quidem promissum *Chmielnicii* adimpletum; Cosacci namque cum Tataris mixti, hortis illis & sylvis tecti, primo diluculo jam Castris Polonicis adfuerunt, eaque infestare cœperunt. Quapropter necessum habuit Generalis *Potorski*, rursus in Campum educere Exercitum, & cum parato expectare, si vel promissos Legatos, ad continuandos tra-

O

cta.

status mittere, vel aperto Marte secum pugnare hostis velit. Polonis namque ab eo, quem Castris suis delegerat, loco, illaque jam muniverant, recedere, & in hostem multis insidiis fretum, irruere, non videbatur consukum. Pulsis nihilominus a conspectu suo hostibus, dum aliquem Actum præstolantur, obortus subito vehementissimus imber, horribiliter illos duabus integris horis obruerat, adeo, ut necessum haberent ad Castra redire, ibique varios hoste tumultus excitante, toti madentes insomnem traducere noctem. His rebus intervenientibus, cœperunt Poloni & animo, & viribus nonnihil languescere, præsertim quod commeatus & ipsis, & equis cœperit deficere; & quod morbi etiam, quos frequens mors subsequēbatur, cœperint invalescere: maxime vero: quod Principi *Radzivilio*, Exercitus Lithvanici Generali, (cujus præsentia Polonis non minus opportuna, quam grata fuit) necessum erat ad partes suas redire, potissimum eam ob causam, quia tum ad *Lubeczam*, tum ad *Czernichoviam*, & alibi, propter arcendas hostium excursions, (tum *Kijoviae* imponens præsidium) militem suum dividerat; communis autem fama ferebat, rursus Lithvaniam versus ingentem confluere populum; idque tanto audentius, quod notum ipsis fuerit *Radzivilium* cum potiori militum manu procul abesse. Non minus item Polonos id excruciat, quod viderent Castra sua posita esse in

locis ab omnibus (in casu necessitatis) auxiliis remotissimis, & quidem a parte posteriori desolatis; ubi vero omnium rerum affluentia fuit, ab hoste valde potente præoccupatis. Quapropter, comperendinationes illæ, quibus utebantur Cosacci, maximam creabant Polonis molestem, & paciscendi cum hoste majorem his, quam *Chmielnicio* addebant stimulum. Sed dum ita animo anguntur Poloni, adveniunt tandem Legati *Chmielnicii*, cum ultima declaratione. Quapropter a parte Polonorum, deputati Commissarii, totis viribus in eo allaborabant, ne optata incassum abiret pacificatio. Parte itaque utraque consentiente, compactum est denique his conditionibus: *Numerus Cosaccorum constet viginti Millibus: illorum autem in Regestrum connotatio peragatur hoc Anno, videlicet 1651. ante Festum Nativitatis Christi. Regestrum vero manu Chmielnicii subscriptum in proximis Comitibus porrigatur ad Matricam Regni. Quicunque autem in isto Regesto de nomine, & cognomine cum assignatione habitationis loci continerentur, antiquis libertatibus Cosaccis concessis gaudebunt. Quorum vero nomina non reperiuntur in Regesto, redibunt ad obsequia Dominis suis antiquitus præstari solita. Reditus etiam omnes, qui antiquitus Dominos terrestres concernebant, utpote, mola, taberna, Decima ex bobus, ovibus; apibus, illis restituentur. Amnestia Generalis omnibus delictis Cosaccorum, tum*

ex Nobilibus, qui inter motus belli quacunq[ue] ratione in partes illorum transiverant, concedetur. Domicilia Cosaccorum tantum in Palatinatu Kijovia libera conceduntur, idque in bonis Regalibus solum. Quandoquidem autem Kijovia est Civitas Judiciaria, non debent eam frequentes inhabitare Cosacci, quo pacatius Termini Judiciales peragi possint. Nobilium autem bona, tum & Palatinatus Czernichoviensis, & Bratslaviensis, tanto magis remotiores, ab hoc onere sunt immunia. Quod si in illis aliquis Cosaccus aliquam possessionem quocunque modo sibi compararet, illam necessario vendat, & aliorum migret, alias nomen ipsius eliminabitur e Regesto Cosaccorum. Czehrin semper sit penes Hetmannum Cosaccorum, similiter & constitutio officialium; Chmielnicio autem decedente Rex juxta recommendationem & instantiam Cosaccorum alium Hetmannum ordinabit, & speciali Privilegio suo confirmabit. Religio Græca antiquis suis fruetur libertatibus; quod si aliquis quippiam ex bonis Ecclesiasticis a Rege impetaverit, id necessario restituere tenebitur: tanto magis, si potentia mediante aliquid sibi appropriaverit. Judæis liberum sit redire ad bona Nobilium, & Patrocinio Dominorum suorum frui. Dabit sedulam operam Chmielnitzki, ut Chanum Tatarorum & Tataros inducat ad amicitiam cum Regno Polonia stabili modo colendam, adeo, ut si postulaverit necessitas Regni, uti aliquando

ser-

servitio & opera Tatarorum, sint præsto: quod si id apud illos bonis modis efficere non poterit, non solum amicitiae illorum longum diceret vale, sed etiam arma contra illos jussu Regis tenebitur sumere. Cum nullo exterorum Principum instituet molimina; nec ullos ab illis excipiet Legatos, sed sine omni fuce, & malo dolo fidelem se abhinc servum Regi præstabit. Rex etiam in aliis quoque occasionebus declarabit gratiam suam erga Exercitum Zaporoviensem, postquam seriam delictorum egerint penitentiam.

Quo facilius autem hæc omnia in suo tenore permaneant, Exercitus Polonicus recedat ultra fluvium Horin, nec unquam ad Quarstiria ultra hunc fluvium collocetur; redeuntibus vero tam Polonis quam Lithvanis integra securitas spondeatur. Quæ quidem omnia partes ambas solenni juramento confirmabunt, & inviolabiliter posthac observabunt.

Hæc postquam in scriptis delata fuissent ad Chmielnicium, in omnibus punctis ea approbans, nunciavit se paratum venire ad præstandum Juramentum, dummodo obsides fidei pro se ad Exercitum Zaporoviensem mittantur: missi itaque Sobieski & Potoczki. Tandem sequenti die videlicet 28. Septembris, 1651. accedens 28. Sept. ad Castra Polonorum, coram illo Potocio, quem 1651. in manus Tatarorum tradiderat (profligato Exercitu Polonico ad Korsun) in tentorio ad hunc Actum studio in loco eminentiori extenso,

personam Regiam representante, universo Exercitu, tanquam ad confestim incundum prælum parato, & armis coruscante, longe lateque aditante, desiliens procul a tentorio de equo, ac demississime procedens, proxime denique accedens provolutus ad terram, (ut merito de ipso dici vetus illud potuerit: *Quem dies vidit veniens superbum, Hunc dies vidit fugiens jacentem*) veniam delictorum a *Potocio*, simul & a *Radzivilio*, cum a *Kalinovio* deprecatur est: Cui *Potoczki*: Agnoscit Serenissimus Rex, & universum Regnum, hæc quæcunque hætenus mala, te auctore, in communi Patria evenerunt, contigisse nobis permissu Dei, qui nos pro peccatis nostris voluit castigare, ideoque jam dudum ea Deo altissimo detulit. Quapropter, nunc nomine S. S. Majestatis Regiæ generalem Amnestiam tibi declaro: dummodo modernis Pactis stare, & exorbitantias tuas, abhinc fidelibus, ac sinceris servitiis tuis, Regi & Reipublicæ compensare velis. Quod *Chmielnitzki* tacturum se promisit. Et in instanti super Pactis Juramentum præstitit: quod etiam & *Potoczki* fecit.

Tanta molis erat savam compestere gentem!

His peractis *Chmielnitzki* rediit ad suos, obsides etiam pro illo dati, regressi, *Radzivilio* redeunti Comitiva a Cosaccis est adhibitæ, deductura illum, usque ad confinia *Polesia* & *Lithvania*. Cosacci, & Tatari ad diversa loca

di-

dilapsi: denique Generalis *Potoczki*, militibus hyberna ultra *Horin* assignavit: severe demandans, ut quam modelissime se gererent erga incolas illorum locorum, nec ullam violandorum Pactorum præberent ansam, interim tamen essent intenti ad omnes illorum actiones. Tum demum post tot discrimina rerum, post tot fatigias exantlatorum laborum, regrediendo milites ad jam dudum desideratam quietem, hilari animo ac voce exclamarunt *Pæana*: non secus atque *Grues*, dum ex hybernis suis, ad nota sibi, instanti Vere, revolant pascua, cum demum per universum Regnum cum maxima lætitia cecinerunt omnes: *Te Deum laudamus* &c.

Ducem vero, sive Generalem Exercitus Regni *Nicolaum Potocium*, uti subinde hætenus variæ ægritudines vexaverunt, ita pace tandem stabilita revertentem, ex hac calamitatum valle fata exemerunt. Qui paralyti correptus, primo impos sui redditus, cura tamen Medici sui ordinarii *Luberti Erbenii*, aliquantulum sublevatus, atque ad *Laryczow* Capitaneatum suum delatus, ibi demum Paralyti in Apoplexiam conversa, repente in vehiculo omnibus viribus exhaustus, die 20. Octobris animam

20. Octobris 1651.

Deo placide reddidit. Vir a tenera statim ætate bellicis conservatus operibus XVI. ætatis anno prima Tyrocinia posuit sub *Zolkievio* ad *Smolensko*, postea ad *Cerzoram*, una cum Ducibus eodem *Zolkievio* & *Konietzposcio*: vincula Can-

O 4

ti-

nimirum Principis Tatarorum subivit. Inde post biennium in Patriam redux, honore Generalis Capiraneatus Podoliæ exceptus, nec multo post, Notarius Campestris creatus. Cum vero in variis bellis eximiam virtutem Heroicam præstitisset, omnium suffragio dignus est judicatus, qui *Konietzposcio* in Officio Generalatus Colligadaretur; ad hæc Palatinatus Bratslaviensis eidem collatus. Et his quidem honoribus auctus, eo magis postea ubicunque Arma Polonica circumferebantur, fortitudo ejus fuit, & fidissimus *Konietzposcio*, in omnibus, quas gloriose gessit, rebus adjutor, ferociam Cosaccorum ad *Kumeyki*, *Zolnin*, *Starzec*, *Kamieniec*, *Human*, *Rosolowce*, adhuc vivente *Uladislo* refrænavit. Denique *Konietzposcio* e vivis sublato, in Officio Supremi Generalatus, simulque & in Castellania Cracoviensi successit. Sed ut raro mortalibus idem felicitatis tenor semper, ita & hujus nostri fortuna cum eo effloruisset, ut ulterius progredi non posset, in gyrum sese circumegit: videlicet, cum brevi post immunis Cosaccorum rebellio oborta fuisset, in prima quasi tempestatis ætate caligine vitæ, ac rerum ejus hætenus prosperrimarum cursus ad vadium adhæsit: dum inexpectatus Tatarorum ad Cosaccos Zaporovianos accessus ad Regestatorum Cosaccorum (quibus duplici Juramento obstrictis, generositas *Porocii* fidem adhibuerat) proditio in duplicem cladem (nimirum ad *Zoltewody* &

Kor-

Korsun) simulque in vincula Tatarorum ipsum, & horem militiæ Polonæ induxit: ex quibus tamen redemptus, ubi pacem cum Cosaccis, quamdiu cum illis licuisset, tuitus fuisset, rursus in belli arenam, cum Regni necessitate, cum publico edicto, cum eodem, qui ante infelici insultaverat, sed jam prosperiore eventu, commissus est Hoste, & adversa prioris belli quæ illi præcipue usitato summorum Ducum Fato, multi imputaverant, Virtute duce, & comite Fortuna, laudatissimo compensavit hostimento; cum & ad *Beresetzko* fidus Regis adjutor, & belli hujus præcipuus consumator extitisset; id cælo favente extremum consequutus solatium, simulque & decus, ut hostis insolentissimus ad pedes ejus provolutus, veniam delictorum petere ab eo necessum habuerit. Quod illustribus facinoribus ejus heroicis coroniden imposuit, præstititque, ut post gravissimos labores militares, quos semper sustinuit, parta Patriæ publica (o utinam stabili!) tranquillitate vitæ suæ cursum ovans terminavit.

Pacis in hunc modum confectæ fama postquam percrebuisse per Regnum, aliqui expensa multitudine hostium, & collata cum paucitate Polonorum, (qui una cum Lithvanis juncti, vix XXXVI. Millia Armatorum efficiebant) in admirationem rapiebantur: aliqui falsum sibi nuncium, vel aliquod somnium narrari putarunt; aliqui denique (ii præsertim, quibus &

na-

natura Russorum, prout semper ad maligna consilia proclivis, & nunc degustata libertatis dulcedine, tanto magis ceu Pelagus fluctibus æstuans, penitus cognita fuit; & quibus ob oculos versabantur Pacta ad *Zborow* confecta, atque auctoritate ipsiusmet Regis roborata, nihilominus tamen, quia ea metus extorserat, nunc annihilata) augurabantur, pacem hanc non fore diuturnam: prævidentes, Cosaccos facile adinvenire causam, qua interveniente, moder-
nam quoque concordiam irritam sint reddiuri.

Anno
1652

Novorum
motuum
causa

Nec fefellit opinio: sequenti enim vere iterum recruduit Rebellio, partim quod milites in hybernis insolentius quam decuit, sese gesserint, partim quod dum *Chmielnitzki* statum suum corroborare volens Filio suo *Timotheo* a Palatino (a) Moldaviæ Filiam in matrimonium expetiisset, ille vero concedere eam minime voluit.

(a) *Basilus*, *Lupulus* dictus, filiam *Irenem*, frustra id etiam statibus Moldavicis perentibus, *Timotheo Chmielnicio* dare renuit. Sed strages in Polonis edita, quam post paullo *Gronski* enarrat, impulere Principem; sensitque mox auxilium Cosaccorum, cum eum contra *Georgium II. Rakotzi* tutarentur. Rejecit etiam e Moldavia *Joannem Kenény*; sed cum *Rakotzi* duce *Stephano Petkio* acius instaret, jamque etiam *Stephanum Metianszko*i, antea Moldaviæ Cancellarium, Vajvodam constituisset, ad Cosaccos confugit. Post paullo *Timotheus Szutsavam* cum Socru profugus istu tormenti *Rakotziani* periit. Cadaver Patri transmissum fuit.

laisset, quod majorem natu *Joannes Radzivilius* tibi connubio junctam haberet, ideoque Polonos rogasset, ut sibi hac in parte subvenirent; ne cogeretur ad tam abjectam affinitatem descendere. Poloni itaque his conatibus obicem ponere volentes, destinarunt *Kalinovium*, qui in id intendens, ut præveniret Tataros, antequam conjungerentur cum Cosaccis, atque prohiberet passum *Timotheo* Filio *Chmielnicii* ad nuptias cum filia Palatini Moldaviæ celebrandas tendenti *Jassinum*, pervenerat usque ad *Batzoh*, ibique metatus est Castra, quæ in omnem casum fortissimo vallo munivit. Sperans autem propediem majores copias eodem super-
venturas, tantopere illa dilatavit, ut defendendis illis, vix triplo major eo, quem secum habuit, suffecisset Exercitus. Interim Tatarum opinione citius advolando, conjunxerunt se cum Cosaccis, qui, quod diversis advenirent itineribus, pauci sunt visi; de Tataris quoque dicebatur, aliquot tantum, circiter tria millia illorum advenisse; qua spe fretus *Kalinowski*, jam tunc Supremus Generalis, contempta paucitate hostium, eduxit extra Castra militem suum, paucis admodum ad tuendum vallum, relictis. Sed vix pugnam instituit, & hostis studio fugam simulans, Polonos remotius a Castris evocavit: alii interim ex altera parte summo impetu Castra adorti, sine omni difficultate illis sunt potiti. Quæ res dum ad militem in
Cam-

Anno
1652

Campo dimicantem delata fuisset, vehementer omnes sunt conternati, & mox ex omni parte circumventi, & quasi indagine clausi, pugnarunt quidem strenue, sed multitudine hostium nimium prævalente, atque cæso primum Generali, & mox cadentibus fortissimis militibus, reliqui omnes, (exceptis paucissimis, quos fors fortuna periculo eripuit) in potestatem hostium, cum universis Castris, multo apparatu bellico, & circiter quinque millibus peditum solum Germanorum præ aliis optime instructorum, devenerunt. Qua in clade hoc omnium erat tristissimum rerum, quod Cosacci post partam hanc notabilem victoriam, primum inter se consultarunt, se, si quotiescunque victi Poloni, (quandoquidem stipendium Tatarorum sunt captivi) deposito lytro se ipsos redimant, bello huic nunquam finem imposituros, imo exercitiores contra sese hostes effecturos; ut, qui memores quid sibi nocuerit semel, in evitando eo erunt cautiore, itaque constituerunt, ut proprio lytro redimerent a Tataris captivos; & postea illos trucidarent. Quapropter intimabant Tataris, ne de lytro cum Polonis convenirent, & sibi illud declararent. Quo facto in instanti totum exolverunt Tataris; deinde in potestatem suam receptos captivos, tanquam oves ad macellum educebant, & miserabiliter, inaudita crudelitate macabant. Integro triduo duravit hæc immanis laniena. Cujus rei fama, postquam per-

ve-

venisset ad aures domi manentium, primum lamentationibus implevit totum Regnum, post ineffabili ratione animos omnium ita percudit, ut plane nemo defensionem, sed solummodo fugam, in remotissimas partes meditaretur. Interim hostis seu satur sanguinis, seu Omnipotentis Dei manu, (cujus proprium est postquam percusserit, sanare) cohibitus, victoriam non est prosecutus; sed cum Tataris, tum Cosacci disfluxerunt, quisque ad sua, & hac ratione tempus Polonis est concessum ad recolligendos animos, simulque & vires. Mox in Comitibus hac occasione, & hæc sola de causa (qualiter Hosti tam crudeli quam citissime esset resistendum) Varavia celebratis, constitutum est, ut, (quandoquidem Generalis omnium Ordinum Regni expeditio propere institui non posset, & quod hoc genus militiae tuendæ Patriæ, in ultimam necessitatem esset reservandum) Agrarius miles, (hoc est, ex certo quodam numero agrorum, qui integri vocantur *Lanei*, prout in Hungaria *Portæ*) expediretur, cui stipendium sex mensium solveretur in antecessum, & de com meatu ipsi prospiceretur, isque ad locum & tempus præfixum Officialibus ad id constitutis præsentaretur. Quod si quis neglexerit conducere talem militem, ipse compareat, sub confiscationis omnium bonorum, ei qui vices illius subiverit, conferendorum, & perpetuæ infamiae poena. Quandoquidem Rex ultro hanc

Quid
Agrarius
miles?

se-

fecerat declarationem, se cum isto milite contra hostem iturum, & usque ad consummationem belli in Ukrajna mansurum, hoc etiam additum fuit, ut si res postulaverit, diutius ejusmodi militem in Castris detinere, rursus ei de stipendio, & commeatu prospiciatur, ipsi interim domi manentes sint parati, in quantum id summa necessitas exegerit, Regem subsequi. Gravis etiam sancita est in eos poena, qui accepto stipendio sine licentia Regis Castra desererent. Quapropter quicumque voluit redimere Caput suum, etiam maximis cum impensis tempestive conduxit idoneum Militem.

1653 Cum quo Rex Anno proxime subsequenti processit versus U'krajnam, & Castra metatus est penes *Zwanierz*: ubi nil memorabile gessit; sed totam æstatem consultationibus impendit; Militem vero majori ex parte, non præliando, sed commeatus penuria, & cæli in Autumno injuria consumpsit: præsertim vero peditatum Germanicum. de quo multo plures perierunt morbis & frigore, quam perissent, si decertassent. Hoc solum tantum hac expeditione præstitit Rex, quod Tataros a Cofaccis sejungens suarum partium effecit, & sibi associavit, sperans futurum, Cofaccos postquam viderint se a Tataris esse destitutos, vel Regno honestis conditionibus reconciliatum, vel si id detrectaverint, facile debellatum iri. Sed multo secius quam Rex putavit, evenit. Vix enim univer-

so bello Cofacico tantum damnorum Regnum Poloniæ accepit, quam ex occasione istius transactionis. Nam & Tatar, quibus permiserat Rex quadraginta dierum spatio captivos ex Russis, sive Cofaccis abducere, abusi concessa sibi facultate, atque excursione facta per *Volhyniam* usque ad *Lithvaniam*, innumera millia captivorum abduxerunt, ex sola *Volhynia*; Nobiles cum universa familia congregatos ad 70. Actus Nuptiales comprehenderunt, & nisi subito iterum milites congregati, insolentiam illorum repressissent, fortassis in Russia hyberna peregissent. Et Cofacci videntes se a Tataris derelictos, atque sic stantibus rebus ad præliandum cum Polonis impares, conditionibus vero pacis cum iisdem initæ, etiam si quam firmissimis vinculis firmatæ, fidem minime adhibentes, simulando aliquam submissionem, exindeque quasi non auderent ad Regem mittere Legatos, Commissariis combinandæ pacis gratia ad se invitatis, subjectionem præferendo, de firmioribus subveniendi sibi remediis, consilia miscere minime neglexerunt: & primum quidem pertentaverunt animos Tatarorum, si forte iterum illos a Polonis avocare, & suarum partium reddere possent. Verum illi non recedendo ab antiquis suis artibus, in ejusmodi occasionibus observari solitis (quod videlicet nulli unquam Foederatorum ita constanter adhæserint, ut hostes illorum penitus delendos esse velint:

sed dum vident unam partem, jam in tantam excrefcere potentiam, ut illis ipsis fuccellu temporis ab eadem merus immineat, tunc ad debiliorem folent tranfilire partem, in hunc finem omnia fua convertendo confilia, ut vicini illorum decertantes inter fe ad invicem, armis fuis atterantur, ne, fi forte altera partium totaliter fuccubuerit, pollmodum Tataři pollponantur: qua ratione prædæ comparandæ omnis illis præcluderetur via, quod fi aliquot Annis præda deftituerentur in maximam paupertatem devenirent, & viribus extenuarentur) fed id facturos conltantiffime denegarunt. idque tanto magis, quia ex confenfu Regni promiffa erant illis antiqua flupendia, quæ ipfi vocant *Arazz*.



HISTORIÆ
BELLICOSACCO-POLONICI
PARS SECUNDA.

Quapropter de fubfidiiis Tatarorum penitus defperantes Cosacci, confugiunt ad Moschos, (a) quorum animos optime fibi perfpectos habentes, quod nec folo communis Religionis promovendæ zelo, nec incerta fpe conquirendæ prædæ ad certiffima, cum magnis fumptibus fubeunda discrimina illos inducere poffint, fine reali, in antecellum oblato flupendio, quod Cosaccis plane nullum erat. Quanquam enim fuperioribus annis ex fpoliis de Polonis obtentis (fi modus fuiffet fervatus) potuiffent fibi magnas comparaffe opes. Sed prout male erant parta, ita male dilabebantur, (illis ipsis fatentibus, fe nescire qualiter inter illos omnia difpereant) quapropter ad hoc refugiunt medium:

Duos Palatinatus longe lateque fefe extendentes, fimul & opulentiffimos, Regno vero Mo-

(a) Eo majori fiducia, quod conftaret, Regem Poloniæ fpondiffie Chano I. non prius fe arma pofiturum, quam Provinciam Aftracanam Ruffis ereptam Tataris reftituat. *Annales de la petite Ruffie.*

Moschorum adjacentes, videlicet *Kijoviensem* & *Czernichoviensem*, quos Annis proxime præteritis Polonis eripuerant, sublati ex illis omnibus Nobilibus, ut ne unica persona intra ambitum eorundem superesset, quæ sibi aliquid privari juris prætere possit, Moscis jure perpetuo obtulerunt, promittendo, quidquid posthac conjunctis viribus a Polonis obtinere poterint, id totum Moscis cessurum. Cosaccos vero sola Russia (quæ comprehendit Palarinatus aliquot, utpote Bratslaviensem, Podoliensem, Volhiniensem, Belzensensem, & denique Russia) atque libertate, in quam se asserere volunt, contentos, atque in suis degentes seditus, ad omnia Moschorum jussa paratos fore, dummodo illos in patrocinium recipiant. (a) Nec eo contenti Cosacci, ad Suecos etiam mittunt Legatos, variis rationibus illos invitando, ad societatem armorum contra Polonos summendorum. Quod tanto facilius obtinuerunt, quia sub idem tempus ex Proceribus Regni Polonici *Radziejowski*, iniquo (prout assererat) Decreto Regis aggravatus, confugerat in Sueciam, ibique declaravit Regem *Casimirum* velle illos armis impetere, quam primum cum Cosaccis belli finem fecerit; cui quidem assertioni suæ tanto majorem fidem id conciliabat, quia antehac idem *Casimirus* denunciaverat per privatum Lega-

(a) Princeps Legationis ad Russos fuerat *Gregorius Hulniczkoy*. *Annales de la petite Russie*.

Legatum suum (quando Regnum Sueciæ post transactionem cum *Christina* Regina, Filia *Gustavi Adolphi*, creabat Regem *Carolus Gustavus*) se non solum protestari contra hæc transactiones, verum etiam Regnum Sueciæ, utpote patricium, ac hæreditarium, insuper, & Proventus Patri suo, nimirum *Sigismundo III.* & Fratri nempe *Uludislo IV.* denique sibi jam per aliquot Annos non exhibitos, repetiturum. Et quamvis Consiliarii Regni Polonia multoties instarent apud *Casimirum*, ut abstinere ab ejusmodi prætensionibus, quas nec Pater, nec Frater suus urgebat, neque propter inutilem Regni Sueciæ titulum innocuum Reipublicæ vitulum in discrimen conjiceret. Ille tamen nequaquam salutaribus monitis morem gerens, minabatur se bellum Suecis illaturum. Quapropter cum ejus rei fama ad Suecos a diversis adferretur, illi etiam malebant prævenire, quam præveniri.

Oblatione Cosaccorum superius exposita Moscici contenti, ac prævidentes quantum robur sibi sit accessurum, ex Conjunctione Gentis tam potentis, non solum loci vicinitate, sed & religionis vinculo sibi commendatæ, protinus omni-

P 2

modam

(a) *Casimirus* talia postulantem *Carolus* Suecicus absterre voluit. Cum autem eodem tempore *Alexius* Russorum Autocrator iras in Polonos præferret, *Carolus* bellum occupans prætenso jura in Livoniam, & Sueciam *Casimiro* exequere laboravit.

modam protectionem suam illis promiserunt, & primum quidem per Legatos pro illis apud Regnum instantias fecerunt, deciarando se amplius nequaquam passuros oppressionem Religionis Græcæ, quæ in personis Cosaccorum vim magnam patitur. Et quia hac via nihil obtinuerunt præter severam belli denuntiationem, si & in quantum rebus Cosaccorum sese immiscuerint, mox arma arripuerunt, duabus ex partibus Polonos aggressuri. Et unam quidem partem Exercitus expediverunt versus Smolonscum, (a) quod priori bello sibi a Polonis illato amiserant; alteram vero partem cum Generali (b) *Buthurlim* dicto constantem quinquaginta millibus armatorum, adjunxerunt Cosaccis, quo tutiores redderentur a Tataris illis insidiantibus, (c) Rex quoque Sue-

(a) Duce Chovanzki.

(b) Basilius Basilievits Buturlin.

(c) 1654. Præliminaria Fœderis firmata sunt, ipso die Epiph. Domini Styl. vet. *Perejas-aviae*. His vero constabant: Jurare Cosacci fidem æternam Russis; nunciumque mittere Protectioni Polonicæ, aut Tataricæ debebant. Mox mense Februario elenchum misere Cosaccorum ad Zaarum per Samuelem Bogdanov, & Paulum Petri; petiereque firmari privilegia vetera. Annuit Zaarus, & sequentia confirmavit: Libertas vetus, Magistratus domesticus, & jura antiqua salva sint; successores ordine nexus Heredia adeant. Metropolitæ Moschi nulla sit in sacra Cosactorum auctoritas, præ Kioviensi Præfule. Populares Ukrainenses tributa Zaaro pen-

Sueciæ cum Exercitu non contemnendo, classe super mari Baltico adventabat versus *Stetinum* in Pomeraniam. Hæc dum animadvertunt Poloni, contestum ad Tataros confugiunt, auxilia illorum implorantes; qui promittunt quidem, sed tali conditione, ut Poloni omnes suas vires convertant contra Cosaccos; interim Fortalitiis, quæ obvia essent aliis hostibus, præsidia imponent, minus malum censentes, etiamsi unum, & alterum in potestatem hujus, vel alterius inimici venerit, cum facile recuperari possit, devictis primum Cosaccis, qui non solum ipsi crudelissime agunt, sed alios etiam ad id intigant, Suecos etiamsi militem suum exposuerint in ditiones Regni Poloniæ magnam debere subire moram in obtinendis locis munitis: etsi etiam

P 3

ali-

pendenda colligant; ex his annis singulis pendantur sedecim millibus Cosaccorum Regestatorum, virisim tria Rubelorum stipendii annui; Hetmanus ex iis obtineat 1000. nummos aureos, urbemque, qua resideat, *Tschigirim* cum omni agro possideat; demensum certum designetur Senioribus, Tribunis, & Sotinkiis, seu Centurionibus. Nullos Hetmanus Legatos accipiet, ne e *Chersonso* quidem *Taurica* missos; tales ad Zaarum dirigantur; neque, nisi hujus potestate Legati mittantur; colatur cum Tataris amicitia, sed sine fœdere. Hetmanorum penes Cosaccos libera sit electio, sed Zaarus confirmet, ritu veteri, per Vexillum, Baculum, & Decretum publicum; Legum jussio penes arbitrium sit Cosaccorum. — Hæc Moscis facta subjectio, Tataros, & Polonos ad bellum Russis, & Cosaccis inferendum excitavit.

aliquem successum rerum sint habituri, siquidem animo obtinendæ alicujus Provinciæ veniant, illos mitius rem acturos, quam solent Cofacci. Hos itaque ante omnia esse bene castigendos, quibus ad obsequia Regni reductis, non contemnendas vires ex reliquiis illorum, Regno accessuras. Sed non habuit locum apud Regem hocce consilium. Videns namque se a trious partibus simul bello impeti, exercitum etiam tripartitus est. Ipse assumpsit in se Provinciam Regi Sueciæ in occursum eundi, cum parte militis stipendiarii, sub Regimine Vice-Generalis Regni *Landskoronscii*, & cum incolis Majoris Poloniæ, convenientissimum ratus Regiam personam suam Regi opponendam: assumpsit præterea secum *Stephanum Czarnecium* (qui siquidem priori bello Suecico tempore *Sigismundi* tertii gesto, interfuerat, credebatur ad hanc occasionem aliis esse accommodatior) & *Alexandrum Koniecpolscium*, qui propriis sumptibus egregias militum turmas ductabat: contra Moschos vero ordinavit totam Lichvaniam, adjuncto ei Palatinatu Podlachia & Masovia: contra Cofaccos tandem *Stanislaum Potarcki*, Supremum Generalem Exercituum Regni, cum aliqua manu stipendiarii militis, & cum Palatinatus minoris Poloniæ, sperans Tataros quoque sine mora illis affuturos.

Relus in hunc modum ordinatis, ipse Rex tendit versus Majorem Poloniam; Rex vero

Sue-

Sueciæ omni expectatione, & ipsa fama citius in Pomeraniam adveniens, maximum omnibus talia minime sperantibus incussit timorem; atque ad propria tutanda magis omnes intenti, minime properabant ad Castra Regis, utut sedulo ad latus suum convocantis: hoc vel maxime causando, quod contra antiquas Regni leges expeditionem Generalem in diversas dividerent partes, nunc vero nullos in succursum suum Palatinatus venientes videndo, nihil aliud sperasse, præterquam ut cum rei non possint subvenire publicæ, consulant privatæ. Multum præterea ad retardationem Palatinatum Majoris Poloniæ momenti addebat privata intimatio *Radziejovii*, multa affinitate in illis partibus excellentis, & optima quæque de Rege Sueciæ pollicitantis. Nemine itaque ad Castra Regia accurrente, tum demum vidit Rex, magnum se commisisse errorem, quod spreto consilio Chani Tatarorum in varias partes divideret Exercitum. Quapropter volens corrigere hunc errorem, nullibi pugnae cum Suecis copiam fecit, sed cum his, quos secum habuit, copiis castra instituit, ut conjungi cum *Potocio* posset, sperans Suecum in Pomerania, tum Majori Polonia, & Prussia substitutum, atque in oppugnatione obviatorum Fortaliciorum commoraturum. Suecus vero insistendo vestigiis Regiis, die nocteque Castra promovit, omnibus ubicunque signa sua militaria circumduxit, in partes suas

P 4

trans-

transeuntibus. Cumque audivisset Rex, Moschos obtento *Sinolenko* per deditionem, aliquot vicibus jam profligasse Exercitum Lithvanicum, & reliquam ejus partem properare versus Lublinum, moram trahere minime consultum ratus, dato mandato ad Lithvanos, ut studerent conjungi cum *Potocio*, ipse contendit versus Cracoviam, relicto Exercitu circa Civitatem *Voinicz* dictam: quo superveniens Rex Sueciæ sine ulla cunctatione commisit prælium, quod, dum vix duarum horarum spatio protractum fuisset, Poloni in diversas partes sunt dispersi. Cujus rei fama postquam delata fuisset ad Regem jam Cracoviæ commorantem; præterea, quod sibi constitisset, Suecum illuc Castra sua promoveri, illinc contulit se in Silesiam, tuendæ Cracoviæ cura demandata *Czarnecio*.

Iisdem diebus Lithvanicus quoque Exercitus penes *Lublinum* partim cæsus, partim dissipatus est. Similem tertia pars Exercitus Polonici, quæ fuit sub Commenda (alias ductu vel regimine) *Stanislai Potocii* Supremi Generalis, experta est sortem. Hic enim videns Tataros, cum suis auxiliatricibus copiis retardare, Palatinatum vero ad se nullum venire (omnibus causam ejus rei rescipientibus in Regem, quod Regnum divisisset, & quod sine Rege, secundum Leges Patrias, ire ad Castra non teneantur; quodque non Generali, sed soliusmet Regis Regimini subesse debeant) hostium

stium vero, & quidem duplicatorum potentiam cernens, Exercitum Quartanum ex *Ukrajna*, & *Podolia* lento gradu, remorando hostem in quantum fieri potuit, reduxit incolumem *Leopolim* usque, instructaque Urbe omnibus ad defensionem necessariis, non inveniens locum pro Castris metandis opportunum, processit ad *Grodek*, quatuor milliaribus a *Leopoli* ad instar antemuralis alicujus. Quod præsidariis quoque ibidem collocatis erigebat animum, dum viderent in proximo Castra Polonorum, quæ credebant distraçtura esse conatus inimicorum; Civitas vero *Grodek* sufficienti peditatu munita reputabatur loco portæ eorundem Castrorum. Interim idem *Potorski* sine intermissione litteras expediebat ad illos Palatinatus, qui ad sua Castra a Rege erant destinati, quatenus ad se quam citissime confluerent. Sed quia mala fama de successibus hinc Suecorum, inde Moscorum circumferebatur, expertes consilii, quid sit faciendum, quisque in reducendis caris pignoribus suis ad loca tutiora submontana, ut inde in extrema necessitate, facilius in Hungariam subduci queant, occupatus, ea quæ a Domino Generali proponebantur, surdis audiebat auribus. Tres tantum Palatinatus *Russiæ*, *Volhinienfis*, & *Belzenfis*, Terra item *Chelmenfis*, & *Præmisliensis*, utpote periculo a *Podolia* imminenti proximiores, confluere in unum, & ad *Potocium* concurrere ceperunt. Sed dum hi duobus

bus tantum milliaribus a Castris abessent, Cofacci cum Moscis conjuncti, postquam arcta obsidione Leopolum cinxissent, illamque aliquot assultibus, in cassum tamen, tentassent, relictis circa Urbem cum sufficientibus gopiis Supremis Officialibus sub Commenda *Danielis Vyhovvski*, & *Pauli Terera* versus *Grodek* excederunt circiter XL. M. equitum & peditum: qui nocte perlucida, proposito suo valde favente, eo pervenientes, immissis per stagnum rapite naviculis super ea parte, unde Castra erant posita, aliquot incendiariis, Civitatem succendunt, & omnibus concurrentibus ad retingendum incendium, quod credebatur esse casuale, interim illi portam Civitatis defensoribus destitutam aggrediuntur, factoque in eam maximo impetu eandem occupant, in Civitatem irruunt, & aucto incendio per medias flammās, obvios cædendo, in Castra provolant. Orta est ingens pugna; cadunt ex utraque parte multi; protrahitur usque ad meridiem; tandem quando superare coeperunt Poloni hostem, nunciat aliquis, adventare noviter aliquam magnam Legionem a parte posteriori, (erant autem *Pramislienses* ad Castra *Potocii* properantes) quod ubi percerebuit inter Polonos, terga ohvertunt, & quamvis Generalis probe sciens, succursum sibi adventare, milites a fuga prohibebat, atque ut resumerent animos, suadebat: tamen illo nihil proficiente, sed potius hostem novum adesse

esse suspicantibus, ideoque diffugientibus cunctis, Castra in potestatem hostium venerunt.

Et hæc fuit tertia in una eademque septimana Exercitui Polonico, locis non amplius quam XX. milliaribus ad invicem inter se diffictis, illata clades. Postquam autem omnes palantes huc, atque illuc discurrerent, & alii quidem cum demum de subducendis imminenti periculo Conjugibus essent solliciti, alii vero antehac domo in incertum, lente versus confinia progredierentur, exorta sunt latrocinia, non tantum a rusticis, qui in submontanis partibus obsidebant vias, & spoliabant viatores, sed etiam a militibus omnia vi agentibus. Ille tunc temporis censebatur melior, qui erat fortior. Tunc omnia querelis & lamentationibus, contra Regem vero diris execrationibus implebantur. Rerum omnium inopia magna. Omnibus namque illis ex fuso fugatoque Exercitu in diversis partibus dilabentibus, locus fugæ, seu subducendi sese hostibus, undique sese subsequenteribus, non alibi concedebatur, nisi in strictissimis & periculosis partibus circa Carpatum montem versus Hungariam. *Cracovia* a Suecis, *Leopolis* a Cofaccis strenue oppugnatur. De *Lublino* per Moschos jam exulto, & undique fama pessima, & quidem veritate pejor adfertur; omnes expertes consilii. Is maxime exosus, qui aliquid sanioris consilii suggerit, non adhuc desperandum esse

esse, sed conjunctis viribus hostem debiliorem, nimirum Suecum aggrediendum. Officialibus bellicis observantia, obsequentia nulla; sed quisque proprium ductum, & libitum sequens, in summa rerum desperatione, ultimum exitum in horas expectat. Interim nunciatur, Cracoviam certis conditionibus jam Sueco esse deditam; Leopolum in maximas angustias redactam, jam pacem ab hostibus supplicare: Lublinum solo esse æquatum: quanquam suburbia tantum fuerint exulta; Civitas vero intra moenia, ingenti pecuniæ summa, & multis aliis bonis, quæ ibidem ad usum necessaria sunt reperta, redempta. Templum etiam illud, quod ante XXX. circiter Annos hominibus Græcæ Religionis fuerat ademptum, & restitutum cum solenni juramento Magistri Civium, aliorumque Consulium, nec non primariorum Sacerdotum; super eo (idque ad lignum S. Crucis) præstito, quod abhinc & a modo nunquam amplius illud sint recuperaturi ad usum Ecclesiæ Romano-Catholicæ. Ad majorem autem Juramenti auctoritatem, particula ex illo S. Crucis ligno *Chmielnicio* missum, cum ea obtestatione, ut hæc ipsa *Cruce* percutiat variis plagis Juramenti violatores.

Polono-
rum Pars
se Regi
Sueciæ
subjicit

Exuberantibus itaque undique malis, primum *Alexander Koniecpolski*, qui sibi nescitur, qua arte accumulaverat circiter duodecim Millia milicium, non adhibitis ad consilium aliis se

emi-

minentioribus, sed privata auctoritate, mittit Legatos ad Regem Sueciæ, offerendo se cum omnibus sibi adjunctis, in partes illius transiturum, dum modo gratiose recipiatur. Reliqui, præcipue vero Supremi Generales audito eo vehementissime indignantur; simulque in absentem invehuntur, temeritatis eximie accusant, mala quæque eidem ominantur, & minantur. Post tres vero, aut quatuor dies, ipsi quoque ex consensu totius Exercitus Legatos ad Suecum mittunt, cum sui subjectione; eo addito: se effecturos, ut, tum ii qui ad præsens secum sunt, tum alij qui per diversas Regni partes sunt dispersi, ipsum pro Rege agnoscant: quod si facere detrectaverint, se tales ad id exequendum vi etiam compulsiuros: dummodo Rex Sueciæ efficiat, ut cæteri Hostes ex Patria secedant. Rex itaque Sueciæ *Carolus Gustavus* incredibili gaudio perfusus, mittit ad Exercitum Polonicum proprios Legatos, & per illos gratias agit maximas, pro illa declaratione; promittens se brevi, non solum remoturum omnes Regni Polonici hostes, sed etiam Patriam multis modis dilaceratam, sartam tectamque redditurum: dummodo ipsi saluti Patriæ suæ deesse nolint; præterea stipulata securitate, invitat ad se, ut de communi bono expeditius ad invicem arbitrari possint. Nec mora, accedunt præcipui quique ex Exercitu, excipiuntur vultu benignissimo omnes, excoluntur summis honoribus Domini

Officiales, donaria plane Regia conferuntur compluribus: denique concluditur, Regem debere confestim expedire ad Cosaccos, & ad Moscos, ut recedat quisque ad sua (quod etiam fecit & obtinuit) Exercitum interea Poloni um debere instituere generalem coram Rege iustrationem, in qua præstito fidelitatis novo Regi debita Juramento, stipendium ab eodem aliquot mensium accepturi. Redeuntes a Rege Suecorum, laudes ipsius ab Heroicis virtutibus, a Prudentia, ab Humanitate, a Libertate deprædicare non cessant: si quis in contrarium vel verbulum protulisset, tanquam in hostem Patriæ invehuntur; Deo ingentes gratias agunt, quod post tam atram tempestatem pessimaqueque Patriæ ominantem, solem gratiæ suæ, serenitatem afflictissimis rebus, reducentem exhibeat.

Principi
Rakotzi
offertur
Corona

His auditis ii, qui in Hungariam, & Silesiam egressi erant Proceres Regni, per Legatos suos requirunt Principem *Rakocium*, invitando illum ad Coronam Regni: dummodo labentibus rebus Polonorum succurrat. Ad quam Legationem dictus Princeps resolutionem dandam in suspensio reliquit, quod fusius exponetur infra.

Cum hæc aguntur, Rex Casimirus, jam ex Silesia mittit Legatum *Stanislaum Luborvitzki*, committens fidei ipsius, ut seu Cosaccos, seu Tataros prius accedere possit, illos in par-

tes suas trahat. Qui quidem prædictus Legatus, quandoquidem in Litteris Credentialibus habuit vacuum spatium, pro adsciscendo sibi altero, rebus autem sic stantibus prout expositum est, nullum ex Primoribus sibi associare valens, quod omnes Orientem potius, quam Occidentem Solem adorare maluerint, jam in itinere circa *Przemorsko* incidens in *Samuelem Grondzki*, multis & variis suasionibus, ac pollicitationibus induxit illum in id, ut se ei ad-
*Grondski
Secius Le-
gationis*
jungeret; cujus etiam consilio, & ope incolumis pervenit ad Cosaccos, adhuc circa Leopolum hærentes, (Litteras vero quas habebat ad Chanum Tatarorum, quibus contra Cosaccos stimulabantur, diligenter conservavit) cumque a *Chmielnicio* humaniter exceptus fuisset, utpote Dominus Compater, (hoc vinculo conjunctus fuit *Chmielnicio*, quando cum *Ossolinio* Cosaccos concitabat contra Tataros, prout propositum est pag. 38.) & negotium ipsiusmet Regis, non vero Regni, quibus potuit artibus recommendando usisset, ut Cosacci succursum darent Regi: Tum respondebat *Chmielnitzki*: *Recordare Domine Compater, quid nobis promissum erat ad Zamoseie, quid ad Zborovo, quid ad Biala-Cerkiew, & aliis occasionebus? & quidnam horum effectui datum? Quamprimum enim promissa nobis devenerunt sub trutinam Wyzwitarum* (hoc nomine designando *Jesuitas*, denominationem autem derivando ab exuendo,

do, quod nimirum illi, ubicunque pedem in partibus Russiæ imposuissent, Russos Templis exuerent, nec minus incolas bonis, augendo Proventus Ecclesiasticos) dictum est: Schismaticis non esse tenendam fidem: Et minime tenuistis. Et illa promissa ubi sunt, quæ nobis Rex promittebat, dum in Electione postponi se videbat? Vix autem coronatus, mox in partes nostras expeditur Exercitum. Idem fecit etiam post Pacta posteriora; Et si miles utique contentus fuisset iis, quæ ad sui sustentationem spectant, facilius id sustinuisset Cosacci. Sed abutebantur hospitalitate illorum, imo rusticos appellando, graviter eosdem verberibus contundebant. Bona omnia quæcunque apud illos reperiri poterant, eripiebant, Et illa ad remotiora loca remittebant. Cumque aliqui Cosaccorum talia minime perferre valentes, ipsi quidem ad tutiora sese contulissent, uxores autem cum parvulis domi reliquissent, quod tempore rigidissimæ brumæ universam familiam secum circumducere haud potuissent; milites Polonici Uxores Cosaccorum primum stuprabant, postea recedendo, inclusas una cum pueris domibus, Et stramine circumdatas, tanquam glives, exurebant. Si vero aliquem Cosaccum, qui commiserat aliquid contra Dominum, comprehendere poterant, illum altissimo palo insuebant, ut conceptum contra Russos odium omnibus quam manifestissime repræsentarent: quasi non suffecisset ad tollendum inimicum tacite sacco involutum fluvio

injicere, ut nec vestigia interitus illius apparere, nec auctor perdiri cognosci posset. Insuper nec Popis nostris parsum est, sed quam plurimos illorum decollarunt: Et huiusmodi rebus effecerunt, ut ii etiam, qui libentes in pace sese continuissent, contra se concitarentur. Cum itaque talia experti, Et multoties decepti fuisset, jam tandem talia sublevandi statum nostrum adhibere coacti sumus remedia, a quibus nulla ratione recedere possumus. Quapropter sero nunc Rex nostra implorat auxilia; sero Et frustra pertentat quispiam reconciliationem Cosaccorum cum Polonis. Tum Legatus Regis Casimiri Luborvitzki ait: Non possum quidem negare, Regem gratiam suam Cosaccis aliquoties promississe; quod vero promissa non adimpleverit, causam ejus rei Tu ipse Domine Herimane bene prævidisti, quando tempore Tractatum ad Zborow initorum dixisti: Rex quidem ipse bonus, sed reguli tanquam catuli, tam diu allatrabunt, donec illum etiam, qui voluit quiescere, nempe Herum, excitent (per catulos indigitando Nobiles, magnam libertatem prætendentes, neque eripi sibi, quæ sunt per Cosaccos occupata unquam permittentes) Et omnino ita factum est. Dum enim Rex in Comitibus promissa vobis corroborari per Status, Et Ordines Regni conatus fuisset, tum vilissimi a Palatinatibus Legati, quorum alter nec sciret divinare, sub quo celo fasciis per matrem involutus fuit: alter vero ne tanti quidem æstimandus, ut inter

duas assulas assumatur; tam multas contra Regem excitabant acclamationes, ut Rex miser obmutescere, & a suis promissis recedere coactus fuerit. Sed nunc ita se jam declarat Serenissimus Rex, quod posthac non eos reputaturus sit pro Nobilibus, qui longa serie Avorum suam deducunt Genealogiam; sed qui in hoc discrimine rerum sibi auxilium tulerint. Itaque praeiterita jam tantum oblivioni tradite; nunc autem uncto Dei succurrite; & abhinc non amplius pro Cosaccis, sed pro Amicis Regis reputabimini: Vobis Dignitates, vobis Beneficia Regni distribuentur. Non enim amplius parietur se dementari, non amplius permittet quietem suam inturbari ab istis catulis, qui nunc in latibula diffugerunt, Herum autem dum maxime tueri debuissent, deseruerunt. Cumque his, & similibus praedictus Legatus Regis Luborvitzki in Status Regni, praecipue vero in Ordinem Equestrem inveheretur, (Wyhorski autem Cancellarius Cosaccorum interim egressus fuisset foras, Chmielnitzki vero cum caeteris Cosaccis colloquia misceret) Collega ipsius in aurem tantum submissa voce susurrando eidem dixisset, sit memor Politicorum moniti: quod nimirum, non Reges constituent Regna, sed Regna Reges: Stante enim Regno facile adinveniri posse Regem; & contra, Regno subverso, non amplius ullum Regi relinqui locum: ac proinde ita velificandum esse Regi, ne pessundet Regnum: & de Fratribus nunc qui-

quidem absentibus ita esse loquendum, ac si essent praesentes. Tum Luborvitzki in maximam exardescens iram, protinus loquitur Chmielnicio: Domine Hermane! Ecce hic tantum duo sumus, nec tamen convenimus! En ad praesens etiam, qui mecum est, cui non omnino ab ipso Rege impositum est hoc munus, sed ego tantum mihi illud associavi, & tamen talia & talia &c. loquitur: quod si Comitibus interesset, quid non diceret? Et his dictis praestitit, ut Collega suus Grondzki, cui jam secreta sua popalaverat, in carcerem deduci iussus fuerit. Verum tamen veritus Luborvitzki, ne ille, liberationem sibi ^{Grondzki} nancisci cupiens, Cosaccis dicat, ubi sunt re- ^{incarcera-} ratur positae Litterae ad Chanum directae, & sic sibi met ipsi proprio (ut dicitur) jumento extremum attrahat exitium, mox rursus intercedere pro illo coepit. Wyhorski quoque regressus, atque edoctus de eo, quid eveniret Grondzcio, minime approbans talem contra ipsum processum, hoc argumento, quod jam per universa Castra, non Cosaccorum solum, verum etiam Moscorum percubuerit Fama, illum similiter, atque Luborvicium esse Regis Legatum Jura autem Gentium nequaquam permittant, aliqua injuria affici Legatos, effecit, ut reduci a carcere juberetur; qui rediens, non amplius ullis discursibus se ingerebat: Luborvitzki autem coeptum negotium summa cum sedulitate continuabat. Tum respondebat Chmiel-

nitzki: Egregia quidem hæc sunt Domine Legate, quæ nobis nomine Regis proponis; sed quam practicabilia, & possibilia, ipse cognosces ex hac, quam recitabo, Historia:

Antiquis temporibus fuit homo quidam agrestis, interim omnibus bonis affluens ad invidiam usque vicinorum; in cuius domo fuit etiam serpens familiaris; qui nullum unquam domesticorum pungebat, ideoque hospita aliquando studio modicum lactis in resta ei obiciebat; quo effectum est, ut ille jam passim inter familiam sæpius obreperet. Et sic, accidit tempore quodam, quod dum datum fuisset lac pueris, serpens egressus de suo antro, atque patinæ adrepens, ipse quoque sorbere lac cepit: tum Filius Patri familiæ cochleari caput ipsius percussit. Serpens autem ira commotus puerum momordit. Qui dum lamentabiliter exclamasset, accurrens Parens, atque interrogans, quid sibi acciderit; cognito eo, ipsum esse a serpente læsum, qui ad antrum refugiendo, jam eo caput absconderat, arrepta securi caudam ei amputavit. Puer autem ex illo morsu mortuus; serpens etiam mutilatus, non amplius in apricum prodire ausus. Posthac intra breve tempus opes, & divitiæ illius hominis variis casibus cæperunt notabiliter dilabi: qui ad summam deveniens paupertatem, causam tanti mali cognoscere volens, confugit ad Augures, & ait: Dicite, quæso, quid rei esse possit, quod annis superioribus, dum minus sollicitè rem familiam.

miliarem tractarem, omnibus bonis affuebam: nullibi plures & pulchriores boves, atque apud me reperiebantur: nullius vaccæ pinguiora ubera habuerunt: nullius oves nitidiora ferebant velleræ: nullibi eadem fuerunt facundiores: nullius equæ generosiores progenerabant pullos: nullius agrî fertiliores producebant segetes: nullius hortî frequentioribus perstrepebant apibus: non noverant antehac ullum morbum jumenta mea: non noveram ullos adversos casus: nunquam domus mea vacabat convivis: nullus vicinorum numeroforem aluit familiam: nunquam de mea domo dimissus pauper sine dono, & tamen nullius rei apparuit defectus, sed omnium opum maxima fuit abundantia. Ecce autem ab aliquot annis, omnia quæ toto vitæ tractu mihi comparaveram, ita dissipata sunt, ut inter omnes vicinos nullus sit egentior me: & quamvis multo exquisitius laboro in comparandis ad sustentandam vitam necessariis, nihil tamen proficio, imo in dies pejus mecum agitur. Dicite itaque, si scitis calamitatum mearum causam, & si potestis, medendis malis aliquod adhibete remedium. Dant illi responsum: Quousque tu præteritis annis bene conveniebas cum illo serpente familiari, ille omnium malorum tibi imminentiū virus atque contagium in se excipiens, te immunem ab infortuniis reddebat; nunc vero quia inter vos intercessit inimicitia, inde veniunt tam multa te præmentia mala. Quapropter si velis antiquum

instaurare statum, da operam, ut serpentem red-
das tibi reconciliatum. Hæc dum ille miser au-
divisset, domum reversus, exponit omnia Conju-
gi, mandat ut quærat modum, quatenus redin-
tegrari amicitia cum serpente possit: mox illa lo-
cis opportunis lac ipsi offert. Quo semel atque
iterum degustato serpens, capit prodire in propa-
tulum. Quem tempore quodam conspiciens hospes,
suadet, ut ad pristinam redeant amicitiam. Cui
serpens: Frustra, inquit, in eo laboras, ut ta-
lis inter nos evalescat amicitia, qualis viguit
hactenus. Nam quoties ego cernam me caudam
amisse occasione Filii tui, toties mea recrudescit
indignatio. Vice versa, quoties tibi in mentem
veniet, te per me orbatum esse Filio, toties affe-
ctu paterno tactus in id intendes, ut posthac ca-
put possis conterrere meum, Quapropter sufficiat
posthac hæc inter nos Amicitia, ut tu in tua,
qualitercunque velis, domo abhinc præsis; ego
vero me in mea contineam scrobe, & dedita ope-
ra invicem nobis non noceamus. Idem sen-
tiendum est Domine Legate de Cosaccis & Polo-
nis. Fuit enim tempus quando in hac magna
Reipublicæ Polonæ domo, utrique placide convi-
vendo, utrique etiam felicissimis gaudebant suc-
cessibus; dum nimirum Cosacci pericula Regno
imminuentia avertabant, ipsi sustinentes impetum
Barbarorum. Regnicola autem reservando in
pristina libertate Cosaccos, non moleste ferebant,
illos etiam aliquid degustare ex illo lacte, quod

reperiebatur in illis angulis, ad quos non perve-
niebant ii, qui se solos antiquæ Patriæ filios asse-
rebant. Tunc Regnum Poloniæ floruit nitidissime,
tunc felicitate sua in conspectu omnium, ad in-
vidiam usque vicinorum coruscabat: tunc nullus
hostium de Regno Poloniæ spolia asportabat; tunc
ubique Poloni Castra sua conjunctis suis cum
Cosaccis viribus promovebant, semper remeabant
victores, semper triumphos canebant. Sed post-
quam ii, qui se pueros Regni putant, ceperunt
libertates Cosaccorum infringere, & capita il-
lorum contundere: illi quoque ceperunt lædentes
se se mordere, inde subsequum est, ut illorum
quidem magna pars sit resecta; sed & Filiorum
Regni non pauciores perierunt. Ideoque quoties-
cunque, inter utramque gentem, in mentem venient
damna, invicem sibi illata, toties recrudescet
indignatio; & quamvis aliqua intercesserit re-
conciliatio, illa tamen levissima de causa iterum
rumpetur. Nec ullus unquam vel sapientissimus
mortalium aliqua arte poterit hoc efficere, ut sta-
bilis & firma Pax coalescat aliter, nisi ut Re-
gnum Poloniæ renunciando omni, quod prætendit
ad totum Ducatum Russiæ Juri suo, concedat
Cosaccis dirigendam Russiam, usque ad Wlodi-
miriam, Leopolim, Jaroslaviam, Præmislham,
acquiescendo super eo, ut illi continentes se in
Russiâ tanquam in scrobibus, hostes Regni Polo-
niæ antevertant: quod, quousque vel centum so-
lummodo Nobiles in universo Regno permanferint,

nunquam benevole concedent. Cofacci vero dum arma tenebunt, nunquam ab ista conditione recedent. Itaque laterem lavas mi Domine Compater.

Videns ergo Legatus Regis Luborvitzki, se nullis rationibus posse avocare Cofaccos a confederatione inita cum Moscis, & Suecis, ac proinde nullam spem sibi affulgere aliquorum pro parte Regis auxiliorum; convertens sese ad Cbmienicium dicit: *Serenissima Regina, Domine Hetmane, sperans, me, Dominationem Tuam in loco residentia suæ inventurum, exaravit Litteras Dominae Conjugi Tuae Dominationis: quia vero præter opinionem adhuc hoc in loco reperi Castra, non scio, cui securius credere possim Litteras Serenissimæ Reginae quam T. D. & repræsertans easdem addit: Habet facultatem hic statim illas legendi, & fortassis præstaret non differre.* Recepit itaque Cbmienitzki illas Litteras, illisque apertis ac lectis, illacrymatus non nihil, dixit: *O Deus Omnipotens, quid ego sum in conspectu tuo! Nihil aliud sane, quam vermis vilissimus: Ecce autem quantam mihi gratia tua conciliat auctoritatem, ut etiam ad Annam meam (intellegendo uxorem, sed jam aliam, non vero illam, quam ante bellum acceperat Czaplinski; illa namque ab illo, bello ingravescente, deferta, cum incidisset in manus Timothei Filii Cbmienicii, jussu ejusdem suspensa fuit) Serenissimæ*

renissima Regina Polonia Litteras exarare, atque sollicitare, ut pro illa apud me intercedat, non dubitaverit! Tuum hoc sane est opus; non mihi, non viribus meis hoc imputo, sed divinae gratia tuae, pro qua sit nomen Tuum benedictum in sæcula!

Tum aliquantulum conticescens Cbmienitzki, tandem dicit Luborvicio: *Hæc quæ Serenissima Majestas tum per Litteras, tum per Te postulat, præstare non possum. Nam jam firmissimis Juramentis nos Moscis, & Suecis obstrinximus super Confederatione nequaquam violanda. Quia tamen miseret me Status Serenissimi Regis, quod potero faciam. Ex istis Provinciis, quæ vigore Confederationis concernunt Cofaccos, nimirum Palatinatum Lublinensem, Belcensem, Wolhyniensem, & Russia, concedam Suae Majestati; Jaroslaviam etiam in meam rationem reservatam intactam relinquam. Ibi enim volui hyberna agere: Sed ob respectum Serenissimi Regis, educam illinc præsidium meum. Si itaque placuerit Suae Majestati, regrediatur ex Silesia, & hinc de pacificatione cum Suecis, & Moscis consilia ineat; plura in hac materia trattanda in aliud tempus rejiciamus: nunc autem conferte vos ad hospitium.*

Regressus ad hospitium Luborvitzki, confestim rediit in gratiam cum Grondzki.

Hac occasione industriam Cofaccorum, ne Astus Cofaccorum
dicam astum, vel inde quisque cognoscere possit,
test,

rest quod dum uno eodemque tempore a duobus Regibus, & quidem invicem inimicis, ad se missi fuissent Legati, videlicet paulo prius a Rege Sueciæ, qui ad instantiam Polonorum urisit, ut Cofacci recederent in Ukrajnâ, promittens se cum illis reliqua, quæ adhuc ab inchoata Consecderatione in suspenso erant, mediantibus Commissariis brevi in finem deducturum; huic nunciatum est: se ad requisitionem illius recedere.

Et aliquanto post a Rege Casimiro, cujus desideria superius sunt connotata; tamen huic quoque tam blandum, prout retuli, dederunt, responsum; cum in rei veritate nec in hujus, nec in alterius gratiam id fecerint; sed quia certo sciverunt Chanum Tatarorum cum toto robore militiæ suæ, contra se venire. *Chmielnitzki* autem videns tum Cofaccos, tum Moscos in dies summo opere dilabi, & nulla ratione se illos retinere posse, & hos etiam qui secum perdurabant, præda nimium onustos ad præliandum esse minus idoneos; præterea quod cum Leopoliensibus jam totaliter transegerant; & denique ob defectum comæatus, quem ex locis quaquâ versus nimium desolatis comparare nequiverunt, longiorem moram trahere nulla ratione potuit; sed præcavendo ne a Tataris penes Leopolim circumventus, tum a præsidiariis dictæ Urbis, tum ab aliis militibus Polonis

in

in aliquas angustias redigeretur, reducere inde Castra necessario debuit.

Dum hæc ad Leopolim sunt gesta, *Czarnitzki*, postquam Cracoviæ Suecorum oppugnationem, per aliquot septimanas masculine sustinuisset, tandem ob defectum comæatus, qui in tanta, quanta ibi semper est, hominum multitudine, exauriri facile potuit, concessit arcem certis conditionibus Suecis, inter quas hæc erant præcipuæ: ut egresso sibi Cracovia, concederetur liber passus ad submontanas partes versus *Sandeciam*, & inde quocunque volet; & ut Stativa Quartiria Militi suo libera essent: denique ne intra decursum trium mensium, ad obsequia Regi Sueciæ præstanda adigeretur. Quæ omnia Suecus lubens concedens, cum amplis muneribus *Czarnecium* dimisit. Cracoviam autem *Wittembergio*, & *Wirzio* tuendam cum valido præsidio commisit. Ipse cum Officialibus Exercitus Regni incipiens tractatum, quamvis nec dum Juramentum sibi præstitissent Milites, nihilominus fidem simplici promisso adhibens, relicto *Sendoniria* ad exequenda, quæ erant cum Exercitu conclusa, superius enarrata, Generali *Duglassio*, contulit se in Prussiam, ad Principem *Brandeburgum* in partes suas trahendum, assumensque secum *Alexandrum Koniecpolscium*, & *Demetrium Vinsiorviectum*, cum aliquot millibus militum contendit recta *Warsaviam*, quam etiam facili

ne-

negotio captam præsidio munivit: commissa summa rerum non Varavizæ solum, sed per totam minorem Poloniam *Benedicto Oxenstirn* (qui etiam a Suecis Pro-Rex dicebatur) Inde procedens primo *Torunium*, postmodum autem alias Civitates Principis *Brandenburgici*, non tam armorum strepitu, quam *Radziejovii*, & aliorum Polonorum, quos secum habuit, suasu, ad deditionem sibi faciendam induxit, illasque præsidiis munivit: Principem vero *Brandenburgum*, non solum in partes suas traxit: verum etiam undecim millia militum ab illo obtinuit.

Chanus
Tataro-
rum ad-
venit pro
Polonis

Interim, dum Legatus *Casimiri* Regis a *Chmielnicio* ulteriorem resolutionem expectat, adfertur nuncium Cosaccis, adhuc penes *Leopolim* milites suos ad diversas partes expeditos, expectantibus, Chanum Tatarorum jam ad *Tarnopol* appropinquare: *Chmielnitzki* itaque nec expectando, donec omnes sui milites, præsertim Mosci, concurrissent; obviam ivit Tataris, in succursum *Casimiri* tum demum venientibus; postquam Chanus ab illo jam Cracovia in Silesiam sese conferente, litteras de adversissima fortuna sua, & nuncium per postam accepisset. Tum demum Casus ille *Grondzia*, quod nuper Legatus *Luborvitzki* dixisset, illum a se tantum in Collegam assumplisse, bene cessit. Illum enim Cosacci dimiserunt; Legatum autem more Captivorum detinuerunt. Cum autem *Chmielnitzki* congressus cum Tataris, præ-

lium

lium cum iisdem inivisset, ipse quidem nihil damni ab illis accepit; sed tamen tanquam indagine undique clausus, atque impeditus, quominus posset conjungi cum Moscis aliquot milliaribus se subsequenibus, sat multum est passus. Nam Chanus Tatarorum impetum faciens in Moscos sejunctos a Cosaccis, multos ex iis trucidavit, multos captivos duxit, inter cæteros autem Filium *Buthurlinii* Supremi Generalis Moscorum, effecitque apud *Chmielnicium* periclitantem, ac multum sollicitum de reliquis Moscis, ut juramentum deponere necessum habuerit, se non amplius contra Regem Poloniæ *Casimirum* arma sumpturum. Chanus vero in se hanc assumpsit conditionem, quod effecturus sit apud eundem Regem, ut cum Cosaccis honestis, & bonis conditionibus, ipso mediante, transigeret. Filium etiam *Buthurlinii* non prius dimisit, donec *Chmielnitzki* Legatum Regis *Casimiri* *Luborvicium*, ob suspicionem falsæ legationis arresto detentum, sibi restituisset. Quo obtento, & ab illo de omnibus rebus in Polonia præteritis diebus gestis, sufficienter informatus, eundem Legatum *Leopolim* remisit, cum adjuncto ei proprio Legato suo ad Regem *Casimirum* expedito; dans in mandatis, ut quam citissime ea, quæ in præsentia sua inter Tataros ab una, & Cosaccos, & Moscos parte ab altera gesta sunt, referret. Litteras præterea Regi scripsit, se in *Pokucia*, hoc est, ultra *Leopolim* versus

Car-

Carpatum montem cum Exercitu suo usque ad 28. Januarii expectaturum; Rex interea redeat in Patriam, cui cum universis copiis suis succursum dare paratus. Quod si ad diem præfixum non redierit, se quidem rediturum domum, sed iterum, si vocatus fuerit, primo Vere venturum. Tandem illi, qui nomine Regis *Casimiri* simul venerunt ad Cosaccos, diversis temporibus dimissi, diversis etiam modis posthac sunt progressi. *Grondzki* enim postquam redisset ad suos, quos reliquerat in Castello, dicto *Rzemien*, ab omnibus summopere reprehensus, quod sibi præ omnibus aliis tantum arrogaverit, ut ausus fuerit sæpius dicto Legato *Casimiri*, contra voluntatem Exercitus Polonici sese associare. Itaque tum impulsu militum (jam enim bona ipsius impetrare a Rege Suecicæ aliqui voluerunt) tum suasu Amicorum, præsertim vero manu *Martini Dembitzki* Vexilliferi Sendomiriensis prehensus, *Duglassio* Generali Suecico representatus, & recommendatus est, eo ipso die, quo collustrationem Exercitus Polonici penes Sendomiriam instituit. Cui Actui interfuerunt, tum *Potorzki* Supremus, tum *Landskoronski* Vice-Generalis Exercituum Regni. Qui, dum ipsis fecisset relationem *Grondzki*, quanta cum confusione Cosacci, & Mosci recedebant a Leopoli, & quanta cum multitudine obviam illis Chanus Tatarorum veniebat, simulque intimasset, nunc adesse com-

Novum
Gronds-
kio peri-
culum
evadit

mo.

modissimam occasionem profligandi Hostem, si abjecta mora, illum subsequuti, vires suas conjunxerint cum Tataris, nec audire quidem ipsum voluerunt, imo increpabant dicentes: Quis te constituit Consiliarium bellicum? Satis pro isto incoestuosò *Casimiro* hætenus pugnatum est: qui, si voluisset, dudum huic bello finem imposuisset, deleteris Cosaccis; sed parcebat illi studio, conservans eosdem super cervices nostras, intendens ad absolutum Dominium deducere liberum Regnum nostrum. Percipiat nunc fructum consiliorum suorum! quia vero Deus largitus est nobis ad præsens Regem, qui super papyro confecturus est pacem, jam super eo acquiescamus: & non amplius commovendo cameram, post tam multos pro Rege ingrato exantlatos labores, conquiescamus. Talia vi-

Ad Sue-
cos transi-

Luborvitzki vero regressus Leopolim, post degustatas in Castris Cosaccorum, & Tatarorum delicias, morbo correptus aliquot septimanis ibidem se continuit, eamque ob rem, tardius, quam necessitas postulabat rei, ad Regem in Sileciam reversus obicem posuit, quominus Rex *Casimirus* pro tempore a Chano Tatarorum præfixo redire potuisset. Chanus itaque videns Regem retardare, nullum autem modum habens consistendi diutius in locis desolatis, cum ingenti multitudine copias quidem suas domum

re-

reduxit, nihilominus tamen audiens superesse *Czarnecium*, qui cum aliqua manu militum nondum in partes *Suecicas* transierat, ad Exercitum Polonicum per expressum ablegatum suum, in hunc modum scripsit:

Relatum est nobis: Vos Serenissimum Joannem Casimirum Polonia Regem, Fratrem nostrum dereliquisse, & alicui Sueco, quem nos nec novimus, nec nosse volumus, adhæsisse. Quapropter, monitos vos esse volumus, ut confestim ad fidelitatem dicti Domini Regis, Fratris nostri, redeatis. Quod si facere recusaveritis, pro certo sciatis, nos iisdem acinacibus, quibus domuimus Cosaccos, & compescuimus Moscos, atque ad obsequia Regi abhinc præstanda coegimus, vestris cervicibus admotis, effecturos, ut volentes nolentes, Fratrem nostrum Joannem Casimirum pro Rege agnoscendo, id præstetis, quod fideles subditos addeces. Valete.

Interim *Czarnetzki* ex submontanis partibus jam transierat in Palatinatum *Belzensensem*, illibate permanens, cum militibus suis sibi adjunctis in fidelitate Regis *Casimiri*. Itaque acceptis præinsertis Litteris Chani Tatarorum, tanto magis confirmatus in proposito suo, confestim cum Magnates, tum Nobiles, tum Officiales Castrenses, denique omnes qui Patriam, qui Sacro-Sanctam Religionem Catholicam servatam esse vellent, per Litteras convocar, pro

Die

Die 8. Januarii 1656. ad consultationem de bono publico in Civitate *Tyszowce* celebrandam.

Inauditus quidem erat in Regno Polonico Actus, nimirum ut privatus aliquis, ad privatam Consultationem ausit convocare Ordines Regni, & quidem loco minime privilegiato. Nihilominus, quia in casu Reipublicæ insolito, suavit id Vir de Republica optime meritus, & expertus omnis suspicionis malignæ alicujus machinationis, concurrunt ad præfixum Terminum quam plurimi, ex diversis Regni partibus, potissimum autem ex iis, quæ erant ab illo tractu, quem jam præoccupaverant Sueci, remotiores. Cum itaque ad diem, & locum designatum confluxissent in magna frequentia Viri Egregii, *Czarnetzki* prout auctor illius convocationis, exorsus Orationem, multis exemplis demonstrabat, quam variæ sint rerum humanarum vices: idque non nostra tantum ætate, sed similia contigisse aliis etiam sæculis, idque non in Patria solum nostra, sed in aliis quoque Regnis: demonstrabat Regnicolas, & Milites Regni non victos, non sublato, sed tantum ad majora pro Patria subeunda facinora reservatos: nam inquit:

*Alternat Bellona vices, miserosque reversa
Sublevat, & stimulis fibras ingentibus implet.*

Et nunc dummodo resumant animos, non diu exultaturum hostem: qui nonnullos Fratres nostros non ferro devicit, sed argento;

R

non

non armis subegit, sed blanditiis. Neque vero vires suas auxit, obtentis aliquot fortalitiis, sed potius distraxit: militem veteranum pro præsidio imponendo, salutem vero suam vel Tyronibus credendo, vel Patriæ nostræ Filiis; qui tandem pœnitentia ducti, ad sinum ejusdem recurrent: dummodo cernant nos, prout hucusque, ita posthac etiam fidem intemeratam Deo, Patriæ, Regi servare. Neque esse, cur desperent de mediis hostem reprimendi: sufficientes namque milites esse, dummodo vires suas circumspiciant: Sed adsunt, inquit, & media externa. En jam Ethnici calamitatis nostræ miserti eos, quorum antehac focii erant, pro nobis castigarunt. Suppeditabit Deus & alia media, dummodo ipsi non desimus rebus nostris; & tunc produxit Litteras Chani Tatarorum.

Quibus lectis, omnes erecti animis, ex mutuo, & unanimi consensu concluderunt, ut statim ex hac convocatione, nomine communi scribantur Litteræ ad eos, qui ad præsens partes Regis Sueciæ sectantur, ut intra decursum unius Mensis ad fidelitatem Regis redeant, nihil de Clementia Sux Majestatis ambigentes. Quod si facere id neglexerint, eos pro hostibus Patriæ pronunciandos, & bona illorum omnia esse diripienda. Ab Ecclesiis etiam ibidem comparentes Patres promiserunt notabilem ad contentandum militem pecuniæ summam. Milites denique promiserunt, obtento nunc aliquo sub-

sidio,

sidio, ad præsentissimas necessitates suas, durante bello Suecico, sine stipendio se milituros, dummodo Rex assureret, felicioribus Republicæ temporibus illa persolvenda esse. Factaque est maxima conjuratio contra Suecos, & omnes Suecorum assecclas, nisi redierint. Simulque inde expediti sunt Legati ad revocandum Regem, cum expeditione novæ confederationis. Mittuntur per Prussiam, & ubique per Regnum revocatoriæ a Suecis Litteræ. Fit commotio ingens. Aliqui hæc a Suecis præsentientibus, alii a Fratribus ob suspicionem Sueciæ factionis, invaduntur, cæduntur, bonis spoliuntur. Suecos, quos nonnulli pro Salva guardia h. e. præsidii loco, ad tuenda bona sua aluerunt, ex insidiis, tanquam oves mactationi destinatas, interficiunt, repletur iterum horrore tota Regio Vistulæ adiacens. Nunciantur hæc omnia Sueco in Prussia commoranti, ubi confecto negotio, maturat Rex Suecorum reditum, & magnis itineribus contendit Cracoviam, volens exinde ad universum Regnum exarare Litteras, invitando ad Comitata, ut data, & accepta ab utrinque securitatis fide, modo solito confluerent Status, & Ordines Regni de bono publico deliberaturi. Interim jam illum nunc integræ Cohortes, nunc certa pars militum Polonicorum furtim derelinquunt. Si aliqui ad Partiam expediuntur, non amplius redeunt. Quæ res etiam cœteris magnam peperit dissidentiam, ac

R 2

diffi.

difficultatem. Etenim vel ob minimam suspicionem, mox a Suecis ad mortem trahebantur. Tandem Rex Sueciæ declaravit, quicumque nolent sub signis suis militare, se omnes dimissurum; sed nemo ausus est intentionem suam aperire. Itaque deposito iterum novo fidelitatis juramento, remanserunt penes Suecum circiter 3000. Militum.

Czarnetzi autem ex *Tyszowce*, cum sibi adjunctis ivit trans Vistulam, omnibus, quicumque in partes Suecicas transiverant imponendo necessitatem redeundi ad *Casimirum* Regem. Interim etiam Rex *Casimirus* ex Silesia per submontanas regiones regressus, *Leopolim* se contulit. Ad quem ex omnibus partibus confluebant, cum Milites, tum Nobiles; ignoscebatur autem omnibus. Cumque Rex Sueciæ pervenisset a Prussia versus *Sandomiriam*, incidit in latam, & notabilem viam, vestigia equitum Polonorum designantem, & trans Vistulam divertentem. Quo viso, subito substitit, dato mandato, ut Exercitus pone se veniens, maturaret ad eundem locum convenire. Interim leves partias huc, atque illuc expedit, assignando honorarium Centum Thalerorum, quicumque ex Exercitu Polonico gregarium militem adduxerit; pro Officiali autem duplum. Accensi illo promisso præmio, velocissime excurrunt, & intra horam aliquot captivos adducunt, qui Regem de omnibus rebus edocuerunt,

videlicet fuisse *Czarnecium* cum quinque Millibus, qui passim circumibant, ubi aliquos posset adoriri Suecos; nunc autem cognito adventu Regis divertisse trans Vistulam versus *Casimiriam*. His auditis Rex, nihil cunctando subsequutus est eum, iis ipsis vestigiis, præmitrens iterum aliquot Moldavorum, & simile præmium pro Captivis assignans (prioribus autem jam persolverat) transit per glaciem jam debilitatæ Vistulæ, animadvertit dividi vestigia in varias partes, anceps quid sit faciendum, quænam esset ingredienda via, aliquantulum constitit; Ecce autem eo ferme momento, adducunt aliquot ex præcipuis, qui *Casimiria* computationi dediti erant capti; Illi referunt tale esse propositum *Czarnecii*, quod nunc quidem superata Vistula certis cohortibus concesserit divertere versus dexteram partem, propter comitatum facilius comparandum, nihilominus illum demandasse severe, ut circa Vesperam omnes concurrant ad *Golomb*, quo & ipse divertit, volens silentio noctis loco opportuno, retro transire Vistulam, ut infestaret posteriora agmina Suecorum, nil adversi sibi metuentia, quod jam Rex se præcesserit; certo præterea sciens, a tergo nullum hostem reperiri usque ad ipsam *Varsoviæ*. His auditis Rex Sueciæ, maximo cum tripudio dixit, se multum gaudere, quod affulserit sibi hæc occasio, qua sperat se congressurum cum *Czarnecio*, cujus fama

valde celebrabatur. Quia autem potior pars militiæ ipsius adhuc ultra Vistulam hærebat, cum non potuisset totum producere Exercitum, jam autem vix duæ ad vesperam supererant horæ, locus vero ubi dicebatur esse *Czarnecki*, distabat duobus milliaribus; præmisit tres solum cohortes: *Finnorum*, (qui inter Suecos plurimi æstimabantur) quibus dat in mandatis, ut qua possint celeritate currant, donec in conspectum Polonorum venerint; pervenientes autem tam prope, ut conspici possint probe, subsistant; si visum fuerit velitationes quam citissime instituant. Post illos expedit quendam Legionarium Polonum, dictum *Niemyricez*, cujus Legio constabat circiter quingenis militibus, præcipiens severe, ut quam proxime subsequeretur *Finnos*, non tamen cum illis sese conjungeret, nisi viderit illos pugnam instituere cum Polonis. In tali casu accurrat & ipse, remque ita agat, ne *Finni* dispereant: Interim ipse Rex adhibens omnia media, ut quam citissime trajiciat Exercitum, subsistit; cumque trajecisset omnes Equites, coepit præmissas Cohortes subsequi, dans ordinantiam Calthorum-metatori, ut respiciens ad omnes casus quam diligentissime, figeret Castra penes Civitatem *Pulavæ* dictam. *Finni* autem interea, emenso uno milliari itineris, incidunt in mille Polonos, excubias, uno ante castra milliari agentes, sub Commenda Colonelli *Szembeck*, & in illos tanquam Diabo-

li irruunt ferocissime, moxque magnam confusionem in illis efficiunt, atque antequam *Niemyricez* cum sua Legione supervenisset, terga illos obvertere cogunt; superveniente autem dicta Legione in effusam fugam convertunt (paucis ex iis caesis, & duobus tantum captis, & Regi remisissis) quantum fieri potuit, eosdem subsequendo. Sed quia Polonorum equi, & natura velociores sunt Suecicis, & non erant fessi, quam primum nacti sunt campum, ab oculis erepti. Interim Rex (ex novis indicibus edoctus, *Czarneckium* jam cognovisse Suecos, Vistulam superasse, & secum pugnare velle, ideoque præstolari penes *Golomb*, ad illumque non tantum eos, qui secum Vistula superata digressi erant ad dextram partem, sed illos etiam qui ante aliquot dies desciverant a Suecis, quam plurimos concurrere) tanto majori cum alacritate festinat cum universo Equitatu, expeditissimos quosque præmittens. Interim *Finni* illi cum Legione *Niemyricana* pervenerunt usque in conspectum *Czarneckii*, Exercitum in aciem disponentis, atque interjecto spatio loci, tanquam ad binum jactum teli, ex arcu emissi, subsisterunt. Velitationes interea ab utrinque institutæ, *Finnis* a fronte collocatis, qui animadvertentes Polonicos milites ad velitationem emissos, loco pugnae colloquia potius instituerre cum *Czarneckianis*, velitationem illam inhibuerunt. Mox exaudiuntur prægrandia Regis

Sueciæ tympana, horribiliter resonantia, adventumque Regis designantia, tum advolat *General Adjutant* Regis Sueciæ dans ordinantiam, sive mandatum *Niemyrzico*, ut procedens ad sinistram alam *Finnorum* illos aliquantum præcedens ad initar cornu Lunæ, subsistat, donec supervenientes Dragonerii ex altera parte *Finnorum*, illos similiter antecendant: quibus ad latus collocabantur iterum Cataphracti, & tandem ad dextram alam, alia Legio Polonorum, nempe *Calnovii* Capitanei Bratslaviensis, similiter in formam Lunæ sese extendentium, ut Dragonerii cum maximo impetu, ad Exercitum Polonorum tam prope accurrentes, quatenus globi sclopetis emissi sine dubio ferire possent Polonos; postquam equis desilientes sclopos suos exoneraverint, & iterum Cataphracti utrumque latus illorum claudentes, quisque unum sclopetum dictum *Pistol*, exploserint, confestim ex utraque ala procederent, & irruerent Poloni Suecici in *Czarnecianos*; pro certo scientes Suecos a tergo sibi collocatos, bene observaturos, qualiter quisque sese gereret, & si aliquem dolum animadverterint, illis minime parafuros. Constituuntur post hos confertissimis agminibus Sueci: datum signum pugnæ: quisque sedulo intentus ad exequenda sibi demandata. Quamprimum autem illi Dragonerii (qui erant circiter 800) emisserunt glandem sclopetariam, in equos potius quam in ipsos Polonos, multum per-

perturbationis in Exercitu Polonico effecerunt, aliqui namque concidentes ad terram, alii vero accepto vulnere calcitrantes, & huc atque illuc discursitantes, ordinem Polonos servare nequaquam permiserunt: interim reliquo agmine Suecorum, fulminis inftar irruente, dicto citius loco cedere, tergaque cum maxima perturbatione obvertere coacti, & instante vehementissime Suecico Exercitu, in fugam coniecti, cædebantur multi. *Pardon* autem vel maxime petentibus raro concedebatur, Suecis perfidiam, & violationem Juramenti exprobrantibus. Præcipuus inter Captivos fuit *Stanislawski*, qui siquidem in Moldavos inciderat, ideo morti ereptus, & incolumis Regi est oblatus. Nec ulla ratione Poloni poterant amplius instaurare pugnam. Suecis valde acriter sese prosequantibus, usque ad seram noctem, & ad fluvium *Weper* dictum: ad quem compulsi Poloni, perfracta glacie multi aqua sorbebantur. Sueci vero pro meta commissi prælii fluvium ponentes, securi, simulque mirum in modum lati ad Castra rediere; & quia nox valde fuit atra, multi huc atque illuc aberrantes, vix sequenti die circa meridiem ad eundem locum concurrerunt. Eo prælio ex Suecis vix 40. sed ex Polonis ad minimum 3000. sunt desiderati. Ex quibus non pauciores in fluvio demersi, quam armis Suecorum oppressi.

Sequenti die Sueci post exantlatum maximum præterita die laborem, (etenim postquam cum universa Armada 6. milliaria emensisissent, præterea magna cum mora, ac difficultate Vistulam superassent cum equitatu uno milliari ultra Castra Polonos insequuti, confectoque prælio rursus ad Castra reducti fuissent, satis præstitisse tam gravem Exercitum quis neget?) necessario eodem in loco conquirere sunt coacti. Interim illis ibidem moram trahentibus, glacies super Vistula ita liquefacta, ut pedestri etiam nequaquam concederet transitum, necessitatem imposuit Regi *Cracoviani* ire volenti, mutandi propositum; cumque nihil aliud factu restaret, præterquam illuc se conferre, ubi aliquem comitatum posset habere, ne otiosus deambulare, divertit *Lublinum*, cujus claves Primarii Cives, duobus adhuc milliariibus distanti ultro obtulerunt (neque enim resistendi Suecis ullum habuerunt modum, utpote superiori anno a Moscis, & Cosaccis nimium exhausti) & gratiam Regis implorarunt. Quæ demissione illorum Rex devictus, *Salvæ Guardiam* illis dedit, & militem ab omni injuria ipsis inferenda cohibuit, receptoque fidelitatis Symbolo exiguis muneribus declarato, & juramento comprobato, *Zamoscium* versus contendit.

Quia vero in illis locis tantam desolationem invenit, ut ubi antehac Aulæ Nobilium
&

& frequentes Pagi fuerunt, non ex aliis signis id cognosci potuerit, præterquam ex tumulis cinerum; Rex Sueciæ cognita re ex iis, qui secum fuerunt, Polonis, Cosaccos, & Moscos auctores fuisse tam abominabilis desolationis; informatus præterea, hunc esse illis consuetum bellandi modum, omnia igne consumere, homines in captivitatem abducere, & dein cum Tataris pro equis concambiare; & ipse ex animo super iniquissima sorte Polonorum indolens, dixit, *se nunquam amplius illos in societatem armorum adsciturum, etiamsi aliquis argumentis infallibilibus ipsum asscuraverit, se auxilio illorum, universo Regno Polonia pro certo potiturum addens: quid lucri importabo, si terram hominibus, & ædificiis destitutam mihi tradiderint? nolo arboribus in sylvis, sed hominibus in ædificiis degentibus, & agros colentibus præesse.* Protinusque coepit de mittendo aliquo idoneo, & fido Legato, consilia miscere: tum inter ceteros commendat ipsi *Kienurycz Sanzelem Grondz-* *Gronski*
ki (quem ab ineunte ætate intus, & in cure *Svecorum*
noverat) quod in *Ukrajna* Adolescentiam suam *Legatus*
in Exercitu Quartano transigens, omnium loco- *ad Cosac-*
rum, ac itinerum sit bene gnarus, quod mul- *cos*
tos habeat sibi ubique notos, & quod majus, Legationis munere superiori anno ad Cosaccos a *Casimiro* perfunctus, cum *Chmielnicio*, & nonnullis Officialibus notitiam contraxerit, ac proinde audentius illum iter hoc suscipere posse,

se, quam aliquem alium; quod vero fidelitatem attinet, semetipsum Vadem pro illo obtulit. Quapropter etiam Rex sine cunctatione illum ad Cosaccos amandavit. Legationis autem summa fuit: 1.) *Postulabat, ne Chmielnitzki cum sua universitate, de sua erga Cosaccos propensione, aliquam inde concipiant suspicionem, quod cum illis hucusque non realem instituerit compositionem; super quibus initio confederationis aliquid fuerat inchoatum. Omnem enim sibi ereptam fuisse agrediendi operis, occasionem; siquidem tota hyeme negotiis in Prussia transigendis fuerit distentus: nihilominus tamen nunciandum: Se mense Januario Anni præsentis ablegasse Abbatem Atheniensem, Patrem Danielelem, qui utrum eo pervenerit, nec ne, sibi minime constare. 2.) Si quidem desideria Cosaccorum sibi non sunt cognita, se scire non posse, quali cum Instructione Commissarios exbedire debeat; sed potius Chmielnitzki per præsentem & scriptotenus, & viva voce postulata sua sibi significet, simulque locum, & tempus Commissioni peragenda designet. Quibus cognitis Rex Sueciæ ita sese est accommodaturus, ut nulla in re desit desideriiis Cosaccorum. 3.) Significandos successus rerum Regis Sueciæ tum in Prussia, tum novissime ad Golomb; quapropter sperare Regem, sibi non opus fore hæc æstate succursu Cosaccorum, cum etiam affulgeant aliqua media componendæ pacis cum Polonis, sine strepitu armorum. Quod si etiam spe sua*

sua hac in parte frustratus fuerit, comparasse sibi de facto tam validum Exercitum, ut ausit cum universis copiis Polonorum conflictum inire, idque cum spe victoria. Interim tamen si necessitas eulerit, & fuerit ea de re a se requisitus, ne recusent Cosacci sibi in auxilium venire; non prius tamen, quam fuerint vocati: cæterum felicissima quæque appenda.

Ipse autem Rex Sueciæ a Lublino Castra promovit versus Zamoscium, ibique subsistere in animum induxit; sed tum propter loca cœnosa, ubi vere ineunte currus ad axes usque inhærebant, tum propter defectum Commeatus, consilium mutare coactus, rursus Castra versus Jaroslaviam, & submontana loca, ubi erat major copia victualium, promovit. Quo cognito Czarnetzki, auctis notabiliter copiis suis, ex iis, qui derelicto Sueco ex Prussia regrediebantur, passum Regis impedire volens, occurrit ei circa Tomaszovv: sed quamprimum in conspectum illorum Sueci venerunt, statim disparuerunt, militibus illis qui noviter accesserant, pugnam detrectantibus, eo quod sibi ob oculos obversaretur Juramentum, quo se non ita pridem Regi-Sueciæ obstrinxerant, ac dicentibus: *Se nulla ratione arma in ipsum detorquere posse: Sufficiat Regi, ac Reipublica nos illum reliquisse: & siquidem præter Suecos sunt alii hostes Patriæ; contra illos nos paratos esse officium debitum præstare.*

Di-

Divertit itaque *Czarnetki* versus *Leopolim*, ubi fuit Rex *Casimirus*, ibique milites, qui in partes Suecicas præterito Anno desciverant, veniam deprecari, ab illo Juramento in solenni forma dispensationem obtinebant. Succus interim incolumis pervenit ad *Jaroslaviam* (relictis multis in via cœnosa curribus) ibique cum universo Exercitu suo, efficiente circiter duodecim Millia, commoratus aliquot diebus, relictisque ex parte aliqua militibus Generalem *Duglassum* expedit cum certa manu militum ad oppugnandam *Præmisliam*, ipse vero eodem loco permansit. *Duglassio* autem ad *Præmisliam* aliquot diebus commorante, irrita conatu, eo quod *San* fluvium, ibi præterlabentem, super quo his ferme diebus perfracta glacies, maximis cruentis demerare cœpit, transire nulla ratione potuisset, transfluvium autem subsistens, non multum damni potuit inferre obsessis; nihilominus Civitas in summo posita metu indefinenter sollicitabat Regem Poloniæ de suppætiis, sibi ferendis, sperans futurum, quam primum Sueci superassent dictum fluvium *San*, in manus, & potestatem illorum deventuram. Itaque submittit Rex *Casimirus* a Leopoli *Lubomirscium*, Marschalcum Regni, & *Czarnecium*, cum aliquot millibus selectissimi militis, qui loco sibi noto infra *Præmisliam* fluvium erant superaturi. De quorum intentione edoctus *Duglassius* ex quibusdam Captivis Polonis, asserentibus ipsum

ipsum Regem cum universa potentia sua (quæ revera erat non contemnenda, & rei veritate magis exaggerabatur) in persona venturum, & de summa rei armis decertaturum, Castra reducit versus *Radymno*, Civitatem sitam intermedio loco inter *Præmisliam*, & *Jaroslaviam* in campis patentibus: nunciando omnia Regi suo, eundemque monens, ut abjecta mora ibidem cum reliquo Exercitu admittatur, quo conjunctis viribus hostem suum tutius præstolari queant. Conveniunt itaque ab utrinque ad locum destinatum, & cum parato ad præliandum Exercitu, adventum Polonorum expectant; cum autem nullos adventare vidissent, expediunt aliquam Partiam versus *Præmisliam*, quo melius de intentionibus Polonorum informari queant. Tunc adfertur illis nuncium, Marschalcum una cum *Czarnecio*, siquidem ad *Præmisliam* non invenissent Succos, contendisse versus *Cracoviam*, superato fluvio supra Civitatem, ubi intermontes loco angusto nondum dimota erat glacies; Regem vero *Casimirum* cum utroque Generali, atque cum validis copiis stipendiariorum, & aliquot Palatinarum Nobilibus, sine mora venturum. Quod cum innotuisset Suecorum Regi, ille quoque sine cunctatione contendit versus *Sandomiriam*, ubi validum habuit præsidium, ut relictis ibi impedimentis bellicis expeditior redderetur ad eundem, quo res, & occasio posuisset; præsertim ad *Cracoviam*, quo ire jam

jam dudum apud se proposuerat, & quo ordinaverat, ut venirent novi delictus quatuor millia Militum ex Suecia submissorum. Totus interea tractus submontanus, incipiendo a *Sombor* usque ad *Sandecz* a Rege *Casimiro* ex Silesia illac redeunte, ad arma contra Suecos capienda concitatus, & noviter a *Marschalco*, & *Czarnecio*, in eodem proposito confirmatus, (præsertim quod Suecos dixerint in ejusmodi positos esse angustius, ut a tergo habeant sibi Regem *Casimirum* relictum in dies, in horas cum potenti Exercitu affuturum, & a fronte ipsum *Lubomirscium* cum *Czarnecio* progressum illorum retardaturos; (quod tanto facilius præstari potuit, quod aliquot fluvii in illo tractu versus *Cracoviam* transmeantes, exundatione sua Suecis obicem sint posaturi) jam erat in armis, intentissimus ad id, quoniam se Suecus convertere velit, & cognito eo, Suecum *Cracoviam* versus necessario ire debere, cui passum per *Vistulam* *Lubomirski* cum *Czarnecio* prohibuitur se promiserant, viritum insurgentes non solum Nobiles, verum etiam rustici, quasi Delphico Oraculo de victoria obtinenda certiores fuissent redditi, summa cum alacritate contendunt versus Civitatem *Tarnow* dictam, ibique edocti Suecos paulo inferius processisse, confestim illos insequuntur cum octo millibus hominum. *Lubomirski* vero cum *Czarnecio*, jam interea trajecta *Vistula* pervenerant ad *Sendomir-*
riam,

riam, id maxime in votis habentes, ut ea expugnata, tormentis, & alio bellico apparatu, nec minus Commeatu (quibus illi destituebantur, Sueci autem illuc ex omnibus adjacentibus Castellis tormenta, & omnem Commeatum ex diversis locis comportaverant) potiri possint. Cum autem Suecus ipse quoque a *Favrosavia*, & postmodum a *Lezaysko* similiter versus *Sendomiriam* contenderet, cepit illum illa submontana tumultuaria Polonorum manus ex sylvis infestare, volens eundem retardare: quo facilius Rex *Casimirus* cum universo robore suo supervenire posset. Sed Suecus alacriter in illos irruens cæsis circiter quatuor millibus, reliquos dissipavit, & præstita sibi ab alia parte omnimoda securitate, recta contendit *Sendomiriam* versus, quæ jam impetebatur a *Lubomirscio*, & *Czarnecio*. Perveniens Rex Sueciæ ad *Vistulam*, e Regione Arcis *Sendomiriensis*, non mediocriter suos, qui erant intus, adventu suo recreavit: mox pontem super scaphis (sive navibus onerariis ad instar *Triremium*) construere satagit; sed quia nec poterat habere sufficientes, siquidem valde late *Vistula* sese diffuderat, nec anchoræ jactæ in aquam fundum attingere poterant, profunditate fluvii superante remulcos, quibus alligantur anchoræ, nequaquam potuit id in effectum deducere.

Hæc Poloni prospicientes, ex altera ripa *Sendomiriam* oppugnantes, ac proinde videntes

S

illum

illum jam nulla ratione posse superare Vistulam, scientes præterea trans alterum fluvium dictum *San*, a *Leopoli* Regem *Casimirum* affuturum, a *Lublino* vero adventare validum Exercitum Lithvanicum, coeperunt lentius agere in oppugnatione *Sandomiria*, sperantes futurum, Suecum utpote integræ hyemis continuis laboribus, & maxime Vere appetente, molestia viarum enervatum, commeatuque eo in loco destitutum; inter duos fluvios autem, *Vistulam* nimirum; & *Sanum*, tanquam inter duos muros clausum, intra paucos dies ipsa rerum penuria interiturum.

Sed invenit Rex Sueciæ ex his difficultatibus sese explicandi modum: primum enim silentio noctis, submisit aliquot naves ad Arcem *Sandomiriensem* ipsi ferme ripæ fluvii adjacentem, ideoque ex illa parte nullis Polonorum excubiis custoditam, quod ipse fluvius accessum hosti prohiberet; demandans ut summo silentio assumpto secum commeatu, quantum navibus transportari posset, egrederentur; Arci vero aliquot in locis supponerent pulverem nitratum; quod etiam factum, Polonis nihil animadvertentibus. Die redeunte, dum nullum in Arce exaudiunt strepitum accedunt Poloni propius versus Portam, quam inveniunt patentem; tum demum cognoverunt Suecos aufugisse. Itaque nil adversi metuentes, veniunt intero, diripiunt ea quæ secum asportare non po-

potuerunt Sueci, imprimis legumina, quæ eo in tempore maxime præerant in precio, & omnibus anteponebantur spoliis. Dum certatim concurrunt Poloni ad arcem, incenditur pulvis, & cum maximo fragore illam diruit; quo in casu circiter 2000. Polonorum periere.

Hæc dum aguntur, alia itegum Sueco oboritur difficultas; nimirum, quod eo die aliquot millia Lithvanorum appulerint ex altera parte fluvii *San*, Castraque in conspectu Suecorum posuerint; Poloni his visis (in propinquo enim hæc erant) mororem, quo repleti erant ex sociis in arce amissis (quorum gemitus inter rudera, ad quartam usque diem exaudiebatur; aliorum vero corpora membris mutilata, & per campum disjecta passim inveniebantur,) jam deponunt, interim Regem Sueciæ, cum toto suo Exercitu pro certo in horas expectando. Et quia ipsi etiam videlicet *Lubomirski* cum *Czarnecio* eo loco diutius subsistere ob defectum commeatus minime potuerunt, quod etiam, & supervacaneum reputabatur, quandoquidem manifestum fuit Suecos nullo modo Vistulam superare posse, inde recesserunt. Postea *Lubomirski* cum *Czarnecio* ipsi in personis, trajiciendo Vistulam super cymbis, accesserunt Lithvanos, illosque de omnibus circumstantiis actis, & agendis informarunt, monueruntque, ut passum illum prohiberent Suecis; quod si mascule præstiterint, illos ibi pro certo

sepulchrum habituros. Atque in hunc modum rebus ordinatis, regressi sunt ad suos milites; cumque scirent aliquot millia Suecorum Cracoviam versus tendere, ex hac parte Vistulae, ubi & illi cum Castris erant constituti, ad illos profligandos properabant. Jamque Sueci Varavia pervenerant ad Civitatem dictam *Warka*, ubi nescitur quibus indiciis cognoverunt, in propinquo esse Exercitum Polonicum, & eo intellecto statim regredi coeperunt; ut autem Polonis ponerent impedimentum, quominus se subsequi celeriter possent, pontem ultra Civitatem super fluvio *Pilza* stratum disjecerunt, ibique duas cohortes pro excubiis collocarunt, ipsi interim lente regrediebantur.

Non multo post adveniunt illuc Poloni, inventoque disiecto ponte vehementer contristati, de illo reparando subito consilia ineunt: tam *Czarnecki* missis aliquot militibus ad diversa loca penes fluvium, ut quærerent commodiorem locum, si forte alicubi nudo superare possent illum, conquiescere suos aliquantulum iussit. Nec mora, recurrentes aliqui nunciant, se non procul ab eo loco invenisse transitum, ubi late quidem sese diffundit fluvius; sed ab utraque ripa non sit profundus, tantum in meditullio; ibique non late natandum esse; jamque unum atque alterum tranataste sine periculo, & regressum esse.

His auditis *Czarnecki*, Domini Fratres, inquit, quid sumus de construendo ponte solliciti, relinquamus hoc opus molitoribus; nos autem militari modo ne difficultemur fluvium hunc ingredi, cum certa superationis ejusdem, sine periculo, spe: Majores ego quondam, cum tyrocinia agerem in Moscovia, superabam fluvios. Hic quoque futurus sum vobis Dux, prout in arido ita, Et in aqua; cui immortalis gloria, cui incolumitas Regis, cui salus Patriæ cordi est, ne sequatur! His dictis atque fimbriis vestium sublevatis, & cingulo bene constrictis ingreditur aquam; sequitur illum tota multitudo, etiam cum hastis, tranataruntque feliciter fluvium, unico tantum submerso milite. Quia vero ad eludendos Suecos, reliquerant pari numero, prout illi fuerunt, h. e. duas Cohortes penes pontem, tum Sueci in excubiis collocati, videntes Exercitum recessisse, prout putarunt, ad Quartiria; illi contemptis iis, quos ante se cernebant, quod interficiente fluvio nocere sibi non possint quicquam, equis descenderunt, aliqui eorum decubuerunt, aliqui comederunt uno, & altero ad excubias relicto.

Interim Poloni ex improvviso, a Civitate, unde nihil metuebant, irruunt in ipsos, atque tanquam indagine clausos, cædunt omnes ad internecionem, ita, ut ne unicus quidem superesset, qui nuncium cladis suo Generali adferre posset. Assumptisque illorum vexillis,

aliqui vero etiam vestibus caesorum induti, subsequuntur eos, qui praecesserant Suecos, quos illi ex longinquo cernentes, atque suos esse rati lentius procedere coeperunt. Interim Poloni post illos propius accedentes, beneficio autem cujusdam sylvae, penes quam Sueci procedebant, adumbrati, subito resonantibus tubis, & tymbanis, impetum in illos faciunt: primi omnium tres Cohortes hastatorum, disruptis illorum Ordinibus, caeteris viam patefaciunt; insubuitur conflictus. Sed Sueci inopinato illo casu consternati, majori ex parte caduntur, reliqui capiuntur, ita ut pauci admodum ex antecessoribus cohortibus elabi, & Varsoviam confugere potuerint. Inter Suecos inventi sunt Legati Principis Georgii Rakocii, nempe *Franciscus Sebesti*, *Nicolaus Jakob-Falvi*, & tertius *Kosakowski*, natione quidem Polonus, sed jam Transylvaniae incorporatus, qui ex vestibus agniti, quod sint Hungari, capti incolumes, ob respectum autem Principis vivi conservati; ad Regem *Casimirum* una cum captivis Suecis, Leopolum remissi: qui tandem ad instantiam ejusdem Principis, libere dimissi.

Rex vero Sueciae in illis angustiis relictus, videns Lithuanos ad hostem non esse attentos, sed erectis duabus munitionibus, illucque attractis ternis tormentis, ac impositis peditibus, atque totum robur suum in illis collocando, plus julto esse securos; atque totum ferme equi-

equitatum primo mane excurrere pabularum, & nonnisi circa vesperam redire, putans hoc sibi salutem allaturum, si illa fortalitia, sive munitiones obtinerentur, alloquitur milites suos hoc modo:

In quanto versetur discrimine rerum, non est cur vobis, o milites stremitissimi, exponam, siquidem res est oculis exposita; commensus defecit nos; a tergo sylvae ad aliquot millaria sese extendentes, in quibus praeter ligna, & arenam reperitur nihil; a sinistra parte fluvijs impenetrabilis, a dextra alter. Hic quidem superatu facilior, sed obicem ponunt illi aliquot pedites, pro praesidio huic munitioni impositi. Hic vero quanto longiorem egerimus moram, tanto majus nobis accelerabimus periculum; hostes namque in dies accumulatur, nostrae autem atteruntur vires, & verendum, ne quod praestare non potuit hostilis gladius, praestet hoc infestissimus omnium mortalium inimicus, Fames; & ad extremum: ne nos cunctatio deducat ad interitum. Unica, o Milites, in Dei Protectione salus, & Vestris victricibus dextris est posita. Deum nobis Propitium fore, toto credo corde: Vos etiam praestituros id, quo summo opere opus est, minime despero. Ex illis Fortalitiis disjiciendi sunt defensores; fortalitiaeque occupanda; sic nobis evadendum de praesenti periculo; illac aperitur via. Revocate solum vobis in memoriam, vos multo magis ardua sapientius praestitisse; sic & hoc vobis non

erit impossibile. Qui autem hocce præstiterint, præmia a me expectent singuli singularia. Si aliqui ignobili loco nati, nobile hoc subverine facinus, nobilitate exornabuntur. Si vero Nobiles fuerint, aliis donis cohonestabuntur. *Arite! tentate! hoc si vos, prout spero, præstiteritis, ego reliquum saluandi vos in me recipio onus.*

Tum aliqui milicum: *Ecquid Rex Augustissime longa opus est apud nos Oratione? impera solummodo, & experieris, jussa Tua apud nos ipsa vita esse potiora.* Tum Rex: *Tale ego a vobis, o Milites! expecto semper responsum; spero autem votis meis etiam alacritatem vestram responsuram. Conscendite hæc naves, qui sunt Vestrum audacissimi; qui vero navigationis periti, remis contendite, & clavum dirigite, atque ad hæc fortalitia properate. Ego interim globos ex tormentis in turmas hostium explodi jubebo. Et mox adhibita præparatione jussa exequentes conscendunt naves, obvertunt proram ad hostem, quæ omnes in se jactos excipit globos, dum propius accedunt, jam non amplius defensores fortalitorum nocent; Sed potius illi qui in navibus, quoscunque conspiciunt, deturbant; explosione interim tormentorum ex Castris Suecorum, accurrentibus ad defendenda fortalitia, magnus incutitur terror. Egrediuntur de navibus in terram Sueci, pugnant fortissime, utpote ii, quibus non gloriæ solum, sed & salutis acquirendæ erat propositus scopus.*
Nec

Nec mora: dissipantur ex fortalitiis Lithvani, succedunt Sueci; quibus occupatis, tormenta etiam quæ ibi reperta, contra referta Lithvanorum ad defendenda iterum fortalitia concurrentium agmina, convertuntur. Ex Castris etiam indefinenter explodendo tormenta, omnem succurrendi illis eripiunt facultatem. Naves vero regressæ plures adportant: donec Lithvani hoc insperato malo percussi, Castra etiam reliquerunt; tum demum trajectis equitibus, curribus vero, & aliis omnibus impedimentis impositis navibus, ipse cum equitatu terra, illi vero aqua, tali procedendo passu, ut intra horam conjungi possent, quoties necessum foret, Varsoviam usque Exercitum suum deducit incolumem. Illuc perveniens permutato milite, scilicet agris omnibus, vulneratis, simulque scissis (nec non Matronis, quæ multæ fuerunt in castris) relictis Varsoviæ, in locum autem illorum recentibus assumptis, ulterius contendit, subsequi volens *Czarnecium*, qui in majorem Poloniam summa celeritate excurrens, atque incolas locorum illorum ad fidelitatem Regi *Casimiro* debitam revocans, simul ad latus Regium convocans, nullibi Suecos expectavit; sed modo in hanc modo in alteram partem deflectens, omnem confligendi secum evitavit occasionem. Quod videns Rex Sueciæ militi suo aliquam quietem concessit. Audiens autem Principem Brandenburgicum a Polonis sollicitari
ad

ad defectionem a Sueco, & omnino illum jam magna ex parte nutare, intermissis aliis intentionibus, in Prussiam se contulit, ad confirmandum in confederatione nuper inita Principem; quod ipsi optime successit. Nam non tantum dictum Principem confirmavit, verum etiam undecim millia militum ab illo reipfa obtinuit.

*Gronds-
kii Lega-
tio*

Hæc dum agebantur ablegatus a Rege Sueciæ ad Cosaccos, perveniens ad *Czehryn*, ibidem commissa fidei suæ exponit: quibus exauditis Cosacci, vitio vertebant Regi, quod nimium confideret militibus Polonicis, quodque recesserit a Cracovia in Prussiam priusquam statum suum per omnia stabilivisset. Cum autem per exploratores suos intellexissent, qualiter a *Jaroslavia* retractus fuisset versus majorem Poloniam, non suaserunt ei per eandem, qua ad se venerat, redire viam, (idque tanto magis, quia eo ipso die, quo ille *Czehryn* pervenerat, vesperi, Legatos Regis *Casimiri*, quorum unus erat *Aysza*, alter *Redgowski*, ad se missos, ut pertentarent animos Cosaccorum, si forte reconciliari Regno volent, non sine contumelia dimiserunt, nullo in scriptis dato responso, sed oretenus exprobrando fraudem Polonorum, quod eo ipso tempore, quando Legatus Regis *Luborvitzki* succursum aliquem a Cosaccis sollicitabat, Tataros contra se advocaverint. Ideoque jussi sunt confestim recedere, quod

quod amplius nihil negotii habere velint cum Anno Rege. Quia vero isti Legati una cum *Grondz-* 1656
kio aliquot diebus itinerabantur, & de ipso omnia sciverunt, verendum erat, ne ipsi redeunti infidias stuerent; itaque direxerunt illum per Moldaviam (quo aliquot tantum ante adventum ipsius ad se diebus expediverant Patrem *Danielem*, ejusdem Regis ad se Ablegatum) recommendando eundem per Litteras Principi Regni illius *Stephano Gorgica*, ut prospiciens illi de omni commoditate, transmittat ad Principem *Rakocium*; hunc quoque per Litteras suas amicabiliter requirendo, ut, tum Patrem *Danielem*, tum *Samuëlem Grondzki* curet secure deduci Cracoviam, ad *Wirtzium* Regis Sueciæ Commendantem. Adhibita itaque celeritate *Grondzki*, dictum Patrem *Danielem* assecutus est *Jassini* in Moldavia, & ibi conjuncti pervenerunt ad Principem *Rakocium* Albam Juliam 10. Maji. 1656. Sed quia Princeps *Rakocius* optime scivit, quibus rerum vicissitudinibus Rex Sueciæ fuerit intricatus, & quam peregre regressus: præterea quod omnes viæ ab Hungaria ita fuerint obsessæ a Polonis, ut Legatos Suecicos Cracoviam secure expedire nequaquam posset, illos apud se aliquantulum detinuit. Cum autem in dies pejor fama de successibus Regis Sueciæ adferretur, Pater *Daniel* regressus est usque in Moscoviam, & inde, tandem Anno sequenti ad Regem, *Grondz-*

Grondzki autem remansit cum *Rakocio*, invigilando in commodam redeundi domum occasionem.

Rege Sueciæ partim in majori Polonia, partim in Prussia commorante, Rex Poloniæ *Casimirus*, congregato ingenti Exercitu, qui efficiebat centum millia armatorum, præter Tataros, qui cum omnibus myriadibus suis in succursum Regis Poloniæ venerant, promovit Castra ad *Varfaviam*, utpote Metropolim Regni (ad quam defendendam præter alios ibi jam dudum collocatos Officiales, *Cracovia* adductus est *Wittenbergius*, Vir in defensione Fortificationum expertissimus, & rebus heroice gestis celeberrimus) illamque arctissima obsidione cinxit.

Legatio
ad Prin-
cipem *Ra-
kotzi*

Eodem tempore idem Rex *Casimirus* ex consensu totius Regni, ablegavit ad Principem *Rakocium* solennes Legatos, nimirum Reverendum *Prazmowski* (tunc quidem Referendarium Regni, qui successu temporis evehctus est ad Archiepiscopatum Gnesnensem) & *Gabrielem Silnitzki*, qui pervenerunt ad Principem tunc Albæ Juliæ degentem die 15. Maji, per quos postulabat a Principe, ut vel ipse cum Exercitu suo in succursum Regni veniat, contra hostes, a quibus Poloni infestabantur: nimirum contra Suecos Moscos & Cofaccos; vel saltem validum aliquem Exercitum mittat; vel denique, si neutrum horum facere possit, aliquam

no-

notabilem pecuniæ summam velit mutuam dare Regno Poloniæ, in qua vectigalis loco, in instanti offerebant Principi *tredecim Civitates Sce-* *Tredecim*
pussenses; præterea promittebant eundem Prin- *Civitates*
cipem, durante adhuc vita *Casimiri*, in Re- *scopusen-*
gem suam eligere; post Fata vero *Casimiri*, *ses pigno-*
sine ulla disquisitione in Regnum assumere, at- *ri offe-*
que coronare. Quod si contingeret Principem *runtur*
Georgium Rakocium e vivis excedere prius, quam *Rakotzi*
Casimirum, id totum Filio etiam suo *Francisco* offerebatur: Eo tamen addito, ut amplecteretur Religionem Romano-Catholicam. Atque quo securiorem reddere possent in suis promissis Poloni Principem *Rakocium*, Filium ipsius Rex cum Regina in proprium Filium ex annuentia universi Regni adoptare voluerunt. Cumque in hoc tractatu aliqua præliminaria ex utraque parte instituta fuissent, alter Legatorum nempe *Gabriel Silnitzki*, regressus est ad Regem, quid constitutum fuerit, relaturus: Primarius autem Legatus *R. Prazmowski* remansit apud Principem, expectans responsum.

Interim *Varfavia* a Rege *Casimiro* acri op- *Varfavia*
pugnatione fatigabatur. Sed quia non sola tan- *a Casimi-*
tum intra moenia Civitas præsidio Suecico *ro*
erat munita, verum etiam aliquot Curie Magnatum, quæ ad instar Castellorum in suburbiis antiquitus fuerant constructæ, in quibus singulis expugnandis multum difficultatis subeundum erat, ideo oppugnatio illius protracta est

est per 20. septimanas, cum tamen tam valido Rex *Casimirus* instructus fuisset Exercitu, militibus suis oppugnationem valde strenue subeuntibus; jam omnia illa Castella, (Suecis defendere illa amplius non valentibus, ideoque ex uno ad aliud, & tandem in Civitatem sese recipientibus) obtinuerat; sola tantum Civitas expugnanda restabat: cujus etiam ultima moenia jam a Polonis partim malleis quatiebantur, partim suffodiebantur. Quibus rebus nihilominus *Vittembergius* minime animo fractus, pertinacissime strenuam valde, & continuam oppugnationem sustinebat. Nec ullos tractatus, ad quos nomine Regis Poloniae invitabatur, acceptare voluit; pro ultimo reclinatorio adhuc sibi reservans, (in quantum totam Civitatem tueri non posset) *Arcem & Templum*, optime variis modis utrinque munitum; quorum defensionem tanto expeditiorem sibi pollicebatur, quod jam omnes praesidiarios, haecenus ad diversa loca divisos, ad haec duo propugnacula contrahere ipsi restabat. Caeteri tamen Officiales Suecici, res plane desperatas cernentes, & de Rege suo quid secum agatur, nihil scientes, non alieni fuerunt ab honestis Tractatibus. Sed *Vittembergius* nec mentionem quidem eorum coram se fieri voluit. Tandem praecipuae Matronae, quae ibi remanserant, imprimis vero Conjux Generalis *Duglassii* accedentes Principem *Benedictum Oxenstirni* incio *Vittembergio*, cum maximo ejulatu

rogarunt, ut non gerendo morem proposito *Vittembergi*, qui cum & senex sit, nec Uxorem, nec liberos ullos habeat, nihil curet, etiam si illi Varaviae occumbendum foret, dummodo, utut extremo omnium discrimine, gloriam nomino suo quaerere possit; tangatur compassionem illarum, atque dum adhuc Poloni offerunt Tractatum, illum non respuat; cum certissimum sit, si, contingeret Polonos vi irrumpere Civitatem, illos nec aetati, nec sexui parafuros; sed sanguinem suorum sociorum in oppugnatione peremptorum, sine ulla misericordia vindicatu-
 ros. Quapropter *Oxenstirnius* cum aliis minoribus Officialibus communicat consilia, quid sit faciendum? Placuit omnibus, tutiora potius consilia esse sequenda, ac proinde non rejiciendos tractatus. Cum tamen persuasum haberent *Vittembergium* super eo Consilio nequaquam consensurum, constitutum est, ut invitaretur ad *Oxenstirni* (ille enim erat dignitate prior) quo postquam venit, conclusionem suam declararunt illi. Qui dum cum maxima indignatione contradicere vellet, responsum est illi: Ipsum haecenus egregie perfunctum Officio suo, nunc tandem *Oxenstirni* auctoritatem suam velle usurpare, nec permissurum Commendae ipsius militem; sed quod visum est omnibus, excepto solo *Vittembergio*, id exequuturum; & sic illo quasi arresto constricto, Polonis singulis ferme horis, praecipue post singulos assul-

tus, Tractatus offerentibus, cum maxima omnium malorum comminatione, si Civitas vi capta fuerit, nunciarunt, se non alienos ab honestis Tractatibus; de quibus postquam nonnihil parte ab utraque disputatum est, tandem compactum his conditionibus fuit:

Pacificuntur Sueci *Sueci omnes captivos quos haberent, quacunque occasione acquisitos, relinquerent incolu-*
cam Polo- *mes (inter quos præcipuus fuit Stanislauski*
nis Var- *ad Golomb captus) commeatum nulla ratione*
savia *dissiparent; quin imo, & prædam omnem in Re-*
gno Poloniae comparatam restituerent. Exeundo
autem nullum malum dotum adhiberent; præcipue
vero pulveres ne alicubi recondere ad excitandum
incendium præsumerent. Qui autem nunc dimittuntur,
eorum nullus intra decursum trium Men-
sium contra Regem Poloniae arma sumat.

Pro parte vero Suecorum: Omnes Suecicum Officiales, tum gregarii milites, cujuscunque Ordinis, nec minus omnes matronæ, cum omnibus bonis suis ex Suecia allatis libere dimittantur, & milites quidem cum expansis vexillis, tympanis resonantibus, tubis clangentibus, & funiculis sclopetorum ardentibus. Matronæ autem, tum & Officiales, quibus non essent equi, milites item saucii, aut agroti cum suis sarcinis & bonis, navibus Torunium usque deducantur: & his omnibus victualia super iisdem navibus sufficienter subministrentur. Et hæc quidem omnia, a parte Polonorum, Juramen-

to Regis, Senatorum, qui ibi aderant, & ex Palatinatibus aliquorum Officialium; a parte vero Suecorum, *Oxensternii, Vittembergii*, item Consiliarii Bellici, cujus nomen memoria excidit, *Petri Hamerschild* Generalis Equitum, & aliorum Capitaneorum & *Roth-magistrorum*, confirmata sunt. Sed postmodum cum ad salutandum Regem, & Senatores Regni, jam tradita in potestatem Polonorum Civitate, dicti Officiales accesserunt, in parte sunt violata. Quatuor namque primarii superius recensiti sunt detenti, rejecta causa ejus rei in milites, omnes in acie paratos irruere vi in Suecos, nisi detinerentur prædicti Officiales; cæteri nihilominus sunt dimissi.

Obtenta hoc modo Rex Poloniae de manibus Suecorum *Varavia*, superflua auxilia Principis *Rakocii* censendo, spe enim magna lactabatur, se bello Suecico ope Tatarorum posse finem imponere, Legato suo apud Principem commoranti Reverendo *Præmorio*, per Collegam ejus *Gabrielem Sibirski* nunciavit, ut rediret, quandoquidem in submittendis sibi auxiliis tergiversaretur *Rakocius*.

Ex altera vero parte Cosacci per Legatos suos sine intermissione sollicitant Principem *Rakocium*, ut secum potius contra Polonos pro Suecis conjungeret arma.

Eodem tempore a Suecis etiam supervenientes Legati *Henricus Cælestinus de Strenbach*,

& *Gotthardus Vellinus* similiter omni conatu sollicitabant eundem Principem ad societatem armorum. Sed Princeps *Rakocius* dubius animo quid facto opus sit, de die in diem differebat expeditionem Legatis utriusque gentis, dandam; donec vidisset qualiter sibi inchoati cum Polonis successissent Tractatus. Sed accepto illo nuncio a Rege per *Silnicium* declarato, nimium illo offensus, cepit alacrius cum Suecis & Cosaccis tractare. Regresso itaque ad Regem Reverendo *Praximovio*, prout remansit apud Principem *Silnitzki*, quali ex longo itinere aliquantulum conquieturus; re autem vera observaturus, qualiter cum Suecis & Cosaccis procedere vellet *Rakocius*.

cum Sue-
cis, & Co-
saccis
tractat

Postquam Poloni, prout expositum est, receperant *Varsaviam*, magna Pars Palatinatum, tædio longæ moræ ibidem insumptæ, non sperantes hoc Anno aliquid magni gerendum fore; sed potius cæteras quoque Civitates, ac Fortalitia, quæ præfidiis Suecicis tenebantur, simili interveniente concordia, in manus Regis deventuras, domum redierunt. De Rege enim Sueciæ, quod tam longo temporis spatio nihil auxilii dederit obsessis, variæ inter Polonos erant Sententiæ, & varii adferebantur rumores. Alii dicebant illum ex desperatione in morbum incidisse, & eodem extinctum esse: alii illum cum paucis incognite comparandorum auxiliorum gratia, in Sueciam regressum esse: alii a Prin-

cipe

cipe *Brandenburgico* in aliqua Civitate Prussiæ arresto constrictum.

Sed hæc omnia longe aliter se habuisse brevis docuit dies. Interim Rex Castiæ, sua relinquentibus quam plurimis, ex illis Officialibus Suecicis tres remisit *Zamoscium*; *Oxensternium* tantum, quasi esset nimium æger, penes se detinuit.

Interjectis paucis post captam *Varsaviam* diebus advolat fama, Regem Sueciæ cum valido Exercitu adventare: ac proinde illi etiam, qui ex Castriis dimissi erant Nobiles, revocantur, & aliqui illorum regressi. Rex vero Sueciæ confirmatis noviter cum Principe *Brandenburgico* pactis, ac proinde vigore eorundem obtentis ab illo duodecim millibus armatorum, incensius adhuc quid actum sit *Varsavia*, ad suppetias ipsi dandas, quantum fieri potuit, properat; cumque appulisset prope *Novodvor*, aliqui ex Castris ipsius pabulatores vident trans-*Vistulam* aliquas Cohortes Suecicis simillimas, in campo dispositas, nunciant id subito Regi suo, qui confestim jubet aliquos quærere modum tranatandi *Vistulam*, promittens notabile præmium ei qui rite cognoverit, quid rei sit? itaque duo arrepto aliquo lintre, sub Vesperam trajiciunt *Vistulam*, & silentio noctis furtim ad illum locum ubi viderant substitisse Cohortes, deveniunt, ingressique inter equos ad pascua dimissos, ibidemque auscultando, audiunt sua lin-

Rex Ca-
rolus ma-
jor cum
advocatu
venit

T 2

gua

gua loquentes, accedendo propius interrogant eujusnam cohortis fuerint, & ex responso cognoscentes illas esse, quæ fuerant *Varsaviæ* relictae; properant ad Officiales; illisque dicunt, se missos esse a Rege cognitum, qualesnam essent Cohortes istæ, simulque monent, ut secum mittant idoneum aliquem, qui de omnibus rebus sciret relationem facere Regi. Mox consensa navicula redeunt ad Castra, atque de omnibus rebus Regem edocent: qui indoluit quidem rem ita evenisse; nihilominus tamen iter, ac propositum suum continuare decrevit. Cognito vero inter cætera eo, quod juramento sint obstricti, non debere se bellare contra Regem Poloniæ per tres menses, iussit illos quam citissime ire *Toruntum*, ibique manere, alios vero quos ibi reliquerat, ad se accersivit.

Dum in Castris Polonicis confirmatur fama de adventu Suecorum, mittit *Casimirus* Legatum Regis Galliarum, dictum *Devancour*, ut Regem Suecorum ad pacificationem induceret, qui postquam ad illum pervenisset, exceptus quidem est humanissime; nihilominus tamen ægre id ferebat Rex Suecorum, quod cum ad Regem Poloniæ primo statim vere venisset, ad se tamen venire neglexisset: sed multo magis illum urebat, quod contra fidem datam Officiales illius detinuisent Poloni. Omnia tamen dissimulans dixit: se deliberaturum, quid sit faciendum, interim summo cum honore illum decernit,

nuvit, donec milites illi, quos expectabat *Thorunio* ad se venissent. Postea coepit Castra promoveri. Demum urgente Legato Gallico resolutionem, responsum dedit: *Equidem se ex animo velle, ut secum quoque tam diu commoretur, prout commoratus est cum Rege Casimiro, & se diligenter prospereturum, ne ullius rei defectum pariat; interim si magis ipse placet cum Casimiro manere, se reluctantem minime detinere velle.* Quod vero Tractatus aliquos attinet, quomodo, inquit, cum tam perfida gente, quæ jam aliquoties datam fidem violavit, prout nunc etiam ipse Rex fecit, detentis hominibus meis? & qua securitate aliquos inire Tractatus? Vindicandum mihi prius est perjurium contra Deum, & contra me commissum; ita postea fieri potest me ad Tractatum accessurum. Cum his dimissus Legatus Gallicus abiit ad Polonos, & exposuit coram iis omnia, prout erant in re.

Rex autem Sueciæ quantum fieri potuit, maturabat adventum. Poloni quoque audita relatione Legati Gal. statim coeperunt Exercitum suum trajicere ultra Vistulam, ituri in occursum Suecis; sed necdum pontem transiverant omnes, Rex Sueciæ Castra admovens, fixit eadem ex opposito armamentarii *Varsaviensis*, (quod ipsi magno damno cessit) & mox abjecta cunctatione pugnatur de loco Castrorum. Sed primas velitationes nocte dirimente, reducunt utrique copias suas in Castra.

Interim Tataři more suo solito turmas suas circumducunt. Sequenti die renovatur pugna primo mane aperto Marte, Tataři autem a parte posteriori invadunt Suecos; sed invenerunt illos ibi quoque paratos, qui proxime admissi, primum quidem tormentorum minorum globis creberrime emissis dissipati, postea ab insequentibus se Suecis, & viam per quam venerant, præoccupantibus, in paludes uliginosas conjecti; ubi cum equis non aliter, ac si aviculæ super visco hærentes, plurimi interimebantur, & paucissimi, atque illi etiam non sine vulnere inde evaserunt: maximamque vel illis ipsis fatentibus ibi passi sunt stragem. Sed ex altera parte Sueci quoque non minus senserunt danum. Regina namque Poloniæ ex Arce egressa versus Armamentarium, ut inde pugnantes utrumque Exercitum trans Vistulam contempleretur: viso eo, quod ex quodam loco Armamentario proxime adjacente; posint optime ex tormentis peti agmina Suecorum Vistulæ proximiora: mox propriis ex carpento suo solutis equis, jubet illuc adtrahi unum, & alterum tormentorum, ac dirigi contra Suecos, atque experimento capto hac ratione multum damni illis inferri, plura adhuc curat admoventi, ex quibus continuo illos infestando, sola plus damni intulit Suecis, quam universus Exercitus Polonorum, Quod maximum subito avertere a se nequiverunt Sueci; quia

ex omnibus partibus acerrime impetebantur, neque locus illis, quo se subducere possent, concedebatur. Interim pugnam nocte interrumpente, aggere ab illo loco sese muniverunt, & secutos se ab illo impetu reddiderunt. Sequenti die iterum instauratur prælium, pugnatur ex utraque parte strenue, multis utrinque cadentibus, loco tamen minime cedentibus: ita ut difficile fuerit judicare, utri partium Marsnaverit magis: tandem nox dirimit huncce Martialem ludum, redeunt utrique ad Castra.

Suecus vero noctu ad sylvam quandam sibi ad sinistram partem adjacentem, partem pedatus introduxit. Rursus die adveniente, primo statim mane utraque pars parat se ad pugnam; Exercitus educuntur in campum; instituuntur velitationes. Interim Rex Poloniæ cum suis Consiliariis bellicis consultat, quam novam arte sibi sit cum Suecis utendum? Siquidem jam biduo in cassum sit laboratum. Quem Actum Rex Sueciæ intentissime per tubum Opticum observabat. Ecce autem non multo post, adducitur ei captivus, quem cernens Rex nimium conturbatum, erigit dictis suis, non esse sibi metuendum, cum non in manus ethnici alicujus inciderit: ideoque debere se simile tractamentum expectare, quale antehac experti sunt captivi alij, dummodo dicat sibi ingenuus, quid fuerit conclusum in illa consultatione; quod si detrectaverit, jam durius cum illo agendum

Accepra-
lium fit
inter Po-
lonos, &
Suecos

dum esse: quod tamen non Regi, sed tempo-
ris occasione, quæ requirit, ut Hostium cognos-
cantur intentiones, & suæ imputet contuma-
ciæ. Tum ille non multum cunctatus, retulit:
Conclusum esse, ut totis viribus impetum fa-
ciant in dextram alam Suecorum. Dicit Rex:
Sufficit mihi hoc scire. Quia vero in illa ala
collocati erant soli *Brandeburgici* milites, sta-
tim cœpit suspicari, alterutrum horum duo-
rum subesse: vel Polonos habere aliquam taci-
tam cum Prussis correspondentiam; vel saltem
persuados esse, eos, utpote noviter factos socios,
non ita fortiter resistere paratos; quibus per-
fractis facilius & ipsos Suecos dissipare possint.
Præcavendo itaque utrique malo, subito per-
mutat phalangem: deducit ex eo loco Prussos,
& substituit suos; in altera ala vice versa fa-
ciens. Ne vero illud a Polonis animadvertere-
tur, educit ad velitationem plures. Dumque
opus illud finivisset, ipse propter animandum
militem suum ibidem remansit. Interim Poloni
præcipue hastatorum Cohortes, tum Polono-
rum, tum Lithvanorum circiter mille cum du-
centis, faciunt vehementissimum impetum in
illam alam, ubi sperabant fore Prussos, inve-
nerunt autem Suecos, sed & in illis magnam
ediderunt cladem, & prostratis multis in prima
& altera linea collocatis, provolant usque ad
tertium Suecorum ordinem: ubi ipse quoque
Rex hasta in manum tactus, & nisi Heros ali-
quis

quis Regi proximè astans, Polonum illum re-
cta in Regem ruentem globo trajecisset, equo
etiam deturbatus fuisset, sit perturbatio inter
Suecos magna; nihilominus quia in locum cæ-
sorum, & dissipatorum, subito substituti sunt
alii, & quod ab illis Suecicis peditibus in sylva
collocatis valde impetebantur Poloni, (extur-
bare autem illos non facile poterant, quia equi-
tes explicato cursu invadere nequiverunt, pe-
dites autem Polonici in patenti constituti, fa-
cillime ab illis, qui arboribus appliciti suos ex-
plodebant sclopos, rejiciebantur) iterum re-
trocedere coacti, & quidem non sine notabili
damno. Suecis sumpto animo acerrime instan-
tibus, præterea peditibus illis, & continua ex
acie Suecorum explosione, omnia agmina Polo-
norum summo opere perturbantibus. Si tamen
(fatente ipso Rege Sueciæ) reliquæ cohortes,
& Legiones cum tanta resolutione, prout ir-
ruebant Hastati, subsequutæ fuissent, & aliqua
Polonorum pars ad sinistram quoque alam dire-
cta fuisset, non multum ambigere de victoria
potuissent. Sed hoc primo impetu frustrati, &
quod plures non haberent hastatos, reliqui re-
missius cœperunt agere; nihilominus quia mul-
titudine prævalebant Poloni cum Tataris, pro-
tracta est pugna æquo Marte usque ultra Me-
ridiem: Tum primum Tatarum detestantes valde
illam crebram tormentorum explosionem, cœ-
perunt recedere, dicentes: *Licha stara puszka,*
hoc

Poloni fu-
ge se
committunt

hoc est, mala sunt senilia, sive antiqua sclope-
ta; & tantum prospiciendo eminus, totum il-
lud periculum voluerunt detrudere in solos Po-
lonos. Et quamvis sollicitarentur a Polonis,
ut adhuc impetum facerent in Suecos, suare
id minime voluerunt, respondentes, sibi jam de-
fecisse sagittas, cum frameis autem propter il-
lum boatum nil posse nocere Suecis. Quo vi-
so, & audito nonnulli Polonorum, Tataris sese
adjungunt, & jam remotiori ab ictu loco pro-
spiciunt, quid alii agant: aliqui vero cernen-
tes, quo res inclinaret, dum Tataři totaliter
pugnæ se subducunt, monent Regem tacite, ut
quasi aliud agendo salutis suæ tempestive consu-
lat. Cumque Rex & ipse expavescens cum
paucissimis sibi adjunctis, demisso signo prætoria-
no, ne id animadverterent alii, sese convertis-
set versus Pontem, mox unus & alter, quam-
vis non jussi cœperunt subsequi Regem, &
consequenter plures, ut jam speciem fugæ re-
præsentarent. His visis alii, atque alii simili-
ter faciunt, & postmodum cœteri in fugam
convertuntur, quos Sueci insequi minime tar-
darunt: & derelictis quidem illis qui cis Vistu-
lam cum Tataris fugam arripuerunt, atque va-
lida legione circa pontem in omnem casum col-
locata, expeditiores Sueci, eos qui trans pon-
tem versus Varsoviam contendebant, prose-
quuti sunt: tamque acriter instabant, ut in-
trandi in Civitatem, & Arcem, aut ibi com-

mo-

morandi Polonis non fuerit concessa facultas.
Sed qui celeriori insidebat equo, prior esse cu-
piebat, paucis Regi assistentiam præbentibus.
Ultimum agmen fugientium claudebat Senex
Stanislaus Potorski Generalis Exercitus Regni;
qui & sustinendo nonnihil insequentium Sueco-
rum impetum, Regem ad tutiora deduxit lo-
ca. Sueci vero hostibus suis dispulsis, & capta
iterum eodem momento Varsovia, in illaque
recepto *Benedicto Oxenstiern*; eo, quod sunt
consequuti, contenti, non longe ultra subur-
bia, fugientes sunt subsequuti: cum etiam im-
possibile sit, ut prægrandes illorum equi Polo-
norum pernicissimos assequi queant.

Progressus a Varsovia Rex *Casimirus* ad
Civitatem *Casimiriam*, desperans de subsidiis a
Principe *Rakocio* per Legatos petitis, mittit
ad Ducem Moschorum Legatum cum hocce po-
stulato, ut supersederet a bello sibi inferendo,
promittens cum Cosaccis ipso mediante honestis
conditionibus reconciliationem inire, præterea
Filium ipsius post fata sua in Regem electum
iri.

*Casimi-
rus Mo-
schorum
amiciti-
am
querit*

Hæc dum ad Varsoviam sunt acta, quidam
eorum, qui ante annum invitabant Principem
Rakocium ad Coronam Regni, actum hunc nun-
ciando dicto Principi exaravit Litteras de data
in *Warka*; quæ inde *Claudiopolim* usque sexta
a data allatæ sunt die: quarum tenor fuit ejus-
modi:

Cel-

Litteræ
ad Ra-
koczium
missæ

Celsissime Princeps! Quam sit inconstans fortuna, simul & alea Martis, & quam subito felices mortalium successus adversissimis misceantur rebus, si cui hactenus non est cognovisse datum, nunc hoc reipsa afflictissima nostra experitur Patria. Ecce enim Varsoviam, quam multo cum temporis, & cruoris dispendio ante paucos dies de manibus Suecorum recuperaveramus, nunc iterum post triduanam illamque atrocissimam Marte nobis adverso pugnam, illis eandem jam dereliquimus. Adest itaque tempus ut Illustrissima Celsitudo Vestra more generosæ Fera, de antiquis egrediens tesquis, atque vires, quas universus Christianorum admiratur Orbis, circumspiciens suas, id quod jam dudum in animo concepit, edere in lucem feliciter, non intermitrat. Neque vero differat, nullius namque rei, quam temporis jactura est major. Cæterum, felicissime valeat.

Et hæc quidem Epistola adhuc alterum Regis Casimiri Legatum, nempe *Gabrielem Silnitcki* in Aula Principis commorantem, & Actiones Legatorum Regis Sueciæ, & Cosacorum observantem, reperit: cui tamen Princeps, dissimulans se aliquid novi ex Polonia accepisse, nequaquam id aperuit, expectans quid sit ipse factururus. Interjectis aliquot post allatas illas Litteras diebus, adferunt etiam *Silnicio* Epistolas, unam a Reverendo *Prazmowio*, qua illum simpliciter ab Aula Principis re-

vo-

vocat, addens, Regem vitio vertere, quod ibi remanserit, alteram ab Uxore, quam Princeps (per illius enim veredarium allatæ fuerant) retinuit, & sibi perlegi curavit: quæ historice descripsit, quid actum sit Varsoviæ, & quanto-
pere Tataris, non jam prout antehæc Amici, sed quasi hostes obvia quæque depopulentur; & qualis desperatio animos omnium inceserit, simulque rogavit summopere, quatenus sepositis publicis, ad procuranda privata quam citissime recurreret.

Quibus *Silnitcki* acceptis, veniens ad Principem, dicit, se diutius morari non posse, siquidem a Collega suo revocetur, simulque valedicit, recommendans semetipsum in Patrocinium Principis quam officiosissime; promittens præterea se rebus Principis in omnibus licitis pro viribus velificaturum.

Tum demum Princeps *Rakocius* abrupta mora, utpote in magnis rebus sæpe nociva, alacrius cum Suecis, & Cosaccis in tractatibus dudum inchoatis procedit.

Regressus in Patriam *Silnitcki* omnibus dicit, in auxiliis Principis *Rakocii* nullam esse spem ponendam, potius verendum esse, ne in partes Cosacorum (a quibus jam dudum sollicitatur) & Suecorum (quorum Legati se adhuc præsentem ad Principem appulerant, & prout intelligere potuit, valde hilari vultu sunt excepti) transeat.

Ex

*Rakocius
partibus
Suecorum
&
Cosacco-
rum ac-
cedit*

Ex his quidem superius enarratis rebus effectum est, ut Poloni de auxiliis Tatarorum minus, quam hactenus præsumentes, (quanquam aliquoties ex improvise in Partias Suecorum cum *Czarnecio* irruentes, aliquos profligaverint, & captivos non paucos abduxerint) propriis autem viribus diffidentes, idque tanto magis, quod nervo rerum gerendarum destituerentur; ab Imperatore Romanorum, a quo antehac implorare auxilia non neglexerunt, parum subsidii sperantes: Moscorum amicitiam noviter initæ, & necdum validioribus vinculis confirmatæ, non per omnia fidentes, utpote ex infensissimis inimicis, superficialiter tantum reconciliatis amicis; Cosacorum autem submissioni (quam fecerunt armis Tatarorum adaecti, quod videlicet non audeant posthac contra Regem arma sumere) fidere minime consultum rati: siquidem antehac etiam inconstantiam illorum multoties fuerint experti; & quia novissime ante medium Annum Legati Regis reconciliationem pertentantes, contemptim & plane sine responso a *Chmielnicio* fuerint rejecti, qua de re superius pag. 239. A *Rakocio* vero, ne interruptis Tractatibus ex amico reddatur inimicus, multum sibi metucentes, postquam vidissent res suas non posse feliciter proferri Marte, alia in tuenda Patria utendum rati arte, mittunt Legatum ad Imperatorem Moscorum, confirmando per eundem anteriorem promissionem.

Poloni
solliciti
ad Moscos

missionem, nimirum: dummodo abstineat ab hostilitate contra Regnum Poloniæ, Polonos Filium suum post mortem *Casimiri* ad Coronam Regni promoturos, simulque nunciando, se certis, ac indubitatis indiciis intellexisse Principem Transylvaniæ bellum contra Regnum Poloniæ moliri, & omnino in procinctu esse; ideoque instabant, quatenus Imperator Moscorum, ceu jam ad Regnum Poloniæ interveniente memorata oblatione, interessatus, amice requirat prædictum Principem, ut abstineat a suo proposito, Poloniam bello laceffendi.

Alios Legatos mittunt ad Imperatorem Romanorum, rogando, ut ceu Christianitatis Pater, interponat auctoritatem suam apud Principem *Rakocium*, quatenus ille si nullo modo succurrere vicinis suis Polonis velit, saltem ad dederit afflictis afflictionem nolit. Alios mittunt ad Imperatorem Turcarum, per quos intentiones Principis *Rakocii* detegentes (quod videlicet Patriam suam sine ulla justa causa hostiliter invadere velit) instant, quatenus illum, ceu Clientem suum prohibeat ab isto proposito, atque intra domestica pomeria ipsum continere sese efficiat; idque vi Pactorum, quæ tunc inter Polonos, & Turcas intercedebant. Alios Legatos mittunt ad Chanum Tatarorum, ipsumque tanquam confidentissimum Amicum requirunt, ut molimina *Rakocii* omnibus modis dissuadeat, & in quantum cedere rationibus nolit,

Dein Imperatorem Romanum recurrunt

Tandem ad Turcos

Denique ad Tataros, ut *Rakocium* impediant

lit, in omnes actiones illius intentus, ea quæ regno Poloniæ viderit nociva, totis conatibus dissipet; atque pro sua amicitia cum omnibus copiis suis contra quosvis hostes Regni Poloniæ

*Danos in
Suecos
conitant*

venire maturet. Denique dubii qualem ejusmodi remedia sortita sint effectum, mittunt ad Regem Daniæ, concitando illum omnibus modis, ut ille, Rege Sueciæ in Polonia commorante, vindicandi injurias, quas se contra eum habere prætendit, commodam non intermittens occasionem; Regnum ejus infestis armis agrediatur; promittentes pro certo, si ad tuendam Patriam Suecus recurrens Regno Poloniæ excesserit, se subito illum subecuturos, atque auxilium Regno Daniæ daturos; si vero ita obstinato foret animo, ut nec hac ratione retrahi se patiatur a bello Polonico, Incolas Regni Sueciæ, absente Rege suo, qui secum totum militiæ robur Patria eduxit, nequaquam sufficientes fore ad resistendum Danis, intentiones suas totis viribus promoventibus.

Et hoc quidem contra gravissima Regni Poloniæ mala, felicissime Polonis cessit antidotum, prout patebit inferius. Sed antequam id expositum fuerit, digrediar ad exponendam expeditionem Principis *Rakocii*, contra Poloniæ Regnum susceptum; relinquens de ea censuram æquo Lectori, ut ad Justitiæ libram omnia appendendo, ipse judicet, utrum toties dictus Princeps habuerit justas ac legitimas, ejusmodi contra Polonos processus causas, nec ne?



HISTORIÆ
BELLICOSACCO-POLONICI
PARS TERTIA.

Non deerunt fortassis, qui me extra circumlumi' propositi mei divagatum esse sint judicaturi, postquam viderint me narrationi Belli Cosacco - Polonici subnectere expeditionem Magni inter Christianos Principes, Principis *Georgii Rakoczii* Junioris, susceptam contra gentem Polonam Domui suæ semper amicissimam. Verum enim vero, siquidem cum præinsertis, tum paulo post subsequentibus, luce meridiana clarius demonstratur, Principem *Rakocium* nequaquam talia tentaturum, aut aggressurum fuisse, nisi in id a Cosaccis (juratis Polonorum hostibus, integro ferme ante bienio ad hæc Principem stimulantibus) & Suecis (bellum Polonicum jam ferme fastidientibus, atque ea, quæ initio, fortuna sibi nimium favente, obtinuerant, retinere propriis viribus minime valentibus) inductus fuisset; persuasum habeo, me apud æquum Lectorem hucusque facti mei veniam consequuturum, idque tanto facilius, postquam intellexerit, alia etiam motiva, quæ mihi ad id faciendum stimulum addebant. Movebant me frequentes criminatio-

U

nes

nes complurium, qui ignari, qualiter gestæ fuerint res superioribus annis, in Aulis Senioris, & Junioris Principum *Rákociorum* (mihi autem apprime hæc sunt cognita ex manuscriptis cujusdam boni Viri, qui exactis XVI. Annis in Aulis *Rákociorum*, ante dictam expeditionem, acta suo tempore eorum, præcipue cum Polonis tractata, fideliter connotavit) sed id solum scientes, quod aliquot vicibus missi fuerint Legati ex Polonia modo ad hunc, modo ad alterum *Rákociorum*, & quod unum atque alterum Polonum in aula illorum viderint; quid autem egerint penitus inscii, non dubitant Polonos criminis commissi contra Principem *Rákocium* doli insimulare, quasi illi oblata Principi *Rákocio* ultronea ad Regnum Poloniæ invitatione, eundem sponte, ac deliberato animo in funestum præcipitaverint exitium, & quidem (quod magis mirandum) conjiciendo facinoris illius culpam in homunciones innocuos, & in hisce negotiis nunquam versatos, qui propter aliquas in articulis Fidei Christianæ ab Ecclesia Romana differentias, solum vertere coacti reclinatorium in *Transylvaniâ* sunt nacti; quod tam procul esse a vero, quam terram a cælo comperiet quisque, postquam genuinam negotiorum istorum expositionem legerit; neque vero est, cur me multum in expurganda innocentia horum defatigem; siquidem id egregie peregit Vir magnus in Regno *Transylvaniæ*

Joan-

Joannes Berhlen, ejusdem Regni Supremus Cancellarius, aliis etiam dignitatibus Illustris, qui in Historia rerum in *Transylvaniâ* gestarum fideliter conscripta, Libro Primo, Sectione quinta, in hunc modum refert: „*Princeps*
„ *Rákocius* (intelligendus Senior) de *Ottoman-*
„ *nica* diffidens clementia, Suecorum, aliorum-
„ que Principum Christianorum fulcire se niti-
„ tur confederatione, expeditusque ad eam tra-
„ standum ab eo *Michael Mikes*, dum Poloniam
„ transire festinat, *Uladislaus* Poloniæ Regis de-
„ cessu audito, sive (ut assererat) a plerisque
„ nec infima sortis Polonis persuasus, sive ne-
„ minem qui defuncto Regi succederet Principe
„ *Rákocio* digniorem sibi in imaginatus, com-
„ misso sibi negotio interrupto, ad eum, per
„ quem missus erat, redit. A *Joanne Cosmini-*
„ *ro* defuncti Regis Fratrem, munerisque ejus com-
„ petitore, universos Regni status alienos, ipse
„ vero adeo fauente, ut exoratus verius, quam
„ admissus dici foret, refert: ne itaque *Fortunæ*
„ amplexus offerenti desit, hortatur. Exhilara-
„ tus ille de Principatu, ob furorem Turcarum
„ nonnihil anxius, sublimius honoris fastigium,
„ divinitus sibi destinatum credens, nec in re
„ tanti momenti operæ, aut sumptibus parcen-
„ dum censet. *Franciscus* itaque *Berhlenius*
„ Comes Comitatus *Albensis*, Supremus Regni
„ *Marschalcus*, ac Regni Consiliarius cum gran-
„ di ad redimenda Magnatum suffragia argenti

U 2

sum-

„*summa Varsavianæ ab eo mittitur, qui potiorè pecuniæ parte in cassum profusa, dum exaudiri laborat, lethali Principem Rákócium morbo correptum audit; interrupto itaque labore regreditur &c.*“ Huc usque sunt verba allegati authoris Historici, ex quibus luce meridiana clarius patet, multis ante temporibus Principes Rákócios ad Coronam Regni Poloniæ aspirasse, & quidem accedente favore omnium statuum Regni, quem non tunc temporis tantum sibi coemerant, sed (prout patebit ex relatis inferius) variis cum prædicto Regno tractatum commercii, multo ante tempore institutis, comparaverant. Multum itaque injuriæ sunt vel in ipsum Principem Rákócium, qui asserere non erubescunt, illum, ad vocationem eorum, quorum minima in Regno Poloniæ pars, simul, & minima fuit auctoritas, rem tanti momenti aggressum fuisse: quasi Princeps prudentissimus, cui omnis Reipublicæ Poloniæ status erat perspectissimus, usque adeo rationis expers fuisset, ut fulcire sese arundine, subsidio scilicet eorum, qui & ipsi maxime fluctuabant, niti voluisset. His itaque omiſſis manum meam admoveo ad diluendam potius labem intentatam Genti Poloniæ, quæ ab omni fraude, & malo dolo semper alienissimo fuit animo: quanto vero erga Principem Rákócium ducatur affectu, declaravit luculentissime vel eo ipso temporis articulo, quando non solum a

so.

sociis, verum ab ipsa insuper fortuna derelictus fuit. Poloni vero rursus ex inimicis facti subito amici, plane propriis manibus illum ex præsentissimo eripuerunt periculo, (qua de re infra) Quod ad veritatis indagationem, & majorem ejus probationem, altius repetendam, & eo quo in hocce negotio processum est ordine, exponendam attinet, confido plenissime cognitum iri; nec moleste laturum benevolum Lectorem, si antiquæ fuerit memor gnomæ: *Felix qui potuit rerum cognoscere causas!*

Teste quotidiana rerum experientia, *sæpe casus venit in consilium.* Simile quid evenit Duci Joanni Radziwilio, in Magno Ducatu Lithvaniæ primatum tenenti; qui interveniente fatali casu prioris conjugis suæ, ex Illustri Potociorum familia, de alia in locum demortuæ sibi conquirenda sollicitus, ex consilio quorundam amicorum circa Annum 1646. exiverat in Valachiam Cis-Alpinam, ad videndam Dynastæ Regni illius *Lupuli Filiam*, quæ sibi multis nominibus commendabatur: ibique rebus ex animi sententia peractis, regressum in Patriam parans, admonitus a prædicto *Lupulo*, ne dignaretur hac occasione accedere Principem *Georgium Rakocium* Seniore, non multum cunctatus, præsertim sciens multas ei jam ante cum Regno Poloniæ intercessisse necessitudines, ne forte inhumanitatis argueretur, si tanti nominis Principem ex loco tam propinquo silen-

Princeps Radziwilius ad Rakocium I. venit

U 3

tio

tio præteriret, iter suum versus Transylvaniam convertit. Cujus limina postquam attigisset, atque permissu Principis *Rákócii*, obvias Regni illius Urbes, Arces, Civitates, Oppida, Fortalitia perlustrasset, nec non cum Magnatibus, & Nobilibus multis sibi honoris gratia jussu Principis in occursum venientibus notitiam contraxisset, simulque tam ex re oculis subjecta, quam ex relatione eorum, quibuscum miscere colloquia sibi contigerat, optimi regiminis indubitata argumenta perspexisset, tanto majori desiderio cognoscendi, tam pii simul, & prudentis Principis ferebatur. Ad quem perveniens, ab eoque summis exultis honoribus, dum inter alia colloquia ultro, citroque habita interrogatus fuisset a Principe *Rákócio*, quonam in cardine versetur res, & Status *Ecclesiæ Reformatae* in Polonia? quidnam illud fuerit, quod contigisse ante aliquot Annos *Vilnae* occasione alicujus funeris, & trajectæ alicujus imaginis audiverat? Tum *Radzivilius* retulit; qualiter dum in Aula pie defuncti Parentis sui *Christophori Radzivilii* mortuus fuisset Anno 1640, quidam optime de ipso meritis non postremi Stemmatibus Nobilis *Alexander Przypkowski*, illicque Dominus Parens suus pro more in Patria recepto exequias modis omnibus adornasset, sepelireque in Templo *Reformatorum* Civitatis dictæ *Vilnae*, in Lithvania sitæ, voluisset, dumque corpus feretro deduceretur, subsequente lon-

longa serie Pastorum, & Cantorum, nec non magna caterva Aulicorum, & ipso insuper Parente suo, tibicinibus nœnias lugubres præcipientibus &c. atque prætereundum fuisset Templum Romano-Catholicum; qualiter inde sese effuderit ingens multitudo hominum ad id præparatorum: irruendoque primum in eos, qui corpus ferebant, illisque dispulsis lapidibus, & fustibus corpus urna ejectum misere tractaverint, postmodum Pastores, & Cantores lapidibus vexaverint: & hic quidem tumultus ægerime confluente universa aula D. Parentis sui sedatus, corpus autem utcumque tantum terræ mandatum fuerit. Retulit idem, qualiter rursus, quidam Aulicorum suorum, volens sagitta trajicere passerem insistentem super effigie S. Michaelis Archangeli in summitate Templi erecta, trajecerit ipsum (prout exponebatur) Archangelum, Exercituum Regni Cœlorum Generalem; & qualiter hac occasione & notabili pecuniæ summa mulctatus fuerit, & Templum illud Reformatorum, ex Decreto Comitum Regni Generalium, (ad præcavendum scilicet, ne similes tumultus posthac evenirent) occlusum fuerit, cum assignatione gravissimæ pœnæ, si quis illud recludere præsumperit: omni Religionis exercitio severe interdicto.

His exauditis Princeps *Rákócius* quærit: Nonne *Religio Reformata* ita firmo jure est recepta in Regno Poloniæ atque hic apud nos

Status
Religio-
nis in Po-
lonia re-
tinetur

in Transylvania quatuor Religiones, nimirum, Nostra, Catholica, Unitaria, & Lutherana? Tum Radzivilus respondens ait: Equidem Pii Prædecessores nostri in Regno Poloniae veritatem illius sententiæ; Ubi incipit persecutio Religionis, ibi sequitur desolatio Regionis, reipsa tempore Cruciferorum mutuis, illisque infestissimis bellis, ac violentiis sese occasione diversa sententiæ deglubentium (quod prolixè exponit inter ceteros Historicos Salamon Neugebauerus) cum nullam explicandi se ex mutuis Ianienis communem Patriam misere prementibus adinvenirent viam, sanxerunt sub Sigismundo Augusto Anno 1553. Constitutionem: quod nullo modo in Electionem alicujus Domini consentire debeant, nisi hac conditione: ut prius omnia Jura, Privilegia, & Immunitates Regni Juramento confirmet; præcipue autem pacem, & tranquillitatem inter Dissidentes in Religione Christiana; præterea, omnes Status & Ordines Regni, præscripta hacce obligatione Regi imponenda, semet quoque ipsos in hunc modum obstrinxerunt. Et quoniam in hac Republica nostra reperiuntur non pauci Dissidentes in Causa Religionis Christianæ, præcavendo, ne hac occasione aliqua nociva seditio exoriat (qualem in aliis Regnis evidenter videmus) promittimus id nobis mutuo, ac invicem pro nobis, & successoribus nostris in perpetuum, sub vinculo Juramenti Fidei, Honoris & Conscientiæ nostræ, qui sumus Dissidentes in

Re-

Religione, Pacem inter nos mutuam conservaturos, nec propter diversam Religionem, & varietatem Templorum, sanguinem inter nos effusuros, neque alius alium ullis pœnis, confiscatione bonorum, privatione Honoris, carceribus, aut Exilio multaturos, nec ulli Magistratui, ac Officialibus ad talem processum suffragaturos: Quin imo si quis ex ista causa opprimere quoquo modo alterum velit, resistere ei omnes tenebimur, etiamsi id sub prætextu Decreti, aut aliquo processu Judiciario facere aliquis præsumat. Denique quo firmiori confederatio ista fulciretur robore, primus post illam consecratam creatus Rex, Henricus Gallus, & omnes qui eum subsequuti sunt Reges, usque ad nostra tempora, prius quam Corona redimitti sunt, confirmando solenni Juramento, Jura, Privilegia, & immunitates Polonorum, inter cetera super id, quod concernit statum Dissidentium, his expressissimis, & sine ulla limitatione verbis præstiterunt: Pacemque & tranquillitatem inter dissidentes in Religione Christiana tuebor, manu tenebo, nec ullo modo vel Jurisdictione nostra, vel Officiorum nostrorum, & Statuum quorumvis auctoritate, quemquam Religionis causa opprimam, opprimere patiar. Quod quidem manifeste constat ex Codice Legum. Et id quidem, quod verbis complectebantur, reipsa etiam adimplebant & exequiebantur ad tempus usque Sigismundi III. sub quo (intervenientibus novis dogmatibus,

in

in quibus asserere non dubitabant, Hæreticis non esse servandam fidem. Quotquot autem sunt extra Ecclesiam Romano-Catholicam, omnes eos Hæreticos reputant) oboriri cepit persecutio Dissidentium; sub nostro vero Uladislawo invaluit. Et hoc quidem malum prius grassabatur in Socinianos: nunc autem jam pervenit etiam ad nos. Illis prius non tantum in Regiis Urbibus, utpote Cracoviæ, Lublini &c. per tumultum studiosorum Romanensium; sed etiam in propriis, ac hæreditariis bonis, sub prætextu alicujus Juris, Tempia adimebantur, Gymnasia disjiciebantur, Pastores Ecclesiarum simul, & Professores Scholarum proscribebantur, Typographiæ, & Bibliothecæ refertissimæ confiscabantur. Nunc vero neque nos sumus ab illis securi, & similium expertes malorum.

Tum Princeps Rákóczius: Nonne vigore Jurium alligatorum posset coerceri hæc insolentia? Respondebat Radzivilius: Equidem in Comitibus Regni Generalibus ad querimonias damna passorum aliquoties scripti sunt articuli, ut fieret animadversio in violatores Juris publici, ut in posterum præcaveret Magistratus, ne talia evenirent. Sed nihil unquam in executionem est deductum.

Rursus Rákóczius: Adhuc communicatis cum omnibus Dissidentibus consiliis, tentanda sunt media, ut exorbitantiæ istæ corrigantur. Tum Radzivilius: Sero jam paratur Medicina, postquam

quam jam post multas moras tantopere invaluit catholicorum potentia. Unicum tantum restat remedium, nimirum, ut sub Interregno, tempore Electionis novi Regis, quando latissimus patet unicuique nostrum campus reducendi ad rectum tramitem ea, quæ exorbitarunt: si videlicet nova aliqua condatur constitutio de non violanda ullo modo antiqua Confæderatione, cum præfixione gravis alicujus pænæ de violatoribus Pacis publicæ sumendæ. Sed etiamsi quam severissimæ sanciantur leges, nihil proficient, nisi ex Dei beneficio talem nanciscantur Regem, qualis fuit Stephanus Bathoreus, qui dum multis rationibus Ratiocinium stimularetur a Jesuitis ad exterminandos Hæreticos, post varias in contrarium allatas rationes, primum enim dicebat, quod nemo sit ad Religionem vi cogendus, cum id nec ipse Rex Regum Christus fecerit, quamvis præstare id facile potuerit, prout ea declaravit dicens Petro: Convertite gladium tuum in vaginam, &c. an putas quod non possim petere Patrem meum, qui exhibebit mihi plus quam XII. Legiones Angelorum. Tantis suffultus copiis quid non præstitisset? Sed studio noluit, ut virtuti relinqueret locum: quod Religio verbo Divino sit intimanda, & ad illam alliciendi homines promissis præmiorum futura beatitudinis: prout hoc fecit ipse summus Sacerdos, qui in prædicatione sua, quæ describitur in Historia Evangelica, dum dicit: Beati pauperes spiritu: quoniam ipsorum est Regnum Cælorum.

Stephanus
Bathoreus
Ratiocinium
pro tolerantia

rum. Beati qui lugent, quoniam ipsi solamen accipient &c. ubi nulla fit mentio Dignitatis huius seculi. Et rursus, dum dicit: Venite ad me omnes qui laboratis & onerati estis, & ego reficiam vos &c. quod ad Religionem homines invitandi sint exemplo verae pietatis, ac humilitatis, prout fecit Christus dicens: Discite a me quod ego sim iniris & humilis corde. Etenim stat illud immotum: Ut decuit, docuit, qui re sua dicta probavit: Plus malefacta nocent, quam benedicta docent, quod Jusjurandum vel Ethnicis dictum vidlare nefas sit: pravaricationem enim ejus Deum ne Regi quidem impune dimissurum, sibi persuasissimum esse: ac proinde cum in Coronatione non tantum aliis Regni incolis, sed Dissidentibus quoque obstrinxerit sese solenni Juramento, illud se salva conscientia violare nequaquam posse; sed potius constanter servaturum) & ad haec Jesuitis variis modis reponentibus, tandem respondebat: Scire se pro certo, tria sibi metipso Deum reliquisse, primum ex nihilo aliquid creare: deinde, futura praescire: postremo, conscientiae imperare. Quapropter nolle se in Dei messem falcem inmittere, & quandoquidem a Polonis constitutus sit, ut corporibus illorum, idque secundum Leges dominetur, se esse illa dignitate contentum; super conscientias autem se nequaquam imperium usurpaturum. Ast ubi quaerenda est illa tellus, quae talem producat Principem, atque fuit ille, praeter Vestram Celsitudinem

dinem; sub quo omnes eae Religiones, quae generali Confederatione Polonica comprehenduntur, semel receptae illibatae suo in statu, sine praepudio alterius permaneant? Inter omnes Principes Christianos non novi alterum. Quapropter multum felicitati Reipublicae nostrae accessurum putarem, si post fera fata moderni nostri Regis, Celsitudinem Vestram nobis denarent caeli. Simulque monuit Principem Rakócium, ne deesset fortunae suae, qua illum complures Procures Regni Poloniae dignum judicent, sed tempestive sibi ad eam, in casu mortis Regiae consequendam, pararet aditum, preparando sibi ad id animos Polonorum, tum Legationibus ad Regnum publicis, tum aliis honestis, ac congruis modis, ac rationibus, nec minus (suasore Salomone, qui dicit Donum hominis dilatat viam ejus, & ante Principes locum ei facit) muneribus, quibusdam in maiori eminentia constitutis Primatibus offerendis: imprimis autem si aliquando Polonis contra Turcas tentandi aliquid armis esset animus, opem, & societatem promittendo.

Ab eo tempore coepit saepius dictus Princeps Rakócius amicitiam suam cum Polonis firmitus stabilire, tum Legationibus frequentissimis, tum & aliis modis; dum & ipsi Poloni amicitiae ejus avidi, mutuas redderent vices. Quod studium in Polonis nec morte Principis Rakócii Senioris extinctum est: prout patet, ut aliun-

aliunde, ita vel ex illustri illa, mediante *Joanne Wielopolscio*, tunc Castellano *Vojnicensi*, post vero Palatino Cracoviensi (quæ in hunc usque diem in Transylvania deprædicatur) legatione; nec minus illa, quæ mediante *Morstinio* instituta est; tum & aliis, quas enumerare singulas esset infiniti operis: quæ res postmodum Turcis illum suspectum reddiderat.

*Joannis
Principis
Radzivi-
li lites
Religio-
narie, &
tandem
victoria*

Accidit non multo post, Anno videlicet 1647. ut in possessione *Joannis Radzivilii* dicta *Srviadosæ*, provisor bonorum illius, absente Domino suo ad instantiam Parochi Catholici (ipse quoque Catholicus existens) e regione Aulæ Domini sui, erexit Crucem, & super illa effigiem sculptam Christi Crucifixi. Quo postquam Dux *Radzivilius*, præter opinionem Provisoris sui advenisset, visa novitate illa, vehementer admiratus, quisnam in bonis suis tantum Juris sibi præsumeret, ut id ante portam suam erigere non dubitaret, simulque indignatus curat advocari Provisorum, interrogat, quis erexit illud sculptile? qua auctoritate hic erectum sit? Respondet ille: *Incolæ loci istius multis precibus efflagitarunt hoc a me, ut in isto loco, ubi plurimi transeunt viatores ad gloriam Divinam erigerem hunc Crucifixum.* Tum *Radzivilius*: *Nequissime mortalium, in tuis bonis habes facultatem, sive velis sacella, sive lupanaria erigendi, sed non in meis.* Nonne mi-

hi

hi sat notæ sunt artes vestrorum Sacerdotum? nunc curavit me inscio erigi crucem, interjecto aliquo temporis spatio, subornabit aliquos, qui asserant, se hoc loco vidisse aliquam visionem; post ea construent Sacellum, & successu temporis intendent in id, ut Sacello cum tota possessione Aula adjungatur. Quapropter quemadmodum me inscio adduxisti huc istam statuam, ita me inscio transferas aliorum. Audita ejusmodi, Domini sui denunciatione Provisor, recurrit ad Populum; refert omnia; instat vehementissime, agant quod esset optimum, modo ab ipso indignationem Domini avertant. Itur in varias sententias. Parochus suadet: incolæ loci hæc nihil debere curare, relinquendum id esse, quod Dominus demandat, ipsiusmet executioni; sibi contra conscientiam non pluribus configendum esse vulneribus Christum: si ipsi denegat Dominus hunc locum, videat ipse quid facere velit; Catholicis autem esse abstinendum. Populus fatetur se multum errasse, quod Domino irrequisito talia fecerint, ac proinde adhibendum esse aliquod in demulcendo animo Domini sui remedium. Tandem instante Provifore, post multas consultationes conclusum est, ut egressi cum Processione, tacta solenni coram illo Crucifixo deprecatione, quod non suapte voluntate, sed a Domino coacti, transferre statuam illam aliorum debeant, inde effodiant, & translatam penes

nes Cameterium Templi collocent. Et facta sunt omnia hoc ordine.

Quod quamprimum ad notitiam Episcopi loci illius delatum est, ipse forte ægrotus domi se continens, in locum suum Parochum Templi illius ad Comitata Regni Generalia *Varsoviam* expedit: cui dedit in mandatis, ut Protestationem variis scommatibus, & sarcasmis, contra Ducem *Radzivilium*, nec minus contra omnes in genere Dissidentes, plurimis aculeis acerrime pungentibus, refertissimam, ad *Acta Capitanealia Castrensia Varsoviensia* porrigat, simulque in Comitibus Regni, quæ immediate instabant, litteras suas exhibeat in facie Reipublicæ, & penes litteras viva voce urgeat quam maxime, quatenus, si Deum Omnipotentem adesse Consiliis suis velint, huc omnia sua conferant studia, ne injuria Ecclesiæ illata, & Crimen læsæ Divinæ Majestatis maneat inultum.

In Comitibus itaque advenientibus (ad quæ ipse etiam Dux *Radzivilius* fuit a Palatinatu electus internuncius terrestris; sed tamen ad exordium statim non comparuit, dedita opera, ut experimentum caperet, qualiter se absente in hoc negotio procedere velint, ut ex ejusmodi præludio informatus, tanto paratior ipse accederet; nihilominus multos subordinavit, qui rebus suis non deessent donec superveniret) comparens ille Delator, inducit illam Protestationem in Acta, ex iisque authentice extra-

etiam

etiam simul & Epistolam manutenens, accedit Senaculum, ubi Legati terrestres Consilia tractare soliti, quam primum a salutato Rege, cum suo Marschalco, (qui tunc fuit *Stanislaus Sarbijewski Capitaneus Grabovecensis*, zelosissimus Catholicus) regressi sunt, petit, ut legatur Epistola Episcopi: quod postquam concessum fuit, accipit ipse Marschalcus ad manus, legit clara, distincta, articulata voce, nonnunquam quasi attonitus subsistendo, & iterum pergendo usque ad finem. Post lectam Epistolam producit Protestationem, hac etiam simili modo lecta, rogat tandem audientiam: quorum omnium summa fuit:

Præmissa absentiae suæ decentissima excusatione, nec minus salutatione, & felicitis Consiliorum successus appreciatione demum subnectens *Deum Omnipotentem illis, ait, adesse sua cum benedictione esse solitum, quibus cultum Divini sui Nominis cordi esse ipsi est cognitum; ac proinde, cum ne in minimis quidem rebus felicem eventum sortiri quisquam possit, nisi Deus benedictione sua adsit, contestante id illo quondam Deo dilecto Rege Israelitarum David: Nisi Dominus domum ædificaverit, &c. monuit, ut, siquidem in præsentia talia tractari debeant, quæ concernunt non ædificationem privati alicujus tugurionis, sed universæ Patriæ, pietate hætenus Antecessorum suorum conservata; non securitatem alicujus Propugnaculi tantum, sed universi Regni,*

*Argute
crimina-
tiones
Episcopi
Volnenjis*

X

ha.

hactenus non humanis artibus (credere namque Regna humanis consiliis regi, subtilis quidam Atheismus est) sed vigiliis piarum per *Antistites* ad cælum missarum precum (non secus ac *Mosis* quondam elevatis pro pugnante populo manibus) conservati, firmissimis S. S. Religionis Catholicæ basibus corroborati, & ita propagatione ejusdem Religionis dilatati, ita pace ab omnibus gentibus vicinis a Deo circumscripti, ut ceteræ nationes, infestis armis ad invicem sese dilacerantes, hanc felicitatem, nec immerito, nobis inuideant. Sed proh dolor! (scribit) Pace rerum optima a Deo donati, bellum cum *Leo* Creatore nostro quarimus: quo nobis offenso, quam rerum prosperitatem, quam Patriæ salutem, quam *Uncti Dei* incolumitatem polliceri nobis possumus? Totus horreo; ex vi tamen officii mei in medium publicarum consulationum proferre cogor, qualiter tempore non ita præterito pridem, in Protestatione super hoc negotio confecta expresso, *Dux Radzivilius*, gratia tum moderni Serenissimi Regis, tum Antecessorum Suae Majestatis, ad tam amplas opes, ad tam eximias eventus honores, ut vix altius profiliendi ipsi aliquis sit relictus gradus, ingentes animo concipiens spiritus, non contentus dominium suum in corpora miserorum subditorum suorum extendere, sed in animas ac conscientias eorum jurisdictionem sibi usurpans, imposuit necessitatem incolis *Srviadosensibus*, ut imaginem Dei Creatoris no-

stri

stri (qui pro peccatis nostris mortuus est, ut nos vibicibus illius sanati a morte æterna liberemur) collocatum tali loco, ubi quamplurimi transcentes, cultum ipsi pro tam magna dilectione debitum exhibere possent (clarissima simul & impia mente præditus, prætendendo jus suum, quod extincto halitu ipsius transferetur in alium) eradicatam aliorum transferrent; noluit Deo nostro tantum favoris indulgere, ut exiguum hospitolum ei concederet; sed vi coegit Christianum populum, ut ea sede, quæ semel cultui ipsius destinata fuit, illum dimovere necesse habuerit. Descendans cum piis cogitationibus suis in devota præcordia sua, & comperient, quantopere contristari anima, quantopere compungi conscientia illorum debuit, quando loco honoris Creatori suo deferendi, coacti sunt contra conscientiam, non secus, ac impii quondam *Judæi* fecerunt, ab *Anna* ad *Caipham* Deum suum circumducere. Conquestus aliquando fuit super impietate *Judaica*, quod non habuerit locum, ubi caput suum reclinaret; sed illud adhuc tolerabilius fuit, quia inpinquarum cor illorum erat, ut non cognoscerent Creatorem suum; sed nos & agnoscimus & colimus illum, & tamen locum illi denegabimus? O impietatem, qualem oculus Solis non vidit! Obscuratus est aliquando Sol, quando iniquitatem *Judæi* super Creatore nostro exercebant, sed tamen rursus illis rediit, ut illos illustrans ad penitentiam impii facti reduceret. Sed quia

X 2

non

non resipuerunt, manifestum est omnibus, quanto-
pere pro eo sunt castigati: locus ille sanctus di-
ruto Tabernaculo Dei, a Paganis conculcatus;
Populus quondam unice dilectus, a facie Dei
disiectus. Verendum profecto est & nobis, si
obumbratis oculis, tantam impietatem respe-
xerimus, qua Divina Majestas læditur, ne Sol
Evangelii S. quo sumus illuminati ita nobis
obscuretur, ut relinquens nos in tenebris eripiat
omnem ad illustrandam Patriam facultatem, &
habitaculum inter nos, Sanctum conculcandum
tradat Gentibus. Sed ubi hoc scelus perpetra-
tum est? In eo populo, qui criminis læsæ Regiæ
Majestatis acerrimus vindex, quando olim qui-
dam mente captus manum injecerat Unctio Dei,
quamvis is qui læsus erat, condonaret, Popu-
lus tamen ut declararet, quantopere illum inju-
ria Regis terreni ureret, crudeli morte eum sustulit.
Hic idem populus, si vere Christianum declarare se
vult, demonstret se non minus Læsæ Divinæ ad præ-
sens, quam olim regiæ Majestatis tangi; demonstret
se in hac domo Patriæ nostræ Religio Christiana Ca-
tholica Heram, Dissidentium Religionem autem esse
inquilinam, neque permittat, ut inquilina ejiciat He-
ram. Quia vero nullum usque adeo flagitiosum sce-
lus est, quod longinquitate temporis non extenuetur,
quod non varios inveniat Patronos, ac denique tolli-
tur: ideo ego obtestor Magnificentias Vestras per
Sanctam Dei Genitricem, cujus animam non minus
nunc, dum Filium suum dimoveri, quam quondam,
dum

dum crucifigi vidit, perstrinxit gladius, ut si
Deum vobis in hoc confesso, & in aliis occasionebus
propitium esse velitis, ante omnia instetis apud
Serenissimum Regem, quatenus declarans se non
esse reum istius sanguinis, Crimen hoc, summa-
rio Juris processu prosequi jubeat. Neque est,
cur aliquis dubitet hoc fieri posse obstantibus
Legibus: Vos enim Conditores, vos & inter-
pretes Legum estis. Neque obtrudat hoc esse
contra Libertates: Servire namque Deo, Li-
bertas summa est: nulla major Libertas, quam
quæ sita est in promotione gloriæ Divinæ: &
contra; nulla servitus major, quam in oppres-
sionem Divinæ Majestatis consentire, facientes
autem, & consentientes pari pœna puniuntur.
Ne itaque tacendo consentire videamini, ad
propulsandam Dei injuriam animos advertite
Vestros, memores illius, quod, qui communi
injuriæ non resistit, tam est in vitio, quam
qui Patriam, & Parentes deserit. Ecce autem
hic plus quam omnes terreni Parentes! Evigi-
late itaque, & quod veros Christianos addeceat,
agite. Valete.

Hæc omnia multo majori cum energia ita
erant comparata, ut si quid defuit in Epistola,
id compleretur in Protestatione; & si quid de-
fuit in utraque harum, id suppleret Orator,
cum maxima exaggeratione.

Posthæc conticuere omnes intentique ora
tenebant, & ferine per quadrantem horæ, nec

os, nec gestum quopiam movente, sed omnibus attonitis & ad invicem sese inuentibus, tandem Marschalcus: *Video, inquit, omnes rei novitate illiusque enormitate concitos, nec miror. Nunquam enim quid simile accidit in Israel! Sed non sufficit tacere, necesse est etiam aliquid agere.* Tacentibus autem adhuc diu omnibus, rursus ille Orator: *Credo intellexisse omnes negotium in praesentia expositum, nec minus & instantiam, quam penes illud facit Illustrissimus, ac Reverendissimus Episcopus, cui taciturnitate sua D. D. V. V. consentire videntur: nihil itaque restat, praeterquam ut surgant, & juxta instantiam hanc Serenissimum Regem, ut Summario Processu negotium hoc prosequi jubeat, rogent.* Tum conclamatum est undique, surgendum esse; multique assurrexerunt, & Marschalcum secum trahentes, jam plane de Senaculo egrediebantur. Interim tamen & Catholici aliqui bonarum partium, apud quos potior erat Ordo antiquus, & avia libertas, quam zelus inordinatus, & Dissidentes in Religione omnes loco non dimoti, illos Protestatione sua mediante revocarunt.

Demum exorsus Legatus Palatinatus Volhyniae *Alexander Czaplac de Halitzany*, modestissima & argutissima Oratione, rogavit, ne tantopere ad delationem, & expositionem unius partis commoverentur, neque hoc quod vergit in convulsionem Legum, ac Libertatum a sua

Sere-

Serenissima Majestate Regia tantopere rogent: dandam prius parti alteri alteram aurem. Si enim accusare sufficeret, quis unquam insons esset? Lege per expressum cautum est: Neminem respondere teneri, nisi viso Ministeriali; quod factum fuisse hic, non comprobatur. Quod si etiam hoc comprobaretur, Actum hunc non esse ferendis Decretis, sed Consultationibus de negotiis Regni, partim a Serenissimo Rege, partim a Palatinatibus, per publicos, & Ordinarios Legatos propositis, destinatum; praeterea Judicium legitimum constare tribus partibus, videlicet Actore, Reo, sive in Jus attracto, & Judice competente; hic solum adesse Delatorem, Citatum autem non comparere: qui etiam si comparuerit, non esse Forum competens: omnibus Actionibus praescriptam esse a Regno ordinariam viam, quam se non debere transgredi, cum hic non sint Legum eversores, sed Custodes: ideoque se debere esse intentos ad sapientissimum simul, & justissimum Jurisconsultorum Axioma, quo conclusum est: qui statuit aliquid parte altera inaudita, aequum licet statuerit, haud tamen aequus Judex est censendus; se ad factum quidem praesens nihil loqui: qui deliquisse accusatur, si omnino deliquit, ille se excuset, atque depurget; sed solummodo praecavere velle, ne in persona unius violetur universalis Libertas, cui prospiciendo Respublica tot beneficia Juris indulgit: se itaque debere stare au-

X 4

ti-

Catholico-
rum
quidam
indignita-
tem facti
vivere

tiquis moribus, ac proinde in id totis incumbere viribus, ut sanguine Majorum Libertatem partam, & proprio bucusque defensam ad servam etiam posteritatem transmittant intactam, ac nulla in parte violatam.

Et illo quidem finem Orationi imponente, incepit *Kezeruski* ex Majori Polonia Legatus, tum & alii Dissidentes in Religione alternatim, novis rationibus confirmando per *Czaplicium* in medium prolata; denique etiam Catholici, qui similibus rationibus ne præcipitanter ageretur, urgendo; alii autem multi illis obloquendo protraxerunt negotium, a die Mercurii usque ad diem Veneris: sed ea quoque die magna cum solertia decertando rationibus pro, & contra, nihil effectum est. Tandem dixit *Marschalcus*, differendum esse hoc negotium adhuc in diem crastinum, Sanctæ Dei Genitrici dicatum, in cujus honorem, inquit, mane exaudiamus Missam S. implorando Beatissimam Virginem Mariam, ut det inter nos spiritum Unionis, & excitet in nobis amorem Filii sui.

Sabbato interveniente iterum summo opere contenditur pro & contra; quæ singula enumerare fateor non esse mei ingenii, & omnino magnum de eo Volumen Orationum esset conscribendum. Quæ tamen præteriri non possunt, leviter attingam, tempestive præmonens, ubi nullus reperietur Orationis lepos, meæ id imputandum esse Iudi *Muservæ*. Illi enim, quo-

rum

rum Orationes referre volo, Oratores fœre disertissimi, & eximia eloquentia, atque linguæ facundia præditi, *Cicerones Polonici* olim dicti.

Post multas ratiocinationes *Nicolaus Ostrog* Pocillator Regni, Legatus autem Palatinatus Russiæ, in hunc modum est locutus: *Ad omnes, omnium hætenus in medium allatas disceptationes optime attentus neminem observavi factum hoc, de quo nunc agitur, excusantem, tanto minus approbantem: neque enim credo in toto hoc confesso reperiri quendam, qui dicat, factum esse bene. Dum ergo nullos factum hoc habet Patronos, manifestum est consentire super eo omnes, ut non dimittatur impunitum. In eo maxima inest difficultas, quod nonnulli in ea sint opinione, sive sententia, debere illud, prout extraordinarium delictum, extraordinario subesse Processui, atque Judiciis: alii autem non utendum esse Summario Processu asserunt, rationem assignando, quod id vergat in eversionem libertatis. Equidem quod libertatem attinet, si cui mortali auro omni, & gemmis pretiosius hoc Patriæ nostræ Clenodium gratum est, & amabile, certe non minus mihi etiam: qui in libertate hac, (quam exteri quoque nobis invidentes, & splendore illius ad æmulandum excitati Indigenarum a nobis petere non erubescunt) natus, in eaque jam majori ætatis parte transacta, nequaquam cervicem meam libertati assuetam, gravi iugo servitutis vel oppressionis subicere velim; sed potius quæ-*

quæsitam virtute Antecessorum, & meritis nostris auctam, ego quoque non minus, ac alius quispiam, ad seram posteritatem intemeratam transmittere, & relinquere volo. Sed ex altera parte dum perpendo qua de re agitur, nimirum de gloria Dei, non possum mihi temperare, quin cum Davide exclamem: *Zelus Domus Tuæ comedit me, Domine! hoc addito, quod si Filius meus hoc faceret, non solum Summario Processu judicandum permitterem, sed sine ullo Processu male illum perdere.* Absit tamen me id dixisse in præjudicium Illustrissimi Principis Ratziviti, (Et hic cæcè summi laudibus extollere merita illius antiquiora, & recentiora) neque mihi tantum præsumo, ut in tam Eximium Virum statuere Decretum velim. Libertus namque, & rigidus cum domesticis, quam cum extraneis, & quidem in tanta dignitate constitutus, fore reprehensione ulla, agere ausim. Multum tamen mecum cogitanti qualiter hoc negotium, quod nobis jam aliquot dies surripuit, sine præjudicio tanti in Republica Viri, & salva libertate manente expediendum esset, ita tamen ne impune dimissum esse videatur, venit mihi in mentem locus quidam Ciceronis, qui apud Auctorem sic habet: „Cum multis ex rebus intelligi potest, maiores nostros non modo armis plus, quam ceteras nationes, verum etiam consilio sapientiaque potuisse: tam ex hac re vel maxime, quod in impios singulare supplicium invenerunt.

Qua

„ Qua in re quantum prudentia præstiterint iis, qui apud cæteros sapientissimi fuisse dicuntur, considerate. Prudentissima Civitas Atheniensium, dum earum potita est, fuisse traditur, ejus porro Civitatis sapientissimum Solonem dicunt fuisse, eum qui Leges, quibus hodie quoque utuntur, scripserit. Is cum interrogaretur, cur nullum supplicium constitueret in eum, qui parentem necasset, respondit, se id neminem facturum putasse. Sapienter fecisse dicitur, cum de eo nihil sanxerit, quod antea commissum non erat, ne non tam prohibere quam admonere videretur. Quanto majores nostri sapientius? qui cum intelligerent nihil esse tam sanctum, quod non aliquando violaret audacia, supplicium in parricidas singulare excogitaverunt: ut quos natura ipsa retinere in officio non potuisset, illi magnitudine pænæ maleficio summoventur, insui voluerunt in culeum vivos, atque ita in flumen dejici. O singularem Sapientiam! nonne videntur huic hominem ex rerum natura sustulisse, & eripuisse, cui repente cælum, solem, aquam, terramque ademerunt, ut, qui eum necasset, unde ipse natus esset, careret iis rebus omnibus, ex quibus omnia nata esse dicuntur? Noluerunt feris corpus obicere, ne bestiis quoque, quæ tantum scelus attigissent, inimicioribus uteremur: non sic nudos in flumen dejicere, ne, cum delati essent in mare, ipsum pol-

„ polluerent, quo cætera quæ violata sunt, expia-
 „ ri putantur. Denique nihil tam vile, neque
 „ tam vulgare est, cujus partem ullam relinque-
 „ rint. Etenim quid tam est commune, quam
 „ spiritus vivis, terra mortuis, mare fluctuan-
 „ tibus, litus ejectis? Ita vivunt dum pos-
 „ sunt, ut ducere animam de cælo non queant:
 „ ita moriuntur, ut eorum ossa terra non tan-
 „ gat, ita jactantur fluctibus, ut nunquam
 „ abluantur; ita postremo ejiciuntur, ut ne ad
 „ saxa quidem mortui conquiescant.“ *Hec Ci-
 cero. Si itaque Veteres Romani, cum ab anti-
 quioribus Legislatoribus nullum acceperint, de
 parricidiis vindicandis sancitum, justa ratione
 aut occasione inducti novam de eo condiderunt
 Legem, quid obstat, quominus nos etiam in præ-
 senti casu eorum sequamur exemplum, novum sci-
 licet sanciendo statutum? Assumamus nunc Legeum
 Conditores & quidem loco, ac tempore privilegia-
 to: itaque Legem constituamus, ut extraordina-
 ria, quale hoc est, crimina, extraordinario etiam,
 hoc est, Summario Processu prosequi liceat: ita
 & libertati consulamus, & contra Illustrissimum
 Principem Radzivilium nihil delinquemus, & in
 posterum aliis, ne talia faciant metum incutie-
 mus, & denique conscientias nostras salvabimus.*

Tum ex omnibus partibus conclamatum
 est: *Placet, placet, maxime placet vox, & Sen-
 tentia Domini Pocillatoris Regni, scribatur Lex,
 & executioni detur. Frustra enim conduntur*

Le-

*Leges, nisi subsequatur executionis vigor. Pereat
 mundus, fiat justitia. Majus est placere Deo,
 quam hominibus: & multa his similia. Jamque
 voluerunt ire ad Regem, consensum super fe-
 renda Lege, in hocce tam arduo negotio, ro-
 gaturi.*

Interim Stanislaus Chrzostowski Vice-Ju-
 dex, & Legatus Palatinatus Cracoviensis, qui
 hætenus toto illo tempore, quousque alii sum-
 mario processui mascule restiterunt, ne verbum
 quidem (omnibus admirantibus, fuit enim Re-
 formatae Religionis) protulit in hoc negotio,
 quod ille studio fecit, reservans sese ad dandum
 succursum, ubi alios succumbere viderit; fe-
 riens terram virga, sive arundine quam in ma-
 nu habuit, audientia ægre impetrata, in hunc
 modum verba facere cœpit:

*Jam quadragesima Vice munere hoc Lega-
 tionis fungens, hic compareo; nunquam tamen
 negotia hoc in loco in hunc modum, prout nunc
 agitantur, tractari vidi; ut nimium vero ali-
 quid in medium proferente, aliis jam locus ad
 dicendum non detur; quasi vero Magnificus Do-
 minus Pocillator Regni Solon sit, aut Romanus
 Dictator, vel Consul, cæteri autem omnes sibi
 Magnificentia suæ populus! Negatur Cæse puen-
 tia; etiam Palatinatus Cracoviensis est Commem-
 brum Regni: & per hanc Regulam non minus
 mihi ablegato illius, quam cuiquam alteri profè-
 rendi meum sentire patet hic facultas.*

Tum

Tum deinceps Marschalcus Comitiorum Regni rogavit, ut consideret quisque, atque locum suum tenens, loquentem Dominum *Chrzostowski* patienter audiat. Facto itaque silentio iterum exorsus est Dominus *Chrzostowski*: Non est cur longa oratione Magnificentias Vestras onerem: Quamvis enim omnes consenserint super summario processu, ego non: nec unquam calculum me super illo additurum solenniter protestor nomine Palatinatus mei. Ratio autem in promptu: Quia instructionem habeo a Fratribus Palatinatus Cracoviensis, ut potius instem apud Regnum, quatenus Lex condatur, ne summario processu quisquam aggraveretur. Hanc itaque produco, simulque protestor, me ad nulla negotia Regni accessurum, donec Palatinatus Cracoviensis, id quod desiderat, obtinuerit.

Tunc iterum magnum silentium factum est: postquam autem Marschalcus Comitiorum perlegisset ex illa Instructione Articulum super eo conscriptum, dirigit orationem ad *Georgium Lubomirski* (qui tunc temporis fuit Capitaneus Cracoviensis, successu autem temporis Supremus Regni Marschalcus) Collegam Legationis *Chrzostovii* in hæc verba: Quandoquidem usitatissimum hoc est, quod Articuli a Palatinatibus ita conscribantur, ut facultas limitandi illos penes Legatos relinquatur; ideo rogamus, velit nobis declarare, an non haberet modum recedendi ab isto Articulo.

Re-

Respondens *Lubomirski* dicit: Verum quidem est Articulum hunc ad importunam quorundam instantiam irrepsisse inter alios; sed non puto Palatinatum moleste laturum, etiamsi propter bonum publicum ab illo recesserimus: quod quidem per me licet, dummodo Dominus Collega meus assentiatur.

Tum iterum *Chrzostowski*: Non irrepsit, sed post multas Controversias super eo institutas serio, & ex professo inscriptus est iste Articulus; urgentibus illis, qui talem Processum perniciosissimum esse supersemetipsis sunt experti (indigittando illos, quibus Tempia, Scholæ, Typographiæ &c. ablata sunt, & qui mediante ejusmodi Processu multis modis sunt aggravati, nimirum Dissidentes in Religione) peres quem Articulum ego sto firmiter: quod si me Magnificentia Vestra in promovendo illo derelinquit; ego quoque ea quæ urgere maxime volet, evertere modis omnibus contendam.

Quod ægerrime tulit Capitaneus Cracoviensis, nempe Collega *Chrzostovii*, & hac occasione acrioribus inter se verbis cœperunt concertare, ita ut Marschalcus Comitiorum necessum haberet surgendo de loro, illos mitigare. Cœteri etiam rogabant *Chrzostovium* multis blandiloquiis, ut superfederet ab isto Articulo. Sed ille ne larum quidem unguem ab illo discedere volens; & omnes torvo vultu aspiciens, ad omnes contra se adatas rationes eo

solo

336 *Historiae Belli Cosacco-Polonici*

solo se excusabat, quod habeat Articulum ea de re conscriptum, & solenniter sibi commendatum, ideoque se nullo modo posse ab illo recedere.

Interim Stanislaus Oborski Legatus Palatinatus Masoviae, homo juvenis, omnibus gestibus & actionibus declarans se nondum refrixisse ab incude Jesuitarum, conscendens altius scamnum, atque stans, ut melius ab omnibus exaudiretur, in hunc modum perorat:

Luce meridiana clarius hoc constat ex oratione, & perseverantia Domini Chrzostovii, quod cum & ipse sit Dissidens ab Ecclesia Catholica Romana, aliorum, quibus adhuc minus suffragantur Jura, causam, non vero bonum publicum promoveat: ac proinde cum Catholici etiam cernant, contumacia tantum duos Dominos Dissidentes stare penes id, quod derogat Ecclesiae Catholicae Romanae more, & exemplo Antecessorum suorum, qui, quando primitus in hoc Regno fundabatur Religio Catholica, dum sacra sua celebrarent, strictos vibrabant gladios, demonstrando, quod, si aliquis quocunque modo praevidere illa vellet, se in defensione Religionis extrema quaque subire paratos: declarabunt hodie quoque se esse veram Majorum suorum progeniem: declarabunt, sibi eundem inesse Religionis zelum, eundem animum; neque deest gladius, quo Religionem Catholicam ad extremum vitae halitus tueri sint parati, nec unquam permitrent ut In-

qui-

quilina ejiciat Matrem-familias (per Inquilinam indicabat Religionem Dissidentium, per Matrem-familias autem Catholicam: quod asserant, hanc prius in Polonia fuisse fundatam) quapropter vel nobiscum consentiat Dominus Chrzostovski & ceteri; in contrarium namque Religioni nostrae quippiam adferri, & quod nos ad illam stabiliendam constituere volumus, per Dominos Dissidentes subverti, & nobis obicere, non quousque suorum auribus audiemus.

Sum Chrzostovski: Ad talem Orationem respondebit Dominationi Vestrae meus Filius foris, facie in flatu, tantum non grave-tur colloqui cum ipso: sic vero rationibus non gradus concertandum. Quod si corpuseulo animus major ad delectandum impellit, potius conferat se in Urnam, aut ad Kodek, ibi singulis diebus habebit, quibuscum certet; sed, credo, fieret Domina Mater.

Et consellum illi, qui ad se pertinere intellexerunt illa verba, quod iis minus, quam reformationis suffragentur Jura Regni, contra eundem Oborski certatim hinc inde ceperunt Orationes tuas instigare valde aculeatas, declarando, e facie hoc aliquem arripuisse, qui putat in communi Patria, non omnibus (qui pro illa defendenda capita sua omni discrimini dum opus est, offerunt) ex aequo Jura suffragari: nunquam Litteras Armales pro eo cuius collatas, quod sit Catholicus, sed quod

pro

pro Patria animo forti subiverit pericula: diffidere talem Nobilitati suæ, qui illam Religionem stabilire vult. Ad quæ Catholici quoque illum Oborscium sublevando acriter respondebant, ita ut non exiguus concitatus fuerit tumultus, & altercationes illæ in longum tempus sunt protractæ. Præcavendo itaque Marschalcus Comitiorum, ne aliquid mali inde eveniret, infectis rebus solvit consultationem, negotium illud rejiciendo ad diem Lunæ. Interea eodem die circa Vesperam advenit Princeps Radzivilius, qui sequenti die salutavit privatim Regem, nulla facta mentione ea de re, quamvis nihil horum quæ acta sunt, illum laceret.

Adveniente die Lunæ, ad confessum aliorum Legatorum, compareret & Princeps Radzivilius, cumque jam convenissent ferme omnes, tum Dominus Marschalcus Comitiorum instituit Orationem, in qua adversam sortem suam incusat, quod tam infelici tempore hocce munus subiverit, ut quatuor jam diebus laborantes, nihil tamen coeperint; nunc etiam sibi metuere similem difficultatem, ad quam evitandam sibi placere, ut id, quod hætenus multum temporis sine quovis effectu eripuit, rejiciatur sub finem Comitiorum, cum sæpe eveniat ut, sanet mora, quod ratio nequit: velle itaque se informari, a quonam negotio inchoanda esset præsens consultatio? monuit præterea, & obtestatus est per omnia sacra, ut quam modestissime quisque

sine

sine exasperatione animorum, quid sentiat, in medium proferat.

Respondet potior pars, more solito incipiat D. Vestra a recessu. Tum ille: *Mibi quidem aliter visum erat, sed quia pluribus ita placet, vellem jam cognoscere animos Dominationum Vestrarum, qualiter apud se deliberarunt in negotio Illustrissimi Principis Radzivilii. Ut autem id tanto facilius, & exactius expediri queat, puto consultius fore, ut secundum seriem Palatinatum, quisque suo de loco suum proferat suffragium.*

Tum Radzivilius impetrata audientia, *Quandoquidem, inquit, audio hic fieri mentionem mei, nulla autem citatione ad Comititia sum evocatus, nec ulla ratione mihi innotuit, mihi hoc in loco controvertendum cum aliquo esse: præterea bene mihi sum conscius, me nihil tale commississe, quod secundum Jura Regni hunc terminum concerneret, rogo liceat scire, a quo & qualis contra me instituat querela, ut sciam qualiter sit ad illam respondendum.*

Tum Marschalcus Comitiorum: *Nolo, inquit, verbis meis exponere, sed potius ea quæ nobis sunt exposita producenda duco; lætaque prius Protestatione legit postea & Epistolam, ubi dum in Epilogo pervenisset ad illa verba, quibus Episcopus inculcat Regno, ut Summa-*

*Vilnensis
Episcopi
Crimina-
tiones re-
petuntur*

rio Processu cum illo procedatur: conclamatur

a multis, rogandus est, rogandus est Serenissimus Rex, ut consensum præbeat.

Oratio
Radzivilii
pro se in
Comitiis

Demum Radzivilius impetrata audientia ait: *Equidem demirari non possum, quod aliqui usque adeo inordinato zelo suo indulgeant, ut ad communes libertates nullum respectum habeant: quasi vero Dissidentibus tantum Leges, quas Antecessores nostri hucusque sacrosancte observarunt, essent necessariae, Domini Catholici vero, quandocunque libuerit, evertendi illas habeant facultatem. Quod attinet Summarium Processum, quem contra me non citatum, inauditum, indefensum aliqui statuere volunt, si volunt illum introducere in omnem casum universaliter, credo firmiter citius illum incursum aliquem alium, quam Radzivilium, in cujus domo nunquam vel simplex citatio visa.* (Et hic coepit prolixa Oratione tum Majorum suorum, tum sui ipsius morum integritatem, humanitatem, qua cunctos præveniat, munificentiam sibi adnatam, ut potius aliis beneficia conferre, quam alicui vel levissimam injuriam inferre, & omni meliori modo animos omnium ad se potius allicere, quam a se abalienare sit solitus; & alias Heroicas virtutes, quæ semper in domo Radziviliana erant conspicuæ, ita recensere, ut nullus repertus fuerit, qui in contrarium aliquid proferre auderet. Demum subiungebat: *Sed hancine ego pro meritis meis, tum erga Serenissimum Regem, tum erga pri-*

vatos

vatos sperare unquam potui remunerationem, ut ejusmodi aggraver Processu? Si hæc in viridi, quid in arido? Asserebat præterea sibi & successoribus suis nullum superesse metum: metuendum potius iis, qui in Banitionibus nascuntur, in Infamiis autem moriuntur) si, inquam, in omnem casum volunt statuere Summarium Processum, non reluctarer & ego. Sed persuasum habeo nullum verum Patriæ Filium, qui scit, qua in re consistat nostra aurea libertas, id admitturum; & ego sciens illum esse summe nocivum Civibus Reipublicæ, super eo nequaquam consentio, sed potius cum aliis contra illum solenniter protestor. Tum exclamarunt ex multis locis: Ego quoque! Ego quoque! Postquam autem conticuerunt omnes, proseguendo Orationem dicit: Quod si quis ad me aggravandum instinctu hominis inimici, hocce Summario Processu uti volet, scio antiquam Patriæ Legem, quam quisque probus Oraculi instar hucusque observavit: Sine nobis nihil in nos. Jam autem ex præmissa Protestatione mea constat, me nulli hanc legem prout iniquissimam imponere velle: ac proinde, prout alium illa aggravare nolo, tanto minus ipse illam subibo: non quod exlex esse velim; quemadmodum enim hactenus Legibus Patriæ libenter me semper submittebam, ita in posterum quoque subire Decretum ex Codice Legum antiquarum, contra me latum, minime recuso. Sed si quis

Y 3

in-

invito mihi jugum imponere velit, lubens illum videbo. Quod autem attinet *Actionem*, qua me involvere vult *Episcopus Vlnensis*, nunc cum nec dies mihi fuerit dictus, neque Forum sit competens, ne verbum quidem ad illam respondere volo; sed suo tempore huic *Papæ*, qui tantas contra me concitavit turbas, tam sonora respondebo *Ecce*, ut exaudiat per totum Regnum!

Adhuc in ore *Radzivilii* ultima hærebant verba, quando concitatus est ingens clamor, & stridor dentium, blasphemavit, blasphemavit, quid amplius volumus? Ecce in facie *Reipublicæ* comminatus est *Vicario Dei*; nonne hæc est aperta denunciatio belli? Vix sese cohibuerunt a gladiis, Vociferationes autem miræ pro & contra exaudiebantur: *Marschaleo Comitiorum* modo hunc, modo alterum moderante; a parte vero *Radzivilii* ingenti multitudine astante, ut valde fuerit anceps eventus rei, si aliquid inceptum fuisset: præsertim cum notum fuerit omnibus, foris etiam aliquot millia fuisse *Radzivilianorum*, iussa expectantium, & si unicus evaginasset gladium, horrenda laniena subsequutura fuisset, quæ maxima cum difficultate cohiberi potuisset. *Marschaleus* ergo *Comitiorum* videns summopere exarsisse in iram utramque partem, misit ad *Senatum* implorando consilium, & confestim missi sunt de *Senatu* duo *Viri Eminentissimi*, qui nomine *Regis* severe in-

indixerunt silentium omnibus, atque demandando, ne quisquam alterum injurioso verbo, tanto minus manu laceßere audeat, dissolvi sessionem illam curarunt: ipsique tamdiu adstiterunt, donec sensim incipiendo ab illis, qui foribus erant propiores, egressi fuissent omnes: & alii quidem ad hospitia, *Radzivilius* autem contulit se ad *Regem*: Cui *Rex*: O *Radzivil*, inquit, ad instar *Diaboli* es malus! Tum ille ad pedes *Regis* provolutus: Multa mala verba, ait, famam meam ludentia, extorserunt id a me, ut & meum cor eructaverit unum Verbum, eo loco, fateor, non dicendum: pro quo humillime deprecor *Serenissimam Majestatem V. Regiam*, *Dominum meum Clementissimum*. Sed *Serenissime Rex*, dicta volant, scripta manent, quæ *Universum Regnum* ita contra me concitarunt, tanquam contra apertissimum *Reipublicæ Hostem*. Tum *Rex*: Curabimus, inquit, ut amplius nulla mentio fiat ejus rei, tantum Tu etiam omnem depone iram. Ad hæc *Radzivilius*: Semper me obsequentissimum, & sui observantissimum experiebatur *S. M. V. R. D. M. C.* & nunc talem me præstabo. Sed tamen *Protestatio in Acta authentica inducenda* manebit perpetuo. Rursus *Rex*: Hanc etiam annubiliari curabimus. Itaque *Protocolum* in præsentia *Radzivilii* adferri, exindeque *Protestationem* eliminari jussit. Epistolam quoque quæ fuit ad *Comitia* scripta ab *Episcopo Vlnensi*, &

*Rex auctoritate interposita litem abrum-
pit*

ad manus Marschalci Comitiorum porrecta, una cum Protestatione ex Actis Varſaviensibus deprompta, adferri sibi a Marschaleo curavit, & in præsentia *Radzivilii* discepsit. Et hic fuit illius importunæ litis finis. Quod tamen alta mente *Radzivilii* repollum mansit, juxta illud; *Sæd it in marmore læsus: Et stimulis fibras ejus Jim toties læsas majoribus implevit, calcarque addidit, ut ad præcavenda similia quam maxime esset attentus.*

Præsertim quia iisdem in Comitiiis, dum hæc in Congregatione Nunciorum Terreſtrium agebatur, in Senatu præſente Rege *Jonas Schlehtingius*, Vir Religionis Christianæ, ad differentiam aliarum dictæ Unitariæ, ad Comitium Regni, mandato Regio evocatus (quod nomine Ecclesiæ ejusdem Religionis conscripſſet Symbolum Apostolicum, quod viguit in Primitiva Ecclesia Christi, atque loca Scripturæ sacræ, ex quibus Symbolum illud concinnatum esse probatur, in compendium redeſſet. De quo quidem Opusculo, dum Episcopus requisivisset censuram Academicorum, responſum dederunt: *Hic ea solummodo adferuntur, quæ in Sacris Litteris continentur: itaque disputandi contra hoc scriptum locus non datur, nisi quis velit tota Biblia tollere; solummodo admonendus esset auctor operis cum suis Affectis, ut plura etiam quæ credere præcipit Ecclesia Romana, Confessione suæ addans*) & ideo in pœna perpetuæ

Judicium
in formulam
Con-
fessionis
Lutario-
rum

petuæ Infamiæ, Confiscationis omnium bonorum, & insuper Capitis condemnatus est. Ipse quoque Libellus damnatus est ad roſum, & ibidem Varſaviæ in instanti per publicum Carnificem, in quatuor angulis tori prædictæ Civitatis combustus fuit: cum assignatione similis pœnæ illis omnibus, quicunque opusculi combusti paria reservare, & illa legere aſint.

Nunquam tamen vel prædictus Princeps *Radzivilius*, vel alius ullus Dissidentium in Religione Christiana ab Ecclesia Romano-Catholica Italia tentarunt, qualia fecerunt privatis de causis ipsi Romano-Catholici, (utpote *Radziejowski*, Vice-Cancellarius Regni, qui Suecos in Poloniam adduxit, & *Lubomirski* Supremus Regni Marschalcus, qui apertum bellum eontra Regem *Joannem Casimirum* suscepit, Exercitum ipsius aperto Marte proſtigavit &c. quæ siquidem lippis & tonsoribus sunt nota, non est necesse, ut cæ referam) *Radzivilius* vero altum premens corde dolorem, nullam unquam meditatus vindictam; sed tantum de adhibendo licito remedio, ne talia sæpius evenirent, multum erat sollicitus: hoc unum efficacissimum esse arbitratus, ut, si forte contigerit *Uladislaum Quartum* Fato concedere, postea talis ad dirigendas Regni habenas, admo-veretur Princeps, qui memor obligationis suæ in Rota (seu formula) Juramento contentæ, non permetteret concives, & commembra com-
mu-

munis Patriæ, quibus alia etiam Jura, & Privilegia Regni pariter, & ex æquo, prout cæteris, suffragantur, ita alia ab aliis lædi, ut pars potentior debiliorem aggravaret, ea præsertim in parte, quam perfectissimus Architectus in universa corporis humani structura delicatissimam esse voluit, & sibi et ipsi reservavit, videlicet pupillam conscientiæ; & qui ceu Supremus Justitiæ Arbitrarius in eo Officii sibi a Deo commissi præcipuam collocaret partem, ut quisque seu major, seu minor, concessa ab antiquis Augustissimis Prædecessoribus frueretur libertate; & quemadmodum omnia sub eodem corporis Reipublicæ capite æqualiter supportat onera, ita etiam in Immunitatibus æquali gauderet Jure: talia secum meditatus, nihil tamen præcipitanter egit, donec Fatis e numero viventium exempto Ulaslao Quarto, egregia ipsi & per omnia licita, ac legitima intentiones suas in finem deducendi affulsit occasio; promovendi nimirum (sine præjudicio ullo Regni, aut cujuspiam privati) tempore Electionis Novi Regis, quæ unicuique Nobili Polono est libera (ut non immerito quidam egregius Nobilis Polonus, cum in Italia peregrinaretur, ibique a quodam Comite ad Convivium invitatus, videns aliquibus Principum ac Comitum diversarum Gentium, utut Adolescentibus priorem præ se locum ad mensam assignari, hac Eminentia inter externos superbians, discessum a convivio parabat; cu-

jus

jus rei causam interrogatus dixit, se nulla ratione talem despectum ferre posse, ut aliqui Comites priores accumbant mensæ, quam ille, cum sit Elector Regis Poloniæ, quo audito Pater-familias, existimans simili Dignitate gaudere Electores Regis Poloniæ, prout Romani Imperatoris, summopere illum deprecatus quod ignoraverit in tanta Eminentia esse constitutum, confestim illum præ omnibus Conviviis primo loco accumbere fecit) ad Dignitatem Regiam superius memoratum Principem *Georgium Rákócium Seniore*; in quo promovendo non solus *Radziwilius* laboravit, sed aliorum etiam Procerum Regni studia eodem collimabant (cujus rei mentionem fecit *Joannes Bethlen* in Historia (a) sua) & idem videre quisque potest, ex Sententia *Vishniovicci*, superius inserta; nec excidisset voto suo *Rákóczi*, nisi Supremus rerum humanarum Moderator suum subtraxisset calculum, qui eo plane tempore, quando Legati *Rakoczi* negotium hocce coram Regno Poloniæ agitatum, jam ad umbilicum deducere sunt visi, ex hac luce ad perfectiorem illum advocavit, (b) & hac ratione omnes super hoc negotio conatus dissipavit: nihilominus non exiguum Regni Poloniæ desiderium

(a) Comentariorum de rebus Transil. Lib. I.

(b) Uladislav Rex Poloniæ obiit 1648. 22. Maji. Rákóczy vero 11. Octobris ejusdem anni, ætat. anno 55.

derium in Filium quoque derivavit. Qui exemplo Parentis sui benevolentiam Polonorum primo quidem officiis boni Amici, Polonisque prout gratissimis, ita & peropportunis occupari variis modis non intermisit, præcipue dum perlato ad se rumore, quam gravi essent impliciti bello, sibi a Cosaccis simul, & Tataris illato ratus hanc maxime commodam conciliandæ illustri Nomini suo Famæ occasionem sibi oblatam ultro per *Joannem Bethlen* subsidium, Regi, & Regno Poloniæ contra hostes eorum obtulit, & promptitudinem hancce suam Polonis gratissimam esse cernens, aliquot Millia Selectissimi Militis in Valachiam Cis-Alpinam contra *Lupulum* Regni illius Dinastam expedit, sub Generali *Joanne Kemény*, qui conjunctus cum copiis Polonicalibus, postquam arcta obsidione cinxisset Arcem dictam *Szucsava*, cui tuendæ pro Præsidio cum forti manu Cosaccorum impositus erat Gener *Lupuli*, filius Chmielnicii Hetmani Cosaccorum, nomine *Tymotheus*, illamque strenue oppugnasset, emisso e grandiori tormento globo ipsum *Tymotheum* tormenta Arcis obsessæ dirigentem fragmento rotæ, tormenti ictu globi emissi avulso crus ejus confringens e medio Præsidiariorum sustulit; quo cadente, cæteris in dicto Fortalitio inclusis, necessitas est imposita honestis conditionibus cum Polonis transigendi: ad Castra etiam ipsiusmet Regis *Casimiri*, sub regimine

Mi-

Michaelis Mikes, ad *Zwamietz* non contemnendam stipendiariorum militum manum miserat: quo egregiam, & maxima cum laude conjunctam operam Regi navante Tarari in id sunt inducti, ut relictis antiquis fociis suis, nimirum Cosaccis, posthac Polonis adhæserint: pro quo quidem præstito Officio ipsius Officiales & indigenatu donati videlicet *Franciscus Rákóczi*, *Franciscus Rédei*, *Joannes Kemény*, *Stephanus Petki*, *Michael Mikes*, & condignis muneribus exculsi: & ipsi etiam Principi *Rákócio* promissa est commoda occasione, condigna gratitudo. Cujus promissi memores Poloni, postquam post varias rerum suarum, durante bello Cosaccico, vicissitudines (prima & secunda parte Historiæ expositas) charissima Mater, scilicet Patria sua in gravem, ac plane lathalem incidisset paroxysmum, quando videlicet varii Reipublicæ Hostes, utpote, ab occasu *Sueci*, a Septentrione *Mosci*, & denique *Cosacci* quasi ab Oriente, cum magnis copiis militaribus, uno eodemque tempore ad subversionem Regni conspirantes, non solum omnes Regni partes inundarunt, & longe lateque peragrarunt; verum etiam in tribus locis, in una septimana Exercitum Polonicum sub diversis Ducibus profligaverunt, & in tantas redegerunt angustias, ut denique nec locus reclusionis iis, quos extremo periculo mortis fors clementior exemerat, intra pomeria Regni daretur; sed multi,

opu.

Cur in
Regem
Sueciæ
inclinave-
runt Po-
loni

opulentiores præsertim, in *Hungariam* se contulerint; similiter etiam ipse Rex *Joannes Casimirus* in *Silesiam* se recepit: quando ii, quibus non erat modus extra Regnum sese subducendi, vagi, & palantes incertis sedibus, aut potius latibulis coacti sunt sese continere, (quod etiam superius est expositum) desperantes de salute Patriæ, desperantes de Rege, nec in ulla alia re salvandi sese spem ponentes; præerquam, ut in locum *Casimiri* (qui in mediis fluctibus clavò Reipublicæ abjecto, & nave Patriæ suæ relicta; ignavum se declaravit Naucleorum, dum se potius, quam Rempubicam salvare maluit) substituerunt alium, qui afflictæ Patriæ tot annis nubibus variarum adversitatum obductæ, desideratam reduceret serenitatem, & ex imminente extremo naufragio ereptam, actutum ad securum deduceret Portum (ut fit in rebus desperatis, quod nimirum aquis jam jamque subinergendi etiam novaculam arripiunt) unum ex invasoribus Regni (de cujus mansuetudine, & Heroicis virtutibus multo plus sibi pollicebantur, quam de aliis barbarioribus) hoc est, Regem Sueciæ ad fastigium Regiæ Dignitatis promovendum censebant. Cæteri autem extra Patriam collocati, audito eo, cum ipsis de redintegrando *Casimiro* spes omnis decollasse videretur, partim odio aliquo contra Suecum concepto, partim singulari affectu erga Principem *Rákocium* ducti, partim necessitudinis ne-

xu conjuncti, ideoque multum fortunæ suæ per promotionem *Rákocii* accessurum rati; partim denique præcavere volentes, ne Suecus subjugatum sibi armis Regnum asserens, antiquas libertates Polonorum tollere præsumat: multo consultius autem Patriæ suæ fore existimantes, si per liberam Electionem introduceretur Princeps *Rákocius*, qui nullum ad Regnum Poloniæ habens prætextum, sed liberis suffragiis electus, more aliorum Regum omnia Jura Privilegia, Immunitates, citra omnem controversiam solenni confirmaret Juramento, miserunt, (erant autem præcipui tum spirituales, tum seculares Proceres, & non infimæ dignitatis Officiales) Legatos ad Principem *Rákocium*, offerendo ei Coronam Regni, dummodo labentibus rebus illius subvenire sine mora vellet. Et quanquam oblatio illa non erat per omnia satisfaciens, ac legitima, quod non fuerit ex consensu omnium Ordinum, nihilominus cognitum habentes, quam prono affectu ducerentur erga dictum Principem reliqui etiam Poloni, persuadebant sibi, & omnino Principi pollicebantur, cæteros quoque in partes suas facile transiuros, si ipsum Sospitatorem suum experti fuerint. (cujus rei superius est mentio facta) Sed Princeps *Rákocius* partim quod multis hostibus Regni Poloniæ exponere sese integrum sibi fore nequaquam judicaverit, partim quod de consensu reliquorum Polonorum, super hac voca-

*Rákóczi
ait sibi
Polonis*

tionem per nonnullos tantum sibi oblata, dubitaverit, partim quod libertates Polonorum modum excedere ipsi sunt visæ, ideoque supplicandas illas esse aliquantulum, putarit; (quod si mediante libera electione creatus fuisset Rex, nequaquam se id effectui dare posse, bene prævidebat; atque ad consequenda ea, quæ in animoolvebat, multo practicabiliora media existimans, si communicatis consiliis, & conjunctis viribus cum iis, a quibus Regnum Poloniae infestabatur, Suecis scilicet, & Cosaccis auxilium, ac societatem armorum *Rákócii*, jam tunc temporis ambientibus id sibi contingent) oblationem illam Polonorum grato quidem animo acceptavit, nihilominus quasi maturioris deliberationis gratia super responso dando, in aliud tempus id distulit: interim cum Rege Sueciæ tum per Legatos illius ad se missos, tum per Litteras, tum denique per proprios a Suecos expeditos Legatos (utpote per *Franciscum Szebesi*, per *Nicolaum Jacob-falvi*, & Nobilem Polonum *Kasakowski*; qui etiam capti erant a Polonis, quando aliquos Suecos penes Civitatem *Warka* profligaverant) communicationes & consultationes varias instituit, simul & cum Cosaccis, quamvis ad invicem specie tantum fuissent amici, mutuo autem suspecti, teipsa infensi. *Rákócio* itaque tergiversante, interim alii Sueco constantius adhæserunt, & quod erat majus, Casimirus per Tataros, & aliquos Polonos,

nos, qui nomina sua Sueco non dederant, ex Silesia revocatus (quod superius expositum est fusius) ex iis quoque, qui in partes Regis Sueciæ transferant, complures, (postquam vidissent se a Moscis, & Cosaccis respirium esse natos, spe ea fieri, quod restantes solos Suecos (paucitatem illorum contemnendo) facili negotio unicis viribus sint exturbaturi, & ex tot Labyrinthis Rempublicam in pristinum statum redukturi) ad obsequia *Casimiri*, relicto *Carolo Gustavo*, sunt reversi; & sic præter opinionem facies Reipublicæ in aliam formam est versa. Ideoque illi etiam qui aliquot menses ante Patriam suam in desperatis casibus positam cernentes, suam in promovendo *Rákócio* ad Co-

*A Rákócio jam
aversi
animi
Polono-
rum*

ronam Regni obtulerant operam, visa insperata revolutione rerum in mediis, a cceptis suis supersedere sunt coacti, præsertim quod *Rákócius* fronte capillatam intermisisset occasionem.

Rursus Poloni, siquidem illis societas Tatarorum prout damnosa, ita & exosa fuit, Moscorum quoque, & Cosaccorum armistitium valde fragili nitebatur fundamento, fidem gentis utriusque valde suspectam habentes, allaborantibus iis qui favebant *Rákócio* (non tamen jam *Radzivilio*, quia sub finem Anni 1655. e vivis morte naturali excefferat, & vivus etiam nunquam viventibus vel *Casimiro*, vel *Uladislao* Regibus, quicquam tentaverat tale, quod aliquis perfidiæ notam sibi inurere potuisset, aut

Z

quo-

quopiam ex numero Dissidentium privato,) sed ex consensu Regni anno sequenti videlicet 1656. miserunt ad eundem *Rákóczi*, nomine totius Reipublicæ Legatos Reverendum *Albertum Prazmowski*, & *Gabrielem Silnizki*, novis conditionibus cum dicto Principe transacturi (qua de re fusius supra) sed quia tunc temporis quoque modo ad Orientem, modo ad Occidentem respiciens, & anceps, utrum cum Polonis, de Regno periclitantibus, eamque ob rem auxilium suum implorantibus, an vero cum Suecis, & Cosaccis, qui priores ipsi sunt visi, foedus sit ineundum, nihil alacri animo legit. Imo præsentibus Legatis Polonorum, cum Legatis Suecorum, & Cosaccorum studio aperte tractatus, & quasi in despectum Polonorum convivium cum iisdem instituebat: ideo infectis rebus illi etiam recesserunt: quæ tamen res bilem valde movit *Rákóczi*.

Denique quando prælio ad Varsaviam eodem Anno cum Suecis commisso, Sueci insigni victoria, & dicta Civitate fuerant potiti, aliquis Amicorum nuncians *Rákóczi*, quam infelicitè res Polonis cesserit, monuit, ne fortunæ suæ, simul & rebus Polonorum desit. (Prout patet ex Epistola inserta) Sed nec tunc quoque Princeps *Rákóczi* voluit facere quicquam pro parte Polonorum; imo potius in contrarium postulatum Polonorum alacrius
coe-

cepit cum Suecis, & Cosaccis jam dudum inchoatos Tractatus continuare.

Quod aliqua ratione præsentiens *Lubomirski* Marschalcus Regni Poloniæ affinitate cum Principe *Rákóczi* junctus, cum consensu Regis ablegavit ad dictum Principem Virum solertissimum, & prudentissimum *N. Kojakovski*, Venatorem Præmisiensem, per quem modis omnibus in id incumberebat, ut illum a Patris cum hostibus Regni Poloniæ ineundis avocaret: qua in re tanto majori cum sedulitate laborandum sibi esse duxit, quia probe noverat, quænam remedia Respublica Polona ad sui sublevationem jam adhibuerit: ac proinde optime prævidebat desperatum hocce Principis *Rákóczi* consilium, nequaquam feliciter, ac bene illi cessurum. Sed quamvis prædictus Legatus nihil intactum reliquerit in avocando Principe *Rákóczi* a proposito suo, tamen apud obstinatum animum, nullæ vel validissimæ rationes locum habuerunt, quapropter iste quoque Legatus cum tali tantum responso remissus, quod promiserit Princeps, se per proprium hominem brevi categoricam resolutionem daturum.

Hac itaque interveniente Legatione, ad-
huc Princeps *Rákóczi* Tractatus cum Suecis, *Rákóczi*
& Cosaccis in suspensio relinquens, misit Aulæ *us se ven-*
suæ Familiarem *Thomam Mikeš*, Virum saga-
tissimum ingenii ad *Lubomirscium* Marschalcum
Regni Poloniæ nunciando per eundem, jam
Z 2 fir-

firmiter secum constituisse cum Comitatu dignitati suæ Principali convenienti, ire in Poloniam: quandoquidem & ante Annum a quibusdam, & hoc ipso currenti Anno per solennes Regni Legatos invitatus fuerat, sperans futurum, ut coepta negotia, nec tamen hactenus in finem deducta (præsentia sua omnes difficultates amovente,) multo facilius felicem eventum sortiantur: (sperabat autem *Lubomirscium*, comperta sua intentione calcar sibi additurum, & aliquam promotionem suam promissurum.)

Ab hosti-
tate de-
hortatur
Mar-
schaleus
Regni

Marſchaleus vero Regni Poloniæ, nunc impe-
Lubomirski, re bene comperta, ex Legato
Principis *Rákócii*, illum multo alio fine, quam
sibi id erat a Republica Poloniæ per *Prazmo-
vium*, & *Silnicium* propositum, expeditionem
hanc suscepturum: quod videlicet non ad de-
fensionem Poloniæ, sed ad illam occupandam,
subsultus copiis hostium Reipublicæ sit ventu-
rus: præterea optime cognitum habens, qualia
remedia Patria ad avertenda mala se premen-
tia, jam tunc sibi comparaverit, quod nimi-
rum contra Suecos concitaverit Danos: Moscos
autem ne se invadant, imo ut contra se impe-
tentes suppetias ferant, variis promissis demul-
serit: Cofaccorum vero moles, ut se domi con-
tineat, Tataros id ad instantiam Regis effectu-
ros: imo etiam si aliqua *Rákócii* contra Polonos
molimina adverterint, illas eosdem esse retarda-

turos:

turos: Turcas *Rákócium*, quominus Polonos
armis infestet, prohibituos; Imperatorem Ro-
manorum, si & in quantum Amicabilis sua apud
Principem *Rákócium* interpositio (ut abstineat
a Polonis bello laceſſendis) illum a proposito
isto revocare non possit, certissimum Polonis
succursum promississe: hæc omnia prout Vir
prudensissimus, & omnium consiliorum Reipu-
blicæ intime gnarus, ac proinde prævidens, nisi
Rákócius tam multis sibi contrariantibus vicinis,
ab intentionibus suis destiterit, illum plurimis,
hisque inexplicabilibus malis sese intricaturum,
prout ipsi amicissimus, eripere eundem de præ-
sentissimo rerum discrimine sincere cupiens, mi-
sit ad illum iterum Affinem suum *Nicolaum* *Staniſlawski* dictum, magnæ in Polonia exilti-
mationis & magni stemmatis Virum, omnibus
modis dissuadens propositum Principis.

Sed Princeps *Rákócius* (ejusmodi ingenium
habens, ut id saluberrimum reputaverit, quod
sibi maxime placuerit; vel fortassis Fatis illum
ad exitium trahentibus) spretis omnibus rationi-
bus ad retrahendum se ab illo proposito addu-
ctis: imo pro aliqua sui illusione id reputans,
quod Poloni (ut dictum illius referam) quasi
penulæ loco, quam imminente pluvia quisque
arripit, illa autem cessante mox eam deponit,
seſe reſervando, pariter ſecum procedant: dum
videlicet nimium premuntur, ad illum confu-
giunt, poſtquam autem nacti fuerint aliquod

Contem-
ptis con-
ſiliis ſor-
dus cum
Suecis, &
Cofaccis
facit

Fœderis
capita

respirium, rursus illum derelinquant: sepulta omni cunctatione, Tractatus qui adhuc in suspensio hærebant, tam cum Suecis quam cum Cosaccis concludit. Quorum summa hæc fuit: Regi Sueciæ cedere debuit Major Polonia, Promerellia, Livonia, Et Urbs in Prussia ad portum maris sita, Gedanum, sive Dantiscum dicta. Principi Brandenburgico, ad ea quæ hætenus in Prussia possedit debuit adjungi Prussia Regalis, Principi Rákócio deferabatur Minor Polonia, Magnus Ducatus Lithuania, Ducatus Russia Et Masovia: in quibus quicquid Sueci armis occupassent, Et præsidio suo retinuissem, id totum, quam primum eo Princeps pervenisset, eidem resignandum promittebatur: Cosaccis denique Ukraina indifferenter relinquebatur, cum plenario eorundem Jure; Et nova libertatum confirmatio promittebatur.

Quorum quidem Tractatum conclusiones (siquidem nec Rex Sueciæ, nec Supremus Hermanus Cosaccorum Chmielnitzki in personis suis adfuerunt, tunc in instanti neque per Rákócium, neque per Suecos Juramento erant confirmati; sed id dilatum fuerat ad illum terminum, donec ambo in unum locum convenirent: cum Rákócius reipsa hisce Conclusionibus satisfacere visus fuerit, quod in persona sua ad requisitionem Confœderatorum expeditionem bellicam contra Polonos suscepit: a parte vero Cosaccorum initio Anni 1657. in Szamos Uyar, no-

nomine Universitatis juramentum deposuerunt Samuel Bohdanowicz Supremus Judex Cosaccorum, Joannes Korvaleruski General-Adjutantius Exercitus Zaporoviani, eo addito quod rursus ipse Chmielnitzki, & primarii Officiales Cosaccorum id præstare teneantur, idque in præsentia Legatorum Principis; quod præstitit coram Stephano Horvat & Topofs. Princeps vero Confœderationem hanc cum Cosaccis confirmaturus erat, postquam promissus Exercitus Zaporovianus ad Castra sua venisset.

Expeditionem tamen suam in Poloniam adhuc aliquantulum distulisset Princeps; sed quia ex prædicto ad se Ablegato Nicolao Stanislavio cognoverat, Regem Daniæ primo statim Verè invasurum Sueciam, præcavendo ne hac ratione Sueci ex Polonia evocarentur; quod si factum fuisset, multo difficiliore rerum suarum in Polonia progressus sibi imaginabatur; expeditionem suam maturavit: simulque hunc eundem Legatum ad se missum (utpote in devinciendis sibi animis hominum insignis artifex) in partes suas (recepto ab eo fidelitatis Juramento) pertraxit: quæ vel Lubomirscium apud Regem, & Polonos magna suspitione involvit, quod existimarent ejus instinctu Stanislavium id fecisse. (a)

Interea in Polonia, aliquot in locis Suecos summa celeritate præventos cædunt, Tatari in captivitatem abducunt: aliquot etiam minora

Z 4

for-

(a) Leg. Epist. 253. Tom. I. Epist. Procer.

fortalitia ab illis recuperant: Rex vero Sueciæ expilata Varavia, Cracovia vero melius munita, Exercitum modo ad hanc, modo ad aliam Regni partem, præstolando adventum *Rákóczi* (qua de re jam a Legato suo edoctus erat) circumducit, quæ singula enumerare si velim, magnum fieret volumen. Relinquo itaque ea aliis Historicis, & notabilia tantum leviter attingam.

Postquam *Lubomirski* jam certo certius cognovit Principem *Rákócium* non solum non superfedisse a proposito suo Poloniam armis instandi, sed contemptis omnibus rationibus ad id dissuadendum allatis, nec tempus bellandi (aliis bellatoribus observari solitum) expectando, statim sub initium Novi Anni Castra sua promoturum per *Muramaros* versus *Leopolim*: cum propter amovendam a se suspicionem, quam incurrerat apud omnes occasione *Stanislavii* a se ad Principem *Rákócium* missi, in partes vero illius deficientis: cum suspicatus id quod erat in re, *Rákócio* præmii, pro ferendo auxilio, loco promississe Suecos inter cœtera Cracoviam: illam cum Exercitu Polonico obsedit, strenueque oppugnare cœpit, sperans futurum, si ea de manibus Suecorum eriperetur, ut *Rákócius* viso eo, quod Sueci nihil habeant in propinquo, quod sibi conferre possint, sit forte regressurus; præcipue vero sciens, omnes tres Imperatores Orbis terrarum in illo revocando

la-

laboraturos. Sed Suecos invenit melius, quam sperabat, paratos, quapropter oppugnatio illa in longius tempus est protracta. Hoc tamen certissime verum, nisi *Rákócius* tam cito Suecis subvenisset, illos propter defectum com meatus, quo jam premebantur, diutius obsidionem sustinere minime potuisse.

Rebus itaque suis Princeps *Rákócius* modo recensito constitutis, (nimirum non juxta postulata Polonorum, in auxilium eorum contra hostes Regni Poloniæ Suecos & Cosaccos, sed potius inita cum illis societate armorum, contra Polonos, dissimulata quidem aliquantisper hostilitate, quæ tamen mox in apertum erupit, sub ea larva, quod ad continuandos cœptos cum Polonis Tractatus adventaret) statim primis diebus Januarii Anno 1657. movit de *Sza- 1657*
mos Uyvar cum Exercitu ab *Muramaros*, quo *Rákóczi*
postquam aliquot dierum spatio pervenisset, *expedi-*
ibique universas copias suas militares contraxisset, *tionem*
primo cœlum ipsum cœpit ei adversari, *adgredi-*
& intentionibus ejus obicem ponere. Etenim *tur mo-*
eodem mense Januario deciderunt maximæ plu- *lesta omni-*
viæ, quas tantæ subsecutæ sunt exundationes *tempesta-*
aquarum (quod pro malo omine a multis reputabatur) ut vix locus ad consistendum militi in illo tractu concessus fuerit: atque eam ob rem illo ibidem circiter duabus septimanis, cum maxima Incolarum ruina commorante, advenit Legatus Moscorum *Viskinov*, qui conatus Prin-
cipis

Legatus
Alisco-
rum de-
hortatur
frustra

cipis nomine Imperatoris sui annihilare volens, proposuit, Domino suo certis conditionibus Regnum Poloniæ esse oblatum; simulque monuit, si amicitiam, quam secum non ita pridem Princeps iniverat, inviolatam esse velit, ab invadenda Polonia absteat, cum declaratione, se illam tanquam propriam Patriam defensurum, Cui respondit *Rákóczi*: Nescio quidem quando, & quales *Cæsar Moscorum* habuerit vocationes, & oblationes Regni Poloniæ; sed mihi & anteriori, & novissimo tempore legitimo modo oblatum esse compertum habeo. Si vero *Cæsar Poloniæ* suum esse asserit Patrimonium, de eo conatus melius poterimus decernere. Quod autem attinet amicitiam *Cæsaris Moscorum*, equidem non diffiteor, eam mihi esse pergratam; non tamen tanti æstimandam, ut propter eam Regnum Poloniæ resignare debeam. Si *Jus violandum*, Regni causa violandum est. Sic dimissus est Legatus Moscorum.

Aquis post aliquot dies rigore hyemis confidentibus & congelatis, atque hac ratione ad prosequendos conatus via patefacta, dum progrediendum esset versus confinia Regni, iterum occurrit alia difficultas. In monte nimirum excelssissimo tam altæ nives deciderant, quales a memoria hominum nunquam fuere, facientibus omnibus; quæ tantum posuerant impedimentum, ut ne pedestris quidem transire illum montem potuerit, tanto minus Exercitus cum

ya.

variis oneribus. Quod sciens *Franciscus Rádey*, Comes *Maramarusiensis*, Vir summæ prudentiæ, & maximæ per universum Regnum auctoritatis, Principi etiam semper acceptissimus, hac occasione arrepta, dissuadere Propositum Principis volens, in hunc modum instituit Orationem:

Equidem *Celsissime Princeps D. M. Chu.* *Franciscus Rádey* me nunquam fuisse in ea sententia, ut *Celsitudo* *Vestra* bellum i ferat *Poloniæ*, qui & *Celsitudini Vestræ* in persona semper boni Amici, & Patriæ nostræ, inprimis vero huius Provinciæ boni fuere vicini, credo perspectum esse *Celsitudini Vestræ*; interim aperte id dissuadere, ut alias rationes nunc taceam, hanc solum ob causam non hui, quia si id antehac fecissem, & apud *Celsitudinem Vestram*, & apud ceteros (qui eventum rerum in futuris semper dubium, minus prospiciendo, sum, in iis, quæ placere *Celsitudini Vestræ* vident, præbendo assensum, gratiam ejusdem sibi aucupantur) dubio traxissem suspicionem, me nimirum id dissuadere, ut a Comitatu hæc mala loca illa, per quæ Exercitui transeundum est, concomitantia avertere possim. Sed ecce jam hæc suspicio amota est; siquidem omnia quæ habuerunt *Incolæ* locorum istorum, consumpta sunt: major desolatio, nisi aliquis ferro, & igne vastare velit, subsequi non potest. Præterea, cum videam *Cælum* ipsum conatibus *Cel. Vestræ* esse contrarium, ausum rogare, desistat

a capto itinere. Perpendat C. V. quibus cum auxiliis id aggrediatur? nimirum Suecis suffultus, & Cosaccis. Suecisne confidit Celsitudo Vestra? an ignorat illos toties conquestos esse, se a pia memoria Domino Parente Celsitudinis Vestrae, in illo bello, quod contra Imperatorem Romanum conjunctis viribus gerere cœterant, desertos fuisse? ac proinde metuendum est, ne ars simili deludatur arte. Præterea creditne Celsitudo Vestra illos, quibus Patria nunquam sufficit alendis: sed armis sibi coguntur quærere opes, quam ob rem etiam a cæteris populis Tatarum Christiani dicuntur, usque adeo esse liberales, ut quæ in Polonia non sine cruore suorum nacti, ea aliis concedant gratis? nisi summa ad id adgantur necessitate, nimirum quod retinere ea non possint. Semper enim facilius obtinentur Provinciae, quam retinentur. Non inscite quispiam protulit: Quærere Regna minus; parca tueri, plus est. Illi quoque cum non possint ipsi ea quæ eripuerunt alijs, retinere, Celsitudini Vestrae, (ut seipsos ex Labyrintho explicantes, alium inexplicabili involvant Periculo) promittunt tradere. Cosaccosne, (ut taceam quam perfidissima sit gens, & i se hereditario Regi suo fidem servare nescia) quorum Supremi Hetmani Filius ad Suczavam per Exercitum Celsitudinis Vestrae periit, sibi fidos Amicos credit? nonne potius metuendum est, ne subsidii loco, in malum aliquod conjiciant Celsitudinem Vestram, antiquam vindican-

cando injuriam? prout hoc comminatos fuisse nonnullos, non latet Celsitudinem Vestram; nonne recordatur quid retulerit Celsitudini Vestrae ille Legatus R. Sueciae Grondzki, qui ad illos quidem fuit expeditus, sed quo securius, Cracoviam devenire posset, ad Celsitudinem Vestram divergit: qualia de Celsitudine Vestra locutus fuerit Wyhorski Cancellarius Cosaccorum: (retulerat namque ille, quod cum sibi suassent Cosacci, ut securitatis gratia non hac via, qua ad illos venerat, regrederetur ad Regem Sueciae, sed per Valachiam, & Transylvaniam ope Principis Regni illius Cracoviam: ille autem veritus salutem suam concedere Principi Rakocio, sciens quod ille sit amicissimus Polonis, detrectaret iter suscipere per Transylvaniam: tum Wyhorski, representans ei aliquot Epistolas Rakocii, quibus sollicitabat Cosaccos, ut aliquod firmum, ac perpetuum sœdus secum inirent, dixit: ille quidem hoc maxime desiderat, sed nobis non placet sociare arma cum tali milite, qui post fornacem est educatus. Interim tamen non possumus illum penitus rejicere; sed debemus nos quoque illi blande respondere. Jam quia, prout vides, ille tantopere ambit amicitiam nostram, quando te eidem recommendabit Dominus Hetmanus noster, tutissime poteris per Ditiones illius itineri te committere: nunquam enim ille contra nos audebit peccare: cum sciat illud etiam vulgus, quod inflictum est

Grondz-
kio dicta
a Cosac-
cis de Ra-
kocio

De.

Domino Hetmano, quod nimirum per *Rákócianos* perierit Filius suus *Timotheus*, nondum sanatum esse, & certe adhuc ille aliquando pro eo luctu pœnas: quæ quidem eo ordine omnia retulerat Principi *Rákócio* prædictus Legatus in præsentia Comitis *Rédey*, & *Joannis Kemény*) Omnino utriusque Gens suspecta debet esse Celsitudini Vestrae Amicitia! Sed cogites adhuc Celsitudo Vestra hanc expeditionem suam subsequentiâ mala. Non ita pridem placuit Celsitudini Vestrae inire Amicitiam cum Moscis, eo fine, ut in casum, si quid durius nobis a porta Ottomanica immineret, quod semper timendum, habeamus aliquod Asylum, ad quod tempore necessitatis recurramus. Nunc propter hanc expeditionem, jam Celsitudo Vestra habet inimicitia denunciationem. Ex altera parte illud etiam cogitandum, quoniam animo Imperator Turcarum hanc Celsitudinis Vestrae expeditionem sic laturus, neque enim facile mihi persuaserim, illum qui Polonos auxiliis Tatarorum subleuat, approbaturum, quod Celsitudo Vestra Fœderatos ejus bello impetere intendat. Tutius autem iratis, qualis posthac manet nos in Transylvania securitatis? hæcne Celsitudo Vestra nunc firma tenens manu, charissimam item Conjugem, simulque unigenitum Filium, in locum suum, faventem Porta Ottomanica, certo successurum, propter aliena, illaque ambigua in discrimen coniciet? Sed quid de Imperatore Romanorum cogitat? Putatne se hac

via

via (dum Polonos modis variis, imprimis autem nexu Religionis ipsi conjunctos, oppugnabit) illum Amicum sibi paraturum? Vel vero tres Imperatores, quorum duo sunt proximi, & plane in faucibus illorum Transylvania est collocata, propter unum Regulum, illumque tot intervallis locorum a se distitum, & trans mare positum, & propter ineptissimos rebelles, inimicos sibi Celsitudo Vestra reddet? Vel etiamsi in Polonia Celsitudo Vestra rebus potita fuerit, illosne sibi bene affectos fore putabit, quos subjugabit? Nunc quam hoc sibi polliceatur; quod enim metus exorquet, diuturnum non est. Si autem (quod Deus avertat; quippe incerta Martis alea) aliquid adversè Celsitudini Vestrae contigerit, quomodo in tali casu converteret? vel quorumnam auxilium imploraret? cum sibi omnes vicinos infensos haberet. Vel, quis tunc status communem nostram Patriam maneret? quando quibus vicinorum spretam amicitiam suam nobis exprobraret? Parce itaque Princeps Gratosissime Tibi, parce charissima Conjugi, multis lacrymis id a Te exoranti; parce succrescenti Filio, cujus educationis cura vulli magis, atque Tibi incumbit: parce Patriæ, ut conservando illam, in hac, cum qua ad manus Tuas devenit, integritate; merito ab omnibus Patris Patriæ deprediceris nomine: parce tot Proceribus, quos tecum ex Patria educis, ne illos in aliquod conjicias delictum: parce Nobilitatis Transylvanicae flori,

ne

ne si contingat illum cadere, & ipse cogaris in perpetuo marcescere mærore, & plurimas Matronas ineffabili afficias dolore: parce Religioni, ne forte mutato Reipublicæ statu, & illa minime exoptatas subjiçiatur Reformationi: parce his omnibus, & nobiscum mane (eliffime Domine! (a)

Sed furdo
fatulati
sunt

Ad hæc Princeps Rákóczius: Sperandum mi Domine, & audendum: Dii meliora largientur, quam homines augurantur. Audaces Mursque, Deusque juvat: ex omnibus difficultatibus eluctandi Fata viam invenient. Videt Deus cor nostrum, quod hæc omnia promovendæ Religionis gratia facere velimus, ideoque Deum propitium nobis fore certo credimus: favente autem Numine naviges vel vinine. Nunc autem juxta illud: Cum Jove manum move; & Vestra Dominatio jubeat Officiales Comitatus, ut co-festim huc universum populum adducant cum patris ad dimovendas nives, & mox amovebitur difficultas ista, quæ Dominationi Vestræ videtur esse insuperabilis.

Concurrunt itaque undique homines, & aliis quidem, scilicet Militibus ingenti frigore al-

(a) Perlato fama publica hoc Rhédei consilio ad Portam Ottomanicam, & in Rakótium Turcæ accendebantur, & Rhédejo studia procurarunt. Vix enim eodem adhuc anno 1657. ex infausta expeditione Rakórti rediit, penitentibus Turcis dejecto Franciscus Rhédei lussus fuit; etsi paucis tantum mensibus præfuerit, Rakórtio inter technas iterum elisato: facilis privatam vitam amplexus fuit Rhédeus.

algentibus, illi multum defudant in aperienda inter nives via; sed vix semitam facere valentibus, Princeps videns majorem quam sperabat difficultatem, præcavendo, ne Poloni in faucibus montium præoccuparent Exercitui suo moram illam agerrime sententi, passum, præmittit in Poloniam cum aliquot millibus Equitum Supremum Generalem Joannem Kemény, dans in mandatis, ut statim in ipsis confiniis Regni loco comodo consisteret; & adjunxit ei duos Polonos Kosakovium & Grondzkium. Qui præter opinionem hominum superatis montibus, oppletis nivibus, pervenit ad Sinorvodzko: quo viso omnes sunt stupefacti. Fidem enim superabat tali tempore Exercitum illuc transire posse: & hæc ipsa res initio adventanti Rákóczi magnam peperit laudem, & Polonis maximum incussit metum, quod tam laboriosum, & contra injurias cœli patientem haberet militem. Cum autem in circumjacenti regione percrebuisset fama, ad latus Generalis Kemény adesse etiam illos Polonos, compluribus bene notos, confidentissime accedebant Keményum Nobiles Poloni, & Magnatum Ablegati, & per ipsos de securitate sua transigentes, quicquid ab ipsis præstolabatur, libenter præstabant: duobus præcipue præcautis, primo, ne adigerentur ad Juramentum Principi super fidelitate & adhæsione præstandum, eo quod etiamsi quis ter juraverit, avelli tamen a Regno propterea minime possit;

A a

prout

Keményi-
us auspici-
cato qui-
dem præ-
it in Po-
loniam

prout nec Princeps illorum tantum suffragio stabiliri ulla ratione potest; sed se aliquid de Regno prætenderet, cum cum Ordinibus Regni ea de re agere debere. Interea sit contentus, quod illius tractus Incolæ nullam hostilitatem contra Principem exercere, & donec Princeps in Polonia commoraretur, domi se mansuros obligarent: Alterum postulatum Polonorum fuit, ut quisque in domo sua tutus permaneret; illi autem, quæcunque ad alendum militem requirebantur, libenter promittebant, quæ haberent; pro nihilo dispendium, & jacturam bonorum reputantes, dummodo ad præsens salutem suam lucrifacerent. Et his quidem Conditionibus, antequam Princeps supervenisset, valde magnus tractus, longe lateque sese extendens, transegit; ex remotioribus etiam partibus ad Generalem Keménium mittentibus, Salva guardia, contra adventantes ad Castra Principis Cosaccos, dabatur. Sic milites Rakócii visi sunt sibi esse in Patria: Incolæ vero Regni Poloniæ perinde illos, atque Patrios milites excipiendo, & nullam insolentiam ab illis patiundo, satis sibi gratulari nequiverunt; uno verbo: Te Deum laudamus &c. canentes, quod sibi plane in agone constitutis contigerit ista felicitas, quam olim Vates prædixit fore, ut Vitulus cum Leopardo simul cohabitantes, nihil ab hoc sit passurus.

Postquam vero eo ubi subtiliterat Generalis Keménius, interjectis aliquot diebus, ipse Princeps

ceps cum universo Exercitu advenisset, nempe ad Sinorvodzko, multum super eo exhilaratus, quod ita egregie Poloni cum militibus suis convenirent: eundem Keménium præmisit ad Stryi, ut aliorum etiam Polonorum animos, quam optime erga se disponderet. Quod cum bene successisset, rursus Princeps perveniens ad Stryi, subito inde Generalem Keménium cum majoribus copiis præmisit Leopolum, adjungens ei præter Kosacovium, & Grondzium adhuc Stanisla-vium, utpote præ illis majoris auctoritatis Virum. Sed cum propius dictam Urbem accessisset, & Exercitum, quem secum habuit, memoratis Polonis, qui ipsi adfuerunt, præsentasset, illi videntes non esse sufficientem militem ad obsidendam Urbem, suaserunt ut potius ad propinquiora loca sese reciperet: quod tamen ille recusavit, sed omnino in suburbis disponere voluit Exercitum, quem secum adduxerat, & exinde nunciare in Urbe congregatis, nisi sibi dederint claves Civitatis, se in instanti suburbia exulturum: postea tamen ad impensissimam Grondzicii petitionem, qui (siquidem ibi habuit carissima sua pignora, metuebat, ne si nimium crudeliter ageret Generalis Kemény, intus congregati ulciscerentur hæc super familia ipsius) suavit ut lentius cum gente generosa ageret, & prius mitiora adhiberet remedia, demum si hæc non profuerint, more Medicorum, uteretur fortioribus. Itaque ex colle quo-

Sed ad
Leopolum
moras
nectere
debuit

dati representavit (non sine Strategemate) Exercitum, ita ut ex arce optime prospici posset, & mox eundem ad proximos pagos, sed tunc penitus desolatos, reduxit: interim *Grondzio* demandavit, ut benevolis Amicis suis scriberet, se de rebus incolumitatem Civitatis, & eorum qui erant intus, concernentibus, libenter collocuturum cum iis, vel cum Deputatis ad id ab Urbe Leopolitana, dummodo integra securitate accedere illi eosdem liceret: & hæc quidem Litteras per Tibicinem misit. Quia vero de sinceritate illius Leopolitani dubitare non poterant, eo, quod secum Obsidum loco Uxorem, & Liberos ejus haberent, sine cunctatione, grato animo, oblatum illud officium ab ipso acceptantes, assignarunt ei locum in quadam curia Nobilitari in Suburbio, & quosdam egregios Viros de medio sui, utpote *Hegano-vium*, *Niezabytovium*, *Truskolasium*, *Silnicium* deputarunt, illucque una cum Uxore ejus expediverunt: quod cum renunciassent Generali *Keményio*, atque securitatem ad se mittendorum pepigissent; ille quoque prædictum *Grondzium*, adjuncto ei *Stephano Pálffi*, cum informatione sufficienti, quæ eo in tempore Polonis intimanda essent, ablegavit: qui postquam copervenissent, atque cum Deputatis Civitatis abunde colloquia instituerunt: ibidem simul omnes cum summa benevoli animi contestatione, noctem peregerunt. Sequenti mane

De-

Deputati ingressi Civitatem, mox nunciarunt: *Se quidem ita subito super negotiis tam arduis sine matura deliberatione, non posse dare resolutionem: daturus se tamen illam eadem die promiserunt.* Interim cum scirent aliquas cohortes Quartanorum (a) versari circa Civitatem, qui nullam habent dependentiam a Commendante Urbis, ne, si forte cognoverint, adesse hic homines Principis *Rákócii*, vel in hospitio illos invaderent, vel redeuntibus in via insidias struerent; suaserunt, ut ad præsens *Grondzium* cum sibi adjunctis ad Castra redirent: quibus etiam unam Cohortem Equitum securitatis gratia adjunxerunt, promittentes se per proprium hominem responsum duros.

Cum tali itaque solum resolutione *Grondzium*, & *Pálffi* regressi sunt ad Generalem *Keményium*; quod ipsi non usquequaque placuit. Existimabat enim vel sibi illudi a Polonis, vel

Aa 3 suos

(a) Quartani qui fuerint, cum sæpius jam facta mentio sit, explicandum nobis est. *Stephanus Báthori* Cosaccorum opera in utilitatem Poloniae usus conscripto ex ipsis decem milium exercitui pedestri, & duorum equestri, limites Russiae atque Podoliae tutandos commisit contra faciles Tatarorum irruptiones. Sedes eis Urbe *Trechtemirovia* collocavit ad ripam Boristhenis contra urbem *Perejeslaviam*. Stipendium his destinatum fuit ex quarta Regionum proventuum parte, unde Quartani dicti sunt, & apud quosdam *Quartiani*. Verum hæc turma sensim ex ipsis Polonis legi coepta hodie quoque *quartana* audit.

suos Ablegatos rem non ita, prout opus erat, caute, ac prudenter egisse. Sed mox in meridie adferuntur Litteræ ad Grondzeium in hunc sensum exaratae: *Ipse probe nosti, Legibus Regni cautum esse, ne quisquam (ii autem vel imprimis, quibus defendendi alicujus Fortalitii cura est demandata) cum illis, qui hostili animo Patriam aggrediuntur, sponse sua aliquas conferentias, sub gravi pena Legibus contenta implere præsumat. Itaque roga, quasumus, Illustrissimum Generalem, ne aliquam contra nos concipiat offensam, quod ad privatum tuum cum privatis Amicis colloquium nullam possimus dare resolutionem. Sed si placet Illustrissimo Domino Generali aliquid nobis nomine Serenissimi Principis proponere, expressum aliquem ad nos mittat Legatum, & tunc contra omne periculum dubium conveniens responsum.*

Quibus perlectis Generalis Kemény, dixit: *Video sane ibi esse homines prudentes: nec miror illos ita processisse; aliter namque facere minime decuit.* Scribit itaque D. Kemény ad Universitatem congregatorum Leopoli, nuntiando se vellet eo Legatos mittere, dummodo Obsides securitatis illorum sibi mittantur: interim deliberat, & cum aliis Viris præcipuis consultat, quisnam mittendus esset: sed, nescitur quæ de causâ nullus Hungarorum subire istam Legationem voluit. Deferebat itaque hoc Officium Stanislavio: sed allatis ille frivolis aliquibus se

ex-

excusavit rationibus, (in rei autem veritate, puduit ipsum in conspectum Fratrum suorum venire; quod cum fuisset Ablegatus ad Principem, ut intentionem ipsius dissuaderet, ille, loco commissæ fidei suæ causæ, ipse etiam Principi accessisset, & (si verum fatendum) propositum illius accelerasset) Illo itaque renuente, voluit hoc negotium committere Kosacovio; ille excusavit se, quod, (prout etiam in re ipsa fuit) non polletet tanta facundia linguæ, ut in tali frequentia hominum, qualis ibi sine dubio futura, perorare, tanto magis suadere, aut commendare aliquid magni posset. Tandem communi omnium consensu, præcipue vero accedente commendatione Stephani Pálffy, designavit Grondzeium, omnibus acclamationibus, illum sufficientem huic functioni, & omnino etiam convenire, ut, quod per ipsum inchoatum est, per eundem etiam in finem deducere-tur: tanto itaque alacrius, quod videret omnibus idem placere, cœpit negotium proponendum Leopoli, intimare prædicto Grondzeio, qui quanquam non esset ex conventionione Famulus Principis, nec ullo Juramento allectus, nec ullo beneficio devinctus: sed tantum Fœderati sui, nempe Regis Sueciæ, idque non ad Principem, sed tantum ad Cosaccos amandatus; nihilominus præteritis diebus, suo cum Polonis, in præsentia ipsiusmet Generalis circa tra-

A a 4

Etæ.

Grondze-
kius de-
stinatur
internun-
tius Leo-
polim

status processu, maximam sibi conciliaverat confidentiam.

Nec multa interposita mora, nempe postridie summo mane, aulæ Leopoli missi quatuor præcipui Nobiles (inter quos fuit etiam *Siluitzki*, qui superiori Anno cum Reverendo *Praxmovio*, Legationis munere pertinctus erat apud Principem *Rákocium*, Generali *Keményo* optime notus) cum magna caterva concomitantium. Quos postquam salutasset Generalis, dicit: *Quo confidentius D. D. Vestrae de omnibus rebus arbitrari possint, non aliquem ex gente mea, sed Fratrem vestrum ablegare volo, dummodo id fiat in integra securitate. Qui responderunt: Non est cur in dubium vocet Illustrissima D. Vestra fidem, ac integritatem Fratrum nostrorum, a quibus missi, parati sumus, siue omnes quatuor, siue prout libuerit Illustrati Vestrae, tam diu hic commorati, donec regressurus fuerit Legatus Serenissimi Principis. Nisi enim sincere agere vellemus, nunquam hanc provinciam subivissemus: quod si insufficientes videremur, mox plures etiam aderunt. Quod vero Fratrem nostrum deputaverit ad nos, hoc erit omnibus gratissimum; cui nos eandem spondemus securitatem, qualis præstanda esset, si vel ex Ordine Senatorum Serenissimi Principis aliquis deputatus fuisset. Interea dum ceteri varia colloquia cum Generali instituissent, *Siluitzki* evocato *Grondzio* foras, pro ea familiaritate,*

quæ

quæ intercesserat illis in adolescentia, dum sub uno vexillo stipendia meruissent, cepit illum impensissime rogare, ne Genti suæ hanc ignominiam inureret; quod Fratribus suis aliter fidere noller, nisi acceptis pro se obsidibus: per omnia sacra sese obstringens, nihil adversi ipsi esse metuendum; cum omnes in Civitate congregati benevolentissimo erga ipsum ducantur animo, quos tanto magis sibi sit devincturus, & Legationem multo majori honori suo cessuram, si hanc erga Gentem suam contestatus fuerit confidentiam. His & aliis multum sollicitatus respondebat *Grondzki*: Se quidem ad ejusmodi antiqui Acharis sui obtestationes minus desiderare Obsides, dummodo aequiescat Dominus Generalis (quod tamen illum facturum minime speravit) postquam regressi in domum, refert *Grondzki* Domino Generali, se sine Obsidibus etiam ire paratum, si hoc placeat S. Illustratissimi. Qui subridens ait: *De tuo curio agitur, tu videris.* Et tandem manu cum illis stipulata, sub vinculo Juramenti Obsides illos dimisit una cum suo Alegato, adjunctis tantum ei XVI. Militibus. Ipse autem post discessum illorum Exercitum ad Principem reduxit. Etenim propter intensissima frigora, & inopiam comæatus in illo loco, ante biennium per Moscos, & Cofaccos in solitudinem redacto, commorari diutius nequaquam potuit: quam tamen intentionem suam alegato antehac denunciaverat,

rat,

rat, (ita tamen ne hoc jād scitum Polonorum deveniret) monuitque, ut expedita legatione recta ad Principem pone se contenderet.

Ingressus Urbem Leopoltanam Ablegatus, summo cum honore exceptus ab omnibus, & confestim ad Prætorium (ubi præter maximum Procerum, & Nobilium concursum Archiepiscopus Leopoliensis, & duo Episcopi illum præstolabantur) introductus, salutatis Primatibus mox sedere jussus, in hunc modum verba facere cœpit: Nullus dubito, reperiri non paucos in hoc Nobilissimo Magnificentiarum V. V. confessu, qui cuquetent cognoscere causam, quæ me, (quem hætenus una secum pro salute Patriæ discrimina quæque subire noverant) ad peregrina Castra inpulerit. Sed iis qui me penitus noverant, & quibus innata mea ad præstanda debita Patriæ officia devotio, ac promptitudo erant bene cognita, illa ipsa firmissime credo, persuadebunt, (me etiam tacente) non fecisse me talia ad damnum, & injuriam communis Patriæ. Quibus autem non ita clare cognita est, mea antea acta vita, convenienti loco, ac tempore facti mei paratus sum rationem reddere. Ad præsens vero, hoc unum de me scire volo omnes, & singulos, mihi, dum vivo, nihil prius, nihil potius fore salute communis Patriæ, & quomocunque mea sive volentem duxerint, sive reluctantem traxerint Fata, ad servitia Magnorum Virorum, omnium,

Oratio
Grond-
sæcii Leo-
poli apud
Primores

& singulorum, qua privatim, qua publice semper esse paratissimum. Quod autem attinet negotium mihi a Celsissimo, ac Illustrissimo Principe Transylvania Domino Georgio Rakocio commissum, id quidem Sua Celsitudo Principalis majori ex parte exposuit in Manifesto suo, ante Mensē, aut. duos præmissō, in quo occasionem ac finem susceptæ suæ in Poloniam motionis declaravit; ad præcavendum tamen omnem errorem, quem ignorantia rerum frequenter secum inferre solet, nunc etiam per me ad notitiam perducit. Quandoquidem ante Annum, vel paulo superius, eo potissimum tempore, quando aliqui in Patria existentes, ad maximas angustias redacti, Serenissimum Sueciæ Regem pro Domino recipiebant, aliqui vero Proceres Regni, (quorum nomina declaranda sibi metipsi Celsissimus Princeps reliquit) utpote, cum quisque suo sensu abundet, suum assensum super ea re præbere minimis volentes, sed libero in eligendo Rege pariter, & ex æquo, atque aliigaudentes suffragio, Suæ Celsitudini Principali vocationem ad Regnum capessendum ultro offerebant; nec minus universa Respublica per Reverendum Prazmorski, & G. Silnitski (qui ibidem adfuit) certum contractum de Corona Regni instituerat; quibus rebus accessit, quod Serenissimus Rex Sueciæ, ea quæ hætenus in Regno Polonia Jure belli obtinuit, & ad præsens defacto tenet, Celsissimo Principi sponte sua

con-

confert: Et denique Cosacchi jam per aliquot Annos Patrocinium Suae Celsitudinis Principalis ambientes, suamque omnimodam subjectionem promittentes; tandem etiam impetrarunt, ut illorum Clientela sua dignaretur. Quapropter, ut et captos tractatus; nondum vero continuatos cum Serenissimo Regno, tanto expeditius in effectum deducere, Et modum cum utraque nominata gente, transigendi quam commodissime, sine praepjudicio Reipublicae adinvenire possit, cum Comitatu Dignitate sua convenienti; veniendum esse ad Serenissimum Regnum Poloniae statuit, parere subiectis Et debellare superbos paratus. Monitas itaque Mag. Vestras vult Celsissimus Princeps, ut cognita intentione sua, si universae Reipublicae tam subito consulere non possint, privatis saltem rebus, Et salutis suae consulant, similem Suae Celsitudinis Principalis prout alii jam sunt experti; clementiam expectantes. Quod si contempta Celsissimi Principis benignitate, aliquid asperius cuiquam acciderit, id sibi metipsi imputare debet.

Ad haec responsum est in hunc modum: Intelleximus quidem quid vult Celsissimus Transylvanicae Princeps. Sed siquidem res haec quam affectat, est valde ardua, ac proinde magna indiget deliberatione, rogamus ut citra offensam secedat aliquantisper ad hospitium, nos vero expedita deliberatione responsum dare non tardabimus. Tum deputarunt aliquot Egregios Vi-

ros,

ros, qui ad hospitium deduxerunt Ablegatum, qui etiam cum eodem commorati colloquia de statu Transylvanico, & de ipsomet Principe instituerunt: qui quantum potuit, Virtutes Principis commendavit, a Prudentia, a Magnanimitate, a Mansuetudine, ab Humanitate, temperata tamen Frugalitate, a Justitia, denique a Felicitate, quae manifesta est rebus bello in utraque Valachia gestis. Regimen etiam Transylvanicum, & libertates Incolarum proxime accedere ad formam Reipublicae Poloniae, edocuit.

Post multas disceptationes Sole ad Occasum vergente, iterum invitatus est Legatus Celsissimi Principis ad eundem confessum, cui declaratum est: Placere Universitati de medio summittere ad Celsissimum Principem Legatos, Et per eosdem, quod apud se concluderit, Suae Celsitudini Principali exponere: dummodo plenae cum securitate illorum in eundo, Et redeundo id fiat. Ad haec respondebat Legatus: Persuasum sibi esse valde acceptos fore in conspectu Celsissimi Principis Dominos Ablegatos. Quod autem securitatem illorum attinet, promisit illos expectare, Et ad latus usque Principis incolumes deducere, redeuntibus etiam de omnimoda securitate prospicere. Qua declaratione acquiescentes Leopolitani, in sequentem proxime diem expeditionem Legatorum suorum distulerunt, Principis autem Legatum (colaudato ipsius er-

ga

ga Patriam, & Fratres suos affectu, atque adhibita exhortatione, ut in posterum quoque talem se præbeat, ut universo Regno commendari queat) reductum honorificentissime laudissimo exceperunt convivio: qui magnum cernens apparatus, eos etiam quos arctissimo vinculo agglutinatos sibi habuit, vocari curavit. Munera etiam illi offerebant; sed ad evitandam suspicionem acceptare illa noluit.

Interim Nobilis egregius *Joannes Torök* Principis Aulæ familiaris, (quem Princeps, cum se huic expeditioni accingeret, ad residentem in porta suam *Stephanum Váradi* miserat, ut intentionem suam de bello contra Polonos suscipiendo, supremo *Vezério* aperiat, animumque illius, quidnam hocce in negotio sentiat, exploret) cum tali *Vezérii* digressus responso, ut etiam si Princeps jam in Poloniam ingressus fuerit, acceptis litteris suis, subito ni velit summopere offendere Imperatorem *Turcarum*, regrediat. Sed prædictus Legatus *Cracoviam* pone Principem perveniens, ibi nescitur quæ de causa adhæsit, nec ulterius Principem secutus.

Cracovia etiam a *Suecis* per *Marschalcum* obsessis aliqui emissarii, clam sese per Castra *Polonorum*, subducentes, advolant, per quos *Wirtzius* Commendans Regis *Sueciæ* valde sollicitabat Principem, ut ad solvendam obsidionem, quam maxime maturaret; nec tardasset,

nisi

nisi gravi morbo in *Stryi* correptus voluntate sua diutius detentus fuisset.

Leopoliensium vero Legati, prout promiserant, sequenti die itineri sese committentes, una cum Alegato Principis, postmodum pervenerunt ad *Stryi*, quatuor præstantissimi Viri, nempe *D. Ozga* Succameranus *Leopoliensis* Venerandus, & disertissimus Senex, *D. Niezabytoruski* Dapifer *Bratslaviensis*, &c. *D. Siniurki* ille, qui in *Transylvania* apud Principem fuit, & nomine Civitatis Doctor Medicinæ, qui nocte ibidem peracta, adveniente die accedentes Principem, eundem salutarunt, perorante *Lingua Latina* *D. Ozga* omnium cum laude, quorum summa fuit: *Polonos nunquam sua de- vel privatim Principem laceffivisse, ad ejusmodi contra Patriam suam processum: vel publice Regno Transylvaniæ occasionem præbuisse ad se bello impetendos; Et omnino præstitisse Principi, ut domi quiescens, Et antiquam cum Polonis colens amicitiam, non vero cum hostibus vicinorum suorum sese conjungens, expectasset aliquantum, ut id, quod ipsi ultro offerebatur, tandem pacatis mediis in finem deduceretur. Quia tamen suscepit expeditionem, nec ipsis visum est postulare a Principe, ut infectis rebus redeat, cum viderent id cum diminutione famæ suæ conjunctum fore. Tandem suaserunt, si vellet evitare inexpectatum aliquem casum, non niteretur consiliis Suecorum, tanto minus Co-*

Consilia sua de- promunt Leopoli- tant apud Rakótzium.

fac-

saccorum; sed quod sibi vestra ratio conservandi status sui suaserit, id sequeretur: praeterea caveret, ne insolentia militum Rempublicam contra se exacerbaret; sed quo citius id quod in animo habet in effectum deducere posset, consistens in aliquo loco sibi commodo, per aliquem idoneum Legatum renunciaret Regi, sibi esse aliqua cum Sua Majestate, & univ.ºo Regno communicanda, quae concernant universam Rempublicam, atque ad tractanda talia, praefigat tempus & locum, declarando se quoque pro eodem termino Legatos cum plenaria instructione missurum, interim ab omni hostilitate absteineat. Hoc si observaverit felicem rerum suarum successum polliceri sibi poterit. De cetero, compactum est inter utramque partem hoc modo:

Et trans-
gunt cum
Principe Quod Princeps quidem praecavere debeat, ne Incolis Palatinatus Russiae ulla damna inferantur. Quod vero attinet commeatum, hoc pro damno non sunt reputaturi, dummodo parcatur innocuis tellis, & hominibus: Incola autem ejusdem Palatinatus, nec consilio nec armis, nec pecunia quicquam attentare debent contra Principem, donec totaliter cum Regno transierit: quod & promittere illaesa erga Regem & Rempublicam fidelitate, & prestare salva conscientia poterant. Postquam enim percubuerat fama in Regno Poloniae de intentionibus Principis Rakócii, Palatinatus Russiae, cujus Metropolis est Leopoli, obtinuerat ge-
ne-

neralem exemptionem ab isto bello, dummodo Leopoli, Samboriam, Pramisliam ita defenderet, ne in potestatem hostis devenirent: quod quidem tunc temporis absconditum erat a Rakócianis.

Et hoc quidem consilium Legatorum Leopoliensium placuit omnibus; sed non diu eo tenore, prout suaserant, processum est: Quamprimum enim Cosacci, & utriusque Valachiae auxiliatrices copiae ad Castra Principis pervenerunt, omnia sursum, ac deorsum pervertere coeperunt: occasione primum arrepta inue; quod postquam Princeps Castra prope Samboriam posuisset, atque incolas Civitatis monuisset, ut, si sibi bene prospectum esse vellent, exemplo Leopoliensium secum transigerent, quod quidem illi ambabus, ut ajunt, manibus, arripientes, tempus pomeridianum, & locum in Curia quadam Nobilitati extra Civitatem tractatibus instituendis assignarunt, ad quem Actum designatus fuit ipse Supremus Generalis *Johannes Kemény*; qui dum eo profectus fuisset, ecce cecidit inopinatus & valde infortunatus interrupt illud propositum. Etenim Frater Germanus Domini Generalis *Balthasar Kemény*, dum ipsi nunciatum esset, Fratrem suum ab vno Samboriam versus, de somno meridiano expegefactus, subito equum conscendens adjunctis sibi aliquot militibus, citato cursu, non eo, ubi erat locus tractatibus assignatus,

sed quo ducebat via magis trita, videlicet recta ad portam Civitatis properans, incidit in aliquot homines, qui freti securitate tractatum, exiverant ex Civitate ad tollendum aliquid de domibus suis in suburbio sitis, quibus visis coepit in illos invehi: qui, quo facilius periculum evaderent transilierunt sapes, post quos ille explosit sclopetum: illorum etiam aliquis explodens, frontem ipsius ita petiit, ut subito mortuus fuerit. Quod postquam relatum fuisset Domino Generali, statim ex loco tractatibus designato (quo necdum devenerant Samborienes) discedens, cucurrit ad Fratrem, cui jam nihil opitulari potuit. Sic interveniente hocce infelici casu, illa die, infectis rebus discessum est a Tractatibus: interim tum ipse Generalis, tum universus ferme Exercitus vehementissime instabant; *Hic jam non verbis, siquidem Samborienes lacefferunt, sed armis transigendum, Et sanguinem tanti Viri ulciscendum esse.* Super quo casu ipse etiam Princeps valde indoluit, erat enim illi sincere dilectus: nihilominus tamen comperto eo, qualiter res eveniret, civibus etiam asserentibus, se nec scire auctorem facti, siquidem id acciderat extra moenia: praeterea quia ratio status negotiorum cum Suecis conjunctorum, non permittebat aliquam oppugnationis impedire moram: praesertim quod Civitas valido praesidio fuerat munita; praeter Cives enim, & alios, qui ex pro-

ximis locis, eo confluerant, & efficiebant circiter 9000. hominum, imposita erant 2000. Germanorum. Sueci autem indefinenter sollicitabant, ut Cracoviae, penuria commeatus laboranti, ideoque valde periclitanti in succursum quantocyus veniret. Quapropter Princeps, cum his quoque iisdem conditionibus transegit, prout & cum Leopoliensibus. Quod plus julto offendit animos plurium, passimque clamare coeperunt: *Videmus Principem tanti facere sanguinem Hungaricum, atque alienius christiani canis, Et dummodo placere possit Polonis, ita nos penes se huc atque illuc circumducere velle, atque canes venaticos loris detentos.* Et multa alia his similia vociferabantur.

Quia autem Princeps valde anxius animo de Cracovia obsessa summo opere desideravit cognoscere, qualiter res ibi succederent, plane eo tempore, quando Generalis Kemény discessurus erat versus Sambor ad illos insaufos tractatus, expediret cum selectissimis Mille equitibus *Franciscum Ispán*, dans in mandatis ut per submontanas Regiones, abjecta mora tenderet versus Cracoviam. Quod eo fine institutum, ut fama adventantis Exercitus *Rákóciani* quam velocissime deferretur ad Castra Polonorum *Cracoviam* oppugnantium, sperans futurum ut farra ejusmodi ad illos delata, obsidionem solvant; quod si in itinere cognoverint jam solutam esse obsidionem regrediantur ad se

via Regia per *Jaroslaviam*, & ultra *Cracoviam* versus tendenti. Qui postquam emensi fuissent circiter duodecim miliaria a *Samboria* inter Civitatem *Sanok*, & *Mrzyglod* certis indicibus cognoverunt, jam Marschalcum Regni solvisse obsidionem. Quapropter juxta mandatum sibi datum diverterunt *Jaroslaviam* versus. Cumque ad noctem peragendam ad Curiam cujusdam Nobilis omnes sese contulissent: quod ideo factum quod omnes a rapinis facilius cohiberi posset; Nobilis ille sequenti die volens gratitudinem suam contestari erga *Franciscum Ispán* (quod ita rem egerit, ut nulla in re per Milites damnificatus fuerit: præter aliqua ad victum spectantia, quorum jacturam ille pro lucro reputavit, quod ipse cum universa familia & bonis suis salvus manserit) indicavit illi mane, Exercitum a *Cracovia* regredientem, eandem noctem partim transegisse in *Tyrcyn*, *Dubietzko*, *Lantzuth*, *Przerworsko*, & Pagis recensitis Civitatibus proximioribus; partim cum Generali *Stanislao Pototzki* in Civitate *Jaroslavo*, ad quem pridie ex variis hybernis confluerant jam 36. Cohortes, & plures in horas expectabantur, donec superveniret Marschaleus Regni, ut conjunctis viribus irent in occursum *Rákócio*, &, nisi velit annuere instanti Imperatoris Romanorum, ut superseadeat a bello Polonico, cum illo de summa rei, armis experiantur: simulque monuit, ut si in-

columis ad Castra Principis sui (de quo etiam dicit se fama accepisse, illum jam a *Samboria* regressum esse) redire velit, abjecta omni cunctatione, quanta potest cum celeritate iter suum admaturret, antequam Poloni præsentiam ipsius animaverterint. Loca enim illa, in quibus erant constituti Poloni, aliqua erant proxima, aliqua autem in eo ipso tractu posita, qua regrediendum erat *Rákócianis* ad Principem. Quod Consiliam æqui, bonique consulens *Franciscus Ispán*, ea celeritate in reducendo milite est usus, ut uno die emensis 10. Milliaribus Pol. sed per loca montosa, pervenerit usque ad fluvium *San*: ubi ex altera parte adveniens alia militum manus, noviter a Principe *Jaroslaviam* versus expedita, audito super glacie strepitu equorum, rati Polonos esse, recesserunt ad Pagum, ibique inter duas amplas tabernas insidias struxerunt. *Franciscus Ispán* vero horum inscius præmisit unum, & alterum militem ad pagum, ut aliquis homo caperetur, qui sibi Dux viæ esset. Qui inopinato incidens in eos, qui insidias quasi contra Polonos struxerant, ceperunt utrinque explodere sclopetis; nec prius cohiberi poterat ille tumultus, donec incensa domus una manifeste qui sint, declarasset. Tunc re bene cognita illi qui cum *Francisco Ispán* ex longiori regrediebantur itinere, diverterunt ad Pagum, ut aliquantulum conquiescerent: qui vero fuerunt recentiores collo-

*Prelum
int. r
Hunga-
ros, &
Polonos*

cati, ad ripam fluvii *San* excubias agebant. Fece autem media nocte Legio Polonorum supervenit, quæ insitebat vestigiis Hungarorum. Quæ dum transire voluit super glaciem fluvii *San*; ii qui in excubiis erant relictæ, coeperunt illos prohibere transitu, & postmodum cum Hungaris in succursum suis, tum Polonis pariter plurimis supervenientibus, pugnatum est de transitu in multam diem. Interim de his quæ acta sunt, & quæ imminere certum erat, Princeps accepta informatione in diluculo, protinus universa Castra sua non procul ab illo loco posita, promovit, & dato nuncio suis de trajectu pugnantis, demandavit, ut fugam simulando recurrerent ad Castra, & Polonis transitum concederent. Ipse in campo spuriolo inter oppidum *Medika*, & Civitatem *Præmisliam*, universas copias suas in aciem redegit, paratus prælium cum Polonis inire: Cosacci autem cum Valachicis Cohortibus, paulo superiori loco eo, ubi de trajectu pugnabatur, coeperunt transire fluvium. Quo viso de Turri quidam speculator Polonorum nunciavit Commilitonibus suis: qui postquam intellexissent Principem cum universis copis proxime adesse, paucitatis suæ confecti, quod vix 500. supra mille fuissent; ceteri autem post se adhuc procul in diversis locis aberant, coeperunt lente recedere; *Rákóciani* quoque rati se satis præstitisse, quod hostem a transitu fluminis rejecissent, ipsi quoque recessere:

re:

re: nec quicquam amplius eo die tentatum. Princeps vero intellecto, Polonos realiter recessisse, Castra sua potiori ex parte in Pago *Torki*, cæteros autem in locis proxime adjacentibus collocavit. Poloni etiam ultra *Jaroslaviam* sese receperunt. Audita namque indubitata fama de adventu Legatorum Imperatoris Romanorum, noluerunt id committere Marti, quod illorum interventu consecuturos se sunt rati.

Sequenti die cum universis copiis suis Princeps trajecto fluvio *San*, in proximis Pagis constitit, quo Legati quoque Imperatoris Romanorum *Præmislia* advenerunt, utpote Reverendus *Szelepezeni* Cancellarius Regni Hungariæ, Comes *Homonaj*, Comes *Uladislaus Rákóci*, Patruelis Frater Principis, & *Stephanus Barkóci* Senior: quos decentissime quidem excepit: nihilominus resolutionem illis dare statim noluit: sed de die in diem differendo deduxit secum usque ad *Lantzbur*.

(Cujus quidem Legationis summa hæc fuit, instabant nomine Imperatoris quam poterant maxime, ut Princeps abstineret a bello Polonis inferendo: quod si fecerit, & Imperatoris omnimodam gratiam promittebant, & def.cto XIII. Civitates *Scepustenses*, quas Poloni jure obligatorio a Regno Hungariæ tenent, deferrebant)

*Legati
Imperatoris
advenerunt*

*Imperator
Romanus
nomine
Polono-
rum of-
fert XIII.
oppida
Scepustica
Rákóci-
cio*

Aliquis interea militum turmas cognoscen-
darum mentionem Polonorum causa post Exer-
citus Polonicum expediit, (ipse etiam ad
Radyuno processit) ex quibus cognito Gene-
ralem *Potorski*, non procul *Jaroslawia* cum
Exercitu subsistisse circa *Tarnograd*; expedit
contra illos validam manum Equitum, ex
omnibus populis electorum, Duce *Graciele*
Bakosi, adjuncto ei *Stanislavio*, dans in man-
datis, ut ubicunque Polonos invenerit, velita-
tionibus solummodo illos dilineat, sibi vero
sine mora, ubi adsit hostis, nunciet, ut illis
pugnam protrahentibus, superveniendi sibi cum
universis copiis suppeditetur facultas. Illis ex-
peditis ipse Castra promovit *Jaroslawiam* ver-
sus. (a) Sed concursio illa caruit effectu, asse-
rentibus Hungaris, *Polonos adventu suo per terre-*
fidos turpiter aufugisse; sed tamen nulla signa
relictorum Castrorum, nec ullos captivos re-
praesentarunt. Abunde autem adtuebatur, quod
milites illi, qui cum Marschaleo circa Craco-
viam aliquot septimanas impenderant, nullam
officium militare subire voluerint, donec post
exanilatos labores, ac molestias, aliquantulum
in

(a) *Jaroslawia* dederat Epistolam ad *Carolus*
Gustavum, quæ apud Lunigium habetur To-
mo I. pag. 711. item aliam ad *Friedericum*
Wilhelmum Brandenburgicum, ac demum ter-
tiam ad *Carolus* *Gustavum*, in qua sensa de-
promit circa Pacem incendam.

in statim is reficerentur; ideoque illos diverisse
ad Palatinatus Belzensen, & Volhynientem;
Intactum vero audita fama, quod Rex Suecie
tentat versus Cracoviam, obviam ei processisse,
ut ei oicem poneret, quominus possit conjun-
gi cum *Rakécio*. ut interea Legatis Imperato-
ris Romani plus spatii concederetur, *Rakécium*
a copiis suis avocanti, sed Vana, (que
quo inferius decurrit, difficiliorem tantum
tunc), obstante conatibus suis, ille etiam ahor-
sum dixerit.

Princeps vero *Rakécus* accepto nuncio,
jam nullibi in propinquo esse Polonos, Castra
produxit ad *Przerwousko*, ibique reditum *Ba-*
kossii, & *Stanislavii* expectabat. Interim Le-
gati Imperatoris, nil intactum relinquenda,
quæ quæ ab industria humana adhiberi potuit,
ut emollire animum Principis possent. Sed in-
cuncta laborarunt. *Rakécus* namque partim
ingentes animos sumptuat, quod & Cracoviam
ad tantam tantum adventus sui non amplius
oratione fatigare, & Exercitus *Quartanus* suis
cum Ducibus nil contra se tentare ausi tuerint;
partim ira nimium exagitatus fuerat, quod ni-
mirum Affinis suus *Lubomirski* Marschaleus
Regi, quamvis tam propinquo ad se in loco,
attamen nullas cum illo conferentias intinuerit, (a)
quod

(a) Georgius hic fuit *Litomeriensis* ad quem de-
pactas *Kakécio*, qui datus 1657. die 27. Ja-

quod illum evitandæ suspicionis, qua laborabat apud Polonos, gratia fecisse certum est.) Comorante Principe in *Pryemasko*, pervenerunt eo currus sui numero 16. Quibus Principi *Munkaczino* vinum est allatum. Hic dum transiunt penes *Præmisliam*, inciderunt in aliquos Nobiles Polonos, qui cognito jam Principem cum Exercitu procul recessisse, exiverunt ex Civitate plus minus centum, ut cognoscerent, quid actum sit in domibus suis; interim dum obviassem illis curribus circiter cum 30. Equitibus, & aliquot peditibus; indignatione moti, quod tanquam in pacatissima Patria sua ita tuto, ac confidenter deambulare per Poloniam Hungari, impetum in illos fecerunt. Illis tamen sese defendentibus, cum unus, & alter Polonorum globo fuisset tactus, cæteris exclamantibus relinquendos esse in pace, siquidem Princeps transeundo cum universis Castris *Præmisliam*, illam nequidem attigit: & sic permiserunt illis liberum iter: ipsi autem ad proprias domus sese contulerunt. Sed hæc Commissarius ille, qui curribus erat adjunctus, multo aliter cum maxima exaggeratione, quam acriter Poloni in se impetum fecerint, quam strenue sese defenderint, coram Principe exposuit; cum manifestissimum sit, si omnino Poloni currus il-

llos ex castris ad Cracoviam litteris *Rakóczy* dehortatur a bello. Legi potest hæc Epistola in Litt. Proc. Eur. Tomo I.

illos deprædari voluissent, potuisse illos ad id effectui dandum habere modum. Ipse enim *Horniakt*, qui erat Ductor illorum Nobilium, per cujus territorium ultra quam duobus miliaribus Hungaris procedendum erat, si modo suos subditos convocasset, vallo etiam illos intercludere potuisset: Sed Princeps nihil horum expendens, verum relationi Commissarii, tanquam Evangelio S. Joannis per omnia fidem adhibens, non secus ira exarsit, ac si aliquis arcentem Caminum oleo perfudisset, quasi vero jam res eo deductæ fuissent, ut Dominis Hungaris per Poloniam, tanquam inter suos Saxonnes, secure deambulare, & tanquam in hospitio, prædas agere, captivos abducere, alias insolentias exercere; plenaria facultas concessa fuisset, si Polonorum vero ea esset conditio, ut ne hiscere quidem jam ipsis, sed ferientium sese ictus extenta cervice sustinere deberent.) Advocato itaque *Joanne Kemény* serio mandat, ut assumpto se um reliquo Exercitu (*Bokos* enim jam ad noctem ea die expectabatur) præterea omnibus peditibus Germanis, Hungaris, Szeamentiis, Cofaccis, simulque tormentis cum Officialibus illorum, *Nicolao Szebesi*, (a) *Andrea Gaudi*, *Conrado Mansfeldo* &c. confestim regrediatur ad *Præmisliam*, & quidem ita procedat tota

Vindicta in Præmisliensibus paratur

(a) Hunc, nisi duo *Szebesi* fuerint, alibi *Franciscum* vocat.

tota nocte, ut praeveniendo famam adventus sui, in aurora illos hostiliter aggrediatur, ac dirutis mœniis insolentissimos illos, & ingratis-
simos, qui, loco gratulantis alicujus, quod nuper transeundo *Præmislam* illos in pace reliquerit, tantum facinus tentare sunt ausi, ut me tantur, tractet: in prædam concedat omnia quaecunque ibi inventa fuerint, nec sexui, nec ætati, nec ulli parcendo statui: ut exemplo horum discant cœteri non temnere lenitatem suam.

Nec quicquam auditu gratus, universis jam dudum id expectantibus, contingere potuit: Principi autem nullum periculum superesse credebatur, quod Exercitum Polonicum fugatum esse assererent. Itaque dicto citius arripunt optatam occasionem, & cum maxima festinatione aggrediuntur. Ex illis quoque qui cum *Bakosio* redierunt, quam plurimi, etiam injussi sese adjungunt; alacriter procedunt.

Hæc dum ita fuissent acta, *Ladislavus Lubienitzki* intimus *Rákócii* Secretarius, accedit circa Occasum Solis *Grondzium* (qui occasione vulneris ante aliquot dies accepti in hospitio quiescens nihil horum scivit) & ipsi refert hæc omnia. Quibus ille auditis, quantum licuit improbavit hanc expeditionem, rogavitque, ut confestim accederet Principem, & sibi audientiam præstaret. Dictum, factum: veniens itaque ad Principem ille saucius in hunc modum verba facit: *Celsissime Princeps, Domi-*

ne

ne Clementissime! Non equidem sum ignarus antequam ^{dehortatur} *Politico-*rum moniti: Ad consilium ne accesseris, antequam voceris. Verum enim vero ad ^{Grondzium} *Celsitudinis Vestræ* existens; omnem illius prosperitatem pro mea propria Fortuna reputans, & contra, aliqua *Celsitudini Vestræ* nocitura, (in quibus avertendis vitam etiam impendere sum paratus) ultimam meam ruinam esse credens: nunc intellego eo ex Fratre meo *Lubienicio*, *Celsitudinem Vestræ* mandatum dedisse Domino Generali, ut debeat quotquot *Præmislæ* reperiri praterunt: cum videam hoc esse desperatissimum; cum sciam præterea desperata consilia initio quidem esse levia, sed tractu dura, eventu tristia (constante id quotidiana experientia) rumpere silentium, & vel importune ingerere me Consiliis Illustrissimæ *Celsitudinis Vestræ* cogor: quapropter ut me paucula fantem, pariter audire dignetur, humillime rogo.

Tum Principe clementer annuente, dicit idem *Grondzki*: Persuasum habeo, si quod unquam *Celsitudini Vestræ* mandatum, hocce modernum vel imprimis facillime posset in effectum deduci: nam & Civitas ipsa non est ita munita, ut possit tantum imperum sustinere: & illorum qui se eo receperunt, dubio procul jam magna pars disfluxit cum vidissent benignitatem *Celsitudinis Vestræ*, sibi in transitu declaratam, & cum audivissent Castra jam remotius posita, eamque ob rem nihil hostile metuerent, ac præinde

de-

deficientibus defensoribus, & illis qui adhuc intus reperiuntur; tam insperata sui oppugnatione concidentibus animis; (ut fit in subitaneo casu) ecquis ambigat illos tantæ moli succubituros? præsertim cum certum sit, prout omnes milites summa cum alacritate impetum facturos, sed imprimis Cosaccos, qui hætenus ab ista Civitate his sunt non sine notabili suorum strage rejecti, ideoque sumendæ vindictæ avidissimi: parvo si potiri fuerint Civitate, nemini (etiamsi Celsitudo Vestra ipse in sua persona cohibere illos velit) parvuros. Sed cogitet quæso Celsitudo Vestra, utrum tantum supplicium promeruerint? impossibile namque est, eos qui in itinere aggressi sunt homines Celsitudinis Vestræ, fecisse id ex consensu, & Consilio illorum, qui sunt in Civitate. Si enim super eo consensissent, nonne tanto numero reperti fuissent, ut hos aliquot milites ad internecionem delere potuissent. Sed apparet aliquos Nobiles, ut fieri solet ejusmodi tempore, majoris securitatis gratia simul egressos, cum incidissent in peregrinos tanquam in Patria sua, usque adeo secure versantes, levem aliquem impetum fecisse, postea re melius perpenſa, superſeſſiſſe. Cogitet quæſo Celsitudo Vestra, quam multi sunt in Civitate illa, qui nec somniant ea de re, utpote honestæ Matronæ, tot parvuli, tot miseri Judæi. Sed quod majus, tot ejusdem Religionis cum Celsitudine Vestra consortes, Qui hospitalem suam adesse credendo, & sub auspiciis

ciis Celsitudinis Vestræ faustissima quæque sibi pollicendo, pro felicibus ejusdem successibus nunc Deum ardentissime orant; Illosne perditum ibit Celsitudo Vestra? Præterea sciendum tam multo illosque præstantissimos Nobiles ibi esse congregatos, ut vix aliqua in Regno Familia superſeſſit, quam illi non attingant sanguine. Cæſſit itaque illis, vulnus cruentum universo Regno infligetur. Neque vero huic serenitati ita confidendum, ut non aliquando aliqua nubecula obducipossit, ac proinde ita agendum nunc, ut non peniteat aliquando: ita nunc delinquentibus iracundum, ne præcludatur via ad reconciliandum: sedque tanto magis, quod in animis Polonorum plus efficiatur clementia, & mansuetudine, quam asperitate. Quapropter videat Celsitudo Vestra ut cum fontibus insontium etiam commisceatur sanguis: cum nec Deus Altissimus, quamvis absolutissimus omnium Dominus, tam stricto cum peccatoribus agat Furæ. Potius multitudinem peccantium parcere solet propter paucitatem innocentium. Ausim itaque & ego humillime Celsitudinem Vestram Principalem rogare, dignetur Conditorum suum imitando, hocce severum mandatum & edictum suum in sententiam clementiorem mutare.

Ad hæc Princeps: Utinam Deus cum his rationibus in conspectum meum Te adduxisset atquequam expedivi Exercitum! Sed nunc qui jam sum facturus? quomodo jam Exercitum revocabo?

bo? Si id facere vellem, & apud Polonos in levipendium devenirem, & militem meum exasperarem, & in posterum in exequendis mandatis meis, dum maxime opus esset alacritate illorum, facordem & immorigerum redderem, si nunc illos in fessis rebus reducerem.

Tum dixit Grondzki: Est modus in rebus. Committat tantum Celsitudo Vestra negotium servo suo, & Domino Generali scribat, ut communicatis mecum consiliis parcat Civitati. Adinventum modum & honorem Celsitudinis Vestrae tuendi, & conscientiam ejusdem S. C. a lapsa le offensionis avertendo, & militum contentando, & illos miseros salvandi.

Dicit Princeps: Sed qualiter? Respondet ille: Liceat mihi post Dominum Generalem confestim excurrere. Addit aliquot milites: det unum ex Polonis Captivum, qui ignarus viæ re-
Etæ possit me noctu deducere: postquam vero ad Dominum Generalem pervenero, liceat mihi cum annuentia S. Dominationis, scribere ad Polonos, & per eundem Captivum in Civitatem mittere. Sunt mihi multi noti, multi amici: proponam illis summum ipsas imminens periculum, moneto, ut sine mora, humiliando sese coram Domino Generali, pacem vitamque suam, suorumque parvulorum per depositionem alicujus Summae relinquant: quod facturos nihil ambigo. Quod se neglexerint, Vestra quidem Celsitudo tum coram Deo, tum coram Polonia Regno excusata manebit:

bit: illi autem si quid adversi experti fuerint, sibi met ipsis imputare id debebunt.

Tum dixit Princeps: Placet, Fiat. Confestimque aliquot verba scripsit Domino Generali, ut communicato Consilio cum Grondzcio, lentius agat cum Præmislientibus: & prout deside-
vio, expeditum illum. Qui tota nocte continuando iter, in aurora assecutus est Generalem penes Ruvium *Wiar*, ibidemque Schedulam Principis illi reddidit. Qua lecta, dixit D. Ke-
mény: Equidem quando accepto mandato Cel-
fissimi Principis cum Exercitu sum egressus, mihi
etiam sic videbatur, ita fieri debere, prout
mibi demandabatur. Sed postquam omnes cir-
cumstantias penitus perpendere cepissim, venie-
bat mihi in mentem quidam Imperator Roma-
nus, qui multis annis felicissimis successibus frue-
batur; tandem aliqua ratione ad iram concita-
tus, cum quadam Civitate ita egit, prout
mibi nunc demandatum. Posthac & Fortuna
ipsum in pejus mutata, & ipse miserrime periit.
Itaque summopere gaudeo, quod mihi talia attu-
leris, & te tanquam Angelum Dei video. Fac
ergo pro tua prudentia.

Scripsit itaque Litteras Grondzki, & illas per hunc, quem secum adduxerat Captivum dictum Zolkieruski, ad Civitatem misit, data eidem informatione, ut ipse etiam quæ vidit, viva voce referrer, & moneret, ne aliqua temeritate discrimen sibi attraherent. Sed ad il-

las Litteras illa die nihil responsi accepit. Quod videns Generalis *Kemény*, cum aliqua levi manu militem ivit ad perlustrandum situm loci: dumque in suburbiis huc, atque illuc sese contulisset, via quadam abstrusa prorumpentes ex Civitate milites, ex insidiis voluerunt illum intercipere; quod tamen postquam animadvertisset, iussit suos hastatos irruere in Polonos, & illis subito dissipatis, hac ratione contra Polonos (quod illi prius contra se aliquid tentassent) offensus, iussit ut omnes pedites Germanici in hoc suburbium irruerent: ipsi vero Colonello *Andrea Gaudi*, ut Templum quoddam lapideum, ex opposito portæ Civitatis situm, & præsidio militum munitum occuparet, quod in momento plane factum. Properantibus namque cum incredibili alacritate militibus, protinus defensores illius Templi, eo relicto intra mœnia Civitatis sese receperunt. Quo obtento, confestim ad quatiendam ex illo loco portam tormenta sunt attracta; sed tamen ad instantiam istius Poloni oppugnatio Civitatis in crastinum est dilata. Eodem momento *Conradus* quoque occupavit molendinum ad ripam fluvii *San*, tam prope Propugnaculo angulari adjacens, ut intra horam potuissent illinc cuniculum agere sub ipsum propugnaculum. Trans fluvium vero *Nicolaus Szebest* cum Semenii, & Cofaccis obtinuerunt Claustrum Monialium, & supra illud aliquot tormenta attraxerunt, ex qui-

quibus quicumque in Civitate apparuisset, ferire illum potuissent; & quia adhuc supra aggerem molæ superfuit glacies jam debilitata, comportarunt ex variis ædificiis multitudinem asserum, ut ex superstrata glacie tutius assaultum facere possent. *Mansfeld* adhuc cum parte peditem Germanorum, & Hungarorum reservatus fuit, ubi major necessitas postularet. His ita dispositis, dato *Andrea Gaudi* mandato, ut in gallicinio salutaret Civitatem terna tormenti explosione (quod si aliquid prolocuti fuerint sibi nunciaret) ipse ad equitatum, qui collocatus erat penes molam ad fluvium *Wiar* dictum, recessit.

Quamprimum postea *Gaudi* juxta mandatum tormenta explodere directe ad portam coepit, mox ex Civitate rogarunt, ne inchoaretur oppugnatio, donec collocuti fuerint cum *Grondzio*. Quod quamprimum nunciatum est Generali *Kemény*, statim una cum illo veniens ad Templum, ubi erat *Gaudi*, curavit nunciari nomine *Grondzeii*, quod adsit: qui illo ad se prope mœnia colloqui gratia evocato, primo quidem petierunt armistitium trium dierum. Sed quia nec trium horarum concedebatur, pacta securitate Legatis e medio congregationis ad Dominum Generalem ituris, egressi sunt *Wojakowski* (qui a *Lubomirscio* missus erat ad Principem *Rákócium*) & *Mniszek*, & pacificationem cum Domino Generali iniverunt,

Praemi-
siones
transi-
gunt

assumentes in se conditiones illas, quas *Leopolitani*, & *Samborienes* subscripserant. Pro illo vero delicto, cujus occasione militem hunc contra se attraxerant, deprecari debuerunt Principem per proprios Legatos, & summam 20. Millium Fl. exolvere. Præterea ex militibus Germanicis, qui erant in Civitate sub regimine Colonelli *Giza*, permittere, ut liceret Germanis militibus, quicunque vellent, stipendia sub *Rákócio* mereri, in partes suas transire. Sed dum exequendarum prædictarum conditionum gratia a Domino Generali *Kemény* missi fuissent in Civitatem *Georgius Kapi*, & sæpe dictus *Grondzki*, *Gaudi* quoque ad faciendum delictum militum; & illi quidem duo convivio nomine publico fuissent excepti; hic vero Actum sibi demandatum inchoasset, occasione alicujus casualis incendii in angulo civitatis exorti, inflata tuba Tibicen civitatis signum ejus rei dedisset, Generalis *Kemény* dolum aliquem subesse arbitratus, per proprium tibicinem nuntiavit, ut confestim sui Legati regrederentur. Regressi itaque *Kapi* & *Gaudi*; *Grondzium* vero prope vi retinuerunt, promittentes una cum illo promissam summam referre. Nec multa interposita mora, cum *Grondzio* retulerunt quindecim Millia Florenorum, residuum vero cum Legatis ad Principem mittendum promittebant se præstituros intra triduum. Sed quia non erat modus commorandi in eo loco

pro-

propter inopiam commeatus: hac in re etiam Dominus Generalis gratiam suam erga illos declaravit, quod consenserit, ut residuam Summæ, videlicet quinque Millia Legati illi una secum adferrent. Illi quoque gratitudinem suam contestantes aliqua munera privatim Domino Generali obtulerunt. Colonellus etiam *Giza* nunciavit *Andrea Gaudi*, se post decursum trium Mensum, una cum Legione ad servitia Principis venturum. Et istæ quidem conditiones cum Domino *Kemény*, tum aliis, qui Deum timebant, erant gratæ, & ipse Princeps ex animo illis acquievit. Sed milites, imprimis vero Cosacci, iniquissime ferebant, cognitoque auctore illius pacificationis, insidias ipsi struxerunt, & nisi illum *Gaudi* ex præsentissimo periculo eripuisset, subito illum ibidem frustillatim disseuissent. Relictis tandem penes Legatos ad Principem venturos aliquot militibus, recessit inde Generalis *Kemény*, & relicto Exercitu sub regimine *Szebesi*, ut lente procederet, ipse cum paucis sibi adjunctis properavit ad Principem, assumens secum *Grondzium*, contra quem ab illo tempore stridebant dentibus ferme omnes gregarii milites, quod illis plane de manibus opimam prædam, quam se in Civitate illa acquisituros sperabant, eripuisset: quod ille cognitum habens, nulli rei se posthac immiscuit; sed adjungens sese Legato Suecico adventum Regis Sueciæ præstolabatur.

Cc 3

Et

Et subinde invaluerunt omnia mala; cæde & flamma omnia implebantur; & si aliquando Poloni qui erant ad latus Principis dixerunt talia non respondere promissis Principis in Manifesto expressis: rejiciebant hoc Domini Hungari in Cosaccos, Cosacci vero quamvis in ipso incendio deprehensos Hungaros adducebant, impune id eis dimittebatur. Quo viso Cosacci tanto liberius, & insolentius grassabantur, & in dies tantas sumebat insolentia vires, ut nec præsidium ad bona alicujus tuenda missum, suovenire posset, cum nec ei insuper parceretur. Et hac ratione omnium Polonorum, qui pro no animo ducebantur erga Principem, animi abalienabantur. Accidebat frequenter, ut aliqui per eos, qui erant cum Principe vocati, cum Litteris passus, & quidem notabili caterva adventantes, tamen interficerentur: quod dum excusare conati sunt apud suos Poloni *Rakóciani*, hoc non Principi, sed Cosaccis imputandum esse, respondebatur: *Si nescit militem in officio & disciplina continere, desinat illum ducere: cur acceleremus ad Principem? quam gratiam ab ipso expectaturi? mea bona omnia exusta, vicini similiter; quid mihi dabit in recompensationem damnorum?* & multa similia proferebant; quæ quamvis Principi & primariis Officialibus referebantur, surdis hoc excipiebant auribus. Cum autem maximam iram concepisset Princeps contra Marschalcum Re-

gni,

gni, quod secum nullas conferentias institueret, potissimum in bona ipsius sævitum est. Quod *Szeleptsé-* Civitas etiam *Lantzhut* subivit, nihil proficientibus intercessionibus Legatorum Imperatoris Romanorum: itaque de mediis planè flammis incensæ prædictæ Civitatis recesserunt; Reverendo *Szelepczenio* Cancellario Regni Hungariæ pessima quæque Principi ominante, & comminante.

Progrediendo quid actum sit, non est quod referam aliud, nisi cædes; cædes, & continua incendia, quibus ardere visa est tota Polonia! Et rogantibus Polonis, qui cum Principe erant, ut adinventiretur modus talia coercendi, respondebatur: Aliiter fieri non posse: hæc enim esse ornamenta belli. Interim etiam Legati Præmissienses advenerunt, & quod erat residuum, retulerunt.

Pervenit tandem Cracoviam Princeps, quæ secundum Pacta cum Suecis inita, confestim est ei tradita: quam tamen non recipiebat a Suecis, sed adjunctis propriis militibus, sub Regimine *Joannis Bethlen*, & *Gaspari Bartzai* præ manibus illorum reliquit. Ipse tertia die inde egressus, & audiens Regem Sueciæ adventare, obviam ei ivit; & pervenit ad Civitatem *Czmieloro*, ubi antegressi nequissimi Cosacci plurimos Nobiles Litteris Principis securos redditos, utriusque sexus, partim necarunt, partim vulneribus affecerunt. Interim Rege Sue-

Cc 4

ciæ

ciæ eodem appropinquante, & Principe ad salutandum eum procedente, dum more solito, salutandi gratia peditatus exoneraret sclopeta, quidam Princeps Regis Sueciæ globo trajectus occubuit. Quæ res diem lætitiæ destinatum, tristitia implevit.

Peracta salutatione Rex Sueciæ Castra sua posuit ad Zarvichost, uno milliari a Principe, ubi commorantes cum invicem aliquot diebus, & de communibus negotiis consultantes, constructo ponte super navibus, transiverunt Vistulam, & ipsi quidem tendebant *Zamoscium* versus, quod obsidere voluerunt. Interim quia Rex Sueciæ, quam primum intellexit Principem *Rákócium* super expeditione sua non requiivisse consensum Portæ Ottomanicæ, valde id improbavit. Ad emendandum vero hunc errorem expediri sunt ad Imperatorem Turcarum a parte Regis Sueciæ *N. Lylicron*, & *Gottardus Welling*, a parte vero *Rákócii Franciscus Szebeffi*, & *N. Thordai*. Qui initio diffculter sunt admissi. Suecis enim dictum est:

Legati Sueci, & Rakóciani, ut accepti in Porta
Quid nobiscum vult iste Vester Rex, ex tam remotis partibus, trans mare degens? quid nobis cum illius amicitia? Sed illis ad hæc blandè respondencibus, Turcæ etiam facti sunt mansuetiores. *Rákóciani* autem apertam indignationem declararunt; nihilominus etiam illis factum Principis in hunc modum excusantibus, quod cum valde propere exeundum ipsi fuisset

in

in Poloniam, non potuerit citius requirere Portam; verum tamen in præstandis officiis suis Imperatori debitis, eundem esse constantissimum: præterea promittendo Inomine Domini sui notabilem summam Thalerorum; denique quod audivissent Turcæ famam de successibus *Rákócii* in Polonia, veritate majorem, jam cum bono responso Legatos dimiserant. Sed quia brevi post dimissionem illorum, allatæ sunt ab *Hano* Tatarorum Litteræ, nunciantes universum Exercitum *Rákócii* in captivitatem suam esse deductum; contestim illos ex itinere revocarunt, quasi melius aliquid illis responsuri; & receptis ab illis, quas dederant, Litteris, Suecos quidem honeste detinuerunt, donec mortuus est *Velling*; postea superfluum *Lylicron*, sine ullo responso dimiserunt, cum interdito; ne accederet *Rákócium*. Qui tamen ^{Ultimo male habuit} Eperjesino accesserat Principem, jam eo tempore, quando *Gyaluino* accingebat se contra *Franciscum Réjdejum* Medgyesini Comitæ Celebrantem. *Rákóciani* vero durius tractati, & diutius detenti, nec prius, quam e vivis excessissent, dimissi.

Poloni vero qui circa *Zamoscium* cœperant congregari, cognito hostilem Exercitum transivisse Vistulam, inde in tres partes divisi, *Potocio* cum parte Exercitus, *Wolhiniam* versus, *Marchalco* ad submontanas regiones, *Czarnecio* vero *Varfavianam* versus iter dirigentibus. Quod cum

cum audivissent Rex Sueciæ, & Princeps *Rákóci* (ad malam informationem quasi universus Exercitus Poloniæ conjunctum eo se contulisset) a Civitate *Bolzyce* (remissis majoribus oneribus suis ductu *Michaelis Mikes* Luolinum) cum expeditiore Exercitu, volentes antevertere Polonos, superato fluvio *Vepro*, re-
 cta *Varsaviam* versus progrediebantur. Sed & Poloni ex præcursoribus Cosaccis, & frequentibus incendiis cognoscentes subsequi se hostem, celeritate sunt usi, & sic incolomes evaserunt. Quo magis autem inimicos suos distractos redderent, postquam appropinquassent *Varlavizæ*, rursus in duas partes sese diviserunt: una pars cum *Czarnecio* trans *Vistulam* navigaverat, altera vero *Lithvaniam* versus se contulit. Quia autem dicebatur (quanquam falso prout post apparuit) *Marſchalcum* eo digressionem fecisse, Fœderati his auditis, volentes illum alicubi circumvenire, vestigiis illorum insistendo, & postea, (quamvis animadvertissent illos jam tam procul sese subduxisse, ut nulla spes sit illos assequendi) huc atque illuc deambulando, & obvia quæque vastando, pervenerunt usque ad *Breſtiam* in *Lithvania* sitam Civitatem; & ne viderentur nihil agere, illam aliquantum armis perterrefactam, interjectis aliquot diebus, pactione certa interveniente in partem *Rákóci* receperunt, & pro præsidio *Andream Gaudi* cum selectissimo peditatu Germanico, & equitatu Hun-

Hungarico reliquerunt. Ibi multum disputatum est inter Regem Sueciæ, & Principem de confirmatione Pactorum, in *Transylvania* per Legatos Regis Sueciæ hac conditione confectorum, ut; quam primum ipsi Principales in personis suis simul esse possint, eadem proprio Juramento corroborarent. Quod quidem præstare Rex Sueciæ semper erat paratus: sed *Rákóci* propter aliquod mysterium Suecis valde suspectum, de die in diem differebat. Donec tandem Rex Sueciæ revocatus est ad tuendam Patriam suam; quam tantopere jam Danus per irruptionem suam premebat, ut nunciatum ipsi sit ab Incolis Regni sui, nisi redierit, se ab illo delecturos. Veritus itaque, ne quærendo aliena, perderet propria, redire est coactus. Itaque ibidem vale dicto Principi abiit *Prussiam* versus. Nihilominus tamen ad præcavendum, ne diceretur illum pacta rupisse, reliquit in Castris Principis Generalem *Steinboeck* cum tribus millibus armatorum, & continuum Residentem *Henricum Caleſtinum de Sternbach*, illum ipsum, per quem Pacta sunt confecta, cui etiam *Albam* dederat ad confirmanda Pacta, si Princeps voluerit, subscriptione propriæ manus, & sigillo corroboratam.

Interim *Marſchalcus* Regni Poloniæ *Lubomirski* irruptionem fecit in ditiones Principis *Rákóci*, ibique quantum per vires & occasionem licuit, vicem pro vice reddidit.

Prin-

Rákóci
detreſſat
firmare
pacta

Rex Sue-
ciz revo-
catur ad
propria
tuenda

Bona Rá-
kóci im-
petit Lu-
bomirski
in Hun-
garia

Rákóczi Princeps vero *Rákóci* a Brestia Castra sua
obtenit promovit ad Varſaviam, quam etiam coope-
Varſavia rante Generali *Steinbock* obtinuit, & præſidium
preſidi- ſuum in eam introduxit: Ubi dum inutilem
um impo- aliquot dierum neceret moram, allatæ ſunt
nit Reſidenti Suecico a Rege ſuo Litteræ, quibus
 illi mandabat, ut adhuc ſemel ſerio loqueretur
 cum *Rákócio* de Pactis ſecum confirmandis. Si
 id fecerit, maneat *Steinbockius* cum Principe
 ad omnes occaſiones paratus, uſque ad finem
 belli: quod ſi dilationibus adhuc uci voluerit,
Steinbockius ad ſe redeat, & Albam ſecum re-
 ferat. Acceptis hiſce Litteris *Steinbock*, pro-
 tinus ivit ad Principem, & eaſdem repreſen-
 tans, juxta mandatum ſibi a Rege datum, con-
 firmationem Pactorum urſit; ſed quia neque
 tunc facere id voluit Princeps, *Steinbockius*
 etiam abiit. Princeps vero præſidium ſuum
atque ite- eduxit Varſavia, quam *Steinbockius* in tranſitu
rum edu- ſpoliavit, hominibus tamen intactis reliſtis. Al-
cit a Sue- bam etiam Domino ſuo a Reſidente retulit, ipſe
cis defer- autem *Steinbock* cum maximo animi ſui crucia-
tus tu remanſit.

His peractis Princeps a Varſavia Caſtra
 ſua promovit Cracoviam verſus. Sed circa
 Gendomiriam duplex fama minime grata illi
 obviavit; tum quod Cracoviam Rex Poloniæ
 auctus Exercitu Imperatoris Romanorum ſerio
 oppugnet; tum quod *Lubomirski* ulciſcendo
 injurias ſibi in bonis ſuis illatas, facta exurſio-
 ne

ne in diriones Principis, longe lateque illas de-
 populatus fuerit. Qua fama nimium turbati
 Domini Tranſylvani, dum demum viderunt ſe
 multum erraſſe, quod Generalem *Steinbockium*
 dimiſerint, nec minus, quod *Andream Gaudi* Pertur-
 cum ſelectiſſimo milite Breſtiæ reliquerint. Tum ^{bantur}
 omnes cœperunt ſollicitare Principem, ut ma- ^{res Rákóciā}
 turaret regreſſum in Patriam, ne in abſentia
 ſua peſſora evenirent. Tum Coſacci cœperunt
 tumultuari, urgentes ne illos Princeps in locis
 a finibus ſuis remotioribus relinqueret, ſed ad
 tutiora deduceret: promittentes ſe depolita præ-
 da protinus redituros, & plures ſecum adductu-
 ros. Nec deerant, qui ſuaderent ſine ulla animi
 perturbatione, abjecta mora auxilium ferendum
 eſſe obſeſſæ Cracoviæ: alii ſuaſerunt *Gaudium*
 quatocius revocandum: alii Suecos incuſando,
 quod ſe in mediis fluctibus dereliquerint: non
 amplius novam inimicitiam Germanorum ſibi
 accerſendam, ſed recedendo ultra *Samboriam*
 Nobiles omnes domum remittendos. Milites au-
 tem ſtipendiarios accerſendos. Et dum itur in
 varias ſententias, primum cohortes Polonicales,
 quas aliquot conſcripſerat Princeps, auſugere
 cœperunt, quod fecit ipſe Legionarius ipſorum
Stanislarowski; poſtea Coſacci naſti aliquot ſca-
 phas, cœperunt trajicere ſuos trans *Viſtulam*.
 Tum viſo eo Tranſylvani tanto magis cœperunt
 contritari: nonnulli autem etiam minari, ſe ^{Omnes}
 etiam non dicto Vale Principi domum ituros. ^{reactum}
 Ita- ^{urgent}

Itaque prævaluit illud consilium, ut nimirum commissa Fatis Cracovia, similiter & Brellia, qua advenerant via, illa redirent: Itaque eo animum adjecerunt, ut superarent Vistulam; quæ multo difficiliorem præbuit se redeuntibus, nam tum exundaverat, quam Cracoviam antehac euntibus, tunc enim sine ulla difficultate vado transiverant. Sed hac in parte subven-
runt Cosacci, qui trajectis omnibus suis tum militibus, tum oneribus, Principi etiam ope-
ram suam obtulerunt. Sed magni constitit il-
lud officium: pro singulis enim equis singulos Imperiales; pro curribus autem quinque, ali-
quando plures etiam extorquebant. Multi etiam erepta Polonis tum jumenta, tum aliam præ-
dam, dum vidissent se ea asportare non posse, relinquere autem intacta primis occurrentibus,
pro piaculo reputarent, Vistulæ donabant: quæ res dum manifestum desperationis, & fugæ spe-
ciem præberent inferius degentibus, & dubio procul profugis illis Polonis ad nos, quorum gratiam aucupari ipsis necessum fuit, recurrenti-
bus, & quæ in Castris Principis gererentur, re-
ferentibus, Lithvanicus Exercitus Lublino Cra-
coviam versus tendens, cohortes illas, quæ prius Vistulam superaverant ex improvise ador-
tus, non exiguum damnum illis intulit; sed postquam plures Vistulam traiecissent procul est repulsus.

Dum

Dum talia herent, *Gronski* accedens Ge-
neralem *Keménium*, rogavit, ut aliquid de se
decernere vellet; se enim ex istis signis, quæ
videt, conjicere, Principem jam velle dere-
linquere Poloniam; sibi autem non esse modum
deserendi Patriam, in illaque bona non contem-
nenda, & charissima pignora; non tamen sibi
animum esse exemplo aliorum Polonorum, clam
se subducere; sed potius cum venia Principis
dimissionem petere: ut dum adhuc aliquod su-
perest æmpus, rebus suis posset consulere. His
auditis *D. Kemény*, & ipse illum monuit, ne
talita in animum induceret, & postquam po-
stulatum illius Principi exposuisset, nomine
ejusdem de omnimoda gratia sua assecuravit: &
tum demum aperuit intentionem Principis, quod
non redire in Patriam; sed tantum Regnicolas
belli pertæsos domum remittere, in locum au-
tem illorum stipendiarios milites expeditissimos
advocare vellet: præterea, si haberet modum
uxorem educendi *Leopoli*, Principem assumptu-
rum hanc curam, in se, ut secure ad bona sua
reducatur, & ibidem illi de omnibus necessa-
riis sufficienter prospiciatur: denique si qualia-
cunque damna occasione sui illi contingerent,
omnia ea in duplo Principem refuturum, dum-
modo sit constans, & prout hætenus fecit,
quæ putarit e re, & commodo Principis, con-
sulere non intermittat &c. Simul etiam expo-
suit incerta quidem fama, at tamen allatum esse

Gronski
visis per-
turbationi-
bus
missionem
petit, sed
multis
pollicita-
tionibus
retinetur

Prin-

consilia
Gronsz.
kii

Principi, Tataros a Polonis vocatos contra se venire. Si itaque hoc verum esset, in tali casu quid facto opus sit, & qua eundum, ut suam sententiam aperiret, postulavit. Exauditis omnibus sibi a Domino Generali prolatis, primum dixit, se promissis Principis acquieturum. Sed, quod attinet tractum illum versus fines Hungariæ ad permutandum militem, in hoc rerum cardine, dum metus imminet a Tataris, id improbabat ex his rationibus: quod illuc directe in occursum Tataris via tendat: quod si compertum fuerit illos adventare, eripietur modus transmutandi militis, imo metuenda maxima confusio. Postquam enim appropinquaverint ad fines Regni, omnes tum Transylvani, tum Valachi, eo inclinabunt, & convertent consilia sua, ut quam citissime, etiam invito & insalutato Principe, domum recurrant. Cosacci etiam quam primum ultra Leopolum pervenient, statim Principem derelinquent. Si enim ipse *Chmielnitzki* ipsos retinere non potuit, quando in Castris ad *Leopolum* positis allata illis fuit fama de adventu Tatarorum; tanto minus id præstare poterit Princeps: sed ad præcavenda ejusmodi mala, ante omnia dandum esse mandatum *Andrea Gaudi*, ut præsidium deducat de *Breslia*: quo facilius autem conjungi possit cum Principe, ipse Princeps digrediatur *Zamoscium* versus, inde ad *Grodek*, & illuc *Gaudi* per *Slawatycze* ac *Horodlo* facile poterit

terit pervenire; cujus adventu magnum robur accedet; *Chmielnicio* etiam sine mora nunciantum de moderno statu suo. Postquam aderit *Gaudi*, ex re capiat consilium Princeps, si volet ire ad ditiones Cosaccorum, invenietur commodus tractus. Si vero volet ire contra Tataros, multo tutius subire id poterit, quando & *Gaudi* superveniet: & tum Dominis Transylvanis, tum Valachis in remotioribus a Patria sua locis constitutis deferendi Castra Principis omnis eriperetur modus. Si autem viderent se sibi fuga consulere non posse, multo alacrius pugnarent conjunctim omnes. Quod si Poloni obsidentes Cracoviam intellexerint Principem in Russiam tendere, quamvis vellent ipsum a parte posteriori infestare, tanto difficilius id eis foret, quanto remotiora forent Principis Castra a Cracovia. Et hæc quidem non solum approbabat Dominus *Kemény* dicens, Cosaccos etiam similiter sibi suasisse: verum etiam Castra promovit ad *Zamoscium*. Sed inde nescitur cujus Hungari consilio & quo fine divertit *Leopolum* versus; *Zamoscium* postea tamen dicebatur ideo id tecisse, & *Cosacorum* movens *Gaudi* in *Brescia* relictum fuisse, quia *Castra* sperabant Polonos, postquam cognoverint Principem recessisse, *Bresciam* obsessuros: atque ita tum circa Cracoviam, tum circa *Bresciam* distentis, Prædialiis autem utrumque locum strenue defendentibus, datum iri commoditatem meliorem propositum de permutando milite

in finem deducendi: postquam autem adven-
runt illi milites, qui hactenus pro Patria excu-
babant, jam nullum hostem sibi timendum fore.
Attramen Generalis *Kemény* in id intendens, ut
Cosaccos incolumes ad tutiora deducere, & Po-
lonos posset eludere, ne animadverterent Princi-
pem versus confinia ire velle, talem sibi demon-
strari desideravit tractum, ut *Leopoli* a dextris
relicta postquam fama Principi allata fuerit de
adventu illorum militum, qui ex Transylvania
expectabantur, dimissis Cosaccis subito possint
ultra *Leopolim* divertere ad confinia, & demum
novo milite aucti, quocunque libuerit procede-
re. Quod autem attinet (inquit) famam
de adventu Tatarorum, hoc & incertum est
adhuc, & si venturi sunt, non prius, quam
nostri milites, aderunt. Itaque secundum illam
dispositionem a *Zamoscia* promota sunt Castra
ad Civitatem *Lassczowka*, *Magierow*, & *Zol-
kieru*.

Sed dum jam Castra Principis appropin-
quarent ad *Zolkieru*, *Czarnetzk* fulminis in-
star a Cracovia advolans, ex inopinato irruit
in Cosaccos, Castra Principis nullo servato or-
dine subsequentes, & notabilem in illis edidit
cladem; prædamque illis magna ex parte una
cum curribus eripuit, tantumque incussit ter-
rorem, ut postea semel antegressi Exercitum
Principis, quamvis aliquoties Poloni, tum a
Lithvania, tum a Cracovia, tum ii qui ex
Hun-

inde ad
altera
loca

Poloni
Cosaccos
involant,
& profit-
zant

Hungaria cum Marschalco redierant, concur-
rentes eos infestabant, tum penes *Gliniany*,
tum & alibi, nulla ratione poterant in id indu-
ci, ut se Polonis opponerent, sed quantum
fieri poterat, properabant. Hæc videntes Co-
mini Transylvani ipsi etiam tumultuari cœpe-
runt: & dum ventum ultra Civitatem *Tarno-
pel*, inde tria millia militum simul semelque
abierunt Moldaviam versus: ceteri etiam ani-
mis fracti, non amplius pugnam, sed reditum
meditabantur. Quodam tamen loco *Franciscus*
Kornis cum Legione sua, integris octo horis
impetum Polonorum fortissime pugnando susti-
nuit, tandem subsidio Semeniorum ad Castra
suos incolumes reduxit.

Pugiet-
bus Ru-
kótzianis
solus
Franci-
scus Kor-
nis vim
hostium
sustinet

Sed Polonis in dies Exercitum Principis
animosus infestantibus, præcipue quando ven-
tum est ad *Zalosce*, nequissimi Cosacci, quam-
vis aliquoties a Principe per *Grondzcium* re-
quisiti fuissent, ut tandem aliquantulum subsiste-
rent, etiamsi pugnare nolint, solum ideo ne
illos fugientes videndo Poloni, majores animos
sumerent, Principis autem milites animis con-
ciderent, nequaquam tamen remorari volue-
runt. Sed hoc nuntiavit Principi Hetmanus
Cosaccorum *Antonius*: Sciendum est Cosaccos
observare naturam eorum canum, qui curri-
bus solent alligari (quando sunt jejuni, tam-
diu lora rumpere conantur, donec solvantur,
atque tunc excuriendo huc atque illuc, quæ-

Cosaccis
profugi-
entibus

runt, quo satiari possint; & si attraxerint ad currum aliquod frustum cadaveris, etiam si alligati non fuerint, repelli tamen a curru minime possunt. Ita sunt constituti & Cosacci, dum sunt seminudi; dum nihil habent, etiam si vel maxime velis illos in Castris continere, non retinebis; Sed in iussi excurrunt in remotissimas partes, ut prædam aliquam nanciscantur, qua postquam repleverint currus, nequaquam illos impeller quisquam ad pugnandum; sed tantum in id sunt intenti, ut parta possint domum reducere.) Dicit, inquit, Principi, non esse jam nunc tempus pugnandi, sed tantum quærendus est modus salutem conservandi: Princeps nihil melius faceret, quam ut abjectis impedimentis nos sequeretur, & aliquantulum resciceret Exercitum suum in partibus nostris. Interim intra paucos dies confluent ad ipsum quam plurimi nostri juvenes. Et his dictis movit Castra: quæ in quodam eminenti colle ita substituerant, ut, & a Polonis, & a Rákócianis conspici optime possent.

Poloni
Kakotzi-
anos in-
sejant

Hæc dum Grondzki retulit Principi, voluit jam cum suo tantum Exercitu inire pugnam cum Polonis sese infestantibus. Sed quia interim Generalis Kemény cum potiori parte militum, neglecto aggere per quem transibant currus, vado, quanquam summa cum difficultate, superaverat paludes, Princeps etiam præter voluntatem suam subsequi illos necesse habuit. Cumque vix transivisset aggerem, mox

Po.

Poloni, videntes jam nullos equites apparere a posteriori parte curruum, tuto irruendo in illos, magnam partem curruum, qui omni defensore destituebantur, & aliquot tormenta obtinuerunt. Interim nox diremit proelium. Noctu reliquis curribus ad Castra sese subducen-
tibus, passus apertus est Polonis, quo illi silentio noctis superato, sequenti die, modo ex hac, modo ex altera parte accurrentes, prædam rapiabant, & mox resiliabant, moxque rursus invadebant. Interim illi etiam homines, qui in illis partibus reperiebantur, unanimiter asseriebant Tataros adventare. Imo in illos etiam incidebamur, qui nihil audiverant de Exercitu Transylvanico, sed Tataros effugientes, nobis obviam veniebant. Quapropter in his difficultatibus constitutus Princeps, & omni consilio destitutus, Tractatum cum Polonis instituit, quem illi ambabus arripientes manibus sine mora finiverunt. Ipsi enim fatebantur, quod si Transylvani animose contra illos conversi fuissent, facillime illos profligare potuissent. Sed jam terror panicus terrore omnes occupaverat, ideoque his conditionibus transegerunt:

Princeps Rákóci in perpetuum abrenunciet Rákóci confederationi Suecorum, & Cosaccorum: Præ- cum Polo-
sidiarium militem suum Cracovia, & Brestia edu- n's transi-
cat: Captivos omnes dimittat (nihilominus tuto in pejus git, rebus
ac secure permanere liceat iis, qui ultro Principi- vers g mi-
pi servire volent.) Pro illarum damnis Regno Po- bu

D d 3

loni

lonia quater centena millia Thalerorum solvat ; quæ quia negabat se in instanti in paratisolvere posse, obsoles dedit *Stephanum Abasi*, & *Georgium Gyeröfi*. Poloni vero, ii nimirum, qui hæc Pacta confecerant cum Principe, utpote *Stanislaus Potorski*, Supremus Exercituum Regni Poloniæ Generalis, *Georgius Lubomirski* Exercitus R. Pol. Vice-Generalis & Marschalcus Regni *Stephanus Czarnetzki*, Primus in Exercitu Polonico Legionarius, & Judex Exercitus, & *Demetrius Korybut*, Princeps de *Visniowietz*, promiserunt se effecturos apud Regem & Rempubicam, ut pacta hæc publico consensu Regni confirmarentur, & roborarentur. Ad præsens vero non amplius Poloni *Rákócianos* infestent, sed potius Commissarios adhibeant, qui Principem ad consinia Regnorum deducant, ac præcaveant, ne alicubi in faucibus montium aliquod discrimen ei contingat: militibus etiam suis ex præfidiis redeuntibus omnem securitatem cum libero comœatu præstent. Postquam vero Princeps *Rákóci* summanam promissam Polonis integram persolverit, tunc interveniente æterna Amnestia omnium eorum, quæ hac expeditione *Rákócii* Regno Poloniæ illata sunt malorum, Pax & Concordia & mutua amicitia inter utrumque Regnum erunt colenda.

Percussis
jam
Transyl-
vanis

Post Pacta inita, suadebant multi Poloni, boni Amici Principis, præcipue vero Marschalcus Regni, qui advocato *Grondzeio* exposuit,

quo

quo in statu nunc jam sit constitutus Princeps: quod nimirum eo angustiarum sit redactus, ut si saltem per biduum illum remorati fuissent, supervenientibus interea Tataris, qui in pro- p nquo sunt, tantopere potuisset constringi, ut vix unus & alter ex universo Exercitu Principis elabi posset: Nihilominus tamen quia ad præ- sens valde exhaustus est Thesaurus Regni, nec adinvenimus modum solvendi stipendia militibus a longo tempore retenta, volumus illum di- mittere, dummodo non frustremur ista summa nobis a Principe promissa. Quamobrem, in- quit, obtestor te per omnia Sacra, ut si putas subesse aliquod dubium in ista expectatione nostra, illud nobis aperias sincere: neque enim tibi sem- per manendum cum Principe, sed tandem redeun- dum ad Patriam, & ad certa pignora. Ad hæc respondente *Grondzeio*: Equidem quid in tacito pectore suo gesserit Princeps, hoc soli Deo est co- gnitum. Interim tamen si ex his, quæ oculis sunt exposita, conjicere licet aliquid, nescio cur sit in ambiguum vocandum promissum Principis. Quod enim attinet possibilitatem exolvendæ sum- mæ promissæ, respiciendo opes *Rákócii*, quæ quan- ta sint melius constat Illustrissimæ Magnificentiæ Vestræ, quam mihi; quis possit dubitare, an possit promissa præstare, dummodo velit? de vo- luntate autem Principis quid sit statuendum, ju- diceret ipse Illustrissimus Dominus. Obsidem fidei suæ offert Affinem suum; qui Germanam Soro-

De Fide
pr-missæ
rum au-
bitant
Poloni

Sed
Gronszki
tuetur
Principis
Eidem

Dd 4

rem

rem Matris suæ habet sibi connubio junctam; Et alterum prout animadvertere possum, ex præcipua prosapia. Tum Marschalcus interrogat: *Uter Obsidum est Affinis Principis?* dicit, *Stephanus Apasi.* Iterum Marschalcus: *Scisne pro certo regi ita se habere?* Tum asserente cum magna obtestatione *Grondzio*, infallibiliter tali sanguinis nexu *Apasum* junctum esse Principi. Tandem dicit Marschalcus: *Quandoquidem ita est, jam nunc nec ego ipse ambigo quicquam, Et cæteris omnem exinam scrupulum; impossibile enim est ipsum talem Amicum relicturum.* Post ejusmodi itaque informationem suadebant Poloni Principi, ut, quandoquidem certum sit, prope jam adesse Tataros; quibus ad resistendum minus idonei visi sunt Polonis Transylvani, non quod viribus sint impares, sed quod animo destituantur (ipsi namque Poloni quando ad salutandum Principem jam post reconciliationem adveniebant, & milites ipsius circumspiciebant, inter se in hunc modum colloquebantur: *Peccaret horribiliter, si aliquis nostrum viribus nostris obtentam de hoc Exercitu superioritatem arrogaret. Etenim si parem viribus, Et apparatusi suo haberent unum, deglutire nos possent, Et nobis prostrigatis nec Tataris illis formidabiles essent. Sed ipse Deus nostri misertus, tantopere illos confudit. Merito itaque canere debemus: Non nobis Domine, non nobis, sed nomini tuo fecisti gloriam.*) Suadebant

bant, inquam, ut cum iis militibus, qui equis confidunt, abjecta omni mora, rediret in Patriam. Tormenta autem & alia onera, & pedites, & quicunque reperirentur debiles, relinqueret in Castris Polonorum cum aliquibus Commissariis, qui una cum Commissariis ex Exercitu Polonico deputatis, tormenta & si quid in curribus usibus aptum inventum fuerit, secundum justam taxam ad rationem Summæ promissæ Polonis assignent. Quod vero attinet homines Principis inter Polonos relictos, si advenientes Tataros illos sibi vendicare, & ab illis repetere volent, Polonos dicturos esse; *Hos a Principe, vigore Pactorum, ad servitia Regni, et si adhuc alii supersunt hostes, relictos esse.* Si hac ratione illos protegere poterunt; se hoc libenter facturos, non ignorantes, Principem esse suum a parte Turcarum autemurale, ac proinde se ex animo velle illum conservatum; persuasum habentes Principem etiam, & Regnum Transylvaniæ, ita gratum fore, ut opem suam nunquam sit denegaturus, si aliquando eam Poloni postulaverint. Quod si Tataros valde obstinate requisiverint milites Principis in Castris Polonorum derelictos, & Poloni viderint se illos sine suo periculo retinere non posse, ac proinde ab illis recusserint, de duobus malis eligendo minus, præstaret ut pauciores illique gregarii cederent Tataris: Princeps vero cum omnibus Primatibus conservatus, facilius eliberando-

rum captivorum adinveniret modum. Sed si (quod Deus avertat) universus Exercitus succubuerit, in tali casu etiam universo Regno exitum immineret.

Hoc consilium postquam *Grondzki* retulisset Principi, in praesentis aliquot Primariorum Virorum, dixit Princeps: *Non sunt nobis ita horribiles Tataři, prout sentiunt de illis Domini Poloni. Neque enim sunt tam potentes, prout de illis praesumitur. Bene nos habemus exploratas vires illorum per Nicolaum Szebesi, & enumerando quantum posset prodire ex hac & alia provincia Tatarica, tandem ait: Si omnes egressi fuerint, ad summum efficient Viginti quatuor Millia ad pugnam idoneorum. Cum & s* autem Deo confisi non detrectamus pugnam; recedant tantum Domini Poloni. *Michael Mikes* etiam dixit: *Quousque nobis sunt ad latus acinaces, nemo nobis persuadebit, ut nec viso hoste tam turpiter timeamus. Recedant tantum a nobis Domini Poloni, & amplius de nobis non sint solliciti; nostrum erit agere cum Tataris. Monuerunt tamen illum, ut dato honesto responso Polonis nomine Principis, hoc solum urgeret, ut recederent. Quo facto statim sequenti mane Poloni discesserunt Volhiniam versus, Princeps vero Patriam versus. Sed postquam unius diei iter tantum confecisset Princeps, advolat a*

Redit Rákóczi

præ-

præcursoriam manum Tatarorum advenisse ad Castra Polonorum, ac simul, atque cognovissent Principem recessisse, confestim regressos; asserendo, tantum unius diei itinere abesse Hannum cum tantis copiis, quantas in Poloniam adhuc nunquam adduxerat; ac proinde idem Marschalcus monuit ac oravit: Si haecenus uni-^{Et ut pro-}verso Exercitui suo prospicere neglexit, provi-^{peret, ma-}deat sibi subducendo sese praesentissimo periculo jam cum paucissimis, illis autem expeditissimis.

Sed tum temporis quoque adhuc valde perplexo animo erat Princeps, quid sit faciendum. Cum autem inter alios Polonos, qui ab Exercitu Polonico vigore Paetorum Principi adjuncti erant, reperirentur aliqui, qui eodem tractu versus *Leopolim* tendebant; inter hos vero praecipue duo Principi singulariter propensi, nimirum *Gabriel Siniutski*, qui & in Transylvaniam fuit a Regno, & rursus a Leopoli ad Principem Ablegatus ad *Stryi*, ideoque jam valde confidens, ac familiaris eidem factus, & *Alexander Ludovicus Niezabytorski*, qui pariter a Leopoli una cum aliis fuerat Ablegatus, & quod tum illum Principi magis devinctum reddebat, tum & apud Principem illi majorem confidentiam conciliabat; aliquot antehac Annis, singularem Principis erga se benevolentiam expertus, hac occasione debitam gratitudinem contestandam esse ratus, operam suam in deducendo, citra omne discrimen ad Patriam suam

Pam

Principe obtulerat. Cum enim post insignem, & lamentabilem illam Polonorum ad *Batoh* cladem (de qua superius) prædictus *Niezabytorowski* singulari Divina Providentia illi periculo ereptus fuisset, & primum quidem in Moldaviam, postea inde in Transylvaniam cum 70. circiter sibi adjunctis Polonis, ex eodem discrimine conservatis devenisset, memorabilem ei Princeps *Rákóczi* humanitatem suam exhibuerat, nempe, & muneribus illum excoluerat, & cum omni commoditate per omnes ditiones suas ad fines usque Regni deduci curaverat: & idem *Niezabytorowski* cum *Grondzeio* etiam affinitate junctus erat. Dum itaque Principi a Marschalco Regni tristis illa fama, (de qua paulo superius) allata fuisset, jussit *Grondzeium*, confestim ad se utrumque h. e. *Niezabytovium* & *Silnicium* advocare. Qui postquam advenissent, mox exponit, quæ sibi sint a Marschalco nunciata, simulque interrogat, utrum sit fides adhibenda? & denique quærit consilium, quid sit faciendum? Qui unanimi voce responderunt: Non est cur pro novitate hoc reputet, etenim jam dudum id & nos prædiximus: neque est cur ambigat, Tataros tam prope adesse. Illi enim cum nulla habeant impedimenta, uno die cum volunt, a *Cameneco* huc usque accurrere possunt. Neque etiam aliud factu restat, præter id, quod Dominus Marschalcus suadet, & intimat. Si autem aliquid faciendum, faciat

sine

sine mora, ut non advertat Exercitus. Si enim intellexerit Vestram Celsitudinem velle se derelinquere, fiet maxima confusio, nec ullus illos cohibere poterit, & verendum, ne qui deberent esse ultimi, fiant primi, & contra: itaque admaturet jam non consilium, sed discessum, quia periculum in mora.

His auditis Princeps egressus in Aurora, circiter cum 500. Castra reliquit, sub Regimine Generalis *Kemény*, & *Francisci Kornis*, & *Nicolai Szebest*. Ecce autem postquam vix unum milliare a Castris emensus fuisset Princeps, advolat unus Ductor Polonorum, ex iis qui adjuncti erant, deducendis Castris *Rákóczi*, dictus *Druskiemitz*, qui adfert nuncium Principi, validam manum Tatarorum irruisse in posteriora agmina Transylvanorum ultra aggerem, (qui Castra interruperat, eo quod sero vespere superare illum simul omnes non potuissent) commorantia, & arreptis aliquot captivis eodem momento regressos esse: (quod multum profuit conservationi eorum, qui exiverant ex Castris: quia enim id non erat ipsis cognitum, omnes Captivi uno ore referebant Hano Tatarorum, Principem in Castris esse, & pugnare cum illo velle) & hæc quidem denunciatis suavit, ut citius procederet, ne forte illum Tatari subsequerentur, quod non esset boni ominis: cujus consilio ceteri etiam Poloni suum calculum adjecerunt, quod tamen celabatur alios. Sed

Prin.

Adjunt
Tatarorum
agmina

*Rakóczy
iure salutis
confulit
timetur
supellesti-
li Principi-
pis*

*adeam
requiren-
dam, &
tutandam
Grondzium
mittitur*

Princeps quasi æstum meridianum effugere volens, addidit calcar equo, atque succussim processit usque ad *Tarnopol*, iis qui post se veniebant, hæc ignorantibus. Interim accurrit unus famulorum Principis *Franciscus Henter* nuncians, duodecim equos onerarios preciosiorem supellestem Principis bajulantes curæ ac fidei *Andrea Vayna* commissos, præ lassitudine remansisse retro plus quam milliari ultra *Tarnopolim*; tum Princeps rogavit *Paulum Frater*, & alios (nam imperare tunc non valebat) ut redirent & curam inirent, qualiter illi equi cum suis sarcinis conservari possent. Sed nullus voluit subire hanc provinciam; verum quivis excusando debilitatem equi, ideoque in tertiâ aut quarta linea Principem subsequens aliis loquebatur: *Si in antecessum jubet procurrere Princeps lubens faciam, sed retro minime: faciet namque valde, qui post nos stat ventus: mihi etiam pariter cura est salus, atque Principi. Jam amisi omnia, saltem ipse incolumis domum redire volo, hocque pro lucro reputo.* Hæc Princeps videns, & audiens, advocat *Grondzium* & ait ei: Ecce equi nostri aliquas res nostras utilissimas portantes remanserunt retro, redeat, & quærat modum, qualiter si non iisdem equis, saltem conductis curribus, aut alia quacunque ratione, etiamsi equis abjectis res ipsas adducat, ne pereant: nam magnum damnum pateremur. Certe si hoc præstiterit, nunquam laujus Officii obli-

obliviscemur. Cohorruit ille his auditis, neque enim ignorabat, sibi non tantum a Tataris imminere periculum, verum etiam a Polonis insolentioribus, qui passim Hungaros in parvo numero deprehensos spoliabant, nonnullos autem illo, um etiam trucidabant: nihilominus ventus, ne si hoc officium subire detrectaverit, ea omnia, quæ, hætenus in promerenda Grondzium Principis exantlaverat, oblivioni traderet. Non multum cunctatus, sed id tantum precens, ut sibi aliquis Famulorum Principis adjungeretur, cum quo colloqui posset, se id futurum declaravit. Princeps itaque eundem *Franciscum Henter*, qui ab equis venerat, & quo in loco remanserint, noverat, redire cum illo iussit. Redeuntibus illi quibuscunque obviant, nomine Principis illos hortabantur, ut secum regrederentur, asserentes se ideo jussu Principis regressos, ut collectis in unum manipulum iis omnibus, qui sparsim remanserunt, & a Polonis infestantur, facilius tueri & ad Principem incolumes deducere possint. Sed qui aliis excellebant, respondebant: *Certe nunc Princeps de aliis non sit sollicitus, tantum de seipso, bene intelligimus quid velitis: nimirum vos in id intendere, ut propter asportationem rerum Principis regrediamur: sed hoc certe non fiet. Jam nos nostra nocula amisimus, restat ut nostri ipsorum curam agamus: & vos ipsi nescitis quid queritis. Certe Princeps non amplius illis in-*
stra-

reper-
tamque
ad Prin-
cipem
desert

strumentis utetur. Si enim effugient manus Tatarorum, non evitabunt Polonos, qui nobis infidi-
diantur. Et aliis tamen minus circumspēctis, associatis sibi circiter 35. militibus, pervenerunt usque ad *Andream Vayna*, qui nihil sciens quid ageretur in Castris retro, & qualiter procederet Princeps, tanquam in pacatissima regione, depositis oneribus, & dimissis ad pascua equis, discumbebat: non tam ideo, quod equi essent viribus destituti, quam ut pro recepto more in meridie conquiesceret, sperans Principem etiam alicubi meridiari, qui interim, qua potuit celeritate iter carpebat. At postquam intellexit omnia prout erant in re, confestim compositis rebus progressum maturavit, (idque tanto magis, quod videret non procul a se divertisse aliquot Polonos, forte eo animo, ut postquam plures iis accumulati fuissent, aliquid attentarent) nec tamen prius assequi poterant Principem, quam sera nocte penes *Zborov*, quo sine ullo damno cum equis & sibi adiunctis ipsi quoque devenerunt.

nocte ad-
secutus
Princi-
pem

Postquam ingressus fuisset *Grondzki* cum sociis, inter alto somno sepultos, incidit in *Michaelem Mikes*, qui vigilias agens circa Principem atque preces fundens, & ex voce, quis sit, qui inquireret, ubinam sit Princeps, agnoscens, ad se eundem advocat, & multum congratulatus, quod in tali occasione tam feliciter inservierit, coepit ei enarrare, qualiter conclu-
serint

serint de ulteriori progressu itineris cum Principe, quod nimirum metuendo, ne solita celeritate sua Tataris preoccuparent viam ante confinia Regni (quod evitare volens *Gabriel Silnitski*, jam dereliquerat Principem, cui operam suam in deducendo, usque ad limina Patriæ suæ addixerat) constituerint ire *Leopolim*, ut ibi commorarentur tam diu, donec secure domum redeundi pateret via. Iltius autem consilii (inquit) auctor est *D. Niezabytorvski* Affinis tuus: simulque interrogat eundem *Grondzium*, an ipsi etiam placeret hoc consilium? qui ex abrupto (minus intentus ad omnes circumstantias excutiendas) respondet, non video cur id improbem, etenim *Leopolis* multo propius hinc distat, quam *Maramaros*, videlicet tantum octo milliaribus, quæ uno die, commodissime possunt confici, ad confinia autem perveniri nequaquam potest. Quod autem attinet fortitudinem loci, etiamsi aliquot Myriades Tatarorum eo advenerint, nihil efficient: jam enim hæc Civitas bis acrem oppugnationem, primo quidem Cosaccorum, cum Tataris conjunctorum, secundo vero Cosaccorum simul, & Moscorum intrepide & feliciter sustinuit, & nunc nullus ibi superest a Tataris metus. Præterea, quia hoc suadet *D. Niezabytorvski*, cujus teneræ conscientiae sum bene conscius, persuasum habeo nihil periculi subesse. Si enim

E e

ali-

aliquid adversi pro sua prudentia prævideret, pro innato candore talia non suaderet.

Tum *D. Mikes*: Ego, inquit, fateor ingenuè, nisi sciremus *D. Niezabytovium* esse Affinem tuum; & nisi tuam in multis occasionibus fidelitatem exploratam haberemus, soli *D. Niezabytovio* nequaquam consideremus. Incumbit itaque tibi, ut prævideas quam solertissime, ne nobis ista confidentia aliquid mali adferat. Sive enim bene, sive in contrarium, (quod Deus Clementissimus avertat) hoc consilium successerit, vobis hoc imputabitur. Respondet *Grondzki*: Nodum Gordium solvere me vult Generositas Tua, cui nequaquam sufficio priusquam *D. Niezabytovium* allocutus fuero. Sed ubi illum nunc quæram? cui equum pascendum, ut saltem ille, si non ego, quiescat, tradam? (Famulos namque ejus numero 25. & equos 36. post initos Tractatus Poloni abegerant, & jam solus cum unico equo remanserat) Tum *D. Mikes*: Equum mihi trade, ipse habebit curam illius, tu autem quære Affinem tuum, donec ipsum invenias, & communicatis consiliis id concludite, quod indubitato bono nostro cedat.

Periculum si Leopoli-
pergat Princeps,
cazonit Grondz-
ki

Multum itaque quæsito, ac tandem invento *D. Niezabytovio* dormiente, de somno eum excitans, per jocum dixit: Non decet nunc nobis dormire totam, illum, qui tuendæ incolumitatis tanti Principis in se officium assumpsit, post (dissimulans se aliqua colloquia instituisse cum

cum Domino Michaelē Mikes) interrogat, quid sit conclusum de ulteriori progressu? Respondens *Niezabytoruski*, inquit: Hoc placuisse & Principi, & Consiliariis suis, ut potius *Leopolim* se conferant: quod sibi etiam placere, ait &c. Tum *Grondzki*: Rogo, ne moleste ferat, quod de isto proposito disertius & confidentius colloqui velim cum Generositate Tua: neque enim hic agitur de lana caprina, sed de conservatione Magni inter Christianos Principis, & potioris partis Procerum Transylvaniæ, primum quidem fidei illorum, cum quibus sunt Pacta confecta, sed postmodum Vestræ Dominationi salutem suam committentium. Itaque interest ex vinculo conscientiae, ita nunc omnes circumstantias rerum trutinare, & exequere, ne si forte aliquid adversi præter opinionem evenierit, ad illam insipientium responsionem sit recurrendum: *Non putaram.* Ad hæc dicit *Niezabytoruski*: Et Princeps, & reliqui omnes acquieverunt super hoc consilio, tu autem quem habes scrupulum? dicas. Tum *Grondzki*: Equidem & hoc valde possibile est, Princepem cum sibi adjunctis hodie *Leopolim* perventurum, & hoc extra omnem disquisitionem est positum, Civitatem hanc ita esse fortem, ut intra mœnia illius consistens tutissimus esse possit ab omni impetu Tatarorum; hoc quoque est certissimum, postquam Civitati appropinquaverit Princeps, & Vestræ Dominatio dixerit: Illum cum paucis

(Et rem ita sese habere ex aliis etiam cognoscat Commendans Leopoliensis) intronitti velle, cum maxima omnium exultatione receptum iri Principem. Postquam autem Princeps receptus, Et Dominatio Vestra officio perfunctu fuerit, atque ad hospitium sese contulerit, tota vero disputatio de Principe dependebit a Commendante, cujus gubernationi in Civitate, fidei ipsius commissæ l estra Dominatio ingerere sese, aut obniti nequaquam potest: sicut nec ille Reginini Dominationis Vestræ, quod exercere vult in Legionibus, dum est in campo. Quod si contingeret, (nec aliter per statum rerum fieri potest) ut ille recepto Principe, litteris exaratis Regi, Et Reipublicæ, aperiret tam raram Avem, cum multis pullis ingressam esse in hanc caveam, cujus fores ille claudit, nec ullus eo invito eas aperit, simulque peteres informationem qualiter tractanda esset? Quid cogitat Dominatio Vestra, utrum aliquis eorum, qui sunt ad latus Regis, id suffragii sit daturus, ut dimitteretur Princeps? Hoc certe non suadebit Generalis Germanorum: non suadebunt illi, quorum bona sunt exusta Et depopulata. Sed quid dicturi sunt Patres Societatis Jesu, sine quibus nullum consilium? Sane illi eum, quo Ductore tot Tempia desolata, tot Sanctuaria profanata, tot Patres interempti, eum quem jam apellarunt inimicum vivorum Et mortuorum, dimittendum nequaquam censebunt. Immo verendum est, ne Regem impellant ad no-

endum Principi, adducendo pro exemplo Regem Israelitarum Saulum, quem Deus rejecit a facie sua, ideo quod pepercisset Regi Amalechitarum Agag, quem Deus in manus ejus tradiderat. Et plura adhuc loqui volentem interrumpens cum maxima indignatione Niczabytorvski ait: Manifeste video, te jam omnem bonum affectum Et confidentiam exuisse erga gentem tuam, Et omnem induisse hostilitatem; Et propterea in dubium vocare fidem, Et conscientiam tantorum in Republica Virorum, qui sunt confecta Pacis auctores, quod nec ipsi Hungari faciunt! Saltem propter famam nominis Polonorum talia nunquam fient. Si enim tanti Principis fidem falleremus, quis unquam nobis crederet? Tum Grondzki, quibus potuit quam placidissimis rationibus mitigando iram illius ait: Certe magnum est robur Paëtorum, quod tam magni in Republica Viri sint auctores eorum! Sed nonne hi iidem interfuerunt tractatibus ad Varsaviam cum Suecis initis? Immo adfuit Et Serenissimus, adfuerunt plures quam nunc Senatores, adfuerunt ferme omnes Ordines Regni, Et tamen quia quibusdam aliter visum est, quam fuit conclusum contra datam fidem Vittembergium, Et alios Officiales detinuerunt, Et hucusque detinent. Ad hæc iterum Niczabytorvski: Alia fuit ratio cum Suecis, illi enim prius datam fidem in multis violarunt, Et ideo pro eo, quod ipsi fecerunt, juxta illam Regulam: Frangenti fidem, fides frangatur eidem.

hoc reportarunt. Alia autem ratio est Principis Rákócii, qui majori in respectu, & observantia est coram universo Regno Poloniæ, similiter & Domini Transylvani, cum quibus semper bona vicinitas nobis intercessit; quapropter illis talia non sunt metuenda.

Rursus Grondzki ait: Semel adhuc aliquid proloquar (quod liceat citra offensam) postea mihi silentium imponam: Ego vero in hac sum sententia, posse Dominos Polonos, quicquid adorsi velint, Principi inferre, idque sine violatione Pactorum; siquidem nondum sunt per Regem & Rempublicam corroborata, & pro invalidis ab utraque parte contrahente illa reputari, manifesto patet inde, quod & Princeps id desideraverit a Dominis Generalibus Exercit. Reg. ut fiat confirmatio illorum per Rempublicam, & illi etiam se id effecturos in se assenserunt. Quod priusquam in effectum deductum fuerit, in arbitrio Regni est positum, siue velit illis stare, siue aliquid addere, siue totaliter ea abrogare, & annihilare: idque tanto magis, quia auctores Pactorum nullam habuerunt a Regno ad id faciendum concessum sibi Plenipotentiam, sed hoc evenit præter opinionem omnium. Jam vero juxta Regulam Jurisconsultorum: Res inter duos acta tertio non præjudicat. Tres aut quatuor Senatores, utut eximii, universo Regno præjudicare non possunt. Præterea in Pactis nulla est mentio ejus rei, nempe Dominos Polonos in se assumisse, quod

quod Principem teneantur recipere Leopolum, & inde quando volet dimittere; vel pro illo cum Tataris dimicare, sed simpliciter tantum liberum passum domum remeandi illi concesserunt. Si itaque ultra conditiones faciens aliquid Princeps in aliquod sese præcipitaverit malum, hoc violationi Pactorum nequaquam poterit attribui, sed sibi ipse id debet imputare, totam culpam reiciendo in auctorem consilii. Tandem dixit Niezabytorvski: Prout antehac dixi, ita nunc quoquo constantissime affirmo, nunquam talia Polonos ultro, vel malo dolo facturos. Sed hoc potius timeo, ne forsitan Tatari si cognoverint Principem recepisse sese Leopolum, illuc pervenientes, requirant, ut sibi tradatur, minantes, nisi id facere velint, exustionem suburbiorum, depopulationem Provinciarum Regni, captivationem eorum, quos extra mœnia invenerint &c. in tali casu verendum esset, ne pelle aliena redimerent propriam. Quapropter si placet Principi mutare consilium, sine ulla mora, coepestim moveat cum summo silentio, nemini indicando quorsum velit ire, neque id curando etiam si aliqui hic remanserint, aut aberraverint. Multum enim expedit si coepestim moverit, ut postmodum ros decidens per devia cooperiat vestigia, ne agnoscat quorsum diverterit Princeps: & si aliqui remanserint, illi sententiam anteriorem conclusionem, recta contendunt Leopolum versus; nos vero quamprimum transerimus proximum aggerem, statim una incognita

via divertemus ad sinistram partem. Quod si subsequuti fuerint Tataři, illi non agnoscentes nostram diversionem, publicam viam arripient recta Leopoli, idque tanto magis, si inciderint in aliquos Hungaros, qui nec ipsi scientes, quoniam Princeps digressionem fecerit, interrogati, quoniam iveris Princeps? unanimiter dicent posse Leopoli; interim nobis amplius spatium effugiendi manus Tatarorum concedetur.

Cum hæc itaque resolutione Grondzki reg essus ad Aſchae'em Miles, omnia ei eodem ordine prout expositum est, refert. Qui cuncta totaliter approbans, statim Principem de somno excitat: & primo eundem refert, equos onerarios jam dudum esse adductos; postea fuscæ exponit, qualiter prius consilium per Grondzciun fuerit reprobatum, & loco illius quid conclusum. Quibus omnibus suum quoque lubens Princeps addens calculum, prout suatum est, fecit, & subito de illo loco motionem fecit: & revera multum id profuit, quod media nocte movisset. Nam & equi ad sufferendum laborem multo alacriores redditi, & quia in meridie superfuit aliquod quiescendi spatium, una die perventum est prope Civitatem Stryi. Sed multi etiam aliorum diverterunt. Itaque sequenti die tum propterea, ut concurrerent omnes, tum ut amoverentur ab Alpibus ii, quibus antehac demandatum erat custodire passum; nonnisi duo milliaria processit ad Skole. Inter-

rum

rim Palatinus Belzensis, Stryensis autem Capitaneus, qui tunc eo loci fuit, invitabat quidem Principem ad se cum summo honore; sed Princeps adhibita aliqua excusatione, in ipsis faucibus montium noctem peregit. Prædictus vero Palatinus, declarans non fucam suam humanitatem, proprios homines protinus misit, qui amotis prædialiis ex singulis pagis Scultetos adduxerunt, per quos Princeps usque ad Hudek-Patak est deductus.

Tum demum perceperunt Domini Transylvani fructum ejus rei, quod dum ingressus fuisset illas oras Princeps, elementem ac benignum sese incolis locorum illorum exhibuerit. Certatim enim concurrentes obviam, cibum & potum, inedia aliquot dierum seminecatas offerebant. Sed non minus expertus est & ipse Scriptor præsentium, se bene fecisse, quod præcedens antehac cum Generali Kemény, prout aliis Nobilibus Polonis, ita vel imprimis cuidam præstanti Matronæ, tale procurrasset præsidium, ut nec ingressi fuerint curiam ipsius ulli milites Principis. Maritus namque ejus (qui tunc abfuerat domo) superveniens illum noctu euntem, cum duobus tantum sibi adjunctis Polonis, quando complures Nobiles redeuntes ex Stryi de nuptiis apud Palatinum Belzensem celebratis, bene poti, opprimere illum & socios ejus voluissent, ipse de voce solum agnoscebat illum esse, qui Familiæ suæ singularem

Pa-

Patronum sese præstiterat, eundem ex faucibus mortis eripuit, & usque ad Principem, tunc in campo quiescentem deduxit. Unde discere quisque potest antiquam illam venientem Delphis Sententiam: *Fac bene dum possis!*

Sequenti iterum die, Deo consilia prosperante Princeps Polonis ducibus in Patriam reductus incolumis. Exercitus autem illius cum Generali *Kemény* relictus, a Tataris circumventus, pugnans primum cum illis strenue, tandem summam rei incertæ Martis alex concredere minus integrum ratus, dum aliquibus tractatibus incolumitati suæ consulere vellet, ejusque rei gratia ipse *Joannes Kemény* ad Hanum Tatarorum profectus fuisset (potissimum proditione Szemeniorum, qui simul semelque ex Castris Transylvanicis profiliendo omnes, scopetaque sua in socios explodendo, patentem portam Tataris aperuerunt) in potestatem hostium devenit (quem quidem Tragicum Actum, ne infandum renovare velle videar dolorem, fufius edisserere nolo) cujus rei fama primum quidem occultabatur in Aula Principis, postea quando diutius occultari non potuit, diffusa per Regnum ingenti luctu animum, prout omnium Incolarum, ita nec minus Principis implevit. Qui nec egrediebatur in publicum aliquot diebus, simulans morbum. Et revera gravis erat Paroxysmus, qui semel inficiens perniciosissima huc universum Regnum ad sera-

usque

usque posteritatem, multorum calamitatum amplam suppeditavit materiam: quæ qualiter postea in Transylvania serpsit, non est mei propositi referre: præsertim quia id ante aliquot annos jam fecit. Vir in Regno Transylvaniæ Magnus *Joannes Bethlen*. Reliqui autem Milites Principis, qui in Præsidiis, partim Cracoviæ, suo Reginine *Joannis Bethlen*, partim Bresciæ sub Reginine *Andrea Gaudi* remanserant, dimissi a Polonis intacti ac incolumes, in Patriam rediere. Quæ res non mediocriter exhilaravit Principem. Sed tamen promissam Polonis summam exsolvere nunquam voluit, amissi Exercitus culpam in eosdem conjiciens. Et tandem Polonis per expressos Legatos id authenticis documentis contestantibus, ac comprobantibus, se nunquam promississe Principi securitatem a Tataris: siquidem etiam pugnare voluissent pro Dominis Transylvanis, nequaquam erant tantæ multitudini, cum exigua militum manu, viribus pares; sed quod in se id tantum assumserint, se non amplius Exercitum Principis infestatu-ros, idque fideliter præstitisse. Ideoque urgentibus, ut juxta Pacta illis satisfaceret, coeperat ad id exequendum inclinari, nihilominus de tempore ad tempus id differebat. Denique quando Poloni per *Grondæcium* fecerant declarationem, se per compassionem super infortunio Dominorum Transylvanorum, qui devenerunt in manus Tatarorum, in quorum

rs-

*Joannes
Kemény
capti-
us
in suis
castris*

redemptionem dubio procul notabili opus eris summa, dimidio promissæ Summæ, videlicet Ducentis Millibus Thalerorum fore contentos: quod postquam illis persolvisset, offerebant se ad Turcas missuros cum instantia, ut jam abstineant a persequendo *Rákóczi*, quandoquidem pro damnis sibi illatis satisfecerit. Promittebat se ex Regno Hungariæ aliquos egregios Viros in Poloniam ablegaturum, & per eosdem totum negotium complanaturum. Sed hoc quoque promissum omni caruit effectu. Nunc autem si facultas fandi illi concederetur, exclamaret, credo, cum calimitosa quondam Regina Trojæ:

Quicumque Regno fidit, & magna potens
Dominatur aula, nec leves metuit Deos,
Animumque rebus credulum lætis dedit,
Me videat, & te Troja (Transylvania) non
unquam tulit

Documenta fors majora, quam fragili loco
Res Principum starent.

Etenim qui paulo ante tres Imperatores a proposito sese avocare conantes, contempsit, & arundine suffultus, quarto Regi, se multo potentiori bellum inferre non dubitavit, ne unico quidem prælio commissso cum iis, quos subjungere attentavit, in tantas redactus est angustias, ut, cum ex Lerna malorum eluctari remis, velisque contenderet, necessum haberet auxilia eorum implorare, qui ipsum antehac quatenus
ab.

astineret a vicinis, non poterant exorare; adeoque non solum ab illis, sed etiam ab ipsa denique Fortuna derelictus, non prius exitum ex adversitatibus suis adinvenit, quam Heroico quidem more, sed omnibus Christianis dolendo casu, & ominosa Transylvaniæ Ecclesiæ, ne dicam, præsti pristini nitoris occasu, e numero viventium in terram silentii concessisset. Neque vero cum ipso omnia Transylvaniæ mala sunt sepulta, sed longa serie multa eundem subsequuta. Cujus rei testimonium perhibet Varadinum, nec minus aliæ arces Transylvaniæ, occasione ipsius cum magno ambitu in potestatem Turcarum redactæ: testantur id horrenda per universum Regnum rudera vix intra aliquot seculorum decursum reparanda: testantur (ut taceam miserandum charissimorum Principis pignorum statum) teterrimæ Regnicolarum cædes: periit *Achatius Barczai* (qui exitii *Rákóczi*, utrum juste an immerito aliorum subicit judicio, magna pars perhibetur) (a) cum Fratribus suis: periere præterea & alii præcipui Viri, non acinace hostium, nec juxta Juris ordinem convicti, sed violentia potius oppressi, habenas Regni dirigente *Joanne Keményo*. Hic vero extraordinariis mediis Regnum appetens, vix unquam simili infelicitatis exemplo, misere a Turcis
tru-

(a) *Rákóczi* exitii sui ipse causa fuit, ut tota testatur Historia Joannis Bethlen.

crucidatus est, ita, ut, etiamsi in Patriis iisque patentibus campis, & loco omnibus noto occubuerit, corpus tamen illius diligenter quæsitum nequaquam inveniri potuerit. Et, quemadmodum ut plurimum evenit, cadente ingenti Arbore, multa huc atque illuc disjiciuntur fragmenta; ita notabili Transylvaniæ columna cadente, prostrato videlicet *Joanne Keménio* Viro eximio, & Heroicis virtutibus non solum intra Patriæ pomeria ita claro, ut ea tempestate solus ad ferendum onus Transylvaniæ ultimæ ruinæ proximæ, idoneus ac sufficiens crederetur Atlas; Verum etiam in Aula Viennensi, ita commendato, ut auxiliis Imperatoris (quod non poterat consequi *Rákóczi*) dignus fuerit habitus. Cadente, inquam, hocce Viro eximio, duæ, sed prægrandes ad præmendandam Transylvaniam late sese extenderunt frondes: foris namque remanserunt barbari hostes, bonis & vitæ; domi simulati Amici, non minus bonis quam libertatibus incolarum inhiantes; & nisi cœlitus plane demissus insperatus Sospiator *Michael Apafi*, malis (quibus Transylvania jam jamque obruebatur & destituta Viris, viribus & ære, cadaver potius quam corpus Reipublicæ dici merebatur) subito subvenisset; nisi insolita felicitate sua sibi a Deo concessa (his Fortunam tuam tecutis, atque signa militaria fascibus tuis subjicientibus, illi vero præter omnem opinionem hominum domum remeantibus)

*Laudes
Keményi*

bus) Patriæ suæ nubibus atris involutæ, solem prosperitatis reduxisset, pereundum ei plane fuisset. Quapropter Transylvania, si Phœbo isti, quem Deus sub auspiciis dicti Principis reducere cœpit, gratam se esse proficitur, uno & sincero exclamet ore:

Sis utinam felix, supraque pericula tendas

Longa tibi nullum secula ferente malum.

Rákóczi autem Tragico exemplo, juxta antiquitatis Oraculum: *Alieno periculo qui sapit, Egregia ille sapit*, utinam ii, quos Supremus cœli, ^{ad immen-} ^{cives na-} ^{politis} tæque Rector inter Christianos ad Clavum magnæ Navis Reipublicæ collocavit, in tantum sapiant, ut dum liceat pace frui, bellum non quarant: & his contenti, quæ alicui minime quærenti donarunt Astra, in aliena ne se ingerant astra. Etenim teste, tum sanctorum Politicorum sententia, tum quotidiana rerum experientia, perfectissima vitæ Magistra:

. . . . Qui Regna aliena, laceffit

Extremum discrimen amat, nescitque decore

Fortunam tractare suam; sapientior odit

Immodica, & votum non ultra extendit in Orbem.

Quoties autem cum extraneis ineunda sunt aliqua Fœdera, utinam bene prævideant, ut subnixi firmis rationibus, quæ non solum in Foro Politico, sed etiam in Foro Conscientiæ stare possint, cum ejusmodi Populis ea fiant, de quorum Fide & constantia, ac proinde ipsorum

rum Foederum firmitate prudenter dubitare nemo possit. Sæpe enim illa quæ facile coalescunt, facile rursus dissolvuntur; & id non minus quam Scyllam, & Charibdin vitent, ne salutem suam confidant iis, qui sibimetipsis minus sufficientes, imminente sibi periculo necessum habent socios suos in mediis malorum fluctibus derelinquere. Prout perhibetur quondam accidisse muri: qui cati sese persequentis assultum effugiens, cum ad marginem lacus constitisset, atque præ lassitudine vix spiritum traheret, ibique a rana interrogatus fuisset, quidnam facere intendere? tum mure respondente, esse sibi irreconciliabilem inimicum Catum, coram quo neque in Urbibus, neque in campis tutus esse possit: qui ubicunque se commorari præseferit, subito in se irruat, & nunc se ægerrime insidias ejus evasisse, multumque se esse sollicitum, ubinam posset tale invenire reclinatorium, quo Catus pervenire non possit? Rana, his auditis, misera fortis calamitiosi muris, ait: Scio ego locum, ubi nec fama auditur de cato: est in medio istius lacus petra quædam, illuc te ego nandi peritissima lubens deferam, nullum a te exposcens naulum. Postquam autem eo perveneris, vita durante tutissimus permanebis. Mus, summo perfusus gaudio, quod & locus securus sibi commendetur, & portitor gratuitus occurrat, acceptat oblatum officium Ranae, committit se fidei illius, atque illi insiliens multum

sibi

sibi gratulatur, quod sibi tam jucunda, super mollibus brachiis contigerit navigatio, & quamvis illum conspergere cœpissent undæ, postquam in profundiores provectus fuisset aquas, nihili tamen hæc facit, eximia spe sese lactans, brevi se optatum posse attingere portum, in quo tranquillam ducturus sit vitam. Interim apparet hydrus, quo viso Rana, mox ad imum lacus fundum sese recipit, derelicto mure. Tum ille per omnia Sacra Neptuno debita obtestatur Ranam, sit memor se Patriam ipsius consilio reliquisse, vitamque suam fidei ipsius concedidisse, simulque rogat, ut sibi in hoc discrimine opem quantocyus ferat; rana autem surdis auribus omnes obtestationes audiente, mus miser luctatur cum undis, nunc aliquantulum sese elevat, nunc mergitur rursus, tandem dum omnes maduissent pili, nandi minime peritus absorptus est aquis; Rana autem nec ad funus quidem comparuit. Simile quid accidit & nostro Principi cum Suecis & Cosaccis. Quamvis enim illi non minus justam, atque Rana conspecto hydro deferendi Principem habuissent causam, quod nimirum Regnum illorum alius, nempe Danus occupare voluerit: Sed tamen parta sibi, periculo Principis, salute, illum inexplicabili ruina involutum, nunquam posthac salutarunt. Ipse vero post varias rerum revolutiones, & in Polonia eventibus, & Patriam suam, (hinc a Polonis sese subsequenter, inde a Danis propria occupantibus) misere conquassata, quod

F f

ahis

aliis narrandum relinquo, Pactis ad Olivam (a) confectis, finem bello feliciter imposuerunt.

Cosacci vero loco subtili alicujus Transylvaniam cum Tataris invaserunt, & ingentia damna intulerunt: cum Polonis autem pacificationem aliquoties tentaverunt, sed nihil stabile adinvenierunt. Decedentibus namque *Chmielnicius Hetmano* (b) & *Wyhovio* Cancellario Cosaccorum, qui magna prudentia res moderabantur, omnia in pejus abiere, adeo ut & ipse *Wyhorski* pertæsus inconstantia, & latrociniorum Cosaccorum in partes Polonorum transire, necesse habuerit. Qui tandem ob leviem aliquam suspicionem violentia militum Polonorum frutillatim est disiectus. Cæteri itaque Cosacci, partim videntes quid acciderit *Wyhovio*, partim patratorum scelerum conscii, ideoque de consequenda stabili Amnestia desperantes, ultro sese Turcis subjecerunt; eo plane tempore, dum Regnum Poloniæ, per solennem Legatum suum dictum *Radziejowski* (c) de prolongatione antiquorum inter Polonos, & Turcas Pactorum, tractatum instituisset Anno circiter 1669. quan-

(a) Pax Olivenfis partim in Claustro Oliva 3. Maji, partim Hussiæ 27. Maji 1660. confecta est. Vide Acta Pacis Olivenfis inedita authore I. G. Bochnio Vradisl. 1763. 2. Tom.

(b) *Chmielnicius* Hetmanorum celeberrimus hausto veneno, quod Polonus aliquis a Turcis corruptus miscuit, vivere desit 1657. 15. Aug.

(c) *Radziejowski* vir eloquens, opulentus, & magnæ Inter suos auctoritatis evocati *Caroli Svecici* causa fuit. Anno 1662. una cum *Stavislavio* affine *Rakótzi*, & affecta in Polonos, absolutus fuit in Comitibus criminis prodicionis.

quam enim fatebantur Turcæ, se, tam ex Historiis suis, quam ex constanti Senum relatione, perspectum habere, Polonos nulla in re impigisse in Pacta, nihilominus id desiderabant, ut (quandoquidem ex triginta Civitatibus Cosaccorum advenientes Legati nomine universitatis circiter trecenti ultro sub protectionem Turcarum confugiant) illis Poloni, si pace frui volent, perpetuo renuncient: ad quam propositionem dum respondisset *Radziejowski*, Cosaccos non esse liberum populum, nec habere ullum proprium territorium, nec ullam Rempubliam, neque ullum Principem, præter ipsum Regem, & omnino illos in personis suis simpliciter mere, & absolute esse subditos Polonorum, qui per nimiam insolentiam ante aliquot Annos rebellionem contra Regnum subito susceperant, & multa mala incolis intulerant. Sed postea a Polonis aliquoties bene castigati, tandem sese humiliarunt, & Regnum deprecati de antea actis veniam obtinuerunt, atque in gratiam redintegrati etiam nunc quiescunt, neque cum istis nefariis consentiunt; sed si tantum, qui tempore disturbiorum ita se gesserunt, ut ipsi sese indignos aliqua venia, & gratia judicarent, huc recurrunt: qui tamen propter rationes superius allatas nullam facultatem habent cum extraneis Monarchis aliquem tractatum instituendi. Addebat præterea *Radziejowski*: se, (quamvis de Cosaccis in specie nihil habuerit commissum sibi a Regno) daturum operam, ut Respublica feditiosis istis rusticis, qui nunc Cosaccorum nomen sibi vendicent, præbeat consensum,

quatenus exeant in Ditiones Turcarum. Sed si una cum illo tractu, quem sparsim inhabitant, vellent sese imperio Turcico adungere, hoc Polonos nulla ratione unquam concessuros, siquidem omnes illæ Provinciæ sint plenissimi Juris Regni Poloniæ.

Ad hæc, nomine Imperatoris Turcarum respondebatur: Illum ad disquisitionem de Juribus Cofaccorum non condescensurum, sed quicumque ad Patrocinium ejus recurrunt, se eos ita protecturum, ut ne pilum quidem ex omnibus iis rebus, quas Cofacci suas esse dicant, alteri sit concessurus. Et sic gens insolentissima ac improba, dum Poloni ex malis (intervenientibus Pactis cum Suecis, Moscis & *Rákócio*) eluctatos se esse arbitrarentur, tandem illis perniciosissimum bellum Turcicum attraxit, quod verendum est, ne majora secum, quam nostra vidit ætas, successu temporis, importet mala. Et sic gens maleferiata, prout origo fuit omnium Regni Poloniæ adversitatum, ac calamitatum, ita ad consummationem illorum, & Turcis occasionem præbuit belli contra Polonos suscipiendi: quod quidem inchoatum est Anno 1672. Sed quando & qualis Finis illius sit futurus, hoc in abstruso Supremi Regis Regum arbitrio & consilio est reconditum. (a) Qui, ut tandem misertus afflictæ Gentis Polonæ, omnia discrimina rerum ab illa avertere, ac disjectis omnibus Polonorum hostibus, Regnum hoc Nobilissimum alma pace beare, & pristinum nitorem ei restituere dignetur. Hoc devotissime ac sincere auctor conscripti Opusculi, ita germanus ejusdem Regni Filius, adversitatibus illius ex animo compatiens, precatur.

(a) Bellum hoc cepit sub Rege *Michaeli Wianio vic-ki*; terminatum vero est regnante *Jonne III. Sobies-ki*, annò 1676. pace *Zuravnovii* 17. Octobris confecta. Hujus in corona petenda rivalis erat *Michael Apasi* is, cui Librum inscripsit *Gronszki*; hic *Sobies-ki* Vienna 1683. Kara *Mustapham* Vezirium, cum quo ante Pacem *Zuravnoviensem* pepigerat, depulit.

	Pag.
A grarius miles quid sit - - -	221
Arciszevski Christophorus apud Hollandos	
Admiralis - - -	107
Augurium Cofaccorum - - -	90
Bathori Steph. Rex Cofaccos more Hajdo-	
num Hungaricorum describit - -	20
- Ejusdem momenta pro tolerantia -	315
Bohun Cofacci ducis technæ - -	131
Carolus Gustavus Polonorum studia obtinet	226
- Polonos ad communia consilia invitat	238
- Grondszkium Legatum ad Cofaccos	
mittit - - -	283
- profligat Polonos, & Sendomiriam liberat	273
- suorum animos erigit - - -	279
- revocatur ad propria tuenda - -	411
Carolus , & Casimirus fratres cum Rákótzio	
candidantur in Reges - - -	82
- in Carolum inclinant - - -	85
Casimiri Factio prævalet - - -	93
- Ejus Coronatio - - -	96
Casimirus denuo abalienat suorum animos -	114
- Ejus castrenses ordines - - -	138
- Castra ad Bereszteczko promovet -	140
- Legatione excolit Rákótzium - -	284
- offert eidem tredecim oppida Scepussii -	285
- Varfaviam expugnat - - -	285
- detrectat auxilia Rákótzii - - -	289
- Moschorum quærit amicitiam - -	299
Cavalleria B. M. V. in Poloniam inducta,	
& extincta - - -	171
Chami Tatarorum ad Polonos monitoria	
Epistola - - -	250
Chmielnicius Hetmanus ornatur a Vladislao	
IV. vexillo, & clava militari - -	39
- Ejus origo, & progressus - - -	40
- per injuriam amittit ditionem Samborov	42
- frustra leges, & jura implorat - -	44
- uxor more Polonis usitato, adempta -	45
- molitionum ejus initia - - -	47
- Cofaccos concitat - - -	ib.
- Consultat de bello Polonis inferendo	49

Index Rerum Memorabiliorum.

	Pag.
- Creatur Hetmanus - - - -	51
- auget exercitum - - - -	61
- ejus epistola ad Vladislaum IV. - -	67
- mortuo rege respondet Kisiel - -	68
- secundo adparat exercitum - -	73
- tertio cogit copias - - - -	99
- Regis Clementiam deprecatur - -	110
- frustra urget foedus Zborovianum -	124
- cauto responso luditur in Comitibus -	125
- Tataros sollicitat - - - -	126
- dein Ottomannicam Portam, & iterum Crimenses - - - -	129
- impedire nititur exercitus Polonici con- junctionem - - - -	134
- turbas facit in Lithvania, & finibus Hungariæ - - - -	130
- vincitur una cum auxiliis Tataricis -	135
- restituit post cladem exercitum -	178
- sollicitat iterum Tataros - - -	181
- quærit animos Polonorum - - -	196
- difficultates sinceræ amicitiae ipse facit	240
- ejus mors - - - -	450
Colloquium ridiculum, & satyricum ad Zborov	112
Cosaccorum gens quondam abjecta - -	Præf.
- sunt reliquiae Russorum - - -	11
- eorum antiquæ sedes - - - -	11
Cosacci nomen quid significet - - -	15
- sunt antemurale Poloniæ contra Tata- ros, & Turcas - - - -	15
- Dunenses unde dicti; eorum sedes -	16
- expugnant Otzakov - - - -	17
- Zaporoviani, eorumque sedes - -	18
- Zadnierspicii - - - -	18
- Ukrainscii - - - -	19
- Registrervi, seu Registrati, qui	20
- in dies aucti - - - -	23
Cosaccici belli causæ complures - -	23 & seq.
Cosaccorum perfidia in bello cum Potoczko gesto - - - -	58
- sæviunt in Nobres, Clerum, Judæos -	71
- promiscuam cædem faciunt in Urbe Narol.	81
- tractatus instituunt - - - -	91
- Dux Hlatkius in Lithvania grassatur -	97
- devictus - - - -	111

Du-

Index Rerum Memorabiliorum.

	Pag.
- Duces Cosaccorum a Radzivilianis ex or- dine vincuntur - - - -	117
- eorum Legionarius Natzaj - - -	127
- furor in res sacras, & nobilitares -	129
- infelix proelium cum Pototzkio, & Kalinovia	130
- veniam petunt a Casimiro - - -	158
- profugiunt ex Castris - - - -	162
Cosacci expugnantur in Trilesy - -	194
- turbas dant domi - - - -	202
- paciscuntur cum Potoczko - - -	213
- a Tataris deseruntur - - - -	223
- Moseis se dedunt - - - -	226
- a quibus libertates suas firmatas obtinent	228
- Rákótzium invocant - - - -	289
- eorum de Rákótzio opinationes - -	365
- profligantur a Polonis - - - -	418
- deserunt Rákótzium - - - -	419
- Causa sunt noti belli Turcici - -	452
Czarnetzki privatus comitia indicit -	257
- profligatur a Succis - - - -	263
Demetrius Czarus Moscorum occisus, quod Catholicam Uxorem haberet - - -	65
Ducatus magnus Russiæ quondam - -	11
- sex Palatinatibus constans - - -	12
In tres Duces Polonos Satyra Chmielnicii -	72
Duxor Cosaccorum Hetmanus dictus -	24
Ducum Casimiri elenchus - - - -	145
Dudek 6 Hungaricos nummos valens -	32
Electiioni novi Regis a morte Vladislai co- mitia destinata - - - -	80
Græcæ Religionis extensio in Polonia -	12
- ejus sectatoribus templa per injuriam eripiuntur - - - -	13
Gronszki socius Legationis ad Cosaccos -	239
- incarceratur per invidiam, & iterum dimittitur	243
- ad Suecos transit - - - -	255
- pro his Legatus ad Cosaccos - - -	283
- fit internuncius Rákótzianus Leopoli -	375
- ejus judicium de Rákótzio II. - -	378
- Rákótzii iram in Præmislicenses placat -	397
- ejus consilia probantur Keményio -	401
- missionem petens a Rákótzianis, retinetur	415
- consilia in præsentis periculo - -	416
- Oratio pro fide Rákótzii - - - -	423

Hlat-

Index Rerum Memorabiliorum.

	Pag.
Hlathius Dux Cosaccorum per Lithvaniam bachatur - - - - -	97
Hungarorum castra Zamofci - - - -	417
Leopoli - - - - -	ib.
& diversis locis - - - - -	418
Jaroslaviam promovet Castra Rakótzii -	392
Imperat. Romanus nomine Polonorum XIII. oppida Scepusii Rakótzio offert, si pa- cem faciat - - - - -	391
Ispán Franciscus cum mille suorum Craco- viam præmittitur - - - - -	389
Judæi redemptores proventuum Baptisni, & Matrimonii - - - - -	32
- produnt consilia Cosaccorum - - - -	52
- Juridicæ elusiones in causa Chmielnicii 44 & f.	380
Kemény Balthasar Frater Joannis infauste perit	
Kemény Joannes Dux Rakótzii præit in Po- loniam auspicato - - - - -	369
- jungitur Rakótzio - - - - -	370
- Captivus cum quibusdam suorum ad Ta- taros desertur - - - - -	442
- Ejus laudes - - - - -	446
Kioviensis Archteppus probat consilia rebel- lionis a Cosaccis inita - - - - -	52
- miræ magnitudinis multa cadavera habet	188
Krhivonus Dux Cosaccorum cadit - - -	70
Legati Imperatoris Germanici veniunt ad Ra- kotzium - - - - -	391
- incassum laborant - - - - -	393
Leopolitani cum Keményio transigunt -	375
Litteræ Restium quid? - - - - -	133
Lubomirski affinis Rakótzium ab hostilitate dehortatur - - - - -	355
- parat impedire progressum Rakótzii -	360
- vastat ejus Hungaricas ditiones - -	411
Lytinski Basilii oratio pro retinendis Eccle- siis græci ritus - - - - -	13
Miles Agrarius quid sit - - - - -	221
Moldaviæ Principis filiam juvenis Chmielnicius uxorem ducit - - - - -	218
Mosci certis pactis invitantur a Polonis -	309
Moscorum expeditiones in Poloniam -	218
Narozaj, Cosaccorum Legionarius - - -	127
Nalevaiko Dux eorundem - - - - -	27

Ne-

Index Rerum Memorabiliorum.

	Pag.
Nester Fejérvár, seu Bielogorod - - -	12
Nuptiæ juvenis Chmielnicii novorum motuum causa - - - - -	218
Ossolinszki Cosaccos jussu Regis concitat -	17
- meticulosus pacem suadet - - - -	107
- ejus mors & Biographia - - - - -	165
- odium in ipsum - - - - -	168
- cogitur deponere titulum S.R.I. Principis	167
- inducit Cavaleriam B. V. M. - - - -	171
- Est Calamitatum multarum causa - -	145
Otzakov expugnarunt Cosacci - - - -	17
Pacis Zborovianæ capita - - - - -	108
Paſta Regis Caſimiri velluntur - - - -	123
Pax nuper confecta per nuptias Filii Chmiel- nicii abrupta - - - - -	218
Perekop vocis etymologia - - - - -	12
Poloni nobiles injuriis affecere Cosaccos -	30
- cæduntur - - - - -	59
- proſigati, & palantes disperguntur -	63
- eorum Castra ad Pilarveza - - - -	74
- Jactatio eorum - - - - -	75
- eorum Dux propudiose castra deserit -	78
- pars exercitus se in tutum recipit -	79
- novos adparatus moluntur in Cosaccos -	98
- eorum agmini posteriori insultant Tataři	103
- Regia castra se tuentur - - - - -	105
- deferere castra coacti - - - - -	132
- Nobilitatis Polonæ in mediis castris querelæ	140
- Nobiles Regi parere nolunt - - - -	163
- Se Reges Regum dicunt - - - - -	170
- Eorum pars se Sueciæ Regi subjicit -	236
- transmiſſo Piltza fluvio Suecos opprimunt	277
- Varſavia expugnata paciſcuntur cum Suecis	288
- inter Polonos, & Suecos acre proelium -	296
- ſolliciti ad Moſchum legatos mittunt -	302
- dein ad Imperatorem Romanum - -	303
- tum ad Turcas - - - - -	ib.
- denique ad Tataros - - - - -	ib.
Potoczki expeditio in Ukrainam contra per- duelles - - - - -	53 & f.
- ejus Filius periit - - - - -	60
Principatum Ruſſiæ origo - - - - -	14
Quartanus miles quid fuerit, ſitque adhuc -	373

Ra-

Index Rerum Memorabiliorum.

	Pag.
Radzivilius vel fama legit victorias . . .	115
. ejus diversi successus . . .	186
. Kioiviam occupat . . .	188
Radzivilius ad Rákótzium I. venit . . .	309
. ejus lites domi Religionariae . . .	318
. defendit se in comitiis . . .	340
Rákótz I. proponitur Polonis eligendus Rex . . .	82
. de hoc censura Polonorum . . .	82
. sperandum, ut Religionem regni causa . . .	84
. commutet . . .	84
. mors ejus intercessit . . .	89
Rákótz II. ad coronam invitatur . . .	238
. cum Suecis, & Cosaccis tractat . . .	290
. exstimulatur a privatis in Poloniam . . .	300
. accedit partibus Suecorum, & Cosaccorum . . .	301
. a morte quidem Patris coluit Polonos, . . .	348
. & juvit . . .	348
. sed diffidere Polonis coepit . . .	351
. ab eo averſi animi Polonorum . . .	353
. simulat amicitiam . . .	355
. eum dehortatur ab hostilitate Lubomirski . . .	356
. Foedus cum Suecis, & Cosaccis facit . . .	357
. capita hujus foederis . . .	357
. Expeditionem adgreditur molesta anni . . .	361
. tempestate . . .	361
. a qua Legatus Moschorum frustra dehortatur . . .	362
. ad Leopolum moras neſtere cogitur . . .	371
. ei offeruntur XIII. oppida Scepuſii . . .	391
. promovet Jaroslaviam castra . . .	392
. in Præmiſienſes ſævire parat . . .	395
. cum Rege Sueciae convenit . . .	407
. Cracoviam obtinet . . .	ib.
. Legati ipſius in Porta male habentur . . .	408
. detreſtat inita cum Suecis pacta firmare . . .	411
. ejus Bona vaſtantur in Hungaria . . .	411
. obtentæ Varſaviae præſidium imponit . . .	412
. atque iterum educit a Suecis deſertus . . .	ib.
. Res ipſius perturbantur . . .	413
. Sui reditum urgent . . .	413
. fugiunt . . .	419
. infeſtantur a Polonis . . .	420
. ultimo cum Polonis tranſigit . . .	421
. Reditum in Patriam urget . . .	426
. Ejus ſupellex ſalvatur . . .	430

Leo-

Index Rerum Memorabiliorum.

	Pag.
. Leopolum verſus ire prohibetur . . .	434
. Fugam per devia capere cogitur . . .	439
. ejus exitia . . .	444
Samboriani ob trucidatum Balthaſarem Ke- . . .	386
. mény in periculo ſunt . . .	22
Sloboda nova inter Cosaccos Colonia . . .	231
Sueciae Rex metum Polonis incutit . . .	293
. Legatum Galliae paulo difficilius habet . . .	350
. cur ei faverint Poloni . . .	288
Sueci Varſaviae paciſcuntur cum Polonis . . .	296
. inter eos & Polonos acre prælium . . .	407
Szczeptſéni cum Legatis Cæſareis cœteris . . .	12
. impedire Rákótzium volunt . . .	50
Tatari Præcopenſes unde dicti . . .	76
. eos in ſocietatem adſciſcunt Cosacci . . .	145
. auxilia ferunt . . .	155
. eorum Chamus pacta cum Polonis reno- . . .	222
. vare cupit . . .	252
. & . . .	253
. a Cosaccis abalienantur . . .	429
. Polonia contra Suecos, Rakóczium, & . . .	218
. Cosaccos in auxilium veniunt . . .	59
. vincunt Moscos . . .	315
. imminent Rákótzianis . . .	95
Timothei Chmielnicii cum Filia Moldaviae . . .	12
. Palatini nuptiae . . .	19
Tohaibegus . . .	344
De Tolerantia ſenſa Bathori Regis . . .	36
Tormentum quod Orphanus dicebatur . . .	38
Tyræ ſi. origo, & oſtia . . .	35
Ukrainæ Etymologia . . .	64
Unitariorum Confessionis Formula, quod . . .	65
. judicium tulit in Polonia . . .	66
Vladislaus I. Rex Hung. non impune violavit . . .	ib.
. foedus iſtum cum Amurathe . . .	150
Vladislaus IV. Rex Pol. imprudens Cosaccos . . .	191
. contra Turcas excitat . . .	
. ejus fruſtratae molitiones . . .	
. mors . . .	
. quondam felix in Turcas . . .	
. Prussia recuperat . . .	
. in Moschos victor fuit . . .	
Victoria non incruenta Polonorum . . .	
Viſniovietzki Jeremiae laus, & biographia . . .	

Za-

Index Rerum Memorabiliorum.

	Pag.
Zamoyski Pol. Exercitus Dux . . .	25
Zamoſciæ urbis descriptio . . .	36
. ejus tunc firmitas . . .	88
- obſidetur . . .	89
Zbaraz urbis oppugnatio . . .	101
Zborovianæ Pacis capita . . .	108

AB

First Ruffiae

⁹⁸¹⁵⁰
Ruffiae aprot.

149^a

#

